

Suttantapīṭake Saṃyuttanikāye

Nidānavaggaṇāyā ca Khandhavaggaṇāyā ca

Samvaṇṇanābhūtā

Bhadantamahābuddhaghosattherena katā

Sāratthappakāsinī nāma

SAM̐YUTTATṬHAKATHĀ

(Dutiyo bhāgo)



Buddhavasse 2552

Marammavasse 1370

AD. 2008

Romanized from Myanmar version published in 1957

© Buddhasāsana Society

Aṭṭhakathā Series 15

First published in 2008 by Ministry of Religious Affairs

Yangon, Myanmar

THE PĀLI ALPHABET
IN BURMESE AND ROMAN CHARACTERS

VOWELS

အ a အာ ā ဣ i ဤ ī ဥ u ဦ ū ဧ e ဩ o

CONSONANTS WITH VOWEL "A"

က ka	ခ kha	ဂ ga	ဃ gha	င ṅa
စ ca	ဆ cha	ဇ ja	ဈ jha	ည ṇa
ဋ ta	ဌ tha	ဍ ḍa	ဎ ḍha	ဏ ṇa
တ ta	ထ tha	ဒ da	ဓ dha	န na
ပ pa	ဖ pha	ဗ ba	ဘ bha	မ ma

ယ ya ရ ra လ la ဝ va သ sa တ ha ဠ ḷa ၵ ṁ

VOWELS IN COMBINATION

-၁ ၵ = ā ၵ = i ၵ = ī ၵ - ၵ = u ၵ - ၵ = ū - = e -၁ ၵ = o

က ka	ကာ kā	ကိ ki	ကီ kī	ကု ku	ကူ kū	ကေ ke	ကော ko
ခ kha	ခါ khā	ခိ khi	ခီ khī	ခု khu	ခု khū	ခေ khe	ခေါ kho ...

CONJUNCT-CONSONANTS

ကက kka	ဃ န္ဂha	ဏ န္ဓha	ဈ သ္ဃa	ဠ ပာ	ဣ လာ
ကွ kka	ဣ င္ဂa	ဣ န္ဓa	ဣ သ္ဃa	ဣ ပာ	ဣ လာ
ကျ kya	ဣ င္ဂha	ဣ န္ဓa	ဣ န္ဓa	ဣ ဗ္ဃa	ဣ လာ
ကြ kri	ဣ ဣa	ဣ န္ဓa	ဣ န္ဓa	ဣ ဗ္ဃa	ဣ ဖာ
ကလ kla	ဣ ဣာ	ဣ တာ	ဣ န္ဓha	ဣ ဗာ	ဣ တာ
ကွ kva	ဣ ဣာ	ဣ တာ	ဣ န္ဓa	ဣ မာ	ဣ တာ
ချ khya	ဣ ဣာ	ဣ တာ	ဣ န္ဓa	ဣ မာ	ဣ တာ
ခွ khva	ဣ ဣာ	ဣ တာ	ဣ န္ဓa	ဣ မာ	ဣ တာ
ဂွ gga	ဣ ဣာ	ဣ တာ	ဣ န္ဓa	ဣ မာ	ဣ တာ
ဣွ ggha	ဣ ဣာ	ဣ တာ	ဣ န္ဓa	ဣ မာ	ဣ တာ
ဂျ gya	ဣ ဣာ	ဣ တာ	ဣ န္ဓa	ဣ မာ	ဣ တာ
ဂြ gra	ဣ တာ	ဣ သာ	ဣ ပာ	ဣ မာ	ဣ တာ
ကံ ṅka	ဣ တာ	ဣ သာ	ဣ ပာ	ဣ မာ	ဣ တာ
နံ ṅkha	ဣ တာ	ဣ သာ	ဣ ပာ	ဣ မာ	ဣ တာ
ဂံ ṅga					

၁	၂	၃	၄	၅	၆	၇	၈	၉	၀
1	2	3	4	5	6	7	8	9	0

Nidānavaggasaṃyuttaṭṭhakathā

Mātikā

Piṭṭhaṅka

1. Nidānasamyutta

1. Buddhavagga

1. Paṭiccasamuppādasuttavaṇṇanā	1
2. Vibhaṅgasuttavaṇṇanā	10
3. Paṭipadāsuttavaṇṇanā	18
4. Vipassīsuttavaṇṇanā	19
5-10. Sikhīsuttādivaṇṇanā	21

2. Āhāravagga

1. Āhārasuttavaṇṇanā	21
2. Moḷiyaphaggunasuttavaṇṇanā	28
3. Samaṇabrāhmaṇasuttavaṇṇanā	30
4. Dutiyasamaṇabrāhmaṇasuttavaṇṇanā	31
5. Kaccānagottasuttavaṇṇanā	31
6. Dhammakathikasuttavaṇṇanā	32
7. Acelakassapasuttavaṇṇanā	33
8. Timbarukasuttavaṇṇanā	36
9. Bālaṇḍitasuttavaṇṇanā	36
10. Paccayasuttavaṇṇanā	38

3. Dasabalavagga

1. Dasabalasuttavaṇṇanā	41
2. Dutiyadasabalasuttavaṇṇanā	41
3. Upanisasuttavaṇṇanā	49

Mātikā	Piṭṭhaṅka
4. Aññatitthiyasuttavaṇṇanā	52
5. Bhūmijasuttavaṇṇanā	53
7. Paccayasuttavaṇṇanā	55
9. Samaṇabrāhmaṇasuttavaṇṇanā	55
4. Kaḷārakhattiyavagga			
1. Bhūtasuttavaṇṇanā	56
2. Kaḷārasuttavaṇṇanā	57
3. Ñāṇavatthusuttavaṇṇanā	62
4. Dutiyañāṇavatthusuttavaṇṇanā	63
5. Avijjāpaccayasuttavaṇṇanā	63
6. Dutiya-avijjāpaccayasuttavaṇṇanā	64
7. Natumhasuttavaṇṇanā	65
8. Cetanāsuttavaṇṇanā	65
9. Dutiyacetanāsuttavaṇṇanā	67
10. Tatiyacetanāsuttavaṇṇanā	67
5. Gahapativagga			
1. Pañcaverabhayasuttavaṇṇanā	67
2. Dutiyapañcaverabhayasuttavaṇṇanā	68
3. Dukkhasuttavaṇṇanā	69
4. Lokasuttavaṇṇanā	69
5. Ñātikasuttavaṇṇanā	69
6. Aññatarabrāhmaṇasuttavaṇṇanā	70
7. Jānussonisuttavaṇṇanā	70
8. Lokāyatikasuttavaṇṇanā	70
9. Ariyasāvakasuttavaṇṇanā	70
10. Dutiya-ariyasāvakasuttavaṇṇanā	71

Mātikā

Piṭṭhaṅka

6. Dukkhavagga

1. Parivīmaṃsanāsuttavaṇṇanā	71
2. Upādānasuttavaṇṇanā	75
3. Saṃyojanāsuttavaṇṇanā	77
4. Dutiyasāmyojanāsuttavaṇṇanā	77
5. Mahārukkhasuttavaṇṇanā	77
6. Dutiyamahārukkhasuttavaṇṇanā	78
7. Taruṇarukkhasuttavaṇṇanā	79
10. Nidānasuttavaṇṇanā	79

7. Mahāvagga

1. Assutavāsuttavaṇṇanā	90
2. Dutiya-assutavāsuttavaṇṇanā	93
3. Puttamāṃsūpamasuttavaṇṇanā	94
4. Atthirāgasuttavaṇṇanā	105
5. Nāgarasuttavaṇṇanā	106
6. Sammasasuttavaṇṇanā	110
7. Naḷakalāpīsuttavaṇṇanā	112
8. Kosambisuttavaṇṇanā	113
9. Upayantisuttavaṇṇanā	114
10. Susimasuttavaṇṇanā	114

8. Samaṇabrāhmaṇavagga

1. Jarāmaṇasuttādivaṇṇanā	118
---------------------------	-----	-----	-----

9. Antarapeyyāla

1. Satthusuttādivaṇṇanā	118
-------------------------	-----	-----	-----

Mātikā

Piṭṭhaṅka

2. Abhisamayasaṃyutta

1. Nakhasikhāsuttavaṇṇanā	119
2. Pokkharāṇīsuttavaṇṇanā	119
3. Saṃbhejja-udakasuttādivaṇṇanā	119
5. Pathavīsuttādivaṇṇanā	120

3. Dhātusaṃyutta**1. Nānattavagga**

1. Dhātunānattasuttavaṇṇanā	121
2. Phassanānattasuttavaṇṇanā	121
3. Nophassanānattasuttavaṇṇanā	121
4. Vedanānānattasuttavaṇṇanā	122
5. Dutiyavedanānānattasuttavaṇṇanā	122
6. Bāhiradhātunānattasuttavaṇṇanā	122
7. Saññānānattasuttavaṇṇanā	122
8. Nopariyesanānānattasuttavaṇṇanā	123
9. Bāhiraphassanānattasuttādivaṇṇanā	123

2. Dutiyavagga

1. Sattadhātusuttavaṇṇanā	124
2. Sanidānasuttavaṇṇanā	125
3. Giṇṇjakāvasathasuttavaṇṇanā	128
4. Hīnādhimuttikasuttavaṇṇanā	129
5. Caṅkamasuttavaṇṇanā	129
6. Sagāthāsuttavaṇṇanā	131
7. Assaddhasaṃsandanasuttavaṇṇanā	131
8-12. Assaddhamūlakasuttādivaṇṇanā	132

Mātikā

Piṭṭhaṅka

3. Kammaṭṭhavagga

1-2. Asamāhitasuttādivaṇṇanā	132
3-5. Pañcasikkhāpadasuttādivaṇṇanā	133
6. Aṭṭhaṅgikasuttavaṇṇanā	140
7. Dasāṅgasuttavaṇṇanā	140

4. Catutthavagga

1. Catudhātusuttavaṇṇanā	141
2. Pubbesambodhasuttavaṇṇanā	141
3. Acariṃsuttavaṇṇanā	143
4. Nocedaṃsuttavaṇṇanā	144
5. Ekantadukkhassuttavaṇṇanā	144
6-10. Abhinandasuttādivaṇṇanā	144

4. Anamataggasāṃyutta**1. Paṭhamavagga**

1. Tiṇakaṭṭhasuttavaṇṇanā	145
2. Pathavīsuttavaṇṇanā	145
3. Assusuttavaṇṇanā	146
4. Khīrasuttavaṇṇanā	146
5. Pabbatasuttavaṇṇanā	146
6. Sāsapasuttavaṇṇanā	147
7. Sāvakasuttavaṇṇanā	147
8-9. Gaṅgāsuttādivaṇṇanā	147
10. Puggalasuttavaṇṇanā	147

2. Dutiyavagga

1. Duggatasuttavaṇṇanā	148
2. Sukhitasuttavaṇṇanā	148

Mātikā	Piṭṭhaṅka
3. Tiṃsamattasuttavaṇṇanā	148
4-9. Mātusuttādivaṇṇanā	148
10. Vepullapabbatasuttavaṇṇanā	149

5. Kassapasamyutta

1. Santuṭṭhasuttavaṇṇanā	150
2. Anottappīsuttavaṇṇanā	153
3. Candūpamasuttavaṇṇanā	154
4. Kulūpakasuttavaṇṇanā	158
5. Jiṇṇasuttavaṇṇanā	158
6. Ovādasuttavaṇṇanā	161
7. Dutiya-ovādasuttavaṇṇanā	162
8. Tatiya-ovādasuttavaṇṇanā	162
9. Jhānābhiññasuttavaṇṇanā	162
10. Upassayasuttavaṇṇanā	163
11. Cīvarasuttavaṇṇanā	164
12. Parammaraṇasuttavaṇṇanā	185
13. Saddhammapatirūpakasuttavaṇṇanā	186

6. Lābhasakkārasamyutta

1. Paṭhamavagga

1. Dāruṇasuttavaṇṇanā	190
2. Baḷisasuttavaṇṇanā	190
3-4. Kummasuttādivaṇṇanā	190
5. Mīḷhakasuttavaṇṇanā	191
6. Asanisuttavaṇṇanā	191
7. Diddhasuttavaṇṇanā	191
8. Siṅgālasuttavaṇṇanā	192

Mātikā	Piṭṭhaṅka
9. Verambhasuttavaṇṇanā	192
10. Sagāthakasuttavaṇṇanā	192
2. Dutiyavagga			
1-2. Suvaṇṇapātisuttādivaṇṇanā	193
3-10. Suvaṇṇanikkhasuttādivaṇṇanā	193
3. Tatiyavagga			
1-2. Mātugāmasuttādivaṇṇanā	193
3-6. Ekaputtakasuttādivaṇṇanā	193
7. Tatiyasamaṇabrāhmaṇasuttavaṇṇanā	194
8. Chavisuttavaṇṇanā	194
9. Rajjusuttavaṇṇanā	194
10. Bhikkhusuttavaṇṇanā	194
4. Catutthavagga			
1-4. Bhindisuttādivaṇṇanā	194
5. Acirapakkantasuttavaṇṇanā	195
6. Pañcarathasatasuttavaṇṇanā	195
7-13. Mātusuttādivaṇṇanā	195
7. Rāhulasamīyutta			
1. Paṭhamavagga			
1-8. Cakkhusuttādivaṇṇanā	196
9. Dhātusuttavaṇṇanā	196
10. Khandhasuttavaṇṇanā	197
2. Dutiyavagga			
1-10. Cakkhusuttādivaṇṇanā	197
11. Anusayasuttavaṇṇanā	197
12. Apagatasuttavaṇṇanā	197

Mātikā

Piṭṭhaṅka

8. Lakkhaṇasaṃyutta**1. Paṭhamavagga**

1. Aṭṭhisuttavaṇṇanā	199
2. Pesisuttavaṇṇanā	201
3. Piṇḍasuttavaṇṇanā	201
4. Nicchavisuttavaṇṇanā	201
5. Asilomasuttavaṇṇanā	202
6. Sattisuttavaṇṇanā	202
7. Usulomasuttavaṇṇanā	202
8. Sūcilomasuttavaṇṇanā	202
9. Dutiyasūcilomasuttavaṇṇanā	202
10. Kumbhaṇḍasuttavaṇṇanā	203

2. Dutiyavagga

1. Sasīsakasuttavaṇṇanā	203
2. Gūthakhādasuttavaṇṇanā	203
3. Nicchavitthisuttavaṇṇanā	203
4. Maṅgulitthisuttavaṇṇanā	204
5. Okilinīsuttavaṇṇanā	204
6. Asīsakasuttavaṇṇanā	204
7-11. Pāpabhikkhusuttādivaṇṇanā	205

9. Opammasaṃyutta

1. Kūṭasuttavaṇṇanā	206
2. Nakhasikhasuttavaṇṇanā	206
3. Kulasuttavaṇṇanā	206
4. Okkhāsuttavaṇṇanā	206
5. Sattisuttavaṇṇanā	207

Mātikā		Piṭṭhaṅka
6. Dhanuggahasuttavaṇṇanā	...	207
7. Āṇisuttavaṇṇanā	...	209
8. Kaliṅgarasuttavaṇṇanā	...	211
9. Nāgasuttavaṇṇanā	...	212
10. Bilārasuttavaṇṇanā	...	213
11. Siṅgālasuttavaṇṇanā	...	213
12. Dutiyasiṅgālasuttavaṇṇanā	...	213

10. Bhikkhusaṃyutta

1. Kolitasuttavaṇṇanā	...	214
2. Upatissasuttavaṇṇanā	...	214
3. Ghaṭasuttavaṇṇanā	...	215
4. Navasuttavaṇṇanā	...	216
5. Sujātasuttavaṇṇanā	...	216
6. Lakūṇḍakabhaddiyasuttavaṇṇanā	...	217
7. Visākhasuttavaṇṇanā	...	219
8. Nandasuttavaṇṇanā	...	219
9. Tissasuttavaṇṇanā	...	220
10. Theranāmakasuttavaṇṇanā	...	222
11. Mahākappinasuttavaṇṇanā	...	223
12. Sahāyakasuttavaṇṇanā	...	227

Nidānavaggasaṃyuttaṭṭhakathāya mātikā niṭṭhitā.

Khandhavaggasaṃyuttaṭṭhakathā

Mātikā

Piṭṭhāṅka

1. Khandhasaṃyutta

1. Nakulapituvagga

1. Nakulapitusuttavaṇṇanā	229
2. Devadahāsuttavaṇṇanā	236
3. Hālidikānisuttavaṇṇanā	238
4. Dutiyahālidikānisuttavaṇṇanā	241
5. Samādhisuttavaṇṇanā	241
6. Paṭisallāṇasuttavaṇṇanā	241
7. Upādāparitassanāsuttavaṇṇanā	241
8. Dutiya-upādāparitassanāsuttavaṇṇanā	242
9. Kālattaya-aniccasuttavaṇṇanā	242
10-11. Kālattaya-dukhasuttādivaṇṇanā	242

2. Aniccavagga

1-10. Aniccasuttādivaṇṇanā	242
----------------------------	-----	-----	-----

3. Bhāravagga

1. Bhārasuttavaṇṇanā	243
2. Pariññāsuttavaṇṇanā	244
3. Abhijānasuttavaṇṇanā	244
4-9. Chandarāgasuttādivaṇṇanā	244
10. Aghamūlasuttavaṇṇanā	244
11. Pabhaṅgusuttavaṇṇanā	244

Mātikā	Piṭṭhaṅka
4. Natumhākavagga	
1. Natumhākasuttavaṇṇanā	244
2. Dutīyanatumhākasuttavaṇṇanā	245
3. Aññatarabhikkhusuttavaṇṇanā	245
4. Dutīya-aññatarabhikkhusuttavaṇṇanā	245
5-6. Ānandasuttādivaṇṇanā	245
7-10. Anudhammasuttādivaṇṇanā	246
5. Attadīpavagga	
1. Attadīpasuttavaṇṇanā	247
2. Paṭipadāsuttavaṇṇanā	247
3. Aniccasuttavaṇṇanā	248
4. Dutīya-aniccasuttavaṇṇanā	248
5. Samanupassanāsuttavaṇṇanā	248
6. Khandhasuttavaṇṇanā	249
7-8. Soṇasuttādivaṇṇanā	250
9-10. Nandikkhayasuttādivaṇṇanā	250
(6) 1. Upayavagga	
1. Upayasuttavaṇṇanā	250
2. Bījasuttavaṇṇanā	250
3. Udānasuttavaṇṇanā	251
4. Upādānaparipavattasuttavaṇṇanā	254
5. Sattaṭṭhānasuttavaṇṇanā	255
6. Sammāsambuddhasuttavaṇṇanā	256
7. Anattalakkhaṇasuttavaṇṇanā	256
8. Mahālisuttavaṇṇanā	256
9. Ādittasuttavaṇṇanā	257
10. Niruttipathasuttavaṇṇanā	257

Mātikā

Piṭṭhaṅka

(7) 2. Arahantavagga

1. Upādiyamānasuttavaṇṇanā	258
2. Maññamānasuttavaṇṇanā	258
3. Abhinandamānasuttavaṇṇanā	258
4-6. Aniccasuttādivaṇṇanā	258
7. Anattaniyasuttavaṇṇanā	258
8-10. Rajanīyasaṅṭhitasuttādivaṇṇanā	259

(8) 3. Khajjanīyavagga

1-3. Assādasuttādivaṇṇanā	259
4. Arahantasuttavaṇṇanā	259
5. Dutīya-arahantasuttavaṇṇanā	261
6. Sīhasuttavaṇṇanā	261
7. Khajjanīyasuttavaṇṇanā	266
8. Piṇḍolyasuttavaṇṇanā	274
9. Pālīleyyasuttavaṇṇanā	279
10. Puṇṇamasuttavaṇṇanā	282

(9) 4. Theravagga

1. Ānandasuttavaṇṇanā	283
2. Tissasuttavaṇṇanā	284
3. Yamakasuttavaṇṇanā	284
4. Anurādhasuttavaṇṇanā	286
5. Vakkalisuttavaṇṇanā	287
6. Assajisuttavaṇṇanā	289
7. Khemakasuttavaṇṇanā	289
8. Channasuttavaṇṇanā	291
9-10. Rāhulasuttādivaṇṇanā	292

Mātikā

Piṭṭhaṅka

(10) 5. Pupphavagga

1. Nadīsuttavaṇṇanā	292
2. Pupphasuttavaṇṇanā	293
3. Pheṇapiṇḍūpamasuttavaṇṇanā	293
4-6. Gomayapiṇḍasuttādivaṇṇanā	297
7. Gaddulabaddhasuttavaṇṇanā	298
8. Dutiyagaddulabaddhasuttavaṇṇanā	299
9. Vāsijaṭasuttavaṇṇanā	300
10. Aniccasaññāsuttavaṇṇanā	303

(11) 1. Antavagga

1. Antasuttavaṇṇanā	304
2-3. Dukkhasuttādivaṇṇanā	304
4. Pariññeyyasuttavaṇṇanā	304
5-10. Samaṇasuttādivaṇṇanā	304

(12) 2. Dhammakathikavagga

1-2. Avijjāsuttādivaṇṇanā	305
3. Dhammakathikasuttavaṇṇanā	305
4. Dutiyadharmakathikasuttavaṇṇanā	305
5-9. Bandhanasuttādivaṇṇanā	305
10. Sīlavantasuttavaṇṇanā	305
11. Sutavantasuttavaṇṇanā	306
12-13. Kappasuttādivaṇṇanā	306

(13) 3. Avijjāvagga

1-10. Samudayadhammasuttādivaṇṇanā	306
------------------------------------	-----	-----	-----

(14) 4. Kukkuḷavagga

1-14. Kukkuḷasuttādivaṇṇanā	306
-----------------------------	-----	-----	-----

Mātikā

Piṭṭhaṅka

(15) 5. Diṭṭhivagga

1-9. Ajjhattasuttādivaṇṇanā	307
10. Ānandasuttavaṇṇanā	307

2. Rādhasaṃyutta**1. Paṭhamavagga**

1. Mārasuttavaṇṇanā	308
2-10. Sattasuttādivaṇṇanā	308

2. Dutiyavagga

1-12. Mārasuttādivaṇṇanā	308
--------------------------	-----	-----	-----

3-4. Āyācanavaggādi

1-11. Mārādisutta-ekādasakavaṇṇanā	309
------------------------------------	-----	-----	-----

3. Diṭṭhisāmyutta**1. Sotāpattivagga**

1. Vātasuttavaṇṇanā	310
2-4. Etaṃmamasuttādivaṇṇanā	310
5. Natthidinnasuttavaṇṇanā	311
6. Karotosuttavaṇṇanā	312
7. Hetusuttavaṇṇanā	313
8-10. Mahādiṭṭhisuttādivaṇṇanā	313
11-18. Antavāsuttādivaṇṇanā	316

2. Dutiyagamanādivaggavaṇṇanā	317
--------------------------------------	-----	-----	-----

4. Okkantasaṃyutta

1-10. Cakkhusuttādivaṇṇanā	317
----------------------------	-----	-----	-----

Mātikā		Piṭṭhaṅka
	5. Upādasāṃyuttavaṇṇanā	... 318
	6. Kilesasāṃyuttavaṇṇanā	... 318
	7. Sāriputtasāṃyutta	
1-9.	Vivekajasuttādivaṇṇanā 318
10.	Sucimukhīsuttavaṇṇanā 318
	8. Nāgasāṃyutta	
1.	Suddhikasuttavaṇṇanā 319
2-50.	Paṇītatarasuttādivaṇṇanā 320
	9. Supaṇṇasāṃyuttavaṇṇanā	... 320
	10. Gandhabbakāyasāṃyuttavaṇṇanā	... 321
	11. Valāhakasāṃyuttavaṇṇanā	... 321
	12. Vacchagottasāṃyuttavaṇṇanā	... 323
	13. Jhānasāṃyutta	
1.	Samādhimūlakasamāpattisuttavaṇṇanā 323
2-55.	Samādhimūlakaṭṭhitisuttādivaṇṇanā 323

Khandhavaggasaṃyuttaṭṭhakathāya mātikā niṭṭhitā.

Nidānavagga

Samyuttaṭṭhakathā

Namo tassa Bhagavato Arahato Sammāsambuddhassa.

1. Nidānasamyutta

1. Buddhavagga

1. Paṭiccasamuppādasuttavaṇṇanā

1. **Evam me sutanti** Nidānavagge paṭhamam Paṭiccasamuppādasuttam. Tatrāyam anupubbapadavaṇṇanā—**tatra kho Bhagavā bhikkhū āmantesīti** ettha¹ **tatrāti** desakālaparidīpanam. Tam hi “yam samayam viharati, tatra² samaye, yasmīṅca Jetavane viharati, tatra Jetavane”ti dīpeti. Bhāsitaḥḥayutte vā desakāle³ dīpeti. Na hi Bhagavā ayutte dese kāle ca dhammam bhāsati. “Akālo kho tāva bāhiyā”ti-ādi⁴ cettha sādhamam. **Khoti** padapūraṇamatte, avadhāraṇe⁵ ādikālatthe vā nipāto. **Bhagavāti** lokagarudīpanam. **Bhikkhūti** kathāsavanayuttapuggalavacanam. Apicettha “bhikkhakoti bhikkhu, bhikkhācariyam ajjhūpagatoti bhikkhū”ti-ādinā⁶ nayena vacanattho veditabbo. **Āmantesīti** ālapi abhāsi sambodhesi, ayamettha attho. Aññatra pana nāpanepi⁷ hoti. Yathāha

1. Tattha (Sī), tatra (Syā)

2. Tasmim (Sī)

3. Desakāleti (Sī)

4. Khu 1. 85 piṭṭhe.

5. Avadhāraṇatthe (Sī)

6. Vi 1. 28; Abhi 2. 254 piṭṭhesu.

7. Viññāpanepi (Syā)

“āmantayāmi vo bhikkhave, paṭivedayāmi vo bhikkhave”ti. Pakkosanepi. Yathāha “ehi tvaṃ bhikkhu mama vacanena Sāriputtaṃ āmantehi”ti¹.

Bhikkhavoti āmantanākāradīpanaṃ. Tañca bhikkhanasīlatādiguṇayogasiddhattā vuttaṃ. Bhikkhanasīlatāguṇayuttopi hi bhikkhu, bhikkhanadhammatāguṇayuttopi bhikkhane sādhu-kāritāguṇayuttopīti saddavidū maññanti. Tena ca tesāṃ bhikkhanasīlatādiguṇayogasiddhena vacanena hīnādhikajanasevitavuttiṃ pakāseto uddhatadīnabhāvaniggahaṃ karoti. “Bhikkhavo”ti iminā ca karuṇāvippahārasommahadayanayanānipātapubbaṅgamena vacanena² te attano abhimukhe karonto teneva kathetukamyatādīpakena nesaṃ vacanena sotukamyataṃ janeti, teneva ca sambodhanatthena sādhu-kāṃ manasikārepi niyojati. Sādhu-kāṃ manasikārāyattā³ hi sāsanasampatti.

Aparesupi devamanussesu vijjamaṇesu kasmā bhikkhūyeva āmantesīti ce. Jeṭṭhaseṭṭhāsannasādāsannihitabhāvato. Sabbaparisasādharāṇā hi Bhagavato dhammadesanā, parisāya jeṭṭhā bhikkhū paṭhamaṃ uppannattā, seṭṭhā anagāriyabhāvaṃ ādīṃ katvā Satthucariyānuvidhāyakattā sakalasāsanapaṭiggāhakattā ca, āsannā tattha nisinesu Satthusantikattā, sadāsannihitā Satthusantikāvacarattāti. Apica te dhammadesanāya bhājanāṃ yathānusiṭṭhaṃ paṭipattisabbhāvato. Visesato ca ekacce bhikkhūyeva sandhāya ayaṃ desanāpīti evaṃ āmantesi.

Kimatthaṃ pana Bhagavā dhammaṃ desento paṭhamaṃ bhikkhū āmantesi, na dhammameva desesīti. Satijananatthaṃ. Bhikkhū aññaṃ cintentāpi vikkhittacittāpi dhammaṃ paccavekkhantāpi kammaṭṭhānaṃ manasikarontāpi nisinnā honti, te anāmantetvā dhamme desiyamāne “ayaṃ desanā kiṃnidānā kiṃpaccayā katamāya aṭṭhuppattiyā desitā”ti sallakkhetuṃ asakkontā duggahitaṃ vā gaṇheyyuṃ, na vā gaṇheyyuṃ, tena nesaṃ satijananatthaṃ Bhagavā paṭhamaṃ āmantetvā pacchā dhammaṃ deseti.

Bhadanteti gāravavacanametāṃ, Satthuno paṭivacanadānaṃ vā. Apicettha “bhikkhavo”ti vadamāno Bhagavā bhikkhū ālapati. “Bhadante”ti vadamānā te Bhagavantaṃ paccālapanti. Tathā hi “bhikkhavo”ti Bhagavā ābhāsati,

1. Am 3. 181 piṭṭhe.

2. ...nihitapubbaṅgamavacanena (Sī)

3. Manasikārayuttā (Syā)

“bhadante”ti paccābhāsanti. “Bhikkhavo”ti paṭivacanaṃ dāpeti, “bhadante”ti paṭivacanaṃ denti. **Te bhikkhūti** ye¹ Bhagavā āmantesi, te. Bhagavato **paccassosunti** Bhagavato āmantanaṃ pati-assosum, abhimukhā hutvā suṇimsu sampaṭicchimsu paṭiggahesunti attho. **Bhagavā etadavocāti** Bhagavā etaṃ idāni vattabbaṃ sakalasuttaṃ avoca. Ettāvataṃ yaṃ āyasmataṃ Ānandena atthabyañjanasampannassa Buddhānaṃ desanāññāṇagambhīrabhāvasaṃsūcakassa imassa suttassa sukhāvagāhaṇatthaṃ kāladesadesakaparisāpadesappaṭimaṇḍitaṃ nidānaṃ bhāsitaṃ, tassa atthavaṇṇanā samattā.

Idāni **paṭiccasamuppādaṃ** voti-ādinā nayena Bhagavatā nikkhittassa suttassa saṃvaṇṇanāya okāso anuppatto. Sā panesā suttavaṇṇanā yasmā suttanikkhepaṃ vicāretvā vuccamānā pākaṭā hoti, tasmā suttanikkhepaṃ tāva vicāressāma. Cattāro hi suttanikkhepā—attajjhāsayo, parajjhāsayo, pucchāvasiko, aṭṭhuppattikoti. Tattha yāni suttāni Bhagavā parehi anajjhittā kevalaṃ attano ajjhāsayeneva katheti, seyyathidaṃ? Dasabalasuttantahāra² Candopamaviṇopamasammappadhāna-iddhipāda-indriyabalabojjhaṅgamaggaṅgasuttantahārakoti evamādīni, tesāṃ **attajjhāsayo** nikkhepo.

Yāni pana “paripakkā kho Rāhulassa vimuttiparipācanīyā dhammā, yaṃnūnāhaṃ Rāhulaṃ uttarim āsavānaṃ khaye vineyyan”ti³ evaṃ paresaṃ ajjhāsayaṃ khantiṃ nijjhānakkhamaṃ⁴ manāṃ abhinīhāraṃ bujjanabhāvañca apekkhitvā parajjhāsayavasena kathitāni, seyyathidaṃ? Cūlarāhulovādasuttaṃ Mahārāhulovādasuttaṃ Dhammacakkappavattanaṃ Anattalakkhaṇasuttaṃ Āsivisopamasuttaṃ Dhātuvibhaṅgasuttanti evamādīni, tesāṃ **parajjhāsayo** nikkhepo.

Bhagavantaṃ pana upasaṅkamitvā catasso parisā cattāro vaṇṇā nāgā supaṇṇā gandhabbā asurā yakkhā mahārājāno Tāvatiṃsādayo devā mahābrahmāti evamādayo “bojjhaṅgā bojjhaṅgāti bhante vuccanti, nīvaraṇā nīvaraṇāti bhante vuccanti⁵, ime nu kho bhante pañcupādānakkhandhā, kiṃsūda vittaṃ purisassa seṭṭhan”ti-ādinā⁶ nayena pañhaṃ pucchanti. Evaṃ puṭṭhena Bhagavatā

1. Ye ca (Sī, Ka)

2. Sakalasuttantahāra² (Sī), vasalasuttantahāra² (Syā)

3. Saṃ 2. 324; Ma 3. 325 piṭṭhesu.

4. Nijjhājakkhamataṃ (Sī)

5. Saṃ 3. 75 piṭṭhe.

6. Saṃ 1. 216; Khu 1. 306 piṭṭhesu.

yāni kathitāni bojjaṅgasāmyuttādīni, yāni vā panaññānīpi Devatāsāmyutta Mārasāmyutta Brahasāmyutta Sakkapañha Cūḷavedalla Mahāvedalla Sāmaññaphala-āḷavaka Sūciloma Kharalomasuttādīni, tesam **pucchāvasiko** nikkhepo.

Yāni pana tāni uppannam kāraṇam paṭicca kathitāni, seyyathidam? Dhammadāyādam Cūḷasīhanādasuttam puttamaṃsūpamam dārukkhandhūpamam aggikkhandhūpamam pheṇapiṇḍūpamam pārīcchattakūpamanti evamādīni, tesam **aṭṭhuppattiko** nikkhepo.

Evametesu catūsu nikkhepesu imassa paṭiccasamuppādasuttassa parajjhāsayo nikkhepo. Parapuggalajjhāsayasena hidam Bhagavatā nikkhittam. Katamesam puggalānam ajjhāsayasena? Ugghaṭitaññūnam. Cattāro hi puggalā ugghaṭitaññū vipaṇcitaññū neyyo padaparamoti. Tattha yassa puggalassa saha udāhaṭavelāya dhammābhisamayo hoti, ayam vuccati puggalo **ugghaṭitaññū**. Yassa puggalassa saṃkhittena bhāsītassa vitthārena atthe vibhajyamāne dhammābhisamayo hoti, ayam vuccati puggalo **vipaṇcitaññū**. Yassa puggalassa uddesato paripucchato yoniso manasikaroto kalyāṇamitte sevato bhajato payirupāsato anupubbena dhammābhisamayo hoti, ayam vuccati puggalo **neyyo**. Yassa puggalassa bahumpi suṇato bahumpi dhārayato bahumpi vācayato na tāya jātiyā dhammābhisamayo hoti, ayam vuccati puggalo **padaparamo**. Iti imesu catūsu puggalesu ugghaṭitaññūpuggalānam¹ ajjhāsayasena idam suttam nikkhittam.

Tadā kira pañcasatā janapadavāsikā bhikkhū sabbeva ekacarā dvicarā ticarā catucarā pañcacarā sabhāgavuttino dhutaṅgadharā āradhāvīriyā yuttayogā vipassakā saṅham sukhumam² suññatam paccayākāradesanam patthayamānā sāyanhasamaye Bhagavantam upasaṅkamitvā vanditvā rattakambalasāṇiyā parikkhipamānā viya desanam paccāsīsamānā³ parivāretvā nisīdimisu. Tesam ajjhāsayasena Bhagavā idam suttam ārabhi. Yathā hi cheko cittakāro aparikkammakatabhittim labhitvā na āditova rūpam samuṭṭhāpesi, mahāmatikalepādīhi pana bhittiparikammaṃ tāva katvā

1. Ugghaṭitaññūnam puggalānam (Sī)

2. Saṅhasukhumam (Sī)

3. Paccāsīsamānā (Sī, Syā)

kataparikkammāya bhittiyā rūpaṃ samuṭṭhāpeti, kataparikkammaṃ pana bhittim labhitvā bhittiparikkammabyāpāraṃ akatvā raṅgaḷātāni yojetvā vaṭṭikāṃ vā tūlikāṃ vā ādāya rūpameva samuṭṭhāpeti, evameva Bhagavā akatābhinivesaṃ ādikammikakulaputtaṃ labhitvā nāssa āditova arahattapadaṭṭhānaṃ saṇhaṃ sukhumaṃ suññataṃ vipassanālakkhaṇaṃ ācikkhati, sīlasamādhikammassakatādiṭṭhisampadāya pana yojento pubbabhāgapaṭipadaṃ tāva ācikkhati. Yaṃ sandhāya vuttaṃ—

“Tasmātiha tvaṃ bhikkhu ādimeva visodhehi kusalesu dhammesu. Ko cādi kusalanāṃ dhammānaṃ. Sīlañca suvisuddhaṃ diṭṭhi ca ujukā. Yato kho te bhikkhu sīlañca suvisuddhaṃ bhavissati diṭṭhi ca ujukā. Tato tvaṃ bhikkhu sīlaṃ nissāya sīle patiṭṭhāya cattāro satipaṭṭhāne tividhena bhāveyyāsi¹. Katame cattāro, idha tvaṃ bhikkhu ajjhataṃ vā kāye kāyānupassī viharāhi ātāpī sampajāno satimā vineyya loke abhiḷlāhādomanassaṃ. Bahiddhā vā kāye -pa-. Ajjhatabhiddhā vā kāye -pa-. Dhammesu dhammānupassī viharāhi ātāpī sampajāno satimā vineyya loke abhiḷlāhādomanassaṃ. Yato kho tvaṃ bhikkhu sīlaṃ nissāya sīle patiṭṭhāya ime cattāro satipaṭṭhāne evaṃ tividhena bhāveyyāsi, tato tuyhaṃ bhikkhu yā ratti vā divaso vā āgamissati, vuddhiyeva pāṭikaṅkhā kusalesu dhammesu, no parihānī”ti².

Evaṃ ādikammikakulaputtassa sīlakathāya parikkammaṃ kathetvā arahattapadaṭṭhānaṃ saṇhaṃ sukhumaṃ suññataṃ vipassanālakkhaṇaṃ ācikkhati.

Parisuddhasīlaṃ pana āraddhavīriyaṃ yuttayogaṃ vipassakaṃ labhitvā nāssa pubbabhāgapaṭipadaṃ ācikkhati, ujukameva pana arahattapadaṭṭhānaṃ saṇhaṃ³ sukhumaṃ suññataṃ vipassanālakkhaṇaṃ ācikkhati. Ime pañcasatā bhikkhū pubbabhāgapaṭipadaṃ parisodhetvā ṭhītā sudhantasuvaṇṇasadisā suparimajjitamaṅkhandhasannibhā, eko lokuttaramaggova nesaṃ anāgato, iti tassāgamanatthāya Satthā tesāṃ ajjhāsayaṃ apekkhamāno idaṃ suttaṃ ārabhi⁴.

1. Manasikareyyāsi (Sī)

3. Tesāṃ ajjhāsayaṃ saṇhaṃ (Ka)

2. Saṃ 3. 124 piṭṭhe.

4. Āhari (Syā)

Tattha **paṭiccasamuppādanti** paccayākāraṃ. Paccayākāro hi aññamaññaṃ paṭicca sahite dhamme uppādeti, tasmā paṭiccasamuppādoti vuccati. Ayamettha saṅkhepo, vitthāro pana Visuddhimaggato gahetabbo.

Voti ayaṃ vo-saddo paccatta-upayogakaraṇasampadānasāmivacanapadapūraṇesu dissati. “Kacci pana vo Anuruddhā samaggā sammodamānā”ti-ādīsu¹ hi paccatte dissati. “Gacchatha bhikkhave paṇāmemi vo”ti-ādīsu² upayoge. “Na vo mama santike vatthabban”ti-ādīsu² karaṇe. “Vanapatthapariyāyaṃ vo bhikkhave desessāmī”ti-ādīsu³ sampadāne. “Sabbesaṃ vo Sāriputta subhāsitan”ti-ādīsu⁴ sāmivacane. “Ye hi vo ariyā parisuddhakāyakammantā”ti-ādīsu⁵ padapūraṇamatte. Idha paṇāyaṃ sampadāne daṭṭhabbo. **Bhikkhaveti** patissavena abhimukhībhūtānaṃ puna ālapanāṃ. **Desessāmīti** desanāpaṭijānaṃ. **Taṃ suṇāthāti** taṃ paṭiccasamuppādaṃ taṃ desanaṃ mayā vuccamānaṃ suṇātha.

Sādhukaṃ manasi karoṭhāti ettha pana sādhukaṃ sādhuṭi ekatthametāṃ. Ayañca sādhusaddo āyācanasampaṭicchanasampahaṃsanasundaradaḷhikammādisu dissati. “Sādhu me bhante Bhagavā saṅkhittena dhammaṃ desetū”ti-ādīsu⁶ hi āyācane dissati. “Sādhu bhanteti kho so bhikkhu Bhagavato bhāsitaṃ abhinanditvā anumoditvā”ti-ādīsu⁷ sampaṭicchane. “Sādhu sādhu Sāriputtā”ti-ādīsu⁸ sampahaṃsane.

“Sādhu dhammarucī rājā, sādhu paññāṇavā naro.

Sādhu mittānamaddubbho⁹, pāpassa akaraṇaṃ sukhan”ti—

ādīsu¹⁰ sundare. “Tena hi brāhmaṇa sādhukaṃ suṇāhī”ti-ādīsu¹¹ sādhuкасaddoyeva daḷhikamme, āṇattiyantipi vuccati. Idha paṇāyaṃ ettheva daḷhikamme āṇattiyā ca attho veditabbo, sundaratthehi vaṭṭati. Daḷhikaraṇatthena hi “daḷhaṃ imaṃ dhammaṃ suṇātha suggahitaṃ gaṇhantā”, āṇatti-atthena “mama āṇattiyā suṇātha”, sundaratthena “sundaramimaṃ bhaddakaṃ dhammaṃ

1. Ma 1. 266; Vi 3. 498 piṭṭhesu.

3. Ma 1. 149 piṭṭhe. 4. Ma 1. 281 piṭṭhe.

6. Am 1. 571; Saṃ 2. 294; Saṃ 3. 143 piṭṭhesu.

8. Dī 3. 226 piṭṭhe.

10. Khu 6. 45 piṭṭhe Jātake.

2. Ma 2. 120 piṭṭhe.

5. Ma 1. 20 piṭṭhe.

7. Ma 3. 66 piṭṭhe.

9. Mittānamadubbho (Syā, Ka)

11. Am 2. 197 piṭṭhe.

suṇāthā”ti etaṃ dīpitaṃ hoti. **Manasi karoṭhāti** āvajjetha, samannāharathāti attho. Avikkhittacittā hutvā nisāmetha, citte karoṭhāti adhippāyo.

Idānettha **taṃ suṇāthāti** sotindriyavikkhepanivāraṇametam. **Sādhukaṃ manasi karoṭhāti** manasikāre daḥhīkammaniyojanena manindriyavikkhepanivāraṇam. Purimaṃ cettha byañjanavipallāsagāhanivāraṇam, pacchimaṃ atthavipallāsagāhanivāraṇam. Purimena ca dhammassavane niyojeti, pacchimena sutānaṃ dhammānaṃ dhāraṇūpaparikkhāsu. Purimena ca “sabyañjano ayaṃ dhammo, tasmā savanīyo”ti dīpeti, pacchimena “sāttho, tasmā manasi kātabbo”ti. Sādhukapadaṃ vā ubhayapadehi yojetvā “yasmā ayaṃ dhammo dhammagambhīro ca desanāgambhīro ca, tasmā suṇātha sādhukaṃ. Yasmā atthagambhīro ca paṭivedhagambhīro ca, tasmā sādhukaṃ manasi karoṭhā”ti evaṃ yojanā veditabbā¹. **Bhāsissāmīti** desessāmi. “Taṃ suṇāthā”ti ettha paṭiññātaṃ desanaṃ saṃkhittatova na desessāmi, apica kho vitthāratopi naṃ bhāsissāmīti vuttam hoti. Saṅkhepavittthāravācakāni hi etāni padāni. Yathāha Vaṅgīsattthero—

“Saṃkhittenapi deseti, vitthārenapi bhāsati.

Sālikāyiva nigghoso, paṭibhānaṃ udīrayī”ti².

Evaṃ vutte ussāhajātā hutvā **evaṃ bhanteti kho te bhikkhū Bhagavato paccassosum** Satthu vacanaṃ sampācchimsu, paṭiggahesunti vuttam hoti.

Atha nesaṃ Bhagavā **etadavoca** etaṃ idāni vattabbaṃ “katamo ca bhikkhave paṭiccasamuppādo”ti-ādīṃ sakalaṃ suttaṃ avoca. Tattha **katamo ca bhikkhave paṭiccasamuppādoti** kathetukamyatāpucchā. Pañcavidhā hi pucchā adiṭṭhajotanāpucchā diṭṭhasaṃsandanāpucchā vimaticchedanāpucchā anumatipucchā kathetukamyatāpucchāti, tāsam idaṃ nānattaṃ—

Katamā **adiṭṭhajotanāpucchā**³. Pakatiyā lakkhaṇaṃ aññātaṃ hoti adiṭṭham atulitaṃ atīritaṃ avibhūtaṃ avibhāvitaṃ, tassa ñāṇāya

1. Kātabbā (Sī)

2. Saṃ 1. 191; Khu 2. 370 piṭṭhesu.

3. Khu 7. 263; Khu 8. 50 piṭṭhādīsu.

dassanāya tulanāya tīraṇāya vibhūtāya¹ vibhāvanatthāya pañhaṃ pucchati, ayaṃ adiṭṭhajotanāpucchā.

Katamā **diṭṭhasaṃsandanā pucchā**. Pakatiyā lakkhaṇaṃ ñātaṃ hoti diṭṭhaṃ tulitaṃ tīrataṃ vibhūtaṃ vibhāvitaṃ, so aññehi paṇḍitehi saddhiṃ saṃsandanatthāya pañhaṃ pucchati, ayaṃ diṭṭhasaṃsandanāpucchā.

Katamā **vimaticchedanāpucchā**. Pakatiyā saṃsayapakkhando² hoti vimatipakkhando dvelhakajāto “evaṃ nu kho, na nu kho, kathaṃ nu kho”ti, so vimaticchedanatthāya pañhaṃ pucchati, ayaṃ vimaticchedanāpucchā.

Katamā **anumatipucchā**. Bhagavā bhikkhūnaṃ anumatiyā pañhaṃ pucchati “taṃ kiṃ maññatha bhikkhave rūpaṃ niccaṃ vā aniccaṃ vā”ti, aniccaṃ bhante. Yaṃ paṇāniccaṃ, dukkhaṃ vā taṃ sukhaṃ vāti, dukkhaṃ bhante. Yaṃ paṇāniccaṃ dukkhaṃ vipariṇāmadhammaṃ, kallaṃ nu taṃ samanupassitum “etaṃ mama esohamasmi eso me attā”ti, no hetam bhanteti³. Ayaṃ anumatiapucchā.

Katamā **kathetukamyatāpucchā**. Bhagavā bhikkhūnaṃ kathetukamyatāya puñhaṃ pucchati “cattārome bhikkhave satipaṭṭhānā. Katame cattāro”ti⁴, ayaṃ kathetukamyatāpucchāti.

Tattha Buddhānaṃ purimā tisso pucchā natthi. Kasmā? Buddhānaṃ hi tīsu addhāsu kiñci saṅkhataṃ addhāvimuttaṃ vā asaṅkhataṃ adiṭṭhaṃ ajotitaṃ atulitaṃ atīritaṃ avibhūtaṃ avibhāvitaṃ nāma natthi, tena nesaṃ adiṭṭhajotanāpucchā natthi. Yaṃ pana Bhagavatā attano ñāṇena paṭividdhaṃ, tassa aññena samaṇena vā brāhmaṇena vā devena vā mārena vā brahmunā vā saddhiṃ saṃsandanakiccaṃ natthi, tenassa diṭṭhasaṃsandanāpucchā natthi. Yasmā panesa akathaṃkathī tiṇṇavicikiccho sabbadhammesu vihatasaṃsayo, tenassa vimaticchedanāpucchā natthi. Itarā pana dve pucchā Bhagavato atthi, tāsū ayaṃ kathetukamyatāpucchāti veditabbā.

Idāni tāva pucchāya puṭṭhaṃ⁵ paccayākāraṃ vibhajanto **avijjāpaccayā bhikkhave saṅkhārāti-ādimāha**. Ettha ca yathā nāma “pitaraṃ kathessāmi”ti

1. Vibhūtātāya (Sī), vibhūtattāya (Khu 8. 50 piṭṭhe Cūlaniddese.)

2. Saṃsayapakkhanto (Sī)

3. Saṃ 2. 73 piṭṭhādīsu.

4. Dī 2. 230 piṭṭhādīsu.

5. Saddhiṃ (Syā), suddhaṃ (Ka)

āraddho “Tissassa pitā Soṇassa pitā”ti paṭhamatarāṇaṃ puttampi katheti, evameva Bhagavā paccayaṃ kathetuṃ āraddho “avijjāpaccayā saṅkhārā”ti-ādīnā nayena saṅkhārādīnaṃ paccaye avijjādidhamme kathento paccayuppannampi kathesi. Āhāravaggassa pana pariyosāne “paṭiccasamuppādaṅca vo bhikkhave desessāmi paṭiccasamuppanne ca dhamme”ti¹ ubhayaṃ ārabhitvā ubhayampi kathesi. Idāni **avijjāpaccayā saṅkhārā**ti-ādīsu pana avijjā ca sā paccayo cāti avijjāpaccayo. Tasmā avijjāpaccayā saṅkhārā sambhavantīti iminā nayena attho veditabbo. Ayamettha saṅkhepo, vitthārena pana sabbākārasampannā anulomapaṭiccasamuppādakathā Visuddhimagge kathitā, tasmā sā tatha kathitavaseneva gahetabbā.

Paṭilomakathāyaṃ pana **avijjāya tvevā**ti avijjāya tu eva. **Asesavirāganirodhā**ti virāgasāṅkhātena maggena asesanirodhā. **Saṅkhāranirodho**ti saṅkhārānaṃ anuppādanirodho hoti. Evaṃnirodhānaṃ pana saṅkhārānaṃ nirodhā viññāṇādīnaṅca nirodhā nāmarūpādīni niruddhāniyeva hotīti dassetuṃ **saṅkhāranirodhā viññāṇanirodho**ti-ādīni vatvā **evametassa kevalassa dukkhakkhandhassa nirodho hotīti** āha. Tattha **kevalassā**ti sakalassa, suddhassa vā, sattavirahitassāti attho. **Dukkhakkhandhassā**ti dukkharāsissa. **Nirodho hotīti** anuppādo hoti. Iti Bhagavā anulomato dvādasahi padehi vaṭṭakathaṃ kathetvā tameva vaṭṭaṃ vinivaṭṭetvā paṭilomato dvādasahi padehi vivaṭṭaṃ kathento arahattena desanāya kūṭaṃ gaṇhi. Desanāpariyosāne te pañcasatā āraddhavipassakā ugghaṭṭitaṅṅūpuggalā sūriyasmisamphuṭṭhāni paripākagatāni padumāni viya² saccāni bujjhitvā³ arahattaphale patiṭṭhahimsu.

Idamavoca Bhagavāti idam vaṭṭavivaṭṭavasena sakalasuttaṃ Bhagavā avoca. **Attamanā te bhikkhū**ti tuṭṭhacittā te pañcasatā khīṇāsavā bhikkhū. Bhagavato **bhāsitaṃ abhinanduntī** karavīkarutamaṅjunā kaṇṇasukhena paṇḍitajanahadayānaṃ amatābhisekasadisena brahmassarena bhāsato

1. Saṃ 1. 264 piṭṭhe.

2. Sūriyasmisamphuṭṭhāni viya paripākagatāni padumāni (Sī)

3. Paṭivijjhitvā (Sī), vibujjhitvā (Syā)

Bhagavato vacanaṃ abhinandiṃsu, anumodiṃsu ceva sampaṭicchīṃsu cāti attho. Tenetaṃ vuccati—

“Subhāsitaṃ sulapitaṃ, sādhu sādhūti tādino.

Anumodamānā sirasā, sampaṭicchīṃsu bhikkhavo”ti.

Paṭhamapaṭiccasamuppādasuttavaṇṇanā niṭṭhitā.

2. Vibhaṅgasuttavaṇṇanā

2. Dutiyepe vuttanayeneva suttanikkhepo veditabbo. Ayaṃ pana vireso—paṭhamāṃ ugghaṭitaññūpuggalānaṃ vasena saṅkhepato dassitaṃ, idaṃ vipaṅcitaññūnaṃ vasena vitthāratoti. Imasmiṅca pana sutte catasso vallihārapurisūpamā vattabbā, tā Visuddhimagge vuttā eva. Yathā hi vallihārako puriso vallyā aggaṃ disvā tadanusārena mūlaṃ pariyesanto taṃ disvā vallim mūle chetvā ādāya kamme upaneyya, evaṃ Bhagavā vitthāradesanaṃ desento paṭiccasamuppādassa aggabhūtā jarāmarañā¹ paṭṭhāya yāva mūlabhūtaṃ avijjāpadaṃ, tāva desanaṃ āharitvā puna vaṭṭavivaṭṭaṃ desento niṭṭhapesi.

Tatrāyaṃ jarāmarañādīnaṃ vitthāradesanāya atthanicchayo— jarāmarañaniddese tāva **tesaṃ tesanti**² ayaṃ saṅkhepato anekesaṃ sattānaṃ sādharmaṇaniddesoti viññātabbo. Yā Devadattassa jarā, yā Somadattassāti evaṃ hi divasampi kathentassa neva sattā pariyādānaṃ gacchanti, imehi pana dvīhi padehi na koci satto apariyādinno hoti. Tasmā vuttaṃ “ayaṃ saṅkhepato anekesaṃ sattānaṃ sādharmaṇaniddeso”ti. **Tamhi tamhīti** ayaṃ gatijātivasena anekesaṃ sattanikāyānaṃ sādharmaṇaniddeso. **Sattanikāyeti** sādharmaṇaniddesena niddiṭṭhassa sarūpanidassanaṃ. **Jarā jīraṇatāti**-ādīsu pana **jarāti** sabhāvaniddeso. **Jīraṇatāti** ākāraṇiddeso. **Khaṇṇiccanti**-ādayo tayo kālātikkame kiccaniddesā, pacchimā dve pakatiniddesā. Ayaṃ hi **jarāti** iminā padena sabhāvato dīpitā, tenassāyaṃ

1. Aggabhūtajarāmarañato (Sī)

2. Yā tesaṃ tesanti (Sī)

sabhāvaniddeso. **Jīraṇatāti** iminā ākāro, tenassāyaṃ ākāraniddeso.

Khaṇḍiccanti iminā kālātikame dantanakhānaṃ

khaṇḍitabhāvakaraṇakiccato. **Pāliccanti** iminā kesalomānaṃ

palitabhāvakaraṇakiccato. **Valittacatāti** iminā maṃsaṃ milāpetvā

tacavalibhāva¹ karaṇakiccato dīpitā. Tenassā ime khaṇḍiccanti-ādayo tayo

kālātikame kiccaniddesā. Tehi imesaṃ vikāraṇaṃ dassanavasena

pākaṭibhūtā pākaṭajarā dassitā. Yatheva hi udakassa vā vātassa vā aggino vā

tiṇarukkhādīnaṃ sambhaggapalibhaggatāya² vā jhāmatāya vā gatamaggo

pākaṭo hoti, na ca so gatamaggo tāneva udakādīni, evameva jarāya

dantādīsu khaṇḍiccādivasena gatamaggo pākaṭo, cakkhuraṃ ummīletvāpi

gayhati, na ca khaṇḍiccādīneva jarā. Na hi jarā cakkhuvīññeyyā hoti.

Āyuno saṃhāni indriyānaṃ paripākoti imehi pana padehi

kālātikameyeva abhibyattāya āyukkhayacakkhādi-indriyaparipākasaññitāya

pakatiyā dīpitā. Tenassime pacchimaṃ dve pakatiniddesāti veditabbā. Tattha

yasmā jaraṃ pattassa āyu hāyati, tasmā jarā “āyuno saṃhāni”ti

phalūpacārena vuttā. Yasmā ca daharakāle suppasannāni sukhumampi attano

visayaṃ sukheneva gaṇhanasamatthāni cakkhādīni indriyāni jaraṃ pattassa

paripakkāni āluḷitāni avisadāni, oḷārikampi attano visayaṃ gahetuṃ

asamatthāni honti, tasmā “indriyānaṃ paripāko”ti phalūpacāreṇeva vuttā.

Sā panāyaṃ evaṃ niddiṭṭhā sabbāpi jarā pākaṭā paṭicchannāti duvidhā

hoti. Tattha dantādīsu khaṇḍādibhāvadassanato³ rūpadhammesu jarā

pākaṭajarā nāma, arūpadhammesu pana jarā tādisassa vikārasa adassanato

paṭicchannajarā nāma. Tattha yvāyaṃ khaṇḍādibhāvo dissati, so tādisānaṃ

dantādīnaṃ suvīññeyyattā vaṇṇoyeva, taṃ cakkhuraṃ disvā manodvārena

cintetvā “ime dantā jarāya pahaṭā”ti jaraṃ jānāti udakaṭṭhāne baddhāni

gosīsādīni oloketvā heṭṭhā udakassa atthibhāvaṃ jānaṃ viya.

1. Tace valittabhāva (Abhi-Ṭṭha 2. 92; Ma-Ṭṭha 1. 220 piṭṭhesu)

2. Sambhaggavibhaggatāya (Sī)

3. Khaṇḍabhāvādīdassanato (Ka)

puna avīci savīcīti evampi duvidhā hoti. Tattha maṇikanakarajatapavāḷacandasūriyādīnaṃ viya¹ mandadasakādīsu pāṇīnaṃ viya ca pupphaphalapallavādīsu ca apāṇīnaṃ viya antarantarā vaṇṇavisesādīnaṃ duviññeyyattā jarā **avīcijarā** nāma, nirantarajarāti attho. Tato aññesu pana yathāvuttesu antarantarā vaṇṇavisesādīnaṃ suviññeyyattā jarā **savīcijarā** nāmāti veditabbā.

Ito paraṃ **tesaṃ tesanti**-ādi vuttanayeneva veditabbam. **Cuti cavanatāti**-ādīsu pana **cutīti** cavanakavasena vuccati, ekacatupañcakkhandhasāmaññavacanametam². **Cavanatāti** bhāvavacanena lakkhaṇanidassanaṃ. **Bhedoti** cutikkhandhānaṃ bhaṅgupattiparidīpanaṃ. **Antaradhānanti** ghaṭasseva bhinnassa bhinnānaṃ cutikkhandhānaṃ yena kenaci pariyāyena ṭhānābhāvaparidīpanaṃ. **Maccu maraṇanti** maccusaṅkhātānaṃ maraṇaṃ, tena samucchadamaraṇādīni nisedheti. Kālo nāma antako, tassa kiriyā **kālakiriyā**. Evaṃ tena lokasammutiyā maraṇaṃ dīpeti.

Idāni paramatthena dīpetum **khandhānaṃ bhedoti**-ādimāha. Paramatthena hi khandhāyeva bhijjanti, na satto nāma koci marati. Khandhesu pana bhijjamānesu satto marati, bhinnesu matoti vohāro hoti. Ettha ca catupañcavokāravasena khandhānaṃ bhedo, ekavokāravasena kaḷavarassa nikkhepo. Catuvokāravasena ca khandhānaṃ bhedo, sesadvayavasena kaḷavarassa nikkhepo veditabbo. Kasmā? Bhavadvayepi rūpakāyasaṅkhātassa kaḷavarassa sabbhāvato³. Atha vā yasmā Cātumahārājikādīsu khandhā bhijjanteva, na kiñci nikkhipati, tasmā tesaṃ vasena khandhānaṃ bhedo, manussādīsu kaḷavarassa nikkhepo. Ettha ca kaḷavarassa nikkhepakāraṇato⁴ maraṇaṃ “kaḷavarassa nikkhepo”ti vuttanti evamattho daṭṭhabbo. **Iti ayañca jarā idañca maraṇaṃ, idaṃ vuccati bhikkhaveti** idaṃ ubhayampi ekato katvā jarāmarāṇanti kathīyati.

1. ...sūriyādīnaṃ (Abhi-Ṭṭha 2. 93; Ma-Ṭṭha 1. 221 piṭṭhesu)

2. Ekacatupañcakkhandhāyatanaśāmaññavacanametam (Syā)

3. Sambhavato (Sī)

4. Nikkhepakāraṇato (Syā)

Jātiniddese **jāti sañjātī**-ādīsu jayanaṭṭhena **jāti**, sā aparipuṇṇāyatanavasena yuttā¹. Sañjāyanaṭṭhena **sañjāti**, sā paripuṇṇāyatanavasena yuttā. Okkamaṇaṭṭhena **okkanti**, sā aṇḍajalābujavasena yuttā. Te hi aṇḍakosañca vatthikosañca okkamantā² pavisantā viya paṭisandhiṃ gaṇhanti. Abhinibbattaṇaṭṭhena **abhinibbatti**, sā saṃsedaja-opapātikavasena yuttā. Te hi pākaṭāyeva hutvā nibbattanti. Ayaṃ tāva vohāradesanā.

Idāni paramatthadesanā hoti. Khandhāyeva hi paramatthato pātubhavanti, na satto. Tattha ca **khandhānanti** ekavokārabhave ekassa, catuvokārabhave catunnaṃ, pañcavokārabhave pañcannampi gahaṇaṃ veditabbaṃ. **Pātubhāvoti** uppatti. **Āyatanānanti** ettha tatra tatra uppajjamānāyatanavasena saṅgaho veditabbo. **Paṭilābhoti** santatiyaṃ pātubhāvoyeva. Pātubhavantāneva hi tāni paṭiladdhāni nāma honti. **Ayaṃ vuccati bhikkheva jāṭī**ti iminā padena vohārato paramatthato ca desitāya jāṭiyā nigamaṇaṃ karotīti.

Bhavaniddese **kāmabhavoti** kammabhavo ca upapattibhavo ca. Tattha kammabhavo nāma kāmabhavūpagakammameva³. Taṃ hi tattha upapattibhavassa kāraṇatā “sukho Buddhānaṃ uppādo⁴, dukkho pāpassa uccayo”ti-ādīni⁵ viya phalavohārena bhavoti vuttaṃ. Upapattibhavo nāma tena kammena nibbattaṃ upādiṇṇakkhandhapañcakaṃ. Taṃ hi tattha bhavatīti katvā bhavoti vuttaṃ. Sabbathāpi idaṃ kammañca upapattīñca ubhayampetaṃidha “kāmabhavo”ti vuttaṃ. Esa nayo rūpārūpabhavesūti.

Upādānaniddese **kāmupādānanti**-ādīsu vatthukāmaṃ upādiyanti etena, sayam vā taṃ upādiyati **kāmupādānaṃ**, kāmo ca so upādānañcāti kāmupādānaṃ. **Upādānanti** daḥhaggahaṇaṃ vuccati. Daḥhattho hi ettha upasaddo upāyāsa-upakaṭṭhādīsu viya. Pañcakāmaguṇikarāgassetam adhivacanaṃ. Ayamettha saṅkhepo, vitthārato panetaṃ “tattha katamaṃ kāmupādānaṃ, yo kāmesu kāmaccando”ti⁶ vuttanayeneva veditabbaṃ.

1. Vuttā (Sī)

3. Kāmabhavūpagatakammameva (Syā)

5. Khu 1. 30 piṭṭhe.

2. Okkamanti, okkamantā (Syā, Ka)

4. Khu 1. 42 piṭṭhe.

6. Abhi 1. 241; Abhi 2. 389 piṭṭhesu.

Tathā diṭṭhi ca sā upādānañcāti **diṭṭhupādānaṃ**. Atha vā diṭṭhiṃ¹ upādiyati, upādiyanti vā etena diṭṭhinti diṭṭhupādānaṃ. Upādiyati hi purimadiṭṭhiṃ uttaradiṭṭhi, upādiyanti ca tāya diṭṭhiṃ². Yathāha “sassato attā ca loko ca idameva saccaṃ moghamaññaṃ”ti-ādi³. Sīlabbatupādāna-attavādupādānavajjassa sabbadiṭṭhigatassetam adhivacanam. Ayamettha saṅkhepo, vitthārato panetaṃ “tatha katamaṃ diṭṭhupādānaṃ, natthi dinnan”ti⁴ vuttanayeneva veditabbaṃ.

Tathā sīlabbatamupādiyanti etena, sayam vā taṃ upādiyati, sīlabbatañca taṃ upādānañcāti vā **sīlabbatupādānaṃ**. Gosīlagovatādini hi “evam suddhī”ti⁴ abhinivesato sayameva upādānānīti. Ayamettha saṅkhepo, vitthārato panetaṃ “tatha katamaṃ sīlabbatupādānaṃ, ito bahiddhā samaṇabrāhmaṇānaṃ sīlena suddhī”ti vuttanayeneva veditabbaṃ.

Idāni vadanti etenāti vādo, upādiyanti etenāti upādānaṃ, kim vadanti upādiyanti vā? Attānaṃ. Attano vādupādānaṃ **attavādupādānaṃ**. Attavādamattameva vā attāti upādiyanti etenāti attavādupādānaṃ. Vīsativatthukāya sakkāyadiṭṭhiyā ekaṃ adhivacanam. Ayamettha saṅkhepo, vitthārato panetaṃ “tatha katamaṃ attavādupādānaṃ, idha assutavā puthujjano ariyānaṃ adassāvī”ti⁵ vuttanayeneva veditabbaṃ.

Tañhānidde **rūpaṇhā -pa- dhammaṇhāti** etaṃ cakkhudvārādīsu javanavīthiyā pavattāya taṇhāya “seṭṭhiputto brāhmaṇaputto”ti evamādīsu pitito nāmaṃ viya pītisadisārammaṇato nāmaṃ. Ettha ca rūpārammaṇā taṇhā, rūpe taṇhāti **rūpaṇhā**. Sā kāmarāgabhāvena rūpaṃ assādentī pavattamānā **kāmaṇhā**, sassatadiṭṭhisahagatarāgabhāvena “rūpaṃ niccaṃ dhuvam sassatan”ti evam assādentī pavattamānā **bhavataṇhā**, ucchedadiṭṭhisahagatarāgabhāvena “rūpaṃ ucchiḥḥati vinassati pecca na bhavati”ti⁶ evam assādentī pavattamānā **vibhavataṇhāti** rūpaṇhā evam tivadhā hoti. Yathā ca rūpaṇhā, tathā saddataṇhādayopīti evam tāni aṭṭhārasa taṇhāvicarītāni honti. Tāni ajjhatarūpādīsu aṭṭhārasa, bahiddhārūpādīsu aṭṭhārasāti chattīmsa. Iti atītāni chattīmsa, anāgatāni chattīmsa,

1. Diṭṭhi (Syā)

3. Ma 3. 22 piṭṭhe.

5. Abhi 1. 241; Abhi 2. 389 piṭṭhesu.

2. Diṭṭhiyā (Ka)

4. Abhi 1. 241 piṭṭhe.

6. Na bhavissatīti (Ma-Ṭṭha 1. 224 piṭṭhe)

paccuppannāni chattimsāti evaṃ aṭṭhasataṃ taṇhāvicarītāni¹ honti.
 “Ajjhattikassa upādāya asmīti hoti², itthasmīti hoti”³ ti³ vā evamādīni
 ajjhattikarūpādinissitāni aṭṭhārassa, “bāhirassa upādāya iminā asmīti hoti,
 iminā itthasmīti hoti”⁴ ti⁴ vā evamādīni bāhīrarūpādinissitāni aṭṭhārasāti
 chattimsa, iti atītāni chattimsa, anāgatāni chattimsa, paccuppannāni
 chattimsāti evampi aṭṭhasataṃ taṇhāvicarītāni honti. Puna saṅgahe
 kariyamāne rūpādīsu ārammaṇesu chaḷeva taṇhākāyā tissoyeva
 kāmataṇhādayo hontīti. Evaṃ—

Niddesatthena niddesa, vitthārā vitthārassa ca⁵.

Puna saṅgahato taṇhā, viññātabbā vibhāvināti.

Vedanāniddese **vedanākāyā**ti vedanāsamūhā.

Cakkhusamphassajāvedanā -pa- manosamphassajāvedanāti etaṃ
 “cakkhusamphassajāvedanā atthi kusalā, atthi akusalā, atthi abyākata”⁶ti
 evaṃ Vibhaṅge⁶ āgatattā cakkhudvārādīsu pavattānaṃ
 kusalākusalābyākatavedanānaṃ “Sāriputto Mantāṇiputto”⁶ti evamādīsu
 mātito nāmaṃ viya mātisadisato vatthuto nāmaṃ. Vacanattho panettha—
 cakkhusamphassahetu jātā vedanā cakkhusamphassajāvedanāti. Eseva nayo
 sabbattha. Ayaṃ tāvettha sabbasaṅgāhikā kathā. Vipākavasena pana
 cakkhudvāre dve cakkhuvīññāṇāni, dve manodhātuyo, tisso
 manovīññāṇadhātuyoti etāhi sampayuttavasena vedanā veditabbā. Eseva
 nayo sotadvārādīsu. Manodvāre manovīññāṇadhātusampayuttāva.

Phassaniddese **cakkhusamphassoti** cakkhumhi samphasso. Esa nayo
 sabbattha. **Cakkhusamphasso -pa- kāyasamphassoti** ettāvātā ca
 kusalākusalavipākā pañcavatthukā dasa phassā vuttā honti.

Manosamphassoti iminā sesabāvīsatilokiyavipākamanasampayuttā phassā.

Saḷāyatananiddese **cakkhāyatana**nti-ādīsu yaṃ vattabbaṃ, taṃ
 Visuddhimagge khandhaniddese ceva āyatananiddese ca vuttameva.

1. Aṭṭhasatataṇhāvicarītāni (Syā)

2. Abhi 2. 406 piṭṭhe.

3. Evaṃ niddesavitthārā, vitthārassa ca sambhavā (Ka)

4. Sati (Sī, Syā, Ka)

5. Abhi 2. 410 piṭṭhe.

6. Abhi 2. 16 piṭṭhe.

Nāmarūpaniddese namanalakkhaṇaṃ **nāmaṃ**. Rupanalakkhaṇaṃ **rūpaṃ**. Vibhajane panassa **vedanā**ti vedanākkhandho, **saññā**ti saññākkhandho, **cetanā phasso manasikāro**ti saṅkhārakkhandho veditabbo. Kamañca aññepi saṅkhārakkhandhasaṅgahitā dhammā santi, ime pana tayo sabbadubbalesupi cittesu santi, tasmā etesaṃyeva vasenettha saṅkhārakkhandho dassito. **Cattāro ca mahābhūtā**ti ettha **cattāro**ti gaṇanaparicchedo. **Mahābhūtā**ti pathavī-āpatejavāyānametaṃ adhivacanaṃ. Yena pana kāraṇena tāni mahābhūtānīti vuccanti, yo cettha añño vinicchayanayo, so sabbo Visuddhimagge rūpakkhandhaniddese vutto. **Catunnañca mahābhūtānaṃ upādāyā**ti ettha pana **catunnanti** upayogathe sāmivacanaṃ, cattāri mahābhūtānīti vuttaṃ hoti. **Upādāyā**ti upādīyitvā, gahetvāti attho. Nissayātipi eke. “Vattamānan”ti ayañcettha pāṭhaseso. Samūhatthe vā etaṃ sāmivacanaṃ, catunnaṃ mahābhūtānaṃ samūhaṃ upādāya vattamānaṃ rūpanti ettha attho veditabbo. Evaṃ sabbathāpi yāni ca cattāri pathavī-ādīni mahābhūtāni, yañca catunnaṃ mahābhūtānaṃ upādāya vattamānaṃ cakkhāyatanādibhedena Abhidhammapāḷiyameva vuttaṃ tevīsatividhaṃ rūpaṃ, taṃ sabbampi rūpanti veditabbaṃ.

Viññāṇaniddese **cakkhuvīññāṇanti** cakkhumhi viññāṇaṃ, cakkhuto vā jātaṃ viññāṇanti **cakkhuvīññāṇaṃ**. Evaṃ sotaghānajiṅhākāyaviññāṇāni. Itaraṃ pana manoyeva viññāṇanti **manovīññāṇaṃ**. Dvipañcaviññāṇavajjitatebhūmakavipākacittassetāṃ adhivacanaṃ.

Saṅkhāraniddese abhisāṅkharāṇalakkhaṇo **saṅkhāro**. Vibhajane panassa **kāyasaṅkhāro**ti kāyato pavattasaṅkhāro. Kāyadvāre copanavasena pavattānaṃ kāmāvacarakusalato aṭṭhannaṃ, akusalato dvādasannanti vīsatiyā kāyasañcetanānametaṃ adhivacanaṃ. **Vacīsaṅkhāro**ti vacanato pavattasaṅkhāro, vacīdvāre vacanabhedavasena pavattānaṃ vīsatiyā eva vacīsañcetanānametaṃ adhivacanaṃ. **Cittasaṅkhāro**ti cittato pavattasaṅkhāro, kāyavacīdvāre copanaṃ akatvā raho nisīditvā cintentassapavattānaṃ lokiyakusalākusalavasena ekūnatimsamanosañcetanānametaṃ adhivacanaṃ.

Avijjānidese **dukkhe aññāṇanti** dukkhasacce aññāṇaṃ, mohassetāṃ adhivacaṇaṃ. Esa nayo **dukkhasamudaye aññāṇanti**-ādīsu. Tattha catūhi kāraṇehi dukkhe aññāṇaṃ veditabbaṃ antogadhato vatthuto ārammaṇato paṭicchādanato ca. Tathā hi taṃ dukkhasaccapariyāpannattā dukkhe antogadhaṃ, dukkhasaccañcassa nissayapaccayabhāvena vatthu, ārammaṇapaccayabhāvena ārammaṇaṃ, dukkhasaccaṃ etaṃ paṭicchādeti tassa yāthāvalakkhaṇapaṭivedhanivāraṇena ñāṇappavattiyā cettha appadānena.

Dukkhasamudaye aññāṇaṃ tīhi kāraṇehi veditabbaṃ vatthuto ārammaṇato paṭicchādanato ca. Nirodhe paṭipadāya ca aññāṇaṃ ekeneva kāraṇena veditabbaṃ paṭicchādanato. Nirodhapaṭipadānaṃ hi paṭicchādakameva aññāṇaṃ tesāṃ yāthāvalakkhaṇapaṭivedhanivāraṇena tesu ca ñāṇappavattiyā appadānena, na pana taṃ tattha antogadhaṃ tasmim saccadvaye apaniyāpannattā, na tassa taṃ saccadvayaṃ vatthu asahajātattā, nārammaṇaṃ tadārabba appavattanato. Pacchimaṃ hi saccadvayaṃ gambhīrattā duddasaṃ, na tattha andhabhūtaṃ aññāṇaṃ pavattati. Purimaṃ pana vacanīyattena¹ sabhāvalakkhaṇassa duddasattā gambhīraṃ, tattha vipallāsagāhavasena pavattati².

Apica “dukkhe”ti ettāvataṃ saṅgahato vatthuto ārammaṇato kiccato ca avijjā dīpitā. “Dukkhasamudaye”ti ettāvataṃ vatthuto ārammaṇato kiccato ca. “Dukkhanirodhe dukkhanirodhagāminiyā paṭipadāyā”ti ettāvataṃ kiccato. Avisesato pana “aññāṇaṃ”ti etena sabhāvato niddiṭṭhāti ñātabbā.

Iti kho bhikkhavi evaṃ kho bhikkhave. **Nirodho hotīti** anuppādo hoti. Apicettha sabbeva tehi nirodhapadehi nibbānaṃ desitaṃ. Nibbānaṃ hi āgamma te te dhammā nirujjhanti, tasmā taṃ tesāṃ tesāṃ nirodhoti vuccati. Iti Bhagavā imasmim sutte dvādasahi padehi vaṭṭavivaṭṭaṃ desento arahattanikūṭeneva desanaṃ niṭṭhapesi. Desanāpariyosāne vuttanayeneva pañcasatā bhikkhū arahatte paṭiṭṭhahim sūti.

Vibhaṅgasuttaṃ dutiyāṃ.

1. Vacanīyatthena (Syā, Ka), vañcanīyatthena (Ma-Ṭṭha 1. 228 piṭṭhe)

2. Na saṃvattati (Syā)

3. Paṭipadāsuttavaṇṇanā

3. Tatiye **micchāpaṭipadanti** ayaṃ tāva aniyyānikapaṭipadā. Nanu ca avijjāpaccayā puññābhisaṅkhāropi atthi āneñjābhisaṅkhāropi, so kathaṃ micchāpaṭipadā hotīti. Vaṭṭasīsattā. Yaṃ hi kiñci bhavattayasāṅkhātāṃ vaṭṭāṃ patthetvā pavattitaṃ, antamaso pañcābhiññā aṭṭha vā pana samāpattiyo, sabbaṃ taṃ vaṭṭapakkiyaṃ vaṭṭasīsanti vaṭṭasīsattā micchāpaṭipadāva hoti. Yaṃ pana kiñci vivaṭṭāṃ nibbānaṃ patthetvā pavattitaṃ, antamaso uḷunkayāgumattadānampi paṇṇamuṭṭhidānamattampi, sabbaṃ taṃ vivaṭṭapakkiyaṃ vivaṭṭanissitaṃ, vivaṭṭapakkhikattā sammāpaṭipadāva hoti. Appamattakampi hi paṇṇamuṭṭhimattadākusalaṃ vā hotu mahantaṃ velāmadānādikusalaṃ vā, sace vaṭṭasampattiṃ patthetvā vaṭṭanissitavasena micchā ṭhapitaṃ hoti, vaṭṭameva āharitum sakkoti, no vivaṭṭāṃ. “Idaṃ me dānaṃ āsavakkhayāvahaṃ hotū”ti evaṃ pana vivaṭṭāṃ patthentena vivaṭṭavasena sammā ṭhapitaṃ arahattampi paccekabodhiññānampi sabbaññutaññānampi dātuṃ sakkotiyeva, na arahattaṃ appatvā pariyosānaṃ gacchati. Iti anulomavasena micchāpaṭipadā, paṭilomavasena sammāpaṭipadā desitāti veditabbā. Nanu cettha paṭipadā pucchitā¹, nibbānaṃ bhājitaṃ, niyyātanepi paṭipadāva niyyātītā. Na ca nibbānassa paṭipadāti nāmaṃ, savipassanānaṃ pana catunnaṃ maggānametaṃ nāmaṃ, tasmā pucchāniyyātanehi padabhājanaṃ na sametīti. No na sameti, kasmā? Phalena paṭipadāya dassitattā. Phalena hettha paṭipadā dassitā. “Avijjāya tveva asesavirāganirodhā saṅkhāranirodho”ti etaṃ² nirodhasaṅkhātāṃ nibbānaṃ yassā paṭipadāya phalaṃ, ayaṃ vuccati bhikkhave sammāpaṭipadāti ayamettha attho. Imasmiñca atthe asesavirāganirodhāti ettha virāgo nirodhasseva vevacanaṃ, asesavirāgā asesanirodhāti ayaṃ hettha adhippāyo. Yena vā virāgasāṅkhātena maggena asesanirodho hoti, taṃ dassetuṃ etaṃ padabhājanaṃ vuttaṃ. Evaṃ hi sati sānubhāvā paṭipadā vibhattā hoti. Iti imasmimpi sutte vaṭṭavivaṭṭameva kathitanti. . Tatiyaṃ.

1. Pucchitvā (Sī)

2. Evaṃ (Sī)

4. Vipassīsuttavaṇṇanā

4. Catutthe **vipassissāti** tassa kira bodhisattassa yathā lokiyamanussānaṃ kiñcīdeva passantānaṃ parittakammābhiniḃbattassa kammajapasādassa dubbalattā akkhīni vipphandanti, na evaṃ vipphandiṃsu. Balavakammanibbattassa pana kammajapasādassa balavattā avipphandantehi animisehi eva akkhīhi passi seyyathāpi devā Tāvatiṃsā. Tena vuttam “Animisanto kumāro pekkhatīti kho bhikkhave Vipassissa kumārassa “Vipassī Vipassī’ tveva samaññā udapādī”ti¹. Ayaṃ hettha adhippāyo— antarantarā nimisajanitandhakāravirahena visuddhaṃ passati, vivaṭehi vā akkhīhi passatīti **Vipassī**. Ettha ca kiñcāpi pacchimabhavikānaṃ sabbabodhisattānaṃ balavakammanibbattassa kammajapasādassa balavattā akkhīni na vipphandanti, so pana bodhisatto eteneva nāmaṃ labhi.

Apica viceyya viceyya passatīti **Vipassī**, vicinitvā vicinitvā passatīti attho. Ekadivasam kira vinicchayaṭṭhāne nisīditvā atthe anusāsantassa rañño alaṅkatapaṭiyattam mahāpurisaṃ āharitvā anke ṭhapayiṃsu. Tassa taṃ anke katvā palālayamānasseva² amaccā sāmikaṃ assāmikaṃ akaṃsu. Bodhisatto anattamanasaddam nicchāresi. Rājā “kimetaṃ³ upadhārethā”ti āha. Upadhārayamānā aññaṃ adisvā “atṭassa⁴ dubbicchitattā evaṃ kataṃ bhavissatī”ti puna sāmikameva sāmikaṃ katvā “ñatvā nu kho kumāro evaṃ karotī”ti vīmaṃsantā puna sāmikaṃ assāmikamakāṃsu. Puna bodhisatto tatheva saddam nicchāresi. Atha rājā “jānāti mahāpuriso”ti tato paṭṭhāya appamatto ahosi. Tena vuttam “viceyya viceyya kumāro atthe panāyati ñāyenāti kho bhikkhave Vipassissa kumārassa bhiiyoso mattāya ‘Vipassī Vipassī’ tveva samaññā udapādī”ti⁵.

Bhagavatoti bhāgyasampannassa. **Arahatoti** rāgādi-arīnaṃ hatattā, saṃsāracakkassa vā arānaṃ hatattā, paccayānaṃ vā arahattā arahāti evaṃ guṇato uppannāmadheyyassa. **Sammāsambuddhassāti** sammā nayena hetunā sāmaṃ paccattapurisakārena cattāri saccāni Buddhassa. **Pubbeva**

1. Dī 2. 17 piṭṭhe.

2. Upalālayamānasseva (Sī)

3. Kimetaṃ kimetaṃ (Syā)

4. Atṭhassa (Syā)

5. Dī 2. 18 piṭṭhe.

sambodhāti sambodho vuccati catūsu maggesu ñāṇaṃ, tato pubbeva. **Bodhisattasseva satoti** ettha **bodhī**ti ñāṇaṃ, bodhimā¹ satto **bodhisatto**, ñāṇavā paññavā paṇḍitoti attho. Purimabuddhānaṃ hi pādamūle abhinīhārato paṭṭhāya paṇḍitova so satto, na andhabāloti bodhisatto. Yathā vā udakato uggantvā ṭhitam paripākagataṃ padumaṃ sūriyarasmisamphassena avassaṃ bujjhissatīti bujjhanakapadumanti vuccati, evaṃ Buddhānaṃ santike byākaraṇassa laddhattā avassaṃ anantarāyena pāramiyo pūretvā bujjhissatīti bujjhanakasattotipi **bodhisatto**. Yā ca esā catumaggañāṇasaṅkhātā bodhi, taṃ patthayamāno pavattatīti bodhiyaṃ satto āsattotipi **bodhisatto**. Evaṃ guṇato uppannānāmavasena bodhisattasseva sato. **Kicchanti** dukkhaṃ. **Āpannoti** anuppatto. Idaṃ vuttaṃ hoti—aho ayaṃ sattaloko dukkhaṃ anuppattoti. **Cavati ca upapajjati cāti** idaṃ aparāparaṃ cutipaṭṭisandhivasena vuttaṃ. **Nissaraṇanti** nibbānaṃ. Taṃ hi jarāmaraṇadukkhatō nissaṭṭatā tassa nissaraṇanti vuccati. **Kudāssu nāmāti** katarasmim nu kho kāle.

Yoniso manasikārāti upāyamanasikārena pathamanasikārena. **Ahu paññāya abhisamayoti** paññāya saddhim² jarāmaraṇakāraṇassa abhisamayo samavāyo samāyogo aho, “jātipaccayā jarāmaraṇaṃ”ti idaṃ tena diṭṭhanti attho. Atha vā **yoniso manasikārā ahu paññāyāti** yoniso manasikārena ca paññāya ca abhisamayo ahu, “jātiyā kho sati jarāmaraṇaṃ”ti evaṃ jarāmaraṇakāraṇassa paṭivedho ahoṣīti attho. Esa nayo sabbattha.

Iti hidanti evamidaṃ. **Samudayo samudayoti** ekādasasu ṭhānesu saṅkhārādīnaṃ samudayaṃ sampiṇḍetvā niddisati. **Pubbe ananussutesūti** “avijjāpaccayā saṅkhārānaṃ samudayo hoti”ti evaṃ ito pubbe ananussutesu dhammesu, catūsu vā ariyasaccadhammesu. **Cakkhanti-ādīni** ñāṇavevacanāneva. Ñāṇameva hettha dassanaṭṭhena **cakkhu**, nātaṭṭhena³ **ñāṇaṃ**, pajānanaṭṭhena **paññā**, paṭivedhanaṭṭhena **vijjā**, obhāsanaṭṭhena **ālokoti**

1. Bodhiyā (Sī)

2. Sati (Sī)

3. Ñāṇaṭṭhena (Sī, Syā), nātakaraṇaṭṭhena (Dī-Ṭṭha 2. 52 piṭṭhe.)

vuttaṃ. Taṃ panetaṃ catūsu saccesu lokiyalokuttaramissakaṃ niddiṭṭhanti veditabbaṃ. Nirodhavārepi imināva nayena attho veditabbo. . Catutthaṃ.

5-10. Sikhīsuttādivaṇṇanā

5-10. Pañcamādīsu **Sikhissa bhikkhavi**ti-ādīnaṃ padānaṃ “Sikhissapi bhikkhave”ti na evaṃ yojetvā attho veditabbo. Kasmā? Ekāsane adesitattā. Nānāṭhānesu hi etāni desitāni, attho pana sabbattha sadiso yeva. Sabbabodhisattānaṃ hi Bodhipallaṅke nisinnānaṃ na añño samaṇo vā brāhmaṇo vā devo vā māro vā brahmā vā ācikkhati “atīte bodhisattā paccayākāraṃ sammasivā Buddhā jātā”ti. Yathā pana paṭhamakappikakāle deve vuṭṭhe udakassa gatamaggena aparāparaṃ vuṭṭhi-udakaṃ gacchati, evaṃ tehi tehi purimabuddhehi gatamaggena pacchimā pacchimā gacchanti. Sabbabodhisattā hi ānāpānecatutthajjhānato vuṭṭhāya paccayākāre ñāṇaṃ otāretvā taṃ anulomapaṭilomaṃ sammasivā Buddhā hontīti paṭipāṭiyā sattasu suttesu Buddhavipassanā nāma kathitāti.

Buddhavaggo paṭhamo.

2. Āhāravagga

1. Āhārasuttavaṇṇanā

11. Āhāravaggassa paṭhame **āhārā**ti paccayā. Paccayā hi āharanti attano phalaṃ, tasmā āhārāti vuccanti. **Bhūtānaṃ vā sattānaṃ**ti-ādīsu **bhūtā**ti jātā nibbattā. **Sambhavesinoti** ye sambhavaṃ jātīm nibbattīm esanti gavesanti. Tattha catūsu yonīsu aṇḍajalābujā sattā yāva aṇḍakosaṃ vatthikosaṅca na bhindanti, tāva sambhavesino nāma, aṇḍakosaṃ vatthikosaṅca bhinditvā bahi nikkhantā bhūtā nāma. Saṃsedajā opapātikā ca paṭhamacittakkaṇḍe sambhavesino nāma, dutiyacittakkaṇḍato pabhuti bhūtā nāma. Yena vā iriyāpathena jāyanti, yāva tato aññaṃ na pāpuṇanti, tāva sambhavesino nāma, tato paraṃ bhūtā nāma. Atha vā **bhūtā**ti jātā abhinibbattā, ye bhūtā abhinibbattāyeva¹, na

1. Ye bhūtāyeva (Sī, Syā, Ma-Ṭṭha 1. 211 piṭṭhe ca)

puna bhavissantīti saṅkham gacchanti, tesam khīṇāsavānaṃ etaṃ adhivacanaṃ. Sambhavamesantīti **sambhavesino**.

Appahīnabhavasamyojanattā āyatimpī sambhavaṃ esantānaṃ sekkhaputhujjanānametaṃ adhivacanaṃ. Evaṃ sabbathāpi imehi dvīhi padehi sabbasatte pariyādiyati. **Vāsaddo** cettha sampiṇḍanatto, tasmā bhūtānañca sambhavesīnañcāti ayamatto veditabbo.

Ṭhitiyāti ṭhitattham. **Anuggahāyāti** anuggahattham. Vacanabhedoyeva cesa, attho pana dvinnampi padānaṃ ekoyeva. Atha vā **ṭhitiyāti** tassa tassa sattassa uppannadhammānaṃ anuppabandhavasena avicchedāya.

Anuggahāyāti anuppanānaṃ uppādāya. Ubhopi cetāni “bhūtānaṃ vā ṭhitiyā ceva anuggahāya ca, sambhavesīnaṃ vā ṭhitiyā ceva anuggahāya cā”ti evaṃ ubhayattha datṭhabbānīti.

Kabaḷikāro āhāroti kabaḷaṃ katvā ajjhoharitabbako āhāro, odanakummāsādivatthukāya oḷāyetaṃ adhivacanaṃ. **Oḷāriko vā sukhumo vāti** vatthu-oḷārikatāya oḷāriko, sukhumatāya sukhumo. Sabhāvena pana sukhumarūpapariyāpannattā kabaḷikāro āhāro sukhumova hoti. Sāpi cassa¹ vatthuto oḷārikatā sukhumatā ca upādāyupādāya veditabbā. Kumbhīlānañhi āhāraṃ upādāya morānaṃ āhāro sukhumo. Kumbhīlā kira pāsāṇe gilanti, te ca nesaṃ kucchippattā vilīyanti. Morā sappavicchikādīpāṇe khādanti. Morānaṃ pana āhāraṃ upādāya taracchānaṃ āhāro sukhumo. Te kira tivassachadditāni visāṇāni ceva aṭṭhīni ca khādanti, tāni ca nesaṃ kheḷena temitamattāneva kandaṃūlaṃ viya mudukāni honti. Taracchānaṃ āhāraṃ upādāya hatthīnaṃ āhāro sukhumo. Te hi nānārukkhasākhādayo khādanti. Hatthīnaṃ āhārato gavayagokaṇṇamigādīnaṃ āhāro sukhumo. Te kira nissārāni nānārukkhapaṇṇādīni khādanti. Tesampi āhārato gunnaṃ² āhāro sukhumo. Te allasukkhatīṇāni khādanti. Tesam āhārato sasānaṃ āhāro sukhumo. Sasānaṃ āhārato sakuṇānaṃ āhāro sukhumo. Sakuṇānaṃ āhārato paccantavāsīnaṃ āhāro sukhumo. Paccantavāsīnaṃ āhārato gāmabhojakānaṃ

1. Sāpi cassāyaṃ (Sī, Ka)

2. Goṇānaṃ (Sī)

āhāro sukhumo. Gāmabhojakānaṃ āhārato rājarājamahāmattānaṃ āhāro sukhumo. Tesampi āhārato cakkavattino āhāro sukhumo. Cakkavattino āhārato bhummānaṃ devānaṃ āhāro sukhumo. Bhummānaṃ devānaṃ āhārato Cātumahārājikānaṃ. Evaṃ yāva Paranimmitavasavattīnaṃ āhārā vitthāretabbā¹. Tesam panāhāro sukhumotveva niṭṭhaṃ patto.

Ettha ca oḷārike vatthusmiṃ oḷā paritṭā hoti dubbalā, sukhume balavatī. Tathā hi ekapattapūrampi yāguṃ pīto² muhutteneva jighacchito hoti yaṃkiñcideva khādītukāmo, sappiṃ pana pasatamattaṃ pivitvā divasaṃ abhottukāmo hoti. Tattha vatthu kammajatejasaṅkhātāṃ parissayaṃ vinodeti, na pana sakkoti pāletuṃ. Oḷā pana pāleti, na sakkoti parissayaṃ vinodetuṃ. Dve pana ekato hutvā parissayañceva vinodenti pāleti cāti.

Phasso dutiyoti cakkhusamphassādi chabbidhopi phasso etesu catūsu āhāresu dutiyo āhāroti veditabbo. Desanānayo eva cesa, tasmā iminā nāma kāraṇena dutiyo tatiyo cāti idamettha na gavesitabbaṃ. **Manosañcetanāti** cetanāva vuccati. **Viññānanti** cittaṃ. Iti Bhagavā imasmim ṭhāne upādiṇṇaka-anupādiṇṇakavasena ekarāsīm katvā cattāro āhāre dasseti. Kabaḷikārāhāro hi upādiṇṇakopi atthi anupādiṇṇakopi, tathā phassādayo. Tattha sappādihi gilitānaṃ maṇḍūkādīnaṃ vasena upādiṇṇakakabaḷikārāhāro daṭṭhabbo. Maṇḍūkādayo hi sappādihi gilitā antokucchigatāpi kiñci kālaṃ jīvantiyeva. Te yāva upādiṇṇakapakkhe tiṭṭhanti, tāva āhāratthaṃ na sādheti. Bhijjivā pana anupādiṇṇakapakkhe ṭhitā sādheti. Tadāpi upādiṇṇakāhāroti vuccantīti. Idam pana ācariyānaṃ na rucātīti Aṭṭhakathāyameva paṭikkhipitvā idam vuttam—imesam sattānaṃ khādantānampi akhādantānampi bhuñjantānampi abhuñjantānampi paṭisandhicitteneva sahaḷatā kammajā oḷā nāma atthi, sā yāvapi sattamā divasā³ pāleti,

1. Āhāro vitthāretabbo (Syā) Ma-Ṭṭha 1. 212 piṭṭhe ca.

2. Pivato (Ka)

3. Yāva sattamampi divasaṃ (Sī), yāva sattamāpi divasā (Syā)

ayameva upādiṇṇakakabaḷikārāhāroti veditabbo¹. Tebhūmakavipākavasena pana upādiṇṇakaphassādayo veditabbā, tebhūmakakusalākusalakiriyavasena anupādiṇṇakā. Lokuttarā pana rūḷhīvasena kathitāti.

Etthāha—“yadi paccayaṭṭho āhāraṭṭho, atha kasmā aññesupi sattānaṃ paccayesu vijjamānesu imeyeva cattāro vuttā”ti? Vuccate—
ajjhattikasantatiyā visesapaccayattā. Visesapaccayo hi
kabaḷikārāhārabhakkhānaṃ sattānaṃ rūpakāyassa kabaḷikāro āhāro,
nāmakāye vedanāya phasso, viññāṇassa manosañcetanā, nāmarūpassa
viññāṇaṃ. Yathāha “seyyathāpi bhikkhave ayaṃ kāyo āhāraṭṭhitiko āhāraṃ
paṭicca tiṭṭhati, anāhāro no tiṭṭhati², tathā phassapaccayā vedanā,
saṅkhārapaccayā viññāṇaṃ, viññāṇapaccayā nāmarūpan”ti³.

Ko panettha āhāro kiṃ āharatīti? Kabaḷikārāhāro ojaṭṭhamakarūpāni āharati, phassāhāro tisso vedanā, manosañcetanāhāro tayo bhava, viññāṇāhāro paṭisandhināmarūpanti.

Katham? Kabaḷikārāhāro tāva mukhe ṭhapitamatteyeva aṭṭha rūpāni samuṭṭhāpeti, dantavicuṇṇitaṃ pana ajjhohariyamānaṃ ekekaṃ sitthaṃ aṭṭhaṭṭharūpāni samuṭṭhāpetiyeva. Evaṃ kabaḷikārāhāro ojaṭṭhamakarūpāni āharati. Phassāhāro pana sukhavedanīyo phasso uppajjamānoyeva sukhaṃ vedanaṃ āharati, dukkhavedanīyo dukkhaṃ, adukkhamasukhavedanīyo adukkhamasukhanti evaṃ sabbathāpi phassāhāro tisso vedanā āharati.

Manosañcetanāhāro kāmabhavūpagaṃ kammaṃ kāmabhavaṃ āharati, rūpārūpabhavūpagāni taṃ taṃ bhavaṃ. Evaṃ sabbathāpi manosañcetanāhāro tayo bhava āharati. Viññāṇāhāro pana ye ca paṭisandhikkhaṇe taṃsampayuttakā tayo khandhā, yāni ca tisantavasena tiṃsa rūpāni uppajjanti, sahaṇāṭṭhāpaccayanayena tāni āharatīti vuccati. Evaṃ viññāṇāhāro paṭisandhināmarūpaṃ āharatīti. Ettha ca “manosañcetanā tayo bhava āharati”ti sāsavakusalākusalacetanāva vuttā.

1. Veditabboti (Sī)

2. Saṃ 3. 58 piṭṭhe.

3. Saṃ 1. 243; Abhi 2. 142 piṭṭhādīsu.

“Viññāṇaṃ paṭisandhināmarūpaṃ āhāraṭī”ti paṭisandhiviññāṇameva vuttaṃ. Avisesena pana taṃsāmpayuttataṃsamuṭṭhānadhammānaṃ¹ āharaṇatopete “āhārā”ti veditabbā.

Etesu catūsu āhāresu kabaḷikārāhāro upatthambhento āhāraḷakiccaṃ sādheti, phasso phusantoyeva, manosañcetanā āyūhamānāva, viññāṇaṃ vijānantameva. Kathaṃ? Kabaḷikārāhāro hi upatthambhentoyeva kāyaṭṭhapanena sattānaṃ ṭhitiyā hoti. Kammajanitopi hi ayaṃ kāyo kabaḷikārāhārena upatthaddho dasapi vassāni vassasatampi yāva āyuparimāṇā tiṭṭhati. Yathā kiṃ? Yathā mātuyā janitopi dārako dhātiyā thaññādīni pāyevā posiyamāno cirāṃ tiṭṭhati, yathā ca upatthambhena upatthambhitaṃ gehaṃ. Vuttampi cetāṃ—

“Yathā mahārāja gehe papatante aññena dārunā upatthambhitaṃ santāṃ eva taṃ gehaṃ na patati, evameva kho mahārāja ayaṃ kāyo āhāraṭṭhitiko āhāraṃ paṭicca tiṭṭhati”ti.

Evāṃ kabaḷikāro āhāro upatthambhento āhāraḷakiccaṃ sādheti.

Evāṃ sādhentopi ca kabaḷikāro āhāro dvinnaṃ rūpasantatīnaṃ paccayo hoti āhārasamuṭṭhānassa ca upādiṇṇakassa ca. Kammajānaṃ anupālako hutvā paccayo hoti, āhārasamuṭṭhānānaṃ janako hutvāti. Phasso pana sukhādivatthubhūtaṃ ārammaṇaṃ phusantoyeva sukhādivedanāpavattanena sattānaṃ ṭhitiyā hoti. Manosañcetanā kusalākusalakammavasena āyūhamānāyeva bhavamūlanipphādanato sattānaṃ ṭhitiyā hoti. Viññāṇaṃ vijānantameva nāmarūpappavattanena sattānaṃ ṭhitiyā hotīti.

Evāṃ upatthambhanādivasena āhāraḷakiccaṃ sādhayamānesu panetesu cattāri bhayāni daṭṭhabbāni. Seyyathidaṃ? Kabaḷikārāhāre nikantiyeva bhayaṃ, phasse upagamanameva, manosañcetanāya āyūhanameva, viññāṇe abhinipātoyeva bhayanti. Kiṃ kāraṇā? Kabaḷikārāhāre hi

1. Taṃtaṃsāmpayuttānaṃ taṃtaṃsamuṭṭhānadhammānaṃ (Sī, Syā)

nikantiṃ katvā sītādīnaṃ purakkhatā sattā āhāratthāya muddāgaṇaṇādikammāni karontā anappakaṃ dukkhaṃ nigacchanti. Ekacce ca imasmiṃ sāsane pabbajitvāpi vejjakammādikāya anesanāya āhāraṃ pariyesantā diṭṭheva dhamme gārayhā honti, samparāyepi “tassa saṃghāṭipi ādittā sampajjalitā”ti-ādīnaṃ Lakkhaṇasaṃyutte¹ vuttanayena samaṇapetā honti. Iminā tāva karaṇena kabaḷikāre āhāre nikanti eva bhayanti veditabbā.

Phassaṃ upagacchantāpi phassassādino paresaṃ rakkhitagopitesu dārādīsu bhaṇḍesu aparajjhanti, te saha bhaṇḍena bhaṇḍasāmikā gahetvā khaṇḍākhaṇḍikaṃ vā chinditvā saṅkārakūṭe chaḍḍenti, rañño vā niyyādentī. Tato te rājā vividhā kammakāraṇā kārāpeti, kāyassa ca bhedaṃ duggati tesāṃ pāṭikaṅkhā hoti. Iti phassassādamaḷakaṃ diṭṭhadhammikampi samparāyikampi bhayaṃ sabbamāgatameva² hoti. Iminā kāraṇena phassāhāre upagamaṇameva bhayanti veditabbāṃ.

Kusalākusalakammāyūhane pana tammūlakaṃ tīsu bhavesu bhayaṃ sabbamā gatameva hoti. Iminā kāraṇena manosañcetanāhāre āyūhaṇameva bhayanti veditabbāṃ.

Paṭisandhiviññāṇaṇca yasmim yasmim ṭhāne abhinipatati³, tasmim tasmim ṭhāne paṭisandhināmarūpaṃ gahetvāva nibbattati. Tasmīṅca nibbatte sabbabhayaṇi nibbattānīyeva honti tammūlakattāti iminā kāraṇena viññāṇāhāre abhinipātoyeva bhayanti veditabboti.

Kirīnidānāti-ādīsu nidānādīni sabbāneva kāraṇavevacanāni. Kāraṇaṃ hi yasmā phalaṃ nideti, “handa naṃ gaṇhathā”ti appeti viya, tasmā **nidānanti** vuccati. Yasmā taṃ tato samudeti jāyati pabhavati, tasmā **samudayo jāti pabhavoti** vuccati. Ayaṃ panettha padattho—kirīnidānaṃ etesanti **kirīnidānā**. Ko samudayo etesanti **kirīsamudayā**. Kā jāti etesanti **kirījātikā**. Ko pabhavo etesanti **kirīpabhavā**. Yasmā pana tesāṃ taṇhā yathāvuttena atthena nidānaṇceva

1. Saṃ 1. 451 piṭṭhe.

2. Samāgatameva (Syā, Ka)

3. Abhinibbattati (Ka)

samudayo ca jāti ca pabhavo ca, tasmā “taṇhānidānā”ti-ādimāha. Evaṃ sabbapadesu attho veditabbo.

Ettha ca ime cattāro āhārā taṇhānidānāti paṭisandhim ādim katvā attabhāvasaṅkhātānaṃ āhārānaṃ purimataṇhānaṃ vasena¹ nidānaṃ veditabbaṃ. Kathaṃ? Paṭisandhikkhaṇe tāva paripuṇṇāyatanānaṃ sattānaṃ sattsantativasena, sesānaṃ tato ūna-ūnasantativasena uppannarūpabbhantaraṃ jātā oḷā atthi, ayaṃ taṇhānidāno upādiṇṇakakabaḷīkārahāro. Paṭisandhicittasampayuttā pana phassacetanā sayaṅca cittaṃ viññāṇanti ime taṇhānidānā upādiṇṇakaphassamanosañcetanāviññāṇāhārāti evaṃ tāva purimataṇhānidānā paṭisandhikā āhārā. Yathā ca paṭisandhikā, evaṃ tato param paṭhamabhavaṅgacittakkhaṇādinibattāpi² veditabbā.

Yasmā pana Bhagavā na kevalaṃ āhārānameva nidānaṃ jānāti, āhāranidānabhūtāya taṇhāyapi, taṇhāya nidānaṃ vedanādīnampi nidānaṃ jānātiyeva, tasmā **taṇhā cāyaṃ bhikkhave kimnidānāti**-ādinā nayena vaṭṭaṃ dassetvā vivaṭṭaṃ dassesi. Imasmiṅca pana ṭhāne Bhagavā atītābhimukhaṃ desanaṃ katvā atītena vaṭṭaṃ dasseti. Kathaṃ? Āhāravasena hi ayaṃ attabhāvo gahito.

Taṇhāti imassattabhāvassa janakaṃ kammaṃ, vedanāphassasaḷāyatananāmarūpaviññāṇāni yasmim attabhāve ṭhatvā kammaṃ āyūhitaṃ, taṃ dassetuṃ vuttāni, avijjāsaṅkhārā tassattabhāvassa janakaṃ kammaṃ. Iti dvīsu ṭhānesu attabhāvo, dvīsu tassa janakaṃ kammanti saṅkhepena kammaṅceva kammavipākaṅcāti dvepi dhamme dassentena atītābhimukhaṃ desanaṃ katvā atītena vaṭṭaṃ dassitaṃ.

Tatrāyaṃ desanā anāgatassa adassitattā aparipuṇṇāti na daṭṭhabbā, nayato pana paripuṇṇātveva daṭṭhabbā. Yathā hi cakkhumā puriso udakapiṭṭhe nīpannaṃ suṃsumāraṃ disvā tassa parabhāgaṃ olokento gīvaṃ passeyya, orato piṭṭhiṃ, pariyoṣāne naṅguṭṭhamūlaṃ, heṭṭhā kucchiṃ olokento pana udakagataṃ agganāṅguṭṭhaṅceva cattāro ca hatthapāde na passeyya, so na ettāvata “aparipuṇṇo suṃsumāro”ti gaṇhāti, nayato pana paripuṇṇotveva gaṇhāti, evaṃsampadamidaṃ veditabbaṃ.

1. Purimataṇhāvasena (Syā)

2. Paṭhamabhavaṅgacittakkhaṇādinipattāpi (Sī)

Udakapiṭṭhe nipannasumsumāro viya hi tebhūmakavaṭṭam. Tīre ṭhito cakkhumā puriso viya yogāvacarō. Tena purisena udakapiṭṭhe sumsumārassa diṭṭhakālo viya yoginā āhāravasena imassattabhāvassa diṭṭhakālo. Parato gīvāya diṭṭhakālo viya imassattabhāvassa janikāya taṇhāya diṭṭhakālo piṭṭhiyā diṭṭhakālo viya yasmiṃ attabhāve taṇhāsaṅkhātāṃ kammaṃ kataṃ, vedanādivasena tassa diṭṭhakālo. Naṅguṭṭhamūlassa diṭṭhakālo viya tassattabhāvassa janakānaṃ avijjāsaṅkhārānaṃ diṭṭhakālo. Hetṭhā kucchiṃ oloketassa pana aggaṅguṭṭhañceva cattāro ca hatthapāde adisvāpi “aparipuṇṇo sumsumāro”ti agahetvā nayato paripuṇṇotveva gahaṇaṃ viya yattha yattha paccayavaṭṭam Pāliyaṃ na āgataṃ, tattha tattha “desanā aparipuṇṇā”ti agahetvā nayato paripuṇṇātveva gahaṇaṃ veditabbaṃ. Tattha ca āhāratāṇhānaṃ antare eko sandhi, taṇhāvedanānaṃ antare eko, viññāṇasaṅkhārānaṃ antare ekoti evaṃ tisandhicusāṅkhepameva vaṭṭam dassitanti. . Paṭhamam.

2. Moḷiyaphaggunasuttavaṇṇanā

12. Dutiye **sambhavesīnaṃ vā anuggahāyāti** imasmiṃ yeva ṭhāne Bhagavā desanaṃ niṭṭhāpesi. Kasmā? Diṭṭhigatikassa nisinnattā. Tassaṃ hi parisati Moḷiyaphagguno nāma bhikkhu diṭṭhigatiko nisinno, atha Satthā cintesi “ayaṃ uṭṭahitvā maṃ pañhaṃ pucchissati, athassāhaṃ vissajjessāmi”ti pucchāya okāsadānatthaṃ desanaṃ niṭṭhāpesi.

Moḷiyaphaggunoti moḷīti cūḷā vuccati. Yathāha—

“Chetvāna moḷim varagandhavāsitaṃ,
Vehāyasaṃ ukkhipi Sakyapuṅgavo.
Ratanācaṅkoṭavarena¹ vāsavo,
sahassanetto siraṣā paṭiggahī”ti.

Sā tassa gihikāle mahantā ahosi. Tenassa “moḷiyaphagguno”ti saṅkhā udapādi. Pabbajitampi naṃ teneva nāmena sañjānanti. **Etadavocāti** desanānusandhiṃ ghaṭento etaṃ “ko nu kho bhante

1. Suvaṇṇacaṅkoṭavarena (Sī, Syā)

viññāṇāhāraṃ āhāretī”ti vacanaṃ avoca. Tassattho—bhante ko nāma so, yo etaṃ viññāṇāhāraṃ khādati vā bhuñjati vāti.

Kasmā panāyaṃ itare tayo āhāre apucchitvā imameva pucchatīti. Jānāmīti laddhiyā. So hi mahante¹ piṇḍe katvāva kabalīkārāhāraṃ bhuñjante passati, tenassa taṃ jānāmīti laddhi. Tittiravaṭṭakamorakukkuṭādayo pana mātusamphassa yāpente disvā “ete phassāhārena yāpentī”ti tassa laddhi. Kacchapā pana attano utusamaye mahāsamuddato nikkhamitvā samuddatīre vālikantare aṇḍāni ṭhapetvā vālikāya paṭicchādetvā mahāsamuddameva otaranti. Tāni mātu-anussaraṇavasena na pūtīni honti. Tāni manosañcetanāhārena yāpentīti tassa laddhi. Kiñcāpi therassa ayaṃ laddhi, na pana etāya laddhiyā imaṃ pañhaṃ pucchati. Diṭṭhigatiko hi ummattakasado. Yathā ummattako pacchimaṃ gahetvā antaravīthim otiṇṇo gomayampi pāsāṇampi gūthampi khajjakhaṇḍampi taṃ taṃ manāpampi amanāpampi gahetvā pacchiyaṃ pakkhipati, evameva diṭṭhigatiko yuttampi ayuttampi pucchati. So “kasmā imaṃ pucchasi”ti na niggaḥetabbo, pucchitapucchitaṭṭhāne pana gahaṇameva nisedhetabbaṃ. Teneva naṃ Bhagavā “kasmā evaṃ pucchasi”ti avatvā gahitagāhameva tassa moceturā **no kallo pañhoti-ādimāha**.

Tattha **no kalloti** ayutto. **Āhāretīti ahaṃ na vadāmīti** ahaṃ koci satto vā puggalo vā āhāretīti na vadāmi. **Āhāretīti cāhaṃ vadeyyanti** yadi ahaṃ āhāretīti vadeyyaṃ. **Tatrasa kallo pañhoti** tasmim mayā evaṃ vutte ayaṃ pañho yutto bhavye. **Kissa nu kho bhante viññāṇāhāro**ti bhante ayaṃ viññāṇāhāro katamassa dhammassa paccayoti attho. **Tatra kallaṃ veyyākaraṇanti** tasmim evaṃ pucchite pañhe imaṃ veyyākaraṇaṃ yuttaṃ “viññāṇāhāro āyatim punabbhavābhiniḍḍatīyaṃ paccayo”ti. Ettha ca **viññāṇāhāro**ti paṭisandhicittaṃ. **Āyatim punabbhavābhiniḍḍatīti** teneva viññāṇena sahappannaṃ nāmarūpaṃ. **Tasmim bhūte sati saḷāyatananti** tasmim punabbhavābhiniḍḍatīsaṅkhāte nāmarūpe jāte sati saḷāyatanāṃ hotīti attho.

1. Mahante mahante (Syā)

Saḷāyatanapaccayā phassoti idhāpi Bhagavā uttari pañhassa okāsaṃ dento desanaṃ niṭṭhāpesi. Diṭṭhigatiko hi navapucchaṃ uppādetuṃ na sakkoti, niddiṭṭhaṃ niddiṭṭhamyeva pana gaṇhitvā pucchati, tenassa Bhagavā okāsaṃ adāsi. Attho panassa sabbapadesu vuttanayeneva gahetabbo. “Ko nu kho bhante bhavati”ti kasmā na pucchati? Diṭṭhigatikassa hi satto nāma bhūto nibbattoyevāti¹ laddhi, tasmā attano laddhiviruddhaṃ idanti na pucchati. Apica idappaccayā idaṃ idappaccayā idanti bahūsu ṭhānesu kathitattā saññattim upagato, tenāpi na pucchati. Satthāpi “imassa bahuṃ pucchantassāpi titti natthi, tucchapucchameva² pucchati”ti ito paṭṭhāya desanaṃ ekābaddhaṃ katvā desesi. **Channaṃ tvevāti** yato paṭṭhāya desanāruḷhaṃ³, tameva gahetvā desanaṃ vivaṭṭento⁴ evamāha. Imasmim pana sutte viññāṇanāmarūpānaṃ antare eko sandhi, vedanātaṇhānaṃ antare eko, bhavajātīnaṃ antare ekoti. . Dutiyam.

3. Samaṇabrāhmaṇasuttavaṇṇanā

13. Tatiye **samaṇā vā brāhmaṇā vāti** saccāni paṭivijjhituṃ asamattā bāhirakasamaṇabrāhmaṇā. **Jarāmarāṇaṃ nappajānantīti**-ādīsu jarāmarāṇaṃ na jānanti dukkhasaccavasena, jarāmarāṇasamudayaṃ na jānanti saha taṇhāya jāti jarāmarāṇassa samudayoti samudayasaccavasena, jarāmarāṇanirodhaṃ na jānanti nirodhasaccavasena, paṭipadaṃ na jānanti maggasaccavasena. Jātim na jānanti dukkhasaccavasena, jātisamudayaṃ na jānanti saha taṇhāya bhavo jātisamudayoti samudayasaccavasena. Evam saha taṇhāya samudayaṃ yojetvā sabbapadesu catusaccavasena attho veditabbo. **Sāmaññatthaṃ vā brahmaññatthaṃ vāti** ettha ariyameggo sāmaññaṇceva brahmaññaṇca. Ubhayatthāpi pana attho nāma ariyaphalaṃ veditabbaṃ. Iti Bhagavā imasmim sutte ekādasasu ṭhānesu cattāri saccāni kathesīti. . Tatiyam.

1. Nipphattoyevāti (Ṭikā)

2. Tucchameva (Sī)

3. Desanāya āruḷhaṃ (Sī, Syā)

4. Vivajjento (Ka)

4. Dutiyasamaṇabrāhmaṇasuttavaṇṇanā

14. Catutthe **ime dhamme katame dhammeti** ettakaṃ papañcaṃ katvā kathitaṃ, desanaṃ paṭivijjhitaṃ samatthānaṃ puggalānaṃ ajjhāsayena **ime dhamme nappajānantī**-ādi vuttaṃ. Sesāṃ purimasadisameva. . Catutthaṃ.

5. Kaccānagottasuttavaṇṇanā

15. Pañcame **sammādiṭṭhi sammādiṭṭhī** yaṃ paṇḍitā devamanussā tesu tesu ṭhānesu sammādassanaṃ vadanti, sabbampi taṃ dvīhi padehi saṅkhipitvā pucchati. **Dvayanissitoti** dve koṭṭhāse nissito. **Yebhuyyenā**ti iminā ṭhapetvā ariyapuggale sesamahājanaṃ dasseti. **Atthitanti** sassataṃ. **Natthitanti** ucchedaṃ. **Lokasamudayanti** loko nāma saṅkhāraloko, tassa nibbatti. **Sammappaññāya** passatoti sammāpaññā nāma savipassanā maggapaññā, tāya passantassāti attho. **Yā loke natthitāti** saṅkhāraloke nibbattesu dhammesu paññāyantesveva¹ yā natthīti ucchedadiṭṭhi uppajjeyya, sā na hotīti attho. **Lokanirodhanti** saṅkhārānaṃ bhaṅgaṃ. **Yā loke atthitāti** saṅkhāraloke bhijjamānesu dhammesu paññāyantesveva yā atthīti sassatadiṭṭhi uppajjeyya, sā na hotīti attho.

Apica **lokasamudayanti** anulomapaccayākāraṃ. **Lokanirodhanti** paṭilomapaccayākāraṃ. Lokanissaye passantassāpi hi paccayānaṃ anucchedena² paccayuppannassa anucchedaṃ³ passato yā natthīti ucchedadiṭṭhi uppajjeyya, sā na hoti. Paccayanirodhaṃ passantassāpi paccayanirodhena paccayuppannanirodhaṃ passato yā atthīti sassatadiṭṭhi uppajjeyya, sā na hotīti ayampettha attho.

Upayupādānābhinivesavinibandhoti upayehi⁴ ca upādānehi ca abhinivesehi ca vinibandho⁵. Tattha **upayāti** dve upayā taṇhupayo ca diṭṭhupayo ca. Upādānādīsupi eseva nayo. Taṇhādīṭṭhiyo hi yasmā ahaṃ mamanti-ādīhi ākārehi tebhūmakadhamme upenti upagacchanti, tasmā

1. Paññāyamānesveva (Ka)

2. Anupacchedena (Sī)

3. Anupacchedaṃ (Sī)

4. Upāyehi (Sī, Syā)

5. Vinibaddho (Sī)

upayāti vuccanti. Yasmā pana te dhamme upādiyanti ceva abhinivisanti ca, tasmā upādānāti ca abhinivesāti ca vuccanti. Tāhi cāyaṃ loko vinibandho. Tenāha “upayupādānābhinivesavinibandho”ti.

Tañcāyanti tañca upayupādānaṃ ayaṃ ariyasāvako. **Cetaso adhiṭṭhānanti** cittassa paṭiṭṭhānabhūtaṃ. **Abhinivesānusayanti** abhinivesabhūtañca¹ anusayabhūtañca. Taṇhādiṭṭhīsu hi akusalacittaṃ paṭiṭṭhāti, tā ca tasmim̄ abhinivisanti ceva anusenti ca, tasmā tadubhayaṃ cetaso adhiṭṭhānaṃ abhinivesānusayanti ca āha. **Na upetiṭi** na upagacchati. **Na upādiyatīti** na gaṇhāti. **Nādiṭṭhātīti** na adhiṭṭhāti, kinti? **Attā meti**. **Dukkamevāti** pañcupādānakkhandhamattameva. **Na kaṅkhatīti** “dukkameva uppajjati, dukkhaṃ nirujjhati, na añño ettha satto nāma atthi”ti kaṅkhaṃ na karoti. **Na vicikicchatiṭi** na vicikicchaṃ uppādeti.

Aparappaccayāti na parappaccayena, aññassa apattiyāyevā attapaccakkhañānamevassa ettha hotīti. **Ettāvatā kho Kaccāna sammādiṭṭhi hotīti** evaṃ sattasaññāya pahīnattā ettakena sammādassanaṃ nāma hotīti missakasammādiṭṭhim̄ āha. **Ayameko antoti** esa eko nikūṭanto lāmakanto paṭhamakaṃ sassataṃ. **Ayaṃ dutiyoti** esa dutiyo sabbaṃ natthīti uppajjanakadiṭṭhisankhāro nikūṭanto lāmakanto dutiyako ucchedoti attho. Sesamettha uttānamevāti. . Pañcamaṃ.

6. Dhammakathikasuttavaṇṇanā

16. Chaṭṭhe **nibbidāyāti** nibbindanattāya. **Virāgāyāti** virajjanattāya. **Nirodhāyāti** nirujjhanattāya. **Paṭipanno hotīti** ettha sīlato paṭṭhāya yāva arahattamaggā paṭipannoti veditabbo. **Dhammānudhammapaṭipannoti** lokuttarassa nibbānadhammassa anudhammabhūtaṃ paṭipadaṃ paṭipanno. **Anudhammabhūtanti** anurūpasabhāvabhūtaṃ. **Nibbidā virāgā nirodhāti** nibbidāya ceva virāgena ca nirodhena ca. **Anupādā vimuttoti** catūhi upādānehi kiñci dhammaṃ anupādiyivā vimutto. **Diṭṭhadhammanibbānappattoti** diṭṭheva dhamme nibbānappatto. **Alaṃ vacanāyāti** evaṃ vattabataṃ arahati, yutto anucchavikoti

1. Nivesabhūtañca (Sī)

attho. Evamettha ekena nayena dhammakathikassa pucchā kathitā, dvīhi taṃ visesetvā sekkhāsekkhabhūmiyo niddiṭṭhāti. . Chaṭṭhaṃ.

7. Acelakassapasuttavaṇṇanā

17. Sattame **acelo Kassapoti** liṅgena acelo niccelo, nāmena Kassapo. **Dūratovāti** mahatā bhikkhusaṅghena parivutaṃ āgacchantāṃ dūrato eva addasa. **Kiñcideva desanti** kiñcideva kāraṇaṃ. **Okāsanti** pañhabyākaraṇassa khaṇaṃ kālaṃ. **Antaragharanti** “na pallatthikāya antaraghare nisīdissāmī”ti ettha antonivesanaṃ antaragharaṃ. “Okkhittacakkhu antaraghare gamissāmī”ti ettha indakhīlato paṭṭhāya antogāmo. Idhāpi ayameva adhippeto. **Yadākañkhasīti** yaṃ icchasi.

Kasmā pana Bhagavā kathetukāmo yāvatiyaṃ paṭikkhipīti. Gāravajananatthaṃ. Diṭṭhigatikā hi khippaṃ kathiyamāne gāravaṃ na karonti, “samaṇaṃ Gotamaṃ upasaṅkamtumpi pucchitumpi sukaraṃ, pucchitamatteyeva kathetī”ti vacanampi na saddahanti. Dve tayo vāre paṭikkhitte pana gāravaṃ karonti, “samaṇaṃ Gotamaṃ upasaṅkamtumpi pañhaṃ pucchitumpi dukkaraṃ”ti yāvatiyaṃ yācite kathiyamānaṃ sussūsanti saddahanti. Iti Bhagavā “ayaṃ sussūsissati saddahissatī”ti yāvatiyaṃ yācāpetvā kathesi. Apica yathā bhisakko telaṃ vā phāṇitaṃ vā pacanto mudupākakharapākānaṃ pākakālaṃ āgamayamāno pākakālaṃ anatikkamitvāva otāreti, evaṃ Bhagavā sattānaṃ ñāṇaparipākaṃ āgamayamāno “ettakena kālena imassa ñāṇaṃ paripākaṃ gamissatī”ti ñatvāva yāvatiyaṃ yācāpesi.

Mā hevaṃ Kassapāti Kassapa mā evaṃ bhaṇi. “Sayamkataṃ dukkhaṃ”ti hi vattum na vaṭṭati, attā nāma koci dukkhassa kāraṇo natthīti dīpeti. Paratopi eseva nayo. **Adhiccasaṃmuppananti** akāraṇena yadicchāya uppannaṃ. **Iti puṭṭho samānoti** kasmā evamāha? Evaṃ kirassa ahosi “ayaṃ ‘sayamkataṃ dukkhaṃ’ti-ādinā puṭṭho ‘mā hevaṃ’ti vadati, ‘natthī’ti puṭṭho ‘atthī’ti vadati, ‘bhavaṃ Gotamo dukkhaṃ na jānāti na passatī’ti puṭṭho ‘jānāmi khvāhan’ti vadati, kiñci nu kho mayā virajjhivā pucchito”ti

mūlato paṭṭhāya attano pucchameva sodhento evamāha. **Ācikkhatu ca me bhante Bhagavāti** idha Satthari sañjātagāravo “bhavan”ti avatvā “Bhagavā”ti vadati.

So karotīti-ādi “sayamkatakam dukkhan”ti laddhiyā paṭisedhanattham vuttam. Ettha ca **sato**ti idam bhummatthe sāmivacanam, tasmā evamattho daṭṭhabbo—so karoti so paṭisaṃvedayatīti kho Kassapa ādimhiyeva evam sati pacchā sayamkatakam dukkhanti ayam laddhi hoti. Ettha ca **dukkhanti** vaṭṭadukkham adhippetam. **Iti vadanti** etassa purimena ādisaddena anantarena ca sassatasaddena sambandho hoti, “dīpeti gaṇhātī”ti ayam panettha pāḥhaseso. Idam hi vuttam hoti—iti evam vadanto āditova sassatam dīpeti, sassatam gaṇhātī, kasmā? Tassa hi tam dassanam etam pareti, kārakaṇca vedakaṇca ekameva gaṇhantam etam sassatam upagacchatīti attho.

Añño karotīti-ādi pana “paramkatakam dukkhan”ti laddhiyā paṭisedhanattham vuttam. “Ādito sato”ti idam pana idhāpi āharitabbam. Ayam hettha attho—añño karoti añño paṭisaṃvediyatīti kho pana kassapa ādimhiyeva evam sati pacchā “kāraako idheva ucchijjati, tena katam añño paṭisaṃvediyatī”ti evam uppannāya ucchedadiṭṭhiyā saddhim sampayuttāya vedanāya abhitunnassa viddhassa sato “paramkatakam dukkhan”ti ayam laddhi hotīti. **Iti vadanti**-ādi vuttanayeneva yojetabbam. Tatrāyam yojanā—evaṇca vadanto āditova ucchedam dīpeti, ucchedam gaṇhātī. Kasmā? Tassa hi tam dassanam etam pareti, etam ucchedam upagacchatīti attho.

Ete teti ye sassatucchedasaṅkhāte ubho ante (Anupagamma Tathāgato dhammam deseti, ete te Kassapa ubho ante)¹ anupagamma pahāya analliyitvā majjhena Tathāgato dhammam deseti, majjhimāya paṭipadāya ṭhito desetīti attho. Kataram dhammanti ce? Yadidam avijjāpaccayā saṅkhārātī. Ettha hi kāraṇato phalam, kāraṇanirodhena cassa nirodho dīpito, na koci kāraako vā vedako

1. () Etthantare pāṭho Sīhaḷa-potthake na dissati.

vā niddiṭṭho. Ettāvataṃ sesapañhā paṭisedhitā honti. **Ubho ante anupagammāti** iminā hi tatiyapañho paṭikkhitto. **Avijjāpaccayā sañkhārāti** iminā adhiccasamuppannatā ceva ajānanañca paṭikkhittanti veditabbaṃ.

Labheyanti idaṃ so Bhagavato santike bhikkhubhāvaṃ patthayamāno āha. Atha Bhagavā yonena¹ Khandhake² titthiyaparivāso paññatto, yaṃ aññatitthiyapubbo sāmaṇerabhūmiyaṃ ṭhito “ahaṃ bhante itthannāmo aññatitthiyapubbo imasmim dhammavinaye ākañkhāmi upasampadam, svāhaṃ bhante saṃghaṃ cattāro māse parivāsaṃ yācāmi”ti-ādinā nayena samādiyivā parivasati, taṃ sandhāya **yo kho Kassapa aññatitthiyapubboti-** ādimāha. Tattha **pabbajjanti** vacanasiliṭṭhatāvasena vuttaṃ. Aparivasitvāyeva hi pabbajjaṃ labhati. Upasampadatthikena pana nātikālena gāmapavesanādīni aṭṭha vattāni pūrentena parivasitabbaṃ. **Āraddhacittāti** aṭṭhavattapūraṇena tuṭṭhacittā. Ayamettha sañkhepo, vitthārato panesa titthiyaparivāso Samantapāsādikāya Vinayaṭṭhakathāya Pabbajjakkhandhakavaṇṇanāyaṃ³ vuttanayeneva veditabbo.

Apica mayāti ayamettha pāṭho, aññattha pana “apica metthā”ti. **Puggalavemattatā veditāti** puggalanānattaṃ veditaṃ. “Ayaṃ puggalo parivāsāraho, ayaṃ na parivāsāraho”ti idaṃ mayhaṃ pākaṇanti dasseti. Tato Kassapo cintesi “aho acchariyaṃ Buddhasāsaṇaṃ, yattha evaṃ ghaṃsitvā koṭṭetvā yuttameva gaṇhanti, ayuttaṃ cheḍḍenti”ti. Tato suṭṭhutaṃ pabbajjaya sañjātussāho **sace bhanteti**-ādimāha. Atha Bhagavā tassa tibbacchandataṃ veditvā “na Kassapo parivāsaṃ arahatī”ti aññataram bhikkhum āmantesi “gaccha bhikkhu Kassapaṃ nahāpetvā pabbājetvā ānehi”ti. So tathā katvā taṃ pabbājetvā Bhagavato santikaṃ agamāsi. Bhagavā gaṇe nisīditvā upasampādesi. Tena vuttaṃ **alattha kho acelo Kassapo Bhagavato santike pabbajjaṃ, alattha upasampadanti.** **Acirūpasampannoti**-ādi sesaṃ brāhmaṇasaṃyutte⁴ vuttamevāti. . Sattamaṃ.

1. Yena (Sī, Ka)

2. Vi 3. 98 piṭṭhe.

3. Vi-Ṭṭha 3. 272 piṭṭhe.

4. Saṃ 1. 163 piṭṭhe Dhanañjānisuttavaṇṇanāyaṃ.

8. Timbarukasuttavaṇṇanā

18. Aṭṭhame **sā vedanā**ti-ādi “sayamkataṃ sukhadukkhaṃ”ti laddhiyā nisedhanatthaṃ vuttaṃ. Etthāpi **satoti** bhummattheyeva sāmivacanaṃ. Tatrāyaṃ atthadīpanā—“sā vedanā, so vediyatī”ti kho Timbaruka ādimhiyeva evaṃ sati “sayamkataṃ sukhadukkhaṃ”ti ayaṃ laddhi hoti. Evaṃ hi sati vedanāya eva vedanā katā hoti. Evañca vadanto imissā vedanāya pubbepi atthitaṃ¹ anujānāti, sassataṃ dīpeti sassataṃ gaṇhāti¹. Kasmā? Tassa hi taṃ dassanaṃ etaṃ pareti, etaṃ sassataṃ upagacchatīti attho. Purimaṃ hi atthaṃ sandhāyevetaṃ Bhagavatā vuttaṃ bhavissati, tasmā Aṭṭhakathāyaṃ taṃ yojetvāvassa attho dīpito. **Evampāhaṃ na vadāmīti** ahaṃ “sā vedanā, so vediyatī”ti evampi na vadāmi, “sayamkataṃ sukhadukkhaṃ”ti evampi na vadāmīti attho.

Aññā vedanāti-ādi “paramkataṃ sukhadukkhaṃ”ti laddhiyā paṭisedhanatthaṃ vuttaṃ. Idhāpi ayaṃ atthayojanā—“aññā vedanā añño vediyatī”ti kho Timbaruka ādimhiyeva evaṃ sati pacchā yā purimapakkhe kārakavedanā, sā ucchinnā. Tāya² pana kataṃ añño vediyatīti evaṃ uppannāya ucchedadīṭṭhiyā saddhiṃ sampayuttāya vedanāya abhitunnassa sato “paramkataṃ sukhadukkhaṃ”ti ayaṃ laddhi hoti. Evañca vadanto kārako ucchinno, aññena paṭisandhi gahitāti ucchedaṃ dīpeti, ucchedaṃ gaṇhāti. Kasmā? Tassa hi taṃ dassanaṃ etaṃ pareti, etaṃ ucchedaṃ upagacchatīti attho. Idhāpi hi imāni padāni Aṭṭhakathāyaṃ āharitvā yojitāneva. Imasmiṃ sutte vedanāsukhadukkhaṃ kathitaṃ, tañca kho vipākasukhadukkameva vaṭṭatīti vuttaṃ. . Aṭṭhamaṃ.

9. Bālapaṇḍitasuttavaṇṇanā

19. Navame **avijjānīvaraṇassā**ti avijjāya nivāritassa. **Evamayaṃ kāyo samudāgatoti** evaṃ avijjāya nivāritattā taṇhāya ca sampayuttattāyeva ayaṃ kāyo nibbatto. **Ayañceva kāyoti** ayañcassa attano saviññāṇako kāyo. **Bahiddhā ca nāmarūpanti** bahiddhā ca paresaṃ saviññāṇako kāyo. Attano ca parassa ca

1-1. Anujānāmīti sassataṃ gaṇhāti (Sī)

2. Sayam (Sī)

pañcahi khandhehi chahi āyatanehi cāpi ayam attho dīpetabbova. **Itthetaraṃ dvayanti** evametaṃ dvayam. **Dvayam paṭicca phassoti** aññattha cakkhurūpādīni dvayāni paṭicca cakkhusamphassādayo vuttā, idha pana ajjhattikabāhirāni āyatanāni. Mahādvayam nāma kiretaṃ. **Saḷevāyatanānīti** saḷeva phassāyatanāni phassakāraṇāni. **Yehi phutṭhoti** yehi kāraṇabhūtehi āyatanehi uppanna phassena phutṭho. **Aññatarenāti** ettha paripuṇṇavasena¹ aññataratā veditabbā. **Tatrāti** tasmim bālapaṇḍitānam kāyanibbattanādīmhi. **Ko adhippayāsoti** ko adhipapayogo.

Bhagavaṃmūlakāti Bhagavā mūlaṃ etesanti Bhagavaṃmūlakā. Idam vuttam hoti—ime bhante amhākaṃ dhammā pubbe Kassapasammāsambuddhena uppādītā, tasmim parinibbute ekaṃ Buddhantaraṃ añño samaṇo vā brāhmaṇo vā ime dhamme uppādetum samattho nāma nāhosi, Bhagavatā pana no ime dhammā uppādītā. Bhagavantaṃ hi nissāya mayam ime dhamme ājānāma paṭivijjhāmāti evam Bhagavaṃmūlakā no bhante dhammāti. **Bhagavaṃnettikāti** Bhagavā hi dhammānam netā vinetā anunetā, yathāsabhāvato paṭiyekkaṃ paṭiyekkaṃ nāmaṃ gahetvā dassetāti dhammā Bhagavaṃnettikā nāma honti. **Bhagavaṃpaṭisaraṇāti** catubhūmakadhammā sabbaññutaññāṇassa āpātham āgacchamānā Bhagavati paṭisaranti nāmāti Bhagavaṃpaṭisaraṇā. **Paṭisarantīti** samosaranti. Apica Mahābodhimaṇḍe nisinnassa Bhagavato paṭivedhavasena phasso āgacchati “ahaṃ Bhagavā kinnāmo”ti. Tvaṃ phusanaṭṭhena phasso nāma. Vedanā, saññā, saṅkhārā, viññāṇam āgacchati “ahaṃ Bhagavā kinnāman”ti, tvaṃ vijānanaṭṭhena viññāṇam nāmāti evam catubhūmakadhammānam yathāsabhāvato paṭiyekkaṃ paṭiyekkaṃ nāmaṃ gaṇhanto Bhagavā dhamme paṭisarantīti Bhagavaṃpaṭisaraṇā. **Bhagavantaṃyeva paṭibhātūti** Bhagavatova etassa bhāsitaṃ attho upaṭṭhātu, tumheva no kathetvā dethāti attho.

Sā ceva avijjāti ettha kiñcāpi sā avijjā ca taṇhā ca kammaṃ javāpetvā paṭisandhim ākaḍḍhitvā niruddhā, yathā pana ajjāpi yaṃ hiyyo bhesajjaṃ pītaṃ, tadeva bhojanaṃ bhuñjāti sarikkhakattena² tadevāti vuccati, evamidhāpi sā ceva avijjā sā ca taṇhāti idampi sarikkhakattena vuttam.

1. Paripuṇṇāparipuṇṇavasena (Sī, Syā)

2. Sarikkhakaṭṭhena (Sī, Syā)

Brahmacariyanti maggabrahmacariyaṃ. **Dukkhakkhayāyāti** vaṭṭadukkhassa khayatthāya. **Kāyūpago hotīti** aññaṃ paṭisandhikāyaṃ upagantā hoti. **Yadidaṃ brahmacariyavāso**ti yo ayaṃ maggabrahmacariyavāso, ayaṃ bālato paṇḍitassa visesoti dasseti. Iti imasmiṃ sutte sabbopi sapaṭisandhiko puthujjano “bālo”ti, appaṭisandhiko khīṇāsavo “paṇḍito”ti vutto. Sotāpannasakadāgāmi-anāgāmino pana “paṇḍitā”ti vā “bālā”ti vā na vattabbā, bhajamānā pana paṇḍitapakkaṃ bhajanti. . Navamaṃ.

10. Paccayasuttavaṇṇanā

20. Dasame **paṭiccasamuppādaṅca vo bhikkhave desessāmi paṭiccasamuppanne ca dhammeti** Satthā imasmiṃ sutte paccaye ca paccayanibbatte ca sabhāvadhamme desessāmīti ubhayaṃ ārabhi. **Uppādā vā Tathāgatānanti** Tathāgatānaṃ uppādepi, Buddhesu uppannesu anuppannesupi jātipaccayā jarāmarāṇaṃ, jātiyeva jarāmarāṇassa paccayo. **Ṭhitāva sā dhātūti** ṭhitova so paccayasabhāvo, na kadāci jāti jarāmarāṇassa paccayo na hoti. **Dhammaṭṭhitatā dhammaniyāmatāti** imehipi dvīhi paccayameva katheti. Paccayena hi paccayuppannā dhammā tiṭṭhanti, tasmā paccayova “dhammaṭṭhitatā”ti vuccati. Paccayo dhamme niyameṭi, tasmā “dhammaniyāmatā”ti vuccati. **Idappaccayatāti** imesaṃ jarāmarāṇādīnaṃ paccayo idappaccayā, idappaccayāva idappaccayatā. **Tanti** taṃ paccayaṃ. **Abhisambujjhatīti** nāṇena abhisambujjhati. **Abhisameti**ti nāṇena abhisamāgacchati. **Ācikkhatīti** katheti. **Desetīti** dasseti¹. **Paññāpatīti** jānāpeti. **Paṭṭhapetīti** nāṇamukhe ṭhapeti. **Vivaratīti** vivaritvā dasseti. **Vibhajati**ti vibhāgato dasseti. **Uttānikarotīti** pākaṭaṃ karoti. **Passathāti cāhāti** passatha iti ca vadati. Kinti? **Jātipaccayā bhikkhave jarāmarāṇānti-**ādi.

Iti kho bhikkhaveli evaṃ kho bhikkhave. **Yā tatrāti** yā tesu “jātipaccayā jarāmarāṇaṃ”ti-ādīsu. **Tathatāti-ādīni** paccayākārasseva vevacanāni. So tehi tehi paccayehi anūnādhikeheva tassa tassa dhammassa sambhavato **tathatāti**, sāmaggim upagatesu paccayesu muhuttampi tato nibbattānaṃ dhammānaṃ² asambhavābhāvato **avitathatāti**,

1. Desayati (Syā)

2. Nibbattanadhammānaṃ (Sī), nibbattanibbattānaṃ dhammānaṃ (Syā)

aññadhammapaccayehi aññadhammānuppattito **anaññathatāti**, jarāmarañādīnaṃ paccayato vā paccayasamūhato vā **idappaccayatāti** vutto. Tatrāyaṃ vacanattho—imesaṃ paccayā idappaccayā, idappaccayā eva idappaccayatā, idappaccayānaṃ vā samūho idappaccayatā. Lakkhaṇaṃ panettha saddasatthato veditabbaṃ.

Aniccanti hutvā abhāvaṭṭhena aniccaṃ. Ettha ca aniccanti na jarāmarāṇaṃ aniccaṃ, aniccasabhāvānaṃ pana khandhānaṃ jarāmarāṇatā aniccaṃ nāma jātaṃ. **Saṅkhatā**dīsupi eseva nayo. Ettha ca **saṅkhatanti** paccayehi samāgantvā kataṃ. **Paṭiccasamuppannanti** paccaye nissāya uppannaṃ. **Khayadhammanti** khayasabhāvaṃ. **Vayadhammanti** vigacchanakasabhāvaṃ. **Virāgadhammanti** virajjanakasabhāvaṃ. **Nirodhadhammanti** nirujjhanakasabhāvaṃ. Jātiyāpi vuttanayeneva aniccataṃ veditabbā. Janakapaccayānaṃ vā kiccānubhāvakkhaṇe diṭṭhattā¹ ekena pariyāyenettha aniccāti-ādīni yujjantiyeva. Bhavādayo aniccādisabhāvāyeva.

Sammappaññāyāti² savipassanāya maggapaññāya. **Pubbantanti** purimaṃ atītanti³ attho. **Ahosim nukhoti**-ādīsu “ahosim nu kho nanu kho”ti sassatākāraṇa adhiccasamuppatti-ākāraṇa nissāya atīte attano vijjamānataṇca avijjamānataṇca kaṅkhati. Kim kāraṇanti na vattabbaṃ, ummattako viya bālaputhujjano yathā vā tathā vā pavattati. **Kim nu kho ahosinti** jātiliṅgupapattiyo nissāya “khattiyo nu kho ahosim brāhmaṇavessasuddagahaṭṭhapabbajitadevamanussānaṃ aññataro”ti kaṅkhati. **Katham nu khoti** saṅṭhānākāraṇa nissāya “dīgho nu kho ahosim rassa-odātakaṇhapamaṇika-appamaṇikādīnaṃ aññataro”ti kaṅkhati. Keci pana “issaranimmānādīni nissāya ‘kena nu kho kāraṇena ahosin’ti hetuto⁴ kaṅkhati”ti vadanti. **Kim hutvākim ahosinti** jāti-ādīni nissāya “khattiyo hutvā nu kho brāhmaṇo ahosim -pa- devo hutvā manusso”ti attano paramparaṃ kaṅkhati. Sabbattheva pana **addhānanti** kālādhivacanamaṇaṃ. **Aparantanti** anāgataṃ antaṃ. **Bhavissāmi nu kho nanu khoti** sassatākāraṇa ucchedākāraṇa nissāya anāgate attano vijjamānataṇca avijjamānataṇca kaṅkhati. Sesamettha vuttanayameva.

1. Niddiṭṭhattā (Sī)

3. Purimaṃ antaṃ atītanti (Sī) Ṭikāpi passitabbā.

2. Paññāyāti (Sī)

4. Hetum (Ka)

Etarahi vā paccuppannaṃ addhānanti idāni vā paṭisandhimādiraṃ katvā cutipariyantaṃ sabbampi vattamānakālaṃ gahetvā. **Ajjhattaṃ katharīkathā bhavissatīti** attano khandhesu vicikicchī bhavissati. **Ahaṃ nu khosmīti** attano atthibhāvaṃ kaṅkhati. Yuttaṃ panetanti? Yuttaṃ ayuttanti kā ettha cintā. Apicettha idaṃ vatthumpi udāharanti—cūḷamātāya kira putto muṇḍo, mahāmātāya putto amuṇḍo, taṃ puttaṃ muṇḍesuṃ, so uttāya “ahaṃ nu kho cūḷamātāya putto”ti cintesi. Evaṃ ahaṃ nu khosmīti kaṅkhā hoti. **No nu khosmīti** attano natthibhāvaṃ kaṅkhati. Tatrāpi idaṃ vatthu—eko kira macche gaṇhanto udake ciraṭṭhānena sītibhūtaṃ attano ūruṃ macchoti cintetvā pahari. Aparo susānapasse khettaṃ rakkhanto bhīto saṅkuṭito¹ sayi, so paṭibujjhivā attano jaṇṇukāni dve yakkhāti cintetvā pahari. Evaṃ no nu khosmīti kaṅkhati.

Kiṃ nu khosmīti khattiyova samāno attano khattiyabhāvaṃ kaṅkhati. Eseva nayo sesesupi. Devo pana samāno devabhāvaṃ ajānanto nāma natthi, sopi pana “ahaṃ rūpī nu kho arūpī nu kho”ti-ādinā nayena kaṅkhati. Khattiyādayo kasmā na jānantīti ce. Apaccakkhā tesam tatha tatha kule uppatti. Gahaṭṭhāpi ca potthalikādayo² pabbajitasaññino, pabbajitāpi “kuppaṃ nu kho me kamman”ti-ādinā nayena gahaṭṭhasaññino, manussāpi ca rājāno viya attani devasaññino honti. **Kathaṃ nu khosmīti** vuttanayameva. Kevalaṃ hettha abbhantare jīvo nāma atthīti gahetvā tassa saṅṭhānākāraṃ nissāya “dīgho nu khosmi rassacaturassachaḷaṃsa-aṭṭhaṃsasoḷasaṃsādīnaṃ aññatarappakāro”ti kaṅkhanto kathaṃ nu khosmīti kaṅkhatīti veditabbo. Sarīrasaṅṭhānaṃ pana paccuppannaṃ ajānanto nāma natthi. **Kuto āgato so kuhiṃ gāmi bhavissatīti** attabhāvassa āgatigatiṭṭhānaṃ kaṅkhanto evaṃ kaṅkhati. **Ariyasāvakaṃsāti** idha sotāpanno adhippeto, itarepi pana tayo avāritāyevāti. . Dasamaṃ.

Āhāravaggo dutiyo.

1. Saṅkucito (Sī)

2. Potalikādayo (Sī), potalakādayo (Syā)

3. Dasabalavagga

1. Dasabalasuttavaṇṇanā

21. Dasabalavaggaṣṣa paṭhamam dutiyasseva saṅkhepo.

2. Dutiyadasabalasuttavaṇṇanā

22. Dutiyaṃ Bhagavatā attano ajjhāsayassa vasena vuttam. Tattha **Dasabalasamannāgato**ti dasahi balehi samannāgato. Balañca nāmetam duvidham kāyabalañca nāṇabalañca. Tesu Tathāgatassa kāyabalam hatthikulānūsarena veditabham. Vuttam hetam porāṇehi—

“Kālāvakañca gaṅgeyyam, paṇḍaram tambapiṅgalam.
Gandhamaṅgalahemañca, uposathachaddantime dasa”ti¹—

Imāni dasa hatthikulāni. Tattha **kālāvakanti** pakatihatthikulam daṭṭhabham. Yam dasannam purisānam kāyabalam, tam ekassa kālāvakassa hatthino. Yam dasannam kālāvakānam balam, tam ekassa gaṅgeyyassa. Yam dasannam gaṅgeyyānam, tam ekassa paṇḍarassa. Yam dasannam paṇḍarānam, tam ekassa tambassa. Yam dasannam tambānam, tam ekassa piṅgalassa. Yam dasannam piṅgalānam, tam ekassa gandhahatthino. Yam dasannam gandhahatthīnam, tam ekassa maṅgalassa. Yam dasannam maṅgalānam, tam ekassa hemavatassa. Yam dasannam hemavatānam, tam ekassa uposathassa. Yam dasannam uposathānam, tam ekassa chaddantassa. Yam dasannam chaddantānam, tam ekassa Tathāgatassa. Nārāyanasaṅghāta² balantipi idameva vuccati. Tadetam pakatihatthigaṇanāya hatthīnam³ koṭisahassānam, purisagaṇanāya dasannam purisakoṭisahassānam balam hoti. Idam tāva Tathāgatassa kāyabalam. “Dasabalasamannāgato”ti ettha pana etam saṅgham na gacchati. Etam hi bāhirakam lāmakam tiracchānagatānam sīhādīnampi hoti. Etam hi nissāya dukkhapariññā vā samudayappahānam vā maggabhāvanā vā phalacchikiriyā vā natthi. Aññam pana dasasu ṭhānesu akampanatthena upatthambhanatthena ca dasavidham nāṇabalam nāma atthi, tam sandhāya vuttam “dasabalasamannāgato”ti.

1. Ma-Ṭṭha 1. 331; Abhi-Ṭṭha 2. 380 piṭṭhesu.

2. Saṅkhātam (Sī, Syā)

3. Pakatihatthīnam (Ka)

Katamaṃ pana tanti? Tḥānāṭṭhānādīnaṃ yathābhūtaṃ jānaṃ.
 Seyyathidaṃ? Tḥānañca tḥānato aṭṭhānañca aṭṭhanato jānaṃ ekaṃ,
 atītānāgatapaccuppanānaṃ kammaśamādānānaṃ tḥānaśo hetuśo
 yathābhūtaṃ vipākajānaṃ ekaṃ, sabbatthagāminipaṭipadājānaṃ ekaṃ,
 anekadhātunādhātulokajānaṃ ekaṃ, parasattānaṃ parapuggalānaṃ
 nānādhimuttikatājānaṃ ekaṃ, tesāmyeva indriyaparopariyattajānaṃ
 ekaṃ, jhānavimokkhasamādhisaṃpattīnaṃ
 saṃkilesavodānavuṭṭhānājānaṃ ekaṃ, pubbenivāśajānaṃ ekaṃ,
 sattānaṃ cutūpapātājānaṃ ekaṃ, āśavakkhayaajānaṃ ekanti.
 Abhidhamme pana—

“Idha Tathāgato tḥānañca tḥānato aṭṭhānañca aṭṭhanato
 yathābhūtaṃ pajānāti. Yampi Tathāgato tḥānañca tḥānato aṭṭhānañca
 aṭṭhanato yathābhūtaṃ pajānāti, idampi Tathāgatassa Tathāgatabalaṃ
 hoti, yaṃ balaṃ āgamma Tathāgato āśabhaṃ tḥānaṃ paṭijānāti,
 parisāsu sīhanādaṃ nadati, brahmacakkaṃ pavatteti”ti.

Ādinā¹ nayena vitthārato āgatāneva. Atthavaṇṇanāpi nesam
 Vibhaṅgaṭṭhakathāyañceva² Papañcasūdaniyā ca Majjhimaṭṭhakathāya³
 sabbākārato vuttā. Sā tattha vuttanayeneva gahetabbā.

Catūhi ca vesārajjeḥīti ettha sārājjaṭṭhapaṭipakkhaṃ vesārajjaṃ, catūsu
 tḥānesu vesārajjabhāvaṃ paccavekkhantassa
 uppannasomanassamayañāṇassettaṃ nāmaṃ. Katamesu catūsu?
 “Sammāsambuddhassa te paṭijānato ime dhammā anabhisambuddhā”ti-ādīsu
 codanāvattḥūsu. Tatrāyaṃ Pāḷi—

“Cattārimāni bhikkhave Tathāgatassa vesārajjaṇi -pa-. Katamāni
 cattāri? ‘Sammāsambuddhassa te paṭijānato ime dhammā
 anabhisambuddhā’ti tatra vata maṃ samaṇo vā brāhmaṇo vā devo vā
 māro vā brahmā vā koci vā lokasmiṃ saha dhammena paṭicodessatīti
 nimittameṭaṃ bhikkhave na samanupassāmi. Etamahaṃ bhikkhave
 nimittaṃ asamanupassanto khemappatto abhayappatto vesārajjappatto
 viharāmi. ‘Khīṇāsavassa te

1. Abhi 2. 329 piṭṭhe Nāṇavibhaṅge.

2. Abhi-Ṭṭha 2. 380 piṭṭhe.

3. Ma-Ṭṭha 1. 331 piṭṭhādīsu.

paṭijānato ime āsavā aparikkhīṇā'ti tatra vata maṃ -pa-. 'Ye kho pana te antarāyikā dhammā vuttā, te paṭisevato nālaṃ antarāyāyā'ti, tatra vata maṃ -pa-. 'Yassa kho pana te atthāya dhammo desito, so na niyyāti takkarassa sammā dukkhakkhayāyā'ti tatra vata maṃ samaṇo vā brāhmaṇo vā -pa- vesārajjappatto viharāmi'ti¹.

Āsabhaṃ ṭhānanti seṭṭhaṭṭhānaṃ uttamaṭṭhānaṃ. Āsabhā vā pubbabuddhā, tesāṃ ṭhānanti attho. Apica gavasatajeṭṭhako usabho, gavasahassajeṭṭhako vasabho, vajasatajeṭṭhako vā usabho, vajasahassajeṭṭhako vasabho, sabbagavaseṭṭho sabbaparissayasaho seto pāsādiko mahābhāravaho asanisatasaddehipi asampakampiyo nisabho, so idha usabhoti adhippeto. Idampi hi tassa pariyāyavacanaṃ. Usabhassa idanti **āsabhaṃ**. **Ṭhānanti** catūhi pādehi pathaviṃ uppīletvā avatṭhānaṃ². Idam pana āsabhaṃ viyāti **āsabhaṃ**. Yatheva hi nisabhasaṅkhāto usabho usabhabalena samannāgato catūhi pādehi pathaviṃ uppīletvā acalaṭṭhānena tiṭṭhati, evaṃ Tathāgatopi dasahi Tathāgatabalehi samannāgato catūhi vesārajjapādehi aṭṭhapaṇisapathaviṃ uppīletvā sadevake loke kenaci paccatthikena paccāmittena akampiyo acalaṭṭhānena tiṭṭhati. Evaṃ tiṭṭhamāno ca taṃ āsabhaṃ ṭhānaṃ paṭijānāti upagacchati na paccakkhāti, attani āropeti. Tena vuttaṃ "āsabhaṃ ṭhānaṃ paṭijānāti"ti.

Parisāsūti "aṭṭha kho imā Sāriputta parisā. Katamā aṭṭha? Khattiyaparisā brāhmaṇaparisā gahapatiparisā samaṇaparisā Cātumahārājikaparisā Tāvatisaparisā māraparisā brahmaparisā"ti³ imāsu aṭṭhasu parisāsu. **Sīhanādaṃ nadatīti** seṭṭhanādaṃ abhītanādaṃ nadati, sīhanādasadisāṃ vā nādaṃ nadati. Ayamatto Sīhanādasuttēna dīpetabbo. Yathā vā sīho sahanato ceva hananato ca sīhoti vuccati, evaṃ Tathāgato lokadhammānaṃ sahanato parappavādānaṃca hananato sīhoti vuccati. Evaṃ vuttassa sīhassa nādaṃ sīhanādaṃ. Tattha yathā sīho sīhabalena samannāgato sabbattha visārado vijatalomahaṃso

1. Am 1. 315 piṭṭhe. 2. Acalaṭṭhānaṃ (Ma-Ṭṭha 1. 332 piṭṭhe.) 3. Ma 1. 104 piṭṭhe.

sīhanādaṃ nadati, evaṃ Tathāgatasīhopi Tathāgatabalehi samannāgato aṭṭhasu parisāsu visārado vigatalomahaṃso “iti rūpan”ti-ādinā nayena, nānāvidhadesanāvīlāsasampannaṃ sīhanādaṃ nadati. Tena vuttam “parisāsu sīhanādaṃ nadatī”ti.

Brahmacakkaṃ pavattetīti ettha **brahmanti** seṭṭham uttamaṃ, visuddhassa dhammacakkassetam adhivacanam. Tam pana dhammacakkaṃ duvidham hoti paṭivedhaññaṇca desanāññaṇca. Tattha paññāpabhāvitam attano ariyaphalāvaham paṭivedhaññaṇam, karuṇāpabhāvitam sāvakānam ariyaphalāvaham desanāññaṇam. Tattha paṭivedhaññaṇam uppajjamānam uppannanti duvidham. Tam hi abhinikkhamanato paṭṭhāya yāva arahattamaggā uppajjamānam, phalakkhaṇe uppannam nāma. Tusitabhavanato vā yāva Mahābodhipallaṅke arahattamaggā uppajjamānam, phalakkhaṇe uppannam nāma. Dīpaṅkarato vā paṭṭhāya yāva arahattamaggā uppajjamānam, phalakkhaṇe uppannam nāma. Desanāññaṇampi pavattamānam pavattanti duvidham. Tam hi yāva Aññāsi¹koṇḍaññaṇassa sotāpattimaggā pavattamānam, phalakkhaṇe pavattam nāma. Tesu paṭivedhaññaṇam lokuttaram, desanāññaṇam lokiyam. Ubhayampi panetaṃ aññehi asādhāraṇam Buddhānaṃyeva orasaññaṇam.

Idāni yaṃ iminā ñāṇena samannāgato sīhanādaṃ nadati, tam dassetum **iti rūpanti**-ādimāha. Tattha **iti rūpanti** idaṃ rūpam ettakam rūpam, ito uddham rūpam natthīti ruppanasabhāvañceva bhūtopādāyabhedaṅca ādim katvā lakkhaṇarasapaccupaṭṭhānapadaṭṭhānavasena anavasesarūpapariggaho vutto. **Iti rūpassa samudayo**ti iminā evaṃ pariggahitassa rūpassa samudayo vutto. Tattha **itīti** evaṃ samudayo hotīti attho. Tassa vitthāro “avijjāsamudayā rūpasamudayo, taṇhāsamudayā, kammamudayā², āhārasamudayā rūpasamudayoti nibbatilakkhaṇam passantopi rūpakkhandaṃ udayam passatī”ti³ evaṃ veditabbo. Atthaṅgamepi “avijjānirodhā rūpanirodho -pa- vipariṇāmalakkhaṇam passantopi rūpakkhandaṃ udayam passatī”ti yaṃ vitthāro.

Iti vedanāti-ādīsipi yaṃ vedanā ettakā vedanā, ito uddham vedanā natthi, yaṃ saññā, ime saṅkhārā, idaṃ viññāṇam ettakam

1. Aññā (Sī, Syā)

2. Kammamudayo (Sī, Ka)

3. Khu 9. 53 piṭṭhe.

viññāṇaṃ, ito uddhaṃ viññāṇaṃ natthīti vedayitasañjānana-
 abhisankharaṇavijānana-sabhāvañceva
 sukhādirūpasaññādi-phassādicakkhuvīññāṇādi-bhedañca ādiṃ katvā
 lakkhaṇarasapaccupaṭṭhānapadaṭṭhānavasena
 anavasesavedanāsaññāsañkhāraviññāṇapariggaho vutto. **Iti vedanāya
 samudayoti-**ādīhi pana evaṃ pariggahitānaṃ
 vedanāsaññāsañkhāraviññāṇānaṃ samudayo vutto. Tatrāpi **itīti** evaṃ
 samudayo hotīti attho. Tesampi vitthāro “avijjāsamudayā
 vedanāsamudayo”¹ rūpe vuttanayeneva veditabbo. Ayaṃ pana viseso—tīsu
 khandhesu “āhārasamudayā”¹ti avatvā “phassasamudayā”¹ti vattabbaṃ,
 viññāṇakkhandhe “nāmarūpasamudayā”¹ti, atthaṅgamapadampi tesāmyeva
 vasena yojetabbaṃ. Ayamettha sañkhepo, vitthārato pana
 udayabbayavinicchayo sabbākāraparipūro Visuddhimagge vutto.

Imasmīṃ sati idaṃ hotīti ayampi aparo sīhanādo. Tassattho—imasmīṃ
 avijjādike paccaye sati idaṃ sañkhārādikaṃ phalaṃ hoti. **Imassuppādā idaṃ
 uppajjati**ti imassa avijjādikassa paccayassa uppādā idaṃ sañkhārādikaṃ
 phalaṃ uppajjati. **Imasmīṃ asati idaṃ na hotīti** imasmīṃ avijjādike paccaye
 asati idaṃ sañkhārādikaṃ phalaṃ na hoti. **Imassa nirodhā idaṃ nirujjhati**ti
 imassa avijjādikassa paccayassa nirodhā idaṃ sañkhārādikaṃ phalaṃ
 nirujjhati. Idāni yathā taṃ hoti ceva nirujjhati ca, taṃ vitthārato dassetuṃ
 yadidaṃ avijjāpaccayā sañkhārāti-ādimāha.

Evaṃ svākkhātoti evaṃ pañcakkhandhavibhajanādivasena suṭṭhu
 akkhāto kathito. **Dhammoti** pañcakkhandhapaccayākāradhammo. **Uttānoti**
 anikujjito. **Vivaṭoti** vivarivā ṭhapito. **Pakāsitoti** dīpito jotito.
Chinnapilotikoti pilotikā vuccati chinnaṃ bhinnaṃ tattha tattha
 sibbitagaṇṭhitaṃ jīṇṇavatthaṃ, taṃ yassa natthīti aṭṭhahatthaṃ navahatthaṃ
 vā ahasāṭakaṃ nivattho, so chinnapilotiko nāma. Ayampi dhammo tādiso.
 Na hettha kohaññādivasena chinnabhinnasibbitagaṇṭhitabhāvo atthi. Apica
 khuddakasāṭakopi pilotikāti vuccati, sā yassa natthi, aṭṭhanavahattho
 mahāpaṭo atthi, sopi chinnapilotiko, apagatapilotikoti attho. Tādiso ayaṃ
 dhammo. Yathā hi catuhatthaṃ

1. Khu 9. 54 piṭṭhe.

sāṭakaṃ gahetvā¹ pariggahaṇaṃ karonto puriso ito cito ca añchanto kilamati, evaṃ bāhirakasamaye pabbajitā attano parittakaṃ dhammaṃ “evaṃ sati evaṃ bhavissatī”ti kappetvā kappetvā vaḍḍhentā kilamanti. Yathā pana aṭṭhahatthanavahatthena pariggahaṇaṃ karonto yathāruci pārupati na kilamati, natthi tattha añchitvā vaḍḍhanakiccaṃ, evaṃ imasmimpi dhamme kappetvā kappetvā vibhajanakiccaṃ natthi, tehi tehi kāraṇehi mayāva ayaṃ dhammo suvibhatto suvitthāritoti idampi sandhāya “chinnapilotiko”ti āha. Apica kacavaropi pilotikāti vuccati, imasmiṃca sāsane samaṇakacavarāṃ nāma patiṭṭhātum na labhati. Tenevāha—

“Kāraṇḍavaṃ niddhamatha, kasambuṃ apakassatha².

Tato palāpe vāhetha, assamaṇe samaṇamānine.

Niddhamitvāna pāpicche, pāpa-ācāragocare.

Suddhā suddhehi saṃvāsaṃ, kappayavho patissatā.

Tato samaggā nipakā, dukkhassantaṃ karissathā”ti³.

Iti samaṇakacavarassa chinnattāpi ayaṃ dhammo chinnapilotiko nāma hoti.

Alamevāti yuttameva. **Saddhāpabbajitenāti** saddhāya pabbajitena. **Kulaputtenāti** dve kulaputtā ācārakulaputto jātikulaputto ca. Tattha yo yato kutoci kulā pabbajitvā sīlādayo pañca dhammakkhandaṃ pūreti, ayaṃ **ācārakulaputto** nāma. Yo pana Yasakulaputtādayo viya jātisampannakulā pabbajito, ayaṃ **jātikulaputto** nāma. Tesu idha ācārakulaputto adhippeto. Sace pana jātikulaputto ācāravā hoti, ayaṃ uttamoyeva. Evarūpena kulaputtena. **Vīriyaṃ ārabhitunti** caturaṅgasamannāgataṃ vīriyaṃ kātum. Idānissa caturaṅgaṃ dassento **kāmaṃ taco cāti**-ādimāha. Ettha hi taco ekaṃ aṅgaṃ, nhāru ekaṃ, aṭṭhi ekaṃ, maṃsalohitaṃ ekanti. Idañca pana caturaṅgasamannāgataṃ vīriyaṃ adhiṭṭhahantena navasu ṭhānesu samādhātappaṃ purebhatte pacchābhatte purimayāme majjhimayāme pacchimayāme gamane ṭhāne nisajjāya sayaneti.

1. Labhitvā (Syā)

2. Kasambuñcāpakassatha (Sī)

3. Am 3. 18 piṭṭhe.

Dukkhaṃ bhikkhave kusīto viharatīti imasmim̄ sāsane yo kusīto puggalo, so dukkhaṃ viharati. Bāhiraśamaye pana yo kusīto, so sukhaṃ viharati. **Vokiṇṇoti** missibhūto. **Sadatthanti** sobhanaṃ vā atthaṃ sakaṃ vā atthaṃ, ubhayenāpi arahattameva adhippetam̄. **Parihāpetī**ti hāpeti na pāpuṇāti. Kusītapuggalassa hi cha dvārāni aguttāni¹ honti, tīṇi kammāni aparisuddhāni, ājīvaṭṭhamakaṃ sīlaṃ apariyodātaṃ, bhinnājīvo kulūpako hoti. So sabrahmacārīnaṃ akkhiṃhi patitaraṃ viya upaghātakaro hutvā dukkhaṃ viharati, pīṭhamaddano² ceva hoti laṅḍapūrako ca³, Satthu ajjhāsayaṃ gahetuṃ na sakkoti, dullabhaṃ khaṇaṃ virādheti, tena bhutto raṭṭhapiṇḍopi na mahapphalo hoti.

Āraddhavīriyo ca kho bhikkhaveli āraddhavīriyo puggalo imasmim̄yeva sāsane sukhaṃ viharati. Bāhiraśamaye pana yo āraddhavīriyo, so dukkhaṃ viharati. **Pavivittoti** vivitto viyutto hutvā. **Sadattham̄ paripūretī**ti Arahattaṃ pāpuṇāti. Āraddhavīriyassa hi cha dvārāni suguttāni honti, tīṇi kammāni parisuddhāni, ājīvaṭṭhamakaṃ sīlaṃ pariyodātaṃ, sabrahmacārīnaṃ akkhiṃhi susītalāñjanaṃ viya dhātugatacandanam̄⁴ viya ca manāpo hutvā sukhaṃ viharati, Satthu ajjhāsayaṃ gahetuṃ sakkoti. Satthā hi—

Ciraṃ jīva mahāvīra, kappam̄ tiṭṭha mahāmunī”ti⁵—

Evam̄ Gotamiyā vandito “na kho Gotami Tathāgatā evam̄ vanditabbā”ti paṭikkhipitvā tāya yācīto vanditabbākāraṃ ācikkhanto evamāha—

Āraddhavīriye pahitatte, niccaṃ dalhaparakkame.
Samagge sāvake passa, esā Buddhāna vandanā”ti⁵.

Evam̄ āraddhavīriyo Satthu ajjhāsayaṃ gahetuṃ sakkoti, dullataṃ khaṇaṃ na virādheti. Tassa hi Buddhuppādo dhammadesanā saṃghasuppaṭipatti saphalā hoti sa-udrayā, raṭṭhapiṇḍopi tena bhutto mahapphalo hoti.

1. Aguttāni arakkhitāni (Sī)

2. Sivamaddano (Sī)

3. Leḍḍupātano ca (Sī), laṅḍasādano ca (Syā)

4. Bāhugatacandanam̄ (Sī)

5. Khu 4. 212 piṭṭhe Therī-apadāne.

Hīnena aggassāti hīnāya saddhāya hīnena vīriyena hīnāya satiyā hīnena samādhinā hīnāya paññāya aggasaṅkhātassa arahattassa patti nāma na hoti.

Aggena ca khoti aggehi saddhādīhi aggassa arahattassa patti hoti.

Maṇḍapeyyanti pasannaṭṭhena maṇḍam, pātabbaṭṭhena peyyam. Yam hi pivitvā antaravīthiyam patito visaññī attano sātakādīnampi assāmiko hoti, tam pasannampi na pātabbam, mayham pana sāsanam evam pasannañca pātabbañcāti dassento “maṇḍapeyyan”ti āha.

Tattha tividho maṇḍo desanāmaṇḍo paṭiggahamaṇḍo brahmacariyamaṇḍoti. Katamo desanāmaṇḍo? Catunnam ariyasaccānam ācikkhanā desanā paññāpanā paṭṭhapanā vivaraṇā vibhajanā uttānīkammaṃ, catunnam satipaṭṭhānānam -pa- ariyassa aṭṭhaṅgikassa maggassa ācikkhanā -pa- uttānīkammaṃ, ayam **desanāmaṇḍo**. Katamo paṭiggahamaṇḍo? Bhikkhū bhikkhuniyo upāsakā upāsikāyo devā manussā ye vā panaññepi keci viññātāro, ayam **paṭiggahamaṇḍo**. Katamo brahmacariyamaṇḍo? Ayameva ariyo aṭṭhaṅgiko maggo, seyyathidaṃ? Sammādiṭṭhi -pa- sammāsamādhī, ayam **brahmacariyamaṇḍo**. Apica adhimokkhamaṇḍo saddhindriyam, assaddhiyam kasaṭo, assaddhiyam kasaṭam chaḍḍetvā saddhindriyassa adhimokkhamaṇḍam pivatīti maṇḍapeyyanti-ādināpi¹ nayanettha attho veditabbo. **Satthā sammukhībhūtoti** idamettha kāraṇavacanam. Yasmā Satthā sammukhībhūto, tasmā vīriyasampayogam katvā pivatha etaṃ maṇḍam. Bāhirakam hi bhesajjamaṇḍampi vejjassa asammukhā pivantānam pamāṇam vā uggamanam vā niggamanam vā na jānāmāti āsaṅkā hoti, vejjasammukhā pana “vejjo jānissatī”ti nirāsaṅkā pivanti, evameva amhākam Dhammassāmi Satthā sammukhībhūtoti vīriyam katvā pivathāti maṇḍapāne nesaṃ niyojento **tasmātiha bhikkhaveli**-ādimāha. Tattha **saphalāti** sānisamsā. **Sa-udrayāti** savaddhi. Idāni niyojanānurūpaṃ sikkhitabbaṃ niddisanto **attattham vā hi bhikkhaveli**-ādimāha. Tattha **attatthanti** attano atthabhūtam arahattam. **Appamādena sampādetunti** appamādena sabbakiccāni kātum. **Paratthanti** paccayadāyakanam mahapphalānisamsam. Sesam sabbattha uttānamevāti. . Dutiyam.

1. Khu 9. 277 piṭṭhe.

3. Upanisāsuttavaṇṇanā

23. Tatiye “jānato ahan”ti-ādīsu **jānatoti** jānantassa. **Passatoti** passantassa. Dvepi padāni ekatthāni, byañjanameva nānaṃ. Evaṃ santepi “jānato”ti nāṇalakkhaṇaṃ upādāya puggalaṃ niddisati. Jānalakkhaṇaṃ hi nāṇaṃ. “Passato”ti nāṇappabhāvaṃ upādāya. Passanappabhāvaṃ hi nāṇaṃ, nāṇasamaṅgīpuggalo cakkhumā viya cakkhunā rūpāni, nāṇena vivaṇṇe dhamme passati. **Āsavānaṃ khayanti** ettha āsavānaṃ pahānaṃ asamuppādo khīṇākāro natthibhāvoti ayampi āsavakkhayoti vuccati, bhaṅgopi maggaphalanibbānāni. “Āsavānaṃ khayā anāsavaṃ cetovimuttin”ti-ādīsu¹ hi khīṇākāro āsavakkhayoti vuccati. “Yo āsavānaṃ khayō vayo bhedo paribhedo aniccatā antaradhānaṃ”ti² ettha bhaṅgo.

Sekkhassa sikkhamānassa, ujumaggānusārino.

Khayasmiṃ paṭhamaṃ nāṇaṃ, tato aññā anantarā”ti³—

Ettha maggo. So hi āsave khepento vūpasamento uppajjati, tasmā āsavānaṃ khayoti vutto. “Āsavānaṃ khayā samaṇo hoti”ti ettha phalaṃ. Taṃ hi āsavānaṃ khīṇante uppajjati, tasmā āsavānaṃ khayoti vuttaṃ.

“Āsavātassa vadḍhanti, ārā so āsavakkhayā”ti⁴—

Ettha nibbānaṃ. Taṃ hi āgamma āsavā khīyanti, tasmā āsavānaṃ khayoti vuttaṃ. Idha pana maggaphalāni adhippetāni. **No ajānato no apassatoti** yo pana na jānāti na passati, tassa no vadāmīti attho. Ete na ye ajānato apassatopi saṃsārādīhiyeva suddhiṃ vadanti, te paṭikkhittā honti. Purimena padadvayena upāyo vutto, iminā anupāyaṃ paṭisedheti.

Idāni yaṃ jānato āsavānaṃ khayō hoti, taṃ dassetukāmo **kiñca bhikkhave jānatoti** puccham ārabhi. Tattha jānanā bahuvidhā. Dabbajātiko⁵ eva hi koci bhikkhu chattaṃ kātuṃ jānāti, koci cīvarādīnaṃ aññataraṃ, tassa īdisāni kammāni vattasīse thatvā karontassa

1. Ma 1. 353; Abhi 2. 358 piṭṭhesu.

2. Abhi 2. 199 piṭṭhe, atthato samānaṃ.

3. Khu 1. 231 piṭṭhe.

4. Khu 1. 50 piṭṭhe Dhammapade.

5. Sippajātiko (Ka)

sā jānanā saggamaggaphalānam¹ padaṭṭhānam na hotīti na vattabbaṃ. Yo pana sāsane pabbajitvā vejjakammādīni kātum jānāti, tassevaṃ jānato āsavā vadḍhantiyeva. Tasmā yaṃ jānato passato ca āsavānam khayoti, tadeva dassento **iti rūpanti**-ādimāha. **Evam kho bhikkhave jānatoti** evaṃ pañcannaṃ khandhānaṃ udayabbayaṃ jānantassa. **Āsavānaṃ khayoti** hotīti āsavānaṃ khayante jātatā “āsavānaṃ khayoti”ti laddhanāmaṃ arahattaṃ hoti.

Evaṃ arahattanikūṭena desanaṃ niṭṭhapetvā idāni khīṇāsavassa āgamaṇīyaṃ pubbhāgapaṭipadaṃ dassetuṃ **yampissa taṃ bhikkhavi-**ādimāha. Tattha **khayasmiṃ khayeññanti** āsavakkhayaṣaṅkhāte arahattaphale paṭiladdhe sati paccavekkhaṇaññaṃ. Taṃ hi arahattaphalasaṅkhāte khayasmim paṭhamavāraṃ uppanne pacchā uppannattā khayeññanti vuccati. **Sa-upanisanti** sakāraṇaṃ sappaccayaṃ. **Vimuttīti** arahattaphalavimutti. Sā hissa upanissayapaccayena paccayo hoti. Evaṃ ito paresupi labbhamānavasena paccayabhāvo veditabbo.

Virāgoti maggo. So hi kilese virājento² khepento uppanno, tasmā virāgoti vuccati. **Nibbidāti** nibbidāññaṃ. Etena balavavipassanaṃ dasseti. **Balavavipassanāti** bhayatūpaṭṭhāne ñāṇaṃ ādinavānupassane ñāṇaṃ muñcitukamyatāññaṃ saṅkhārupekkhāññaṃ catunnaṃ ñāṇaṃ adhivacanaṃ. **Yathābhūtaññadassananti** yathāsabhāvajānanasaṅkhātāṃ dassanaṃ. Etena taruṇavipassanaṃ dasseti. Taruṇavipassanā hi balavavipassanāya paccayo hoti. **Taruṇavipassanāti** saṅkhāraparicchede ñāṇaṃ kaṅkhāvitarāṇe ñāṇaṃ sammasane ñāṇaṃ maggāmagge ñāṇanti catunnaṃ ñāṇaṃ adhivacanaṃ. **Samādhīti** pādakajjhānasamādhī. So hi taruṇavipassanāya paccayo hoti. **Sukhanti** appanāya pubbhāgasukhaṃ. Taṃ hi pādakajjhānassa paccayo hoti. **Passaddhīti** darathapaṭippassaddhī. Sā hi appanāpubbhāgassa sukhasa paccayo hoti. **Pīṭīti** balavapīṭī. Sā hi darathapaṭippassaddhiyā paccayo hoti. **Pāmojjanti** dubbalapīṭī. Sā hi balavapīṭiyā paccayo hoti. **Saddhāti** aparāparaṃ uppajjanasaddhā. Sā hi dubbalapīṭiyā paccayo hoti. **Dukkanti** vaṭṭadukkaṃ. Taṃ hi aparāparasaddhāya paccayo hoti. **Jātīti** savikārā

1. Maggaphalānaṃ (Sī)

2. Virājento (Sī)

kandhajāti. Sā hi vaṭṭadukkhassa paccayo hoti. **Bhavoti** kammabhavo. (So hi savikārāya jātiyā paccayo hoti.)¹ Etenupāyena sesapadānipi veditabbāni.

Thullaphusitaketi mahāphusitake. **Pabbatakandarapadarasākhāti** ettha **kandarām** nāma ‘kan’tiladdhanāmena udakena dārīto udakabhinno pabbatapadeso, yo “nitambo”tipi “nadikuñcho”tipi vuccati. **Padarām** nāma aṭṭhamāse² deve avassante phalito bhūmippadeso. **Sākhāti** kusumbhagāminiyo khuddakamātikāyo. **Kusobbhāti** khuddaka-āvāṭā. **Mahāsoobbhāti** mahā-āvāṭā. **Kunnadiyoti** khuddakanadiyo. **Mahānadiyoti** Gaṅgāyamunādikā mahāsaritā. **Evameva kho bhikkhave avijjūpanisā saṅkhārā**ti-ādīsu avijjā pabbatoti daṭṭhabbā, abhisāṅkhārā meghoti, viññāṇādivaṭṭam kandarādayoti, vimutti sāgaroti.

Yathā pabbatamatthake devo vassitvā pabbatakandarādīni pūrento anupubbena mahāsamuddam sāgarām pūreti, evam avijjāpabbatamatthake tāva abhisāṅkhārameghassa vassanam veditabbam. Assutavā hi bālaputhujano avijjāya aññāṇī hutvā taṇhāya abhilāsam katvā kusalākusalakammaṃ āyūhati, tam kusalākusalakammaṃ paṭisandhiviññāṇassa paccayo hoti, paṭisandhiviññāṇādīni nāmarūpādīnam. Iti pabbatamatthake vuṭṭhadevassa kandarādayo pūretvā mahāsamuddam āhacca ṭhitakālo viya avijjāpabbatamatthake vuṭṭhassa abhisāṅkhārameghassa paramparapaccayatāya anupubbena viññāṇādivaṭṭam³ pūretvā ṭhitakālo. Buddhavacanam pana Pāliyam agahitampi “idha Tathāgato loke uppajjati, agāasmā anagāriyam pabbajati”ti imāya Pāliyā vasena gahitamevāti veditabbam. Yā hi tassa kulagehe nibbatti, sā kammabhavapaccayā savikārā jāti nāma. So Buddhānam⁴ vā Buddhasāvakanam vā sammukhībhāvam āgamma vaṭṭadosadīpakaṃ lakkhaṇāhaṭam dhammakatham sutvā vaṭṭavasena pīlito hoti, evamassa savikārā kandhajāti vaṭṭadukkhassa paccayo hoti. So vaṭṭadukkhena pīlito aparāparam saddham janetvā agāasmā anagāriyam pabbajati, evamassa vaṭṭadukkham aparāparasaddhāya paccayo hoti. So pabbajjāmatteveva asantuṭṭho unapañcavassakāle

1. () Syā-Ka-potthakesu natthi.

2. Aḍḍhamāse (Syā)

3. Viññāṇādikandaravaṭṭam (Sī)

4. Pubbabuddhānam (Syā), sutabuddhānam (Ka)

nissayaṃ gahetvā vattapaṭipattiṃ pūrento dvemātikā paṇaṃ katvā kammākammaṃ uggahetvā yāva arahattā nijjaṭaṃ katvā kammaṭṭhānaṃ gahetvā araṇṇe vasanto pathavikasiṇādīsu kammaṃ ārabhati, tassa kammaṭṭhānaṃ nissāya dubbalapīti uppajjati. Tadassa saddhūpanisaṃ pāmojjaṃ, taṃ balavapītiyā paccayo hoti. Balavapīti darathapaṭippassaddhiyā, sā appanāpubbabhāgasukhassa, taṃ sukhaṃ pādakajjhānasamādhissa. So samādhinā cittaḥkallataṃ janetvā taruṇavipassanāya kammaṃ karoti. Iccassa pādakajjhānasamādhi taruṇavipassanāya paccayo hoti, taruṇavipassanā balavavipassanāya, balavavipassanā maggassa, maggo phalavimuttiyā, phalavimutti paccavekkhaṇaṇāṇassāti. Evaṃ devassa anupubbena sāgaraṃ pūretvā ṭhitakālo viya khīṇāsavassa vimuttisāgaraṃ pūretvā ṭhitakālo veditabboti. . Tatiyaṃ.

4. Aññatitthiyasuttavaṇṇanā

24. Catutthe **pāvisīti** pavitṭho. So ca na tāva pavitṭho, “pavisissāmī”ti nikkhantattā pana evaṃ vutto. Yathā kiṃ? Yathā “gāmaṃ gamissāmī”ti nikkhantapuriso taṃ gāmaṃ appattopi “kaḥaṃ itthannāmo”ti vutte “gāmaṃ gato”ti vuccati, evaṃ. **Atippagoti** tadā kira therassa atippagoyeva nikkhantadivaso ahoṣi, atippagoyeva nikkhantabhikkhū bodhiyaṅgaṇe cetiyaṅgaṇe nivāsanapārūpanaṭṭhāneti imesu ṭhānesu yāva bhikkhācāraṇelā hoti, tāva papañcaṃ karonti. Therassa pana “yāva bhikkhācāraṇelā hoti, tāva paribbājakehi saddhiṃ ekadvēkathāvēre karissāmī”ti cintayato **yaṃnūnāhanti** etadahosi. **Paribbājakānaṃ āramoti** so kira āramo dakkhiṇadvārassa ca Veḷuvanassa ca antarā ahoṣi. **Idhāti** imesu catūsu vādesu. **Kimvādī kimakkhāyīti** kiṃ vadati kiṃ ācikkhati, kiṃ ettha samaṇassa Gotamassa dassananti pucchanti. **Dhammassa cānudhammaṃ byākareyyāmāti** bhotā Gotamena yaṃ vuttaṃ kāraṇaṃ, tassa anukāraṇaṃ katheyyāma. **Sahadhammiko vādānupātoti** parehi vuttakāraṇena sakāraṇo hutvā samaṇassa Gotamassa vādānupāto vādappavatti viññūhi garahitabbaṃ kāraṇaṃ koci appamattakopi kathaṃ nāgaccheyya. Idaṃ vuttaṃ hoti— kathaṃ sabbākārenapi samaṇassa Gotamassa vāde gārayhaṃ kāraṇaṃ na bhavēyyāti.

Iti vadanti phassapaccayā dukkhanti evaṃ vadantoti attho. **Tatrāti** tesu catūsu vādesu. **Te vata aññatra phassāti** idaṃ “tadapi phassapaccayā”ti paṭiññāya sādhakavacanaṃ. Yasmā hi na vinā phassena dukkhapaṭisaṃvedanā atthi, tasmā jānitabbametaṃ yathā “tadapi phassapaccayā”ti ayamettha adhippāyo.

Sādhu sādhu Ānandāti ayaṃ sādhuḥkāro Sāriputtattherassa dinno, Ānandattherena pana saddhiṃ Bhagavā āmantesi¹. **Ekamidāhanti** ettha **idhāti** nipātamattaṃ, ekaṃ samayanti attho. Idaṃ vacanaṃ “na kevalaṃ Sāriputtova Rājagahaṃ paviṭṭho, ahampi pāvisim. Na kevalaṃ tasevāyaṃ vitakko uppanno, mayhampi uppajji. Na kevalaṃ taseva sā tithiyehi saddhiṃ kathā jātā, mayhampi jātapubbā”ti dassanattham vuttaṃ.

Acchariyaṃ abbhutanti ubhayampetaṃ vimhayadīpanameva. Vacanattho panettha accharaṃ paharituṃ yuttanti acchariyaṃ. Abhūtapubbaṃ bhūtanti abbhutaṃ. **Ekena padenāti** “phassapaccayā dukkhan”ti iminā ekena padena. Etena hi sabbavādānaṃ paṭikkhepattho vutto. **Esevatthoti** esoyeva phassapaccayā dukkhanti paṭiccasamuppādattho. **Taññevettha paṭibhātūti** taññevettha upaṭṭhātu. Idāni thero jarāmarañādikāya paṭiccasamuppādakathāya taṃ atthagambhīrañceva gambhīrāvabhāsaṃ karonto **sace maṃ bhanteti**-ādiṃ vatvā yaṃmūlakā kathā uppānā, tadeva padaṃ gahetvā vivaṭṭaṃ dassento **channarītvevāti**-ādimāha. Sesam uttānamevāti. . Catuttham.

5. Bhūmijasuttavaṇṇanā

25-26. Pañcame **Bhūmijoti** tassa therassa nāmaṃ. Sesamidhāpi purimasutte vuttanayeneva veditabbaṃ. Ayaṃ pana viseso—yasmā idaṃ sukhadukkhāṃ na kevalaṃ phassapaccayā uppajjati, kāyenapi kariyamānaṃ kariyati, vācāyapi manasāpi, attanāpi kariyamānaṃ kariyati, parenapi kariyamānaṃ kariyati, sampajānenapi kariyamānaṃ kariyati, asampajānenapi, tasmā tassa aparaṃpi paccayavisesaṃ dassetuṃ **kāye vā hānanda satīti**-ādimāha. **Kāyasañcetanāhetūti** kāyadvāre uppānacetanāhetu. Vacīsañcetanāmanosañcetanāsupi eseva nayo. Ettha ca kāyadvāre

1. Manteti (Sī)

kāmāvacarakusalākusalavasena vīsati cetanā labbhanti, tathā vacīdvāre. Manodvāre navahi rūpārūpacetanāhi saddhiṃ ekūnatimsāti tīsu dvāresu ekūnasattati cetanā honti, tappaccayaṃ vipākasukhadukkhāṃ dassitaṃ. **Avijjāpaccayā cāti** idaṃ tāpi cetanā avijjāpaccayā hontīti dassanatthaṃ vuttaṃ. Yasmā pana taṃ yathāvuttacetanābhedaṃ kāyasaṅkhāraṇceva vacīsaṅkhāraṇca manosaṅkhāraṇca parehi anussāhito sāmaṃ asaṅkhārikacittena karoti, parehi kāriyamāno sasaṅkhārikacittenaṃ karoti, “idaṃ nāma kammaṃ karoti, tassa evarūpo nāma vipāko bhavissati”ti evaṃ kammaṇca vipākaṇca jānantopi karoti, mātāpitūsu cetiyavandanādīni karontesu anukarontā dārakā viya kevalaṃ kammameva jānanto “imassa pana kammaṃ ayaṃ vipāko”ti vipākaṃ ajānantopi karoti, tasmā taṃ dassetuṃ **sāmaṃ vā taṃ Ānanda kāyasaṅkhāraṃ abhisāṅkharotīti**-ādi vuttaṃ.

Imesu Ānanda dhammesūti ye ime “sāmaṃ vā taṃ Ānanda kāyasaṅkhāraṃ”ti-ādīsu catūsu ṭhānesu vuttā chasattati dvesatā cetanādhammā, imesu dhammesu avijjā upanissayakoṭiyā anupatitā. Sabbepi hi te “avijjāpaccayā saṅkhārā”ti ettheva saṅgahaṃ gacchanti. Idāni vivaṭṭaṃ dassento **avijjāya tvevāti**-ādimāha. **So kāyo na hotīti** yasmim kāye sati kāyasaṅcetanāpaccayaṃ ajjhataṃ sukhadukkhāṃ uppajjati, so kāyo na hoti. Vācāmanesupi eseva nayo. Apica kāyoti cetanākāyo, vācāpi cetanāvācā, manopi kammamanoyeva. Dvārakāyo vā kāyo. Vācāmanesupi eseva nayo. Khīṇāsavo cetiyāṃ vandati, dhammaṃ bhaṇati, kammaṭṭhānaṃ manasi karoti, kathamassa kāyādayo na hontīti?¹ Avipākattā. Khīṇāsavena hi kataṃ kammaṃ neva kusalaṃ hoti nākusalaṃ, avipākaṃ hutvā kiriyāmatte tiṭṭhati, tenassa te kāyādayo na hontīti vuttaṃ.

Khettaṃ taṃ na hotīti-ādīsipi viruhanaṭṭhena taṃ khettaṃ na hoti, patiṭṭhānaṭṭhena vatthu na hoti, paccayaṭṭhena āyatanāṃ na hoti, kāraṇaṭṭhena adhikaraṇāṃ na hoti. Saṅcetanāmūlakāṃ hi ajjhataṃ

1. Athassa kāyo khettaṃ na hotīti (Sī)

sukhadukkhaṃ uppajjeyya, sā sañcetanā etesaṃ viruhanādīnaṃ atthānaṃ¹ abhāvena tassa sukhadukkhasa neva khettaṃ, na vatthu, na āyatanāṃ, na adhikaraṇaṃ hotīti. Imasmiṃ sutte vedanādīsu² sukhadukkhaṃeva kathitaṃ, tañca kho vipākamevāti. . Pañcamaṃ.

Chaṭṭhaṃ upavāṇasuttaṃ uttānameva. Ettha pana vaṭṭadukkhaṃeva kathitanti. . Chaṭṭhaṃ.

7. Paccayasuttavaṇṇanā

27-28. Sattame paṭipāṭiyā vuttasu pariyosānapadaṃ gahetvā **katamañca bhikkhave jarāmaraṇanti**-ādi vuttaṃ. **Evam paccayaṃ pajānātīti** evaṃ dukkhasaccavasena paccayaṃ jānāti. Paccayasamudayādayopi samudayasaccādīnaṃyeva vasena veditabbā. **Diṭṭhisampannoti** maggadiṭṭhiyā sampanno. **Dassanasampannoti** tasseva vevacanaṃ. **Āgato imaṃ saddhammanti** maggasaddhammaṃ āgato. **Passatīti** maggasaddhammameva passati. **Sekkhena ñāṇenāti** maggañāṇeneva. **Sekkhāya vijjāyāti** maggavijjāya eva. **Dhammasotaṃ samāpannoti** maggasaṅkhātameva dhammasotaṃ samāpanno. **Ariyoti** puthujjanabhūmiṃ atikkanto. **Nibbedhikapaññoti** nibbedhikapaññāya samannāgato. **Amatadvāraṃ āhacca tiṭṭhatīti** amataṃ nāma nibbānaṃ, tassa dvāraṃ ariyamaggaṃ āhacca tiṭṭhatīti. Aṭṭhamaṃ uttānameva. . Sattama-aṭṭhamāni.

9. Samaṇabrāhmaṇasuttavaṇṇanā

29-30. Navamaṃ akkharabhāṇakānaṃ bhikkhūnaṃ ajjhāsayena vuttaṃ. Te hi **parīti** upasaggaṃ pakkhipitvā vuccamāne paṭivijjhitaṃ sakkonti. . Navamaṃ.

Dasame sabbaṃ uttānameva. Imesu dvīsu suttesu catusaccapaṭivedhova kathito. . Dasamaṃ.

Dasabalavaggo tatiyo.

1. Attānaṃ (Sī)

2. Vedanādi (Sī)

4. Kaḷārakhattiyavagga

1. Bhūtasuttavaṇṇanā

31. Kaḷārakhattiyavaggaṣṣa paṭhame **Ajitapañhēti** Ajitamāṇavena pucchitapañhe. **Saṅkhātadhammāseti** saṅkhātadhammā vuccanti ñātadhammā tulitadhammā tiritadhammā. **Sekkhāti** satta sekkhā. **Puthūti** teyeva satta jane sandhāya puthūti vuttaṃ. **Idhāti** imasmim̐ sāsane. **Nipakoti** nepakkam̐ vuccati paññā, tāya samannāgatattā nipako¹, tvaṃ paṇḍito paṇḍitāya yāceti. **Iriyanti** vuttim̐ ācāraṃ gocaraṃ vihāraṃ paṭipattim̐. **Mārisāti** Bhagavantaṃ ālapati. Sekkhānaṃca saṅkhātadhammānaṃca khīṇāsavānaṃca paṭipattim̐ mayā pucchito paṇḍita mārisa mayhaṃ kathehīti ayamettha saṅkhepattho.

Tuṇhī ahosīti kasmā yāva tatiyaṃ puṭṭho tuṇhī ahosi, kim̐ pañhe kaṅkhati, udāhu ajjhāsayeti. Ajjhāsaye kaṅkhati, no pañhe. Evaṃ kirassa ahosi “Satthā maṃ sekkhāsekkhānaṃ āgamaṇīyapaṭipadaṃ kathāpetukāmo, sā ca khandhavasena dhātuvāsena āyatanavasena paccayākāravasenaṇāti bahūhi kāraṇehi sakkā kathetum̐, kathaṃ kathento nu kho Satthu ajjhāsayaṃ gahetvā kathetum̐ sakkhissāmi”ti. Atha Satthā cintesi “thapetvā maṃ añño pattam̐ ādāya caranto sāvako nāma paññāya Sāriputtasamo natthi, ayampi mayā pañham̐ puṭṭho yāva tatiyaṃ tuṇhī eva, pañhe nu kho kaṅkhati, udāhu ajjhāsaye”ti. Atha “ajjhāsaye”ti ñatvā pañhakathanatthāya nayaṃ dadamāno **bhūtamidanti Sāriputta passasīti** āha.

Tattha **bhūtanti** jātaṃ nibbattaṃ, khandhapañcakassetam̐ nāmaṃ. Iti Satthā “pañcakkhandhavasena Sāriputta imaṃ pañham̐ kathehī”ti therassa nayaṃ deti. Sahanayadānena pana therassa tīre ṭhitapurisassa vivaṭo ekaṅgaṇo mahāsamuddo viya nayasatena nayasahassena pañhabyākaraṇam̐ upaṭṭhāsī. Atha naṃ byākaraṇto **bhūtamidanti bhanteti** ādimāha. Tattha **bhūtamidanti** idaṃ nibbattaṃ khandhapañcakaṃ. **Sammappaññāya passatīti** saha vipassanāya maggapaññāya sammā passati. **Paṭipanno hotīti** sīlato paṭṭhāya yāva arahattamaggā

1. Samannāgato nipako (Syā), samannāgataṃ Tathāgataṃ nipako (Ka)

nibbidādīnaṃ atthāya paṭipanno hoti. **Tadāhārasambhavanti** idaṃ kasmā ārabhi? Etaṃ khandhapañcakaṃ āhāraṃ paṭicca ṭhitaṃ, tasmā taṃ āhārasambhavaṃ nāma katvā dassetuṃ idaṃ ārabhi. Iti imināpi pariyāyena sekkhapaṭipadā kathitā hoti. **Tadāhāranirodhāti** tesaṃ āhārānaṃ nirodhena. Idaṃ kasmā ārabhi? Taṃ hi khandhapañcakaṃ āhāranirodhā nirujjhati, tasmā taṃ āhāranirodhasambhavaṃ nāma katvā dassetuṃ idaṃ ārabhi. Iti imināpi pariyāyena sekkhasseva paṭipadā kathitā. **Nibbidāti** ādīni sabbāni kāraṇavacanānīti veditabbāni. **Anupādā vimuttoti** catūhi upādānehi kañci dhammaṃ agahetvā vimutto. **Sādhu sādhu**ti iminā therassa byākaraṇaṃ sampahaṃsetvā sayampi tatheva byākaronto puna “bhūtamidaṃ”ti-ādīmāhāti. . Paṭhamāṃ.

2. Kaḷārasuttavaṇṇanā

32. Dutiye **Kaḷārakhattiyoti** tassa therassa nāmaṃ. Dantā panassa kaḷārā visamasañṭhānā, tasmā “Kaḷāro”ti vuccati. **Hīnāyāvattoti** hīnassa gihbhāvassa atthāya nivatto. **Assāsamatthāti** assāsaṃ avassayaṃ patiṭṭham na hi nūna¹ alatta, tayo magge tīṇi ca phalāni nūna nālatthāti dīpeti. Yadi hi tāni labheyya, na sikkhaṃ paccakkhāya hīnāyāvattēyyāti ayaṃ therassa adhippāyo. **Na khvāhaṃ āvusoti** ahaṃ kho āvuso “assāsaṃ patto, na patto”ti na kaṅkhāmi. Therassa hi sāvakaṃ pāramīṇānaṃ avassayo, tasmā so na kaṅkhati. **Āyatim panāvusoti** iminā “āyatim paṭisandhi tumhākaṃ ugghāṭitā, na ugghāṭitā”ti arahattappattim pucchati. **Na khvāhaṃ āvuso vicikicchāmi**ti iminā thero tattha vicikicchābhāvaṃ dīpeti.

Yena Bhagavā tenupasaṅkamīti “imaṃ sutakāraṇaṃ Bhagavato āroccasāmi”ti upasaṅkami. **Aññā byākatāti** arahattaṃ byākataṃ. **Khīṇā jāṭīti** na therena evaṃ byākatā, ayaṃ pana thero tuṭṭho pasanno evaṃ padabyañjanāni āropetvā āha. **Aññataraṃ bhikkhum āmanesīti** taṃ sutvā Satthā cintesi “Sāriputto dhīro gambhīro, na so kenaci kāraṇena evaṃ byākarissati, saṃkhittena pana pañho

1. Nahanūna (Si)

byākato bhavissati, pakkosāpetvā naṃ pañhaṃ byākarāpessāmi”ti aññataraṃ bhikkhuṃ āmantesi.

Sace taṃ Sāriputtāti idaṃ Bhagavā “na esa attano dhammatāya aññaṃ byākarissati, pañhametaṃ pucchissāmi, taṃ kathentova aññaṃ byākarissati”ti aññaṃ byākarāpetuṃ evaṃ pucchi. **Yaṃnidānāvuso jātīti** āvuso ayaṃ jāti nāma yaṃpaccayā, tassa paccayassa khayā khīṇasmim jātiyā paccaye jātisankhātāṃ phalaṃ khīṇanti viditaṃ. Idhāpi ca thero pañhe akaṅkhitvā ajjhāsaya kaṅkhati. Evaṃ kirassa ahosi “añña nāma taṇhā khīṇā, upādānaṃ khīṇaṃ, bhavo khīṇo, paccayo khīṇo, kilesā khīṇāti-ādīhi bahūhi kāraṇehi sakkā byākātuṃ, kathaṃ kathento pana Satthu ajjhāsayaṃ gahetuṃ sakkhissāmi”ti.

Kiñcāpi evaṃ ajjhāsaya kaṅkhati, pañhaṃ pana aṭṭhapetvāva paccayākāravasena byākāsi. Satthāpi paccayākāravasena byākarāpetukāmo, tasmā esa byākarontova ajjhāsayaṃ gaṇhi. Tāvadeva “gahito me Satthu ajjhāsayo”ti aññāsi. Athassa nayasatena nayasahassena pañhabyākaraṇaṃ upaṭṭhāsi. Yasmā pana Bhagavā uttari pañhaṃ pucchati, tasmā tena taṃ¹ byākaraṇaṃ anumoditanti veditabbaṃ.

Kathaṃ jānato pana teti idaṃ kasmā ārabhi? Savisaya sīhanādaṃ nadāpetuṃ. Thero kira sūkaranihātaleṇadvāre Dīghanakhaparibbājakassa Vedanāpariggahasutte kathiyamāne tālavaṇṭaṃ gahetvā Satthāraṃ bījayamāno² ṭhito tisso vedanā pariggahetvā sāvakaṃpāramiññaṇaṃ adhigato, ayamassa savisayo. Imasmim savisaye ṭhito sīhanādaṃ nadissatīti naṃ sandhāya Satthā idaṃ pañhaṃ pucchi. **Aniccāti** hutvā abhāvaṭṭhena aniccā. **Yadaniccaṃ taṃ dukkhanti** ettha kiñcāpi sukhā vedanā ṭhitisukhā vipariṇāmadukkhā, dukkhā vedanā ṭhitidukkhā vipariṇāmasukhā, adukkhāmasukhā ñāṇasukhā aññāṇadukkhā, vipariṇāmakotiṇiyā pana sabbāva dukkhā nāma jātā. **Viditanti** yasmā evaṃ vedanāttayaṃ dukkhanti viditaṃ, tasmā yā³ tattha taṇhā, sā na upaṭṭhāsīti dasseti.

1. Netāṃ (Sī)

2. Vijayamāno (Sī), vijiyamāno (Syā)

3. Maṃ yā (Sī)

Sādhu sādhuti therassa vedanāparicchedajānane sampahaṃsanāṃ.

Thero hi vedanā ekāti vā dve tisso catassoti vā avuttepi vuttanayena tāsāṃ tisso ti paricchedaṃ aññāsi, tena taṃ Bhagavā sampahaṃsanto evamāha.

Dukkhasminti idaṃ Bhagavā iminā adhippāyena āha “Sāriputta yaṃ tayā ‘iminā kāraṇena vedanāsu taṇhā na upaṭṭhāsī’ti byākatāṃ, taṃ subyākatāṃ. ‘Tisso vedanā’ti vibhajantena pana te atippapañco kato, taṃ ‘dukkhasmin’ti byākarontenapi hi te subyākatameva bhaveyya. Yaṃkiñci vedayitaṃ, taṃ dukkhanti nātamattepi hi vedanāsu taṇhā na tiṭṭhati”.

Kathaṃ vimokkhāti katarā vimokkhā, katarena vimokkhena tayā aññā byākatāti attho. **Ajjhattaṃ vimokkhā**ti¹ ajjhattivimokkhena, ajjhattasaṅkhāre pariggahetvā patta-arahattenāti attho. Tatha catukkaṃ veditabbaṃ—ajjhattaṃ abhiniveso ajjhattaṃ vuṭṭhānaṃ, ajjhattaṃ abhiniveso bahiddhā vuṭṭhānaṃ, bahiddhā abhiniveso bahiddhā vuṭṭhānaṃ, bahiddhā abhiniveso ajjhattaṃ vuṭṭhānanti. Ajjhattaṃ hi abhinivesitvā bahiddhādhammāpi daṭṭhabbāyeva, bahiddhā abhinivesitvā ajjhattadhammāpi. Tasmā koci bhikkhu ajjhattaṃ saṅkhāresu ñāṇaṃ otāretvā te vavatthapetvā bahiddhā otāreti, bahiddhāpi pariggahetvā puna ajjhattaṃ otāreti, tassa ajjhattasaṅkhāre sammasanakāle maggavuṭṭhānaṃ hoti. Iti ajjhattaṃ abhiniveso ajjhattaṃ vuṭṭhānaṃ nāma. Koci ajjhattaṃ saṅkhāresu ñāṇaṃ otāretvā te vavatthapetvā bahiddhā otāreti, tassa bahiddhā saṅkhāre sammasanakāle maggavuṭṭhānaṃ hoti. Iti ajjhattaṃ abhiniveso bahiddhā vuṭṭhānaṃ nāma. Koci bahiddhā saṅkhāresu ñāṇaṃ otāretvā te vavatthapetvā ajjhattaṃ otāreti, tassa bahiddhā otāreti, tassa bahiddhā saṅkhāre sammasanakāle maggavuṭṭhānaṃ hoti. Iti bahiddhā abhiniveso bahiddhā vuṭṭhānaṃ nāma. Koci bahiddhā saṅkhāresu ñāṇaṃ otāretvā te vavatthapetvā ajjhattaṃ otāreti, tassa ajjhattasaṅkhāre sammasanakāle maggavuṭṭhānaṃ hoti. Iti bahiddhā abhiniveso ajjhattaṃ vuṭṭhānaṃ nāma. Tatra thero “ajjhattasaṅkhāre pariggahetvā tesāṃ vavatthānakāle maggavuṭṭhānena arahattaṃ pattosmī”ti dassento **ajjhattaṃ vimokkhā khvāhaṃ āvusoti āha**.

1. Ajjhattivimokkhāti (Sī, Syā)

Sabbupādānakkhayāti sabbesaṃ catunnampi upādānānaṃ khayena. **Tathā sato viharāmi**ti tenākārena satiyā samannāgato viharāmi. **Yathā satam viharantanti** yenākārena maṃ satiyā samannāgataṃ viharantaṃ. **Āsavā nānussavanti**ti cakkhuto rūpe savanti āsavanti sandanti pavattantīti evaṃ chahi dvārehi chasu ārammaṇesu savanadhammā kāmāsavādayo āsavā nānussavanti nānuppavaḍḍhanti, yathā me na uppajantīti attho. **Attānañca nāvajānāmi**ti attānañca na avajānāmi. Iminā omānapahānaṃ¹ kathitaṃ. Evaṃ hi sati pajānaṃ pasannā² hoti.

Samaṇenāti Buddhasamaṇena. **Tesvāhaṃ na kaṅkhāmi**ti tesu ahaṃ “kataro kāmāsavo, kataro bhavāsavo, kataro diṭṭhāsavo, kataro avijjāsavo”ti evaṃ sarūpabhedatopi, “cattāro āsavā”ti evaṃ gaṇanaparicchedatopi na kaṅkhāmi. **Te me pahīnāti na vicikicchāmi**ti te mayhaṃ pahīnāti vicikicchāṃ na uppādemī. Idaṃ Bhagavā “evaṃ byākarontenapi tayā subyākataṃ bhaveyya, ‘ajjhataṃ vimokkhā khvāhaṃ āvuso’ti-ādīni pana te vadantena atippapañco kato”ti dassento āha.

Uṭṭhāyāsanaṃ vihāraṃ pāvisīti paññattavarabuddhāsanato uṭṭhahitvā vihāraṃ antomahāgandhakuṭiṃ pāvīsi asambhinnāya eva parisāya. Kasmā? Buddhā hi aniṭṭhitāya desanāya asambhinnāya parisāya uṭṭhāyāsanaṃ Gandhakuṭiṃ pavisaṇtā puggalathomanatthaṃ vā pavisaṇti dhammathomanatthaṃ vā. Tattha puggalathomanatthaṃ pavisaṇto Sattā evaṃ cintesi “imaṃ mayā saṅkhittena uddesaṃ uddiṭṭhaṃ vitthāreṇa ca avibhattaṃ dhammapaṭiggāhakā bhikkhū uggahetvā Ānandaṃ vā Kaccāyanaṃ vā upasaṅkamitvā pucchissanti, te mayhaṃ nāṇena saṃsandetvā kathessanti, tatopi dhammapaṭiggāhakā puna maṃ pucchissanti, tesamahaṃ ‘sukathitaṃ bhikkhave Ānandena, sukathitaṃ Kaccāyanaṃ, maṃ cepi tumhe etamatthaṃ puccheyyātha, ahampi naṃ evameva byākareyyaṃ”ti evaṃ te puggale thomessāmi, tato tesu gāravaṃ janetvā bhikkhū upasaṅkamissanti, tepi bhikkhū atthe ca dhamme ca niyojessanti, te tehi niyojitā tisso sikkhā paripūretvā dukkhassantaṃ karissanti”ti.

1. Osānapahānaṃ (Sī)

2. Pajānanasamannāgato (Ka)

Atha vā panassa evaṃ hoti “esa mayi pakkante attano ānubhāvaṃ karissati, atha naṃ ahampi tatheva thomessāmi, taṃ mama thomaṇaṃ sutvā gāravajāta bhikkhū imaṃ upasaṅkamitabbaṃ, vacanañcassa sotabbaṃ saddhātabbaṃ maññissanti, taṃ tesāṃ bhavissati dīgharattaṃ hitāya sukhāyā”ti dhammathomaṇatthaṃ pavisanto evaṃ cintesi yathā Dhammadāyādasutte¹ cintesi. Tatra hissa evaṃ ahosi “mayi vihāraṃ pavitṭhe āmisadāyādaṃ garahanto dhammadāyādañca thomento imissaṃyeva parisati nisinno Sāriputto dhammaṃ desessati, evaṃ dvinnampi amhākaṃ ekajjhāsayaṃ matiyā desitā ayaṃ desanā aggā ca garukā ca bhavissati pāsāṇacchattasadisā”ti.

Idha pana āyasmantaṃ Sāriputtaṃ ukkaṃsetvā² pakāsetvā ṭhapetukāmo³ puggalathomaṇatthaṃ utṭhāyāsanaṃ vihāraṃ pāvisi. Īdisesu ṭhānesu Bhagavā nisinnāsaneveva antarahito cittaṅgatiyā vihāraṃ pavisaṭṭi veditabbo. Yadi hi kāyagatiyā gaccheyya, sabbā parisā Bhagavantaṃ parivāretvā gaccheyya, sā ekavāraṃ bhinnā puna dussannipātā bhaveyyāti Bhagavā adissamānena kāyena cittaṅgatiyā eva pāvisi.

Evaṃ pavitṭhe pana Bhagavati Bhagavato adhippāyānurūpameva sīhanādaṃ naditukāmo **tatra kho āyasmā Sāriputto acirapakkantassa Bhagavato bhikkhū āmantesi. Pubbe appaṭisaṃviditanti** idaṃ nāma pucchissatīti pubbe mayā aviditaṃ aññātaṃ. **Paṭhamaṃ pañhanti** “sace taṃ Sāriputta evaṃ puccheyyuraṃ kathaṃ jānātā pana tayā āvuso Sāriputta kathaṃ passatā aññā byākatā khīṇā jātī”ti imaṃ paṭhamaṃ pañhaṃ. **Dandhāyitattanti** Satthu āsayajānanatthaṃ dandhabhāvo asīghatā. **Paṭhamaṃ pañhaṃ anumodīti** “jāti panāvuso Sāriputta kimnidānā”ti imaṃ dutiyāṃ pañhaṃ pucchanto “yaṃnidānāvuso jātī”ti evaṃ vissajjitaṃ paṭhamaṃ pañhaṃ anumodīti.

Etadahosīti Bhagavatā anumodite⁴ nayasatena nayasahassena pañhassa ekaṅgaṇikabhāvena pākāṭibhūtattā etaṃ ahosi. **Divasampāhaṃ Bhagavato etamatthaṃ byākareyyanti** sakaladivasampi ahaṃ Bhagavato⁵ etaṃ

1. Ma 1. 15 piṭṭhe.

2. Okkametvā (Ka)

3. Thometukāmo (Ka)

4. Anumoditena (Syā)

5. Bhagavatā (Sī, Syā)

paṭiccasamuppādatthaṃ puṭṭho sakaladivasampi aññamaññehi padabyañjanehi byākareyyaṃ. **Yena Bhagavā tenupasaṅkamīti** evaṃ kirassa ahosi “thero uḷārasīhanādaṃ nadati, sukāraṇaṃ etaṃ, Dasabalassa naṃ āroccasāmi”ti. Tasmā yena Bhagavā tenupasaṅkami.

Sā hi bhikkhu Sāriputtassa dhammadhātūti ettha dhammadhātūti paccayākārassa vivaṭabhāvadassanasamatthaṃ sāvakaṭṭhāramiṇṇāṇaṃ. Sāvakaṇaṃ hi sāvakaṭṭhāramiṇṇāṇaṃ sabbaññutaññāṇagatikameva hoti. Yathā Buddhānaṃ atītānāgatapaccuppannā dhammā sabbaññutaññāṇassa pākaṭṭhā honti, evaṃ therassa sāvakaṭṭhāramiṇṇāṇaṃ sabbepi sāvakaññāṇassa gocaradhamme jānātīti. . Dutiyaṃ.

3. Nāṇavatthusuttavaṇṇanā

33. Tatiye **taṃ suṇāthāti** taṃ nāṇavatthudesanaṃ suṇātha. **Nāṇavatthūnīti** cettha nāṇameva nāṇavatthūti veditabbaṃ. **Jarāmarañe nāṇanti**-ādīsu catūsu paṭhamaṃ savanamayaññāṇaṃ sammāsanaññāṇaṃ paṭivedhaññāṇaṃ paccavekkhaṇaññāṇanti catubbidhaṃ vaṭṭati, tathā dutiyaṃ. Tatiyaṃ pana ṭhapetvā sammāsanaññāṇaṃ tividhameva hoti, tathā catutthaṃ. Lokuttaradhammesu hi sammāsanaṃ nāma natthi. **Jātiyā nāṇanti**-ādīsupi eseva nayo. **Iminā dhammenāti** iminā catusaccadhammena vā maggaññāṇadhammena vā.

Diṭṭhenāti-ādīsu **diṭṭhenāti** nāṇacakkhunā diṭṭhena. **Viditenāti** paññāya viditena. **Akālīkenāti** kiñci kālaṃ anatikkamitvā paṭivedhānantaramyeva phaladāyakena. **Pattenāti** adhigatena. **Pariyogāḷhenāti** pariyoḡāhitena paññāya anupaviṭṭhena. **Atītānāgate nayaṃ netīti** “ye kho keci”ti-ādinaṃ nayaṃ atīte ca anāgate ca nayaṃ neti. Ettha ca na catusaccadhammena vā maggaññāṇadhammena vā sakkā atītānāgate nayaṃ netuṃ, catusacce pana maggaññāṇena paṭividdhe parato paccavekkhaṇaññāṇaṃ nāma hoti, tena nayaṃ netīti veditabbā. **Abbaññāmsūti** abhi-aññāmsu jāniṃsu. **Seyyathāpāhaṃ etarahīti** yathā ahaṃ etarahi catusaccavasena jānāmi. **Anvaye nāṇanti** anu-aye nāṇaṃ, dhammaññāṇassa anugamane nāṇaṃ, paccavekkhaṇaññāṇassettaṃ nāmaṃ. **Dhamme nāṇanti** maggaññāṇaṃ. Imasmim sutte khīṇāsavassa sekkhabhūmi kathitā hoti. . Tatiyaṃ.

4. Dutiyāñāṇavatthusuttavaṇṇanā

34. Catutthe **sattasattarī**ti satta ca sattari ca. Byañjanabhāṇakā kira te bhikkhū, bahubyañjanam katvā vuccamāne paṭivijjhitum sakkonti, tasmā tesam ajjhāsayaena idam suttaṃ vuttaṃ. **Dhammaṭṭhitiñāṇanti** paccayākāre ñāṇam. Paccayākāro hi dhammānam pavattiṭṭhitikāraṇattā dhammaṭṭhiti vuccati, ettha ñāṇam dhammaṭṭhitiñāṇam, etasseva chabbidhassa ñāṇassetam adhivacanam. **Khayadhammanti** khayagamanasabhāvam. **Vayadhammanti** vayagamanasabhāvam. **Virāgadhammanti** virajjanasabhāvam. **Nirodhadhammanti** nirujjhanasabhāvam. **Sattasattarī**ti ekekasmim satta satta katvā ekādasasu padesu sattasattari. Imasmim sutte vipassanāpaṭivipassanā¹ kathitā. . Catuttham.

5. Avijjāpaccayasuttavaṇṇanā

35. Pañcame **samudayo hotī**ti Satthā idheva desanam osāpesi. Kimkāraṇāti? Diṭṭhigatikassa okāsadānattham. Tassam hi parisati upārambhacitto diṭṭhigatiko atthi, so pañham pucchissati, athassāham vissajjessāmīti tassa okāsadānattham desanam osāpesi. **No kallo pañhoti** ayutto pañho, duppañho esoti attho. Nanu ca “katamam nu kho bhante jarāmarāṇan”ti idam supucchitanti? Kiñcāpi supucchitam, yathā pana satahassagghanike² suvaṇṇathāle vaḍḍhitassa subhojanassa matthake āmalakamattepi gūthapiṇḍe ṭhapite sabbam bhojanam dubbhojanam hoti chaḍḍetabbam, evameva “kassa ca panidam jarāmarāṇan”ti iminā sattūpaladdhivādapadena gūthapiṇḍena tam bhojanam dubbhojanam viya ayampi sabbo³ duppañhova jātoti.

Brahmacariyavāsoti ariyamaggavāso. **Tam jīvam tam sarīranti** yassa hi ayam diṭṭhi, so “jīve ucchijjamāne sarīram ucchijjati, sarīre ucchijjante jīvitam ucchijjati”ti gaṇhāti. Evam gaṇhato sā diṭṭhi “satto ucchijjati”ti gahitattā ucchedadiṭṭhi nāma hoti. Sace pana saṅkhārāva uppajjanti ceva nirujjhanti cāti gaṇheyya, sāsānāvacarā sammādiṭṭhi nāma bhavye. Ariyamaggo ca nāmeso vaṭṭam nirodhento vaṭṭam samucchindanto

1. Vipassanāpattivipassanā nāma (Sī, Syā) 2. Sahassagghanake (Sī) 3. Pañho (Syā)

uppajjati, tadeva taṃ vaṭṭaṃ ucchedadiṭṭhiyā gahitākārassa sambhave¹ sati vināva maggabhāvanāya nirujjhatīti maggabhāvanā niratthakā hoti. Tena vuttaṃ “brahmacariyavāso na hotī”ti.

Dutiyanaye **aññaṃ jīvaṃ aññaṃ sarīranti** yassa ayaṃ diṭṭhi, so “sarīraṃ idheva ucchijjati, na jīvitaṃ, jīvitaṃ pana pañjarato sakuṇo viya yathāsukhaṃ gacchatī”ti gaṇhāti. Evaṃ gaṇhato sā diṭṭhi “imasmā lokā jīvitaṃ paralokaṃ gatan”ti gahitattā sassatadiṭṭhi nāma hoti. Ayañca ariyamaggo tebhūmakavaṭṭaṃ vivaṭṭento uppajjati, so ekasaṅkhārepi nicce dhuve sassate sati uppannopi vaṭṭaṃ vivaṭṭetuṃ na sakkotīti maggabhāvanā niratthakā hoti. Tena vuttaṃ “aññaṃ jīvaṃ aññaṃ sarīranti vā bhikkhu diṭṭhiyā sati brahmacariyavāso na hotī”ti.

Visūkāyikānīti-ādi sabbaṃ micchādiṭṭhivevacanameva. Sā hi sammādiṭṭhiyā vinivijjhanatṭhena visūkamiva² attānaṃ āvaraṇato³ **visūkāyikaṃ**, sammādiṭṭhiṃ ananuvattitvā tassā virodhena pavattanato **visevitaṃ**, kadāci ucchedassa kadāci sassatassa gahaṇato virūpaṃ phanditaṃ **vipphanditanti** vuccati. **Tālāvattthukatānīti** tālavatthu viya katāni, puna aviruhaṇatṭhena matthakaccinnatālo viya samūlaṃ tālaṃ uddharitvā tassa patiṭṭhitaṭṭhānaṃ viya ca katānīti attho. **Anabhāvaṃkatānīti** anu-abhāvaṃ katānīti⁴. . Pañcamam.

6. Dutiya-avijjāpaccayasuttavaṇṇanā

36. Chaṭṭhe **iti vā bhikkhave yo vadeyyāti** tassam̐ parisati diṭṭhigatiko pañhaṃ pucchitukāmo atthi, so pana avisāradadhātuko utṭhāya Dasabalaṃ pucchituṃ na sakkoti, tasmā tassa ajjhāsayena sayameva pucchitvā vissajjento Satthā evamāha. . Chaṭṭhaṃ.

1. Sabbhāve (Sī)

2. Sūkamiva (Sī, Syā)

3. Ācaraṇato (Sī), ādhāraṇato (Syā)

4. Anabhāvakatānīti anu-abhāvakatānīti (Sī)

7. Natumhasuttavaṇṇanā

37. Sattame **na tumhākanti** attani hi sati attaniyaṃ nāma hoti. Attāyeva ca natthi, tasmā “na tumhākan”ti āha. **Napi aññesanti** añño nāma¹ paresaṃ attā, tasmim̐ sati aññesaṃ nāma siyā, sopi natthi, tasmā “napi aññesan”ti āha. **Purāṇamidam̐ bhikkhave kammanti** nayidaṃ purāṇakammameva, purāṇakammanibbatto panesa kāyo, tasmā paccayavohārena evaṃ vutto. **Abhisāṅkhatanti**-ādi kammavohārasseva vasena purimaliṅgasabhāgatāya vuttaṃ, ayaṃ panettha attho—**abhisāṅkhatanti** paccayehi katoti daṭṭhabbo. **Abhisāñceti** cetanāvattuko cetanāmūlakoti daṭṭhabbo. **Vedaniyanti**² vedaniyavattūti daṭṭhabbo. . Sattamaṃ.

8. Cetanāsuttavaṇṇanā

38. Aṭṭhame **yañca bhikkhave cetetīti** yaṃ cetanaṃ ceteti, pavattetīti attho. **Yañca pakappetīti** yaṃ pakappanaṃ pakappeti, pavatteticceva attho. **Yañca anusetīti** yañca anusayaṃ anuseti, pavatteticceva attho. Ettha ca **cetetīti** tebhūmakakusalākusalacetanā³ gahitā, **pakappetīti** aṭṭhasu lobhasahagatacittesu taṇhādiṭṭhikappā gahitā, **anusetīti** dvādasannaṃ cetanānaṃ sahaajātaḥkoṭiyā ceva upanissayaḥkoṭiyā ca anusayo gahito. **Ārammaṇametaṃ hotīti** (cetanādidhammajāte sati kammaviññāṇassa uppattiyā avāritattā)⁴ etaṃ cetanādidhammajātaṃ paccayo hoti. Paccayo hi idha ārammaṇanti adhippeto. **Viññāṇassa ṭhitiyāti** kammaviññāṇassa ṭhitatthaṃ. **Ārammaṇe satīti** tasmim̐ paccaye sati. **Patitṭhā viññāṇassa hotīti** tassa kammaviññāṇassa patitṭhā hoti. **Tasmim̐ patitṭhite viññāṇeti** tasmim̐ kammaviññāṇe patitṭhite. **Virūlheti** kammaṃ javāpetvā paṭisandhi-ākacchanasamatthatāya nibbattamūle jāte. **Punabbhavābhini** battīti punabbhavasāṅkhātā abhinibbatti.

1. Aññesaṃ nāma (Ka)

2. Vedayitanti (Si)

3. Tebhūmakakusalacetanā (Si)

4. () etthantare pāṭho Si-Syā-potthakesu na dissati.

No ce **bhikkhave cetetī**ti iminā tebhūmakacetanāya appavattanakkhaṇo vutto. No ce **pakappetī**ti iminā taṇhādīṭṭhikappānaṃ appavattanakkhaṇo. **Atha ce anusetī**ti iminā tebhūmakavipākesu parittakiriyāsu rūpeti ettha appahīnakoṭiyā anusayo gahito. **Ārammaṇametaṃ hotī**ti anusaye sati kammaviññāṇassa uppattiyā avāritattā etaṃ anusayajātaṃ paccayova hoti.

No **ceva cetetī**ti-ādīsu paṭhamapade tebhūmakakusalākusalacetanā nivattā, dutiyapade aṭṭhasu cittesu taṇhādīṭṭhiyo, tatiyapade vuttappakāresu dhammesu yo appahīnakoṭiyā anusayito anusayo, so nivatto.

Apicettha asammohatthaṃ ceteti pakappeti anuseti, ceteti na pakappeti anuseti, na ceteti na pakappeti anuseti, na ceteti na pakappeti na anusetīti idampi catukkaṃ veditabbaṃ. Tattha paṭhamanaye dhammaparicchedo dassito. Dutiyanaye **cetetī**ti tebhūmakakusalacetanā ceva catasso ca akusalacetanā gahitā. **Na pakappetī**ti aṭṭhasu cittesu taṇhādīṭṭhiyo nivattā. **Anusetī**ti tebhūmakakusale upanissayakoṭiyā, catūsu akusalacetanāsu sahajātakoṭiyā ceva upanissayakoṭiyā ca anusayo gahito. Tatiyanaye **na cetetī**ti tebhūmakakusalākusalāṃ nivattaṃ, **na pakappetī**ti aṭṭhasu cittesu taṇhādīṭṭhiyo nivattā, **anusetī**ti sutte āgataṃ vāretvā tebhūmakakusalākusalavipākakiriyārūpesu appahīnakoṭiyā upanissayo gahito. Catutthanayo purimasadisova.

Tadappatiṭṭhiteti tasmiṃ appatiṭṭhite. **Avirūlheti** kammaṃ javāpetvā paṭisandhi-ākaḍḍhanasamatthatāya anibbattamūle. Ettha pana kiṃ kathitanti? Arahattamaggassa kiccaṃ, khīṇāsavassa kiccakaraṇanti pi navalokuttaradhammātipi vattum vaṭṭati. Ettha ca viññāṇassa ceva āyatim punabbhavassa ca antare eko sandhi, vedanātaṇhānamantare eko, bhavajātīnamantare ekoti. . Aṭṭhamāṃ.

9. Dutiyacetanāsuttavaṇṇanā

39. Navame viññāṇanāmarūpānaṃ antare eko sandhi,
vedanātaṇhānamantare eko, bhavajātīnamantare ekoti. . Navamaṃ.

10. Tatiyacetanāsuttavaṇṇanā

40. Dasame natīti taṇhā. Sā hi piyarūpesu rūpādīsu namanatṭhena
“natī”ti vuccati. **Āgatigati hotīti** āgatimhi¹ gati hoti, āgate paccupaṭṭhite
kamme vā kammanimitte vā gatinimitte vā paṭisandhivasena viññāṇassa gati
hoti. **Cutūpapātoti** evaṃ viññāṇassa āgate paṭisandhivisaye gatiyā sati ito
cavanasāṅkhātā cuti, tatthūpapattisaṅkhāto upapātoti ayaṃ cutūpapāto nāma
hoti. Evaṃ imasmiṃ sutte natiyā ca āgatigatiyā ca antare ekova sandhi
kathitoti. . Dasamaṃ.

Kaḷārakhattiyavaggo catuttho.

5. Gahapativagga

1. Pañcaverabhayasuttavaṇṇanā

41. Gahapativaggassa paṭhame yatoti yadā. **Bhayāni verānīti**
bhayaveracetanāyo. **Sotāpattiyaṅgehīti** duvidhaṃ sotāpattiyā aṅgaṃ,
(Sotāpattiyā ca aṅgaṃ,)² yaṃ pubbhāge sotāpattiṭṭhāyā samvattati,
“sappurisasamsevo saddhammassavanaṃ yonisomanasikāro
dhammānudhammapaṭipattī”³ evaṃ āgataṃ, paṭiladdhaguṇassa ca
sotāpattim patvā ṭhitassa aṅgaṃ, yaṃ sotāpannassa aṅgantipi vuccati,
Buddhe aveccappasādādīnaṃ etaṃ adhivacanaṃ. Idamidha adhippetam.
Ariyoti niddoso nirupārambho. **Ñāyoti** paṭiccasamuppannaṃ ñatvā
ṭhitañāṇampi paṭiccasamuppādopi. Yathāha “ñāyo vuccati
paṭiccasamuppādo, ariyopi aṭṭhaṅgiko maggo ñāyo”^{ti}. **Paññāyāti**
aparāparaṃ uppannāya vipassanāpaññāya. **Sudīṭṭho hotīti** aparāparaṃ
uppajjitvā dassanavasena suṭṭhu diṭṭho.

1. Āgatamhi (Sī, Syā)

2. () Sīhaḷa-potthake natthi.

3. Dī 3. 190 piṭṭhe.

Khīṇanirayoti-ādīsu āyatim̐ tattha anuppajjanatāya khīṇo nirayo mayhanti so ahaṃ khīṇanirayo. Esa nayo sabbattha. **Sotāpannoti** maggasotaṃ āpanno. **Avinipātadhammoti** na vinipātasabhāvo. **Niyatoti** paṭhamamaggasaṅkhātena sammattaniyāmena niyato. **Sambodhiparāyanoti** uttarimaggattayasāṅkhāto sambodhi param̐ ayanam̐ mayhanti soham̐ sambodhiparāyano, tam̐ sambodhim̐ avassam̐ abhisambujjhanakoti attho.

Pāṇātipātapaccayāti pāṇātipātakammakāraṇā. **Bhayaṃ veranti** atthato ekaṃ. Veraṇca nāmetam̐ duvidham̐ hoti bāhiram̐ ajjhantikanti. Ekena hi ekassa pitā mārito hoti, so cintesi “etena kira me pitā mārito, ahampi taṃyeva māressāmī”ti nisitam̐ sattham̐ ādāya carati. Yā tassa abbhantare uppannaveracetanā, idam̐ bāhiram̐ veram̐ nāma. Yā pana itarassa “ayam̐ kira mam̐ māressāmīti carati, ahameva nam̐ paṭhamataram̐ māressāmī”ti cetanā uppajjati, idam̐ ajjhantikam̐ veram̐ nāma. Idam̐ tāva ubhayampi diṭṭhadhammikameva. Yā pana tam̐ niraye uppannam̐ disvā “etaṃ paharissāmī”ti jalitam̐ ayamuggaram̐ gaṇhato nirayapālassa cetanā uppajjati, idamassa samparāyikam̐ bāhiraveram̐. Yā cassa “ayam̐ niddosam̐ mam̐ paharissāmīti āgacchati, ahameva nam̐ paṭhamataram̐ paharissāmī”ti cetanā uppajjati, idamassa samparāyikam̐ ajjhattaveram̐. Yam̐ panetaṃ bāhiraveram̐, tam̐ Aṭṭhakathāyam̐ “puggalaveran”ti vuttam̐. **Dukkham̐ domanassanti** atthato ekameva. Yathā cettha, evam̐ sesapadesupi “iminā mama bhaṇḍam̐ haṭam̐, mayham̐ dāresu cārittam̐ āpannam̐, musā vatvā attho bhaggo, surāmadamattena idam̐ nāma katan”ti-ādinā nayena veruppatti veditabbā. **Aveccappasādenāti** adhigatena¹ acalappasādena. **Ariyakantehīti** pañcahi sīlehi. Tāni hi ariyānam̐ kantāni piyāni, bhavantaragatāpi ariyā tāni na vijahanti, tasmā “ariyakantāni”ti vuccanti. Sesamettha yaṃ vattabbam̐ siyā, tam̐ sabbam̐ Visuddhimagge² anussatiniddese vuttameva. . Paṭhamam̐.

2. Dutiya pañcaverabhayasuttavaṇṇanā

42. Dutiye bhikkhūnam̐ kathitabhāvamattameva viseso. . Dutiyaṃ.

1. Avihatena (Sī)

2. Visuddhi 1. 215 piṭṭhe.

3. Dukkhasuttavaṇṇanā

43. Tatiye **dukkhassāti** vaṭṭadukkhasa. **Samudayanti** dve samudayā khaṇikasamudayo ca paccayasamudayo ca. Paccayasamudayaṃ passantopi bhikkhu khaṇikasamudayaṃ passati, khaṇikasamudayaṃ passantopi paccayasamudayaṃ passati. Atthaṅgamopi accantatthaṅgamo bhedatthaṅgamoti¹ duvidho. Accantatthaṅgamaṃ passantopi bhedatthaṅgamaṃ passati, bhedatthaṅgamaṃ passantopi accantatthaṅgamaṃ passati. **Desessāmīti** idaṃ vaṭṭadukkhasa² samudaya-atthaṅgamaṃ nibbattibhedam nāma desessāmi, taṃ suṇāthāti attho. **Paṭiccāti** nissayavasena ceva ārammaṇavasena ca paccayaṃ katvā. **Tiṇṇaṃ saṅgati phassoti** tiṇṇaṃ saṅgatiyā phasso. **Ayaṃ kho bhikkhave dukkhassa samudayoti** ayaṃ vaṭṭadukkhasa nibbatti nāma. **Atthaṅgamoti** bhedo. Evaṃ hi vaṭṭadukkhaṃ bhinnaṃ hoti appaṭisandhiyaṃ. . Tatiyaṃ.

4. Lokasuttavaṇṇanā

44. Catutthe **lokassāti** saṅkhāralokassa. Ayamettha viseso. . Catuttham.

5. Nātikasuttavaṇṇanā

45. Pañcame **nātiketi** dvinnam nātakānaṃ gāme. **Giṇṇakāvasatheti** iṭṭhakāhi kate mahāpāsāde. **Dhammapariyāyanti** dhammakāraṇaṃ. **Upassutīti**³ upassutiṭṭhānaṃ, yaṃ ṭhānaṃ upagatena sakkā hoti Bhagavato saddaṃ sotuṃ, tattha ṭhitoti attho. So kira gandhakuṭipariveṇasammajjanatthaṃ āgato attano kammaṃ pahāya Bhagavato dhammaghosam suṇanto aṭṭhāsi. **Addasāti** tadā kira Bhagavato āditova paccayākāraṃ manasikarontassa “idaṃ iminā paccayena hoti, idaṃ iminā”ti āvajjato yāva bhavaggā ekaṅgaṇaṃ ahosi, Satthā manasikāraṃ pahāya vacasā sajjhāyaṃ karonto yathānusandhinā desanaṃ niṭṭhapetvā “api nu kho imaṃ dhammapariyāyaṃ koci assosī”ti āvajjento taṃ bhikkhumaddasa. Tena vuttaṃ “addasā kho Bhagavā”ti.

1. Rodhatthaṅgamoti (Sī)

2. Vaṭṭadukkhe (Ka)

3. Upassutinti (Sī)

Assosi noti assosi nu. Atha vā **assosi noti** amhākaṃ bhāsantānaṃ assosīti. **Uggaṇhāhīti**-ādīsu sutvā tuṇhībhūtova paṇaṃ karonto uggaṇhāti nāma. Padānupadaṃ ghaṭetvā vācāya paricitaṃ karonto pariyāpuṇāti nāma. Ubhayathāpi paṇaṃ ādhārapattaṃ karonto dhāreti nāma. **Atthasamhitoti** kāraṇanissito. **Ādibrahmacariyakoti** maggabrahmacariyassa ādi patiṭṭhānabhūto. Iti tīsupi imesu suttesu vaṭṭavivaṭṭameva kathitaṃ. . Pañcamaṃ.

6. Aññatarabrāhmaṇasuttavaṇṇanā

46. Chaṭṭhe **aññataroti** nāmasena apākaṭo aññataro brāhmaṇo. . Chaṭṭhaṃ.

7. Jāṇussoṇisuttavaṇṇanā

47. Sattame **Jāṇussoṇīti** ṭhānantaravasena evaṃladdhanāmo asītikotiṭṭhāvavo mahāpurohito. . Sattamaṃ.

8. Lokāyatikasuttavaṇṇanā

48. Atṭhame **Lokāyatikoti** vitaṇḍasatthe lokāyate kataparicayo. **Jeṭṭhametaṃ lokāyatanti** paṭhamaṃ lokāyataṃ. **Lokāyatanti** ca lokasseva āyataṃ¹, bālaputhujjanalokassa āyataṃ¹, mahantaṃ gambhīranti upadhāritabbam² parittaṃ bhāvaṃ diṭṭhigataṃ³. **Ekattanti** ekasabhāvaṃ, nīccasabhāvamevāti pucchati. **Puthuttanti** purimasabhāvena nānāsabhāvaṃ, devamanussādibhāvena paṭhamaṃ hutvā pacchā na hotīti ucchedaṃ sandhāya pucchati. Evamettha “sabbamatthi, sabbamekattan”ti imā dvepi sassatadiṭṭhiyo, “sabbam natthi, sabbam puthuttan”ti imā dve ucchedadiṭṭhiyoti veditabbā. . Atṭhamaṃ.

9. Ariyasāvakasuttavaṇṇanā

49. Navame **kiṃ nu khoti** saṃsayuppatti-ākāradassanaṃ⁴. **Samudayatīti** uppajjati. . Navamaṃ.

1. Āyatanam (Syā, Ka)

2. Upaṭṭhitam (Sī), upatiṭṭham (Syā)

3. Sāsavaṃ diṭṭhigataṃ (Sī), chavadiṭṭhigataṃ (Syā)

4. Ākāranidassanam (Syā)

10. Dutiya-ariyasāvaka-suttavaṇṇanā

50. Dasame dvepi nayā ekato vuttā. Idameva purimena nānattaṃ, sesaṃ tādisevāti. . Dasamaṃ.

Gahapativaggo pañcamaṃ.

6. Dukkhavagga

1. Parivīmaṃsanāsuttavaṇṇanā

51. Dukkhavagga-sa paṭhame **parivīmaṃsamānoti** upaparikkhamāno. **Jarāmarañanti** kasmā jarāmarāṇaṃ ekameva “anekavidhaṃ nānappakāraṇaṃ”ti vatvā gahitanti ce? Tasmaṃ gahite sabbadukkhasa gahitattā. Yathā hi cūḷāya gahite purise so puriso gahitova hoti, evaṃ jarāmarāṇe gahite sabbadukkhaṃ gahitameva hoti. Tasmā “yaṃ kho idaṃ anekavidhaṃ nānappakāraṇaṃ dukkhaṃ loke uppajjati”ti nhatvā¹ ṭhitam purisaṃ viya sabbadukkhaṃ dassetvā taṃ cūḷāya gaṇhanto viya jarāmarāṇaṃ gaṇhi.

Jarāmarāṇanirodhasārūppagāminīti jarāmarāṇanirodhasa sārūppabhāvena nikkilesatāya parisuddhatāya sadisāva hutvā gāminīti attho. **Tathā paṭipanno ca hotīti** yathā taṃ paṭipannoti vuccati, evaṃ paṭipanno hoti. **Anudhammacārīti** nibbānadhammaṃ anugataṃ paṭipattidhammaṃ carati, pūretīti attho. **Dukkha-kkayāya paṭipannoti** sīlaṃ ādiṃ katvā jarāmarāṇadukkhasa nirodhatthāya paṭipanno. **Saṅkhāranirodhāyāti** saṅkhāradukkhasa nirodhatthāya. Ettāvatā yāva arahattā² desanā kathitā.

Idāni arahattaphalappaccavekkhaṇaṃ satatavihāraṇca dassetvā desanā nivattetabbā siyā, tathā akatvā **avijjāgatoti** idaṃ kasmā gaṇhātīti? Khīṇāsavassa samatikkantavaṭṭadukkhadassanattamaṃ. Apica puna vaṭṭaṃ ārabhitvā vivaṭṭe kathiyamāne bujjanakasatto cettha atthi, tassa ajjhāsavayavenāpi idaṃ gaṇhātīti veditabbo. Tattha **avijjāgatoti**

1. Vatvā (Ka)

2. Yāva arahattaṃ (Sī)

avijjāya gato upagato samannāgato. **Purisapuggaloti** purisoyeva puggalo. Ubhayenāpi sammutikathā katheti. Buddhānaṃ hi sammutikathā paramatthakathāti dve kathā honti. Tattha “satto naro puriso puggalo tisso nāgo”ti evaṃ pavattā sammutikathā nāma. “Khandhā dhātuyo āyatanāni”ti evaṃ pavattā paramatthakathā nāma. Paramatthaṃ kathentāpi sammutiṃ amuñcivā kathenti. Te sammutiṃ kathentāpi paramatthaṃ kathentāpi saccameva kathenti. Teneva vuttaṃ—

“Duve saccāni akkhāsi, sambuddho vadataṃ varo.
Sammutiṃ paramatthañca, tatiyaṃ nūpalabbhati.

Saṅketavacanaṃ saccam, lokasammutikāraṇam¹.

Paramatthavacanaṃ saccam, dhammānaṃ bhūtalakkhaṇaṃ”ti².

Puññaṃ ce saṅkhāranti terasacetanābhedaṃ puññābhisaṅkhāraṃ. **Abhisaṅkharoti**ti karoti³. **Puññūpagaṃ hoti viññāṇanti** kammaviññāṇaṃ kammaapuññaṃ upagataṃ sampayuttaṃ hoti, vipākaviññāṇaṃ vipākapuññaṃ. **Apuññaṃ ce saṅkhāranti** dvādasacetanābhedaṃ apuññābhisaṅkhāraṃ abhisaṅkharoti. **Āneñjaṃ ce saṅkhāranti** catucetanābhedaṃ āneñjābhisaṅkhāraṃ. **Āneñjūpagaṃ hoti viññāṇanti** kammāneñjena kammaviññāṇaṃ, vipākāneñjena vipākaviññāṇaṃ upagataṃ hoti. Ettha ca tividhassa kammābhisaṅkhārassa gahitattā dvādasapadiko paccayākāro gahitova hoti. Ettāvataṃ vaṭṭaṃ dassitaṃ.

Idāni vivaṭṭaṃ dassento **yato kho bhikkhavi**ti-ādimāha. Tattha **avijjāti** catūsu saccesu aññāṇaṃ. **Vijjāti** arahattamaggañāṇaṃ. Ettha ca⁴ paṭhamameva avijjāya pahīnāya vijjā uppajjati. Yathā pana caturāṅgepi tame rattiṃ padīpujjalena andhakāro pahīyati, evaṃ vijjuppādā avijjāya pahānaṃ veditabbaṃ. **Na kiñci loke upādiyatīti** loke kiñci dhammaṃ na gaṇhāti na parāmasati. **Anupādiyaṃ na paritassatīti** anupādiyanto agaṇhanto neva taṇhāparitassanāya, na bhayaaparitassanāya paritassati, na taṇhāyati na bhāyati attho. **Paccattaññevāti** sayameva attanāva parinibbāyati, na aññassa ānubhāvena.

1. Lokasammutikāraṇā (Sī, Syā)Ma-Ṭṭha 1. 143 piṭṭhe ca.

2. Bhūtalakkhaṇāti (Sī), bhūtakāraṇāti (Ma-Ṭṭha 1. 143 piṭṭhe)

3. Pakaroti (Sī)

4. Ettha ca pana (Sī)

So sukhaṃ ce vedananti idaṃ kasmā ārabhi? Khīṇāsavassa paccavekkhaṇañāṇaṃ dassetvā satatavihāraṃ dassetuṃ ārabhi. **Anajjhositāti** taṇhāya gilitvā pariniṭṭhapetvā agahitā. Atha dukkhavedanā kasmā vuttā, kiṃ tampi abhinandanto atthīti? Āma atthi. Sukhaṃ abhinandantoyeva hi dukkhaṃ abhinandati nāma dukkhaṃ patvā sukhaṃ patthanato sukhasa ca vipariṇāmadukkhatoti. **Kāyapariyantikanti** kāyaparicchinnam¹, yāva pañcadvārakāyo pavattati, tāva pavattaṃ pañcadārikavedananti attho. **Jīvitapariyantikanti** jīvitaparicchinnam², yāva jīvitam pavattati, tāva pavattaṃ manodvārikavedananti attho.

Tattha pañcadvārikavedanā pacchā uppajjitvā paṭhamam nirujjhati, manodvārikavedanā paṭhamam uppajjitvā pacchā nirujjhati. Sā hi paṭisandhikkhaṇe vatthurūpasmiṃyeva patiṭṭhāti. Pañcadvārikā pavatte pañcadvāravasena pavattamānā paṭhamavaye vīsativassakāle rajjanadussanamuyhanavasena adhimattā balavatī hoti, paṇṇāsavassakāle ṭhitā hoti, saṭṭhivassakālato paṭṭhāya parihāyamānā asītinavutivassakāle mandā hoti. Tadā hi sattā “cirarattaṃ ekato nisīdimhā nipajjimhā”ti vadantepi “na sañjānāmā”ti vadanti. Adhimattānīpi rūpādi-ārammaṇāni “na passāma na suṇāma”, “sugandham duggandham vā sādum asādum vā thaddham mudukanti vā na jānāmā”ti vadanti. Iti nesaṃ pañcadvārikavedanā bhaggā hoti, manodvārikāva pavattati. Sāpi anupubbena parihāyamānā maraṇasamaye hadayakoṭiṃyeva nissāya pavattati. Yāva panesā pavattati, tāva satto jīvatīti vuccati. Yadā nappavattati, tadā mato niruddhoti vuccati.

Svāyamatto vāpiyā dīpetabbo—

Yathā hi puriso pañca-udakamaggasampannam vāpim kareyya, paṭhamam deve vuṭṭhe pañcahi udakamaggehi udakam pavisitvā antovāpiyam āvāṇe pūreyya, punappunam deve vassante udakamagge pūretvā gāvutaḍḍhajojanamattam³ ottharivā udakam tiṭṭheyya tato tato vissandamānam, atha niddhamanatumbe vivarivā khettesu kamme kariyamāne udakam nikkhamantaṃ, sassapākakāle (udakam nikkhamantaṃ,)⁴ udakam parihīnam “macche gaṇhāmā”ti vattabbaṃ āpajjeyya,

1. Kāyantikaṃ kāyaparicchinnam (Sī)

2. Jīvitantikaṃ jīvitaparicchinnam (Sī)

3. Gāvutaḍḍhajojanamaggam (Syā)

4. () Sīhaḷa-potthake natthi.

tato¹ katipāhena āvāṭesuyeva udakaṃ saṅṭhaheyya. Yāva pana taṃ āvāṭesu hoti, tāva “mahāvāpiyaṃ udakaṃ atthī”ti saṅkhaṃ gacchati. Yadā pana tattha chijjati, tadā “vāpiyaṃ udakaṃ natthī”ti vuccati, evaṃsampadamidaṃ veditabbaṃ.

Paṭhamāṃ deve vassante pañcahi maggehi udake pavisante āvāṭānaṃ² pūraṇakālo viya hi paṭhamameva paṭisandhikkhaṇe manodvārikavedanāya vatthurūpe patiṭṭhitakālo, punappunaṃ deve vassante pañcannaṃ maggānaṃ pūritakālo viya pavatte pañcadvārikavedanāya pavattikālo, gāvutaḍḍhajojanamattaṃ ajjhottharaṇaṃ viya paṭhamavaye vīsativassakāle rajjanādivasena tassā adhimattabalavabhāvo, yāva vāpito udakaṃ na nigacchati, tāva pūrāya vāpiyā ṭhitakālo viya paññāsavassakāle tassā ṭhitakālo, niddhamanatumbesu vivaṭesu kammante kariyamāne udakassa nikkhamanakālo viya saṭṭhivassakālato paṭṭhāya tassā parihāni, udake bhaṭṭhe udakamaggesu parittodakassa ṭhitakālo viya asītinavutivassakāle pañcadvārikavedanāya mandakālo, āvāṭesuyeva udakassa patiṭṭhānakālo viya hadayavatthukoṭṭiṃ nissāya manodvārikavedanāya pavattikālo, āvāṭesu parittepī udake sati “vāpiyaṃ udakaṃ atthī”ti vattabbakālo viya yāva sā pavattati, tāva “satto jīvati”ti vuccati. Yathā pana āvāṭesu udake chinne “natthi vāpiyaṃ udakaṃ”ti vuccati, evaṃ manodvārikavedanāya appavattamānāya “satto mato”ti vuccati. Imaṃ³ vedanaṃ sandhāya vuttaṃ “jīvitapariyantikaṃ vedanaṃ vediyamāno”ti.

Kāyassa bhedaṭi kāyassa bhedena. Jīvitapariyādānā uddhanti jīvitakkhayato uddham. **Idhevāṭi** paṭisandhivasena parato agantvā idheva. **Sītībhavissantīṭi** pavattivipphandadaratharahitāni sītāni appavattanadhammāni bhavissanti. **Sarīrānīṭi** dhātusarīrāni. **Avasissantīṭi** avasiṭṭhāni bhavissanti.

Kumbhakārapākāṭi kumbhakārassa bhājanapacanaṭṭhānato. **Paṭisiseyyāṭi**⁴ ṭhapeyya. **Kapallānīṭi** saha mukhavatṭiyā ekābaddhāni⁵ kumbhakapallāni.

1. Tato tato (Syā, Ka)

2. Anto-āvāṭānaṃ (Sī, Ka)

3. Imaṃ (Syā)

4. Pativiseyyāṭi (Sī), patiṭṭhapeyyāṭi (Syā)

5. Ekabandhanāni (Ka)

Avasisseyyunti tiṭṭheyyum. **Evameva khoti** ettha idaṃ opammasaṃsandanam—ādittakumbhakārapāko viya hi tayo bhavā daṭṭhabbā, kumbhakāro viya yogāvacarō, pākato kumbhakārabhājanānam nīharaṇadaṇḍako viya arahattamaggañānam, samo bhūmibhāgo viya asaṅkhataṃ nibbānataṃ¹, daṇḍakena uṇhakumbham ākaḍḍhitvā same bhūmibhāge kumbhassa ṭhapitakālo viya āraddhavipassakassa rūpasattakam arūpasattakam vipasantassa kammaṭṭhāne ca paṇe vibhūte upaṭṭhamāne tathārūpaṃ utusappāyādim labhitvā ekāsane nisinnassa vipassanam vaḍḍhetvā aggaphalam arahattam patvā catūhi apāyehi attabhāvaṃ uddharitvā phalasaṃpattivasena asaṅkhate nibbānatale ṭhitakālo daṭṭhabbo. Khīṇāsavo pana uṇhakumbho viya arahattappattadivaseyeva na parinibbāti², sāsanappaveṇim pana ghaṭayamāno paṇṇāsasaṭṭhivassāni ṭhatvā³ carimakacittappattiyā⁴ upādiṇṇakakkhandhabhedā anupādisesāya nibbānadhātuyā parinibbāti. Athassa kumbhassa viya kapallāni anupādiṇṇakasarīrāneva avasissantīti. **Sarīrāni avasissantīti pajānātīti** idaṃ pana khīṇāsavassa anuyogāropanattham vuttam.

Viññānam paññāyethāti paṭisandhiviññānam paññāyetha. **Sādhu sādhu**ti therānam byākaraṇam sampahaṃsati. **Evametanti** yadetaṃ tividhe abhisāṅkhāre asati paṭisandhiviññānassa appaññānanti-ādi, evameva etaṃ. **Adhimuccathāti** sanniṭṭhānasaṅkhātam adhimokkham paṭilabhatha. **Esevanto dukkhassāti** ayameva vaṭṭadukkhassa anto ayam paricchedo, yadidaṃ nibbānanti. . Paṭhamam.

2. Upādānasuttavaṇṇanā

52. Dutiya **upādāniyesūti** catunnam upādānānam paccayesu tebhūmakadhammesu. **Assādānupassinoti** assādānam anupassantassa. **Tatrāti** tasmim aggikkhandhe. **Tadāhāroti** taṃpaccayo⁵. **Tadupādānoti** tasseva vevacanam. **Evameva khoti** ettha aggikkhandho viya hi tayo bhavā, tebhūmakavaṭṭantipi etadeva, aggijaggakapuriso viya vaṭṭanissito bālaputhujjano, sukkhataṇagomayādipakkhipanam viya assādānupassinō

1. Nibbānathalam (Ka) 2. Na parinibbāyati (Si, Syā) 3. Caritvā (Sī), vicaritvā (Syā)
4. Purimakacittappavattiyā (Syā) 5. Tappaccayo (Syā)

puthujjanassa taṇhādivasena chahi dvārehi kusalākusalakammakaraṇaṃ,
tiṇagomayādīsu khīṇesu punappunaṃ tesam pakkhipanena aggikkhandhassa
vaḍḍhanam viya bālaputhujjanassa uṭṭhāya samuṭṭhāya
yathāvuttakammāyūhanena aparāparam vaṭṭadukkhaniḍḍhanam.

Na kālena kālam sukkhāni ceva tiṇāni pakkhipeyyāti tam hi koci
atthakāmo evaṃ vadeyya—“bho¹ kasmā uṭṭhāya samuṭṭhāya kalāpe
bandhitvā² sukkhatiṇakaṭṭhānaṃ pacchiyaṃ ca³ pūretvā sukkhagomayāni
pakkhipanto etaṃ aggim jālesi, api nu te atthi itonidānaṃ kāci vaḍḍhīti⁴.
Vaṃsāgatametaṃ bho amhākaṃ, itonidānaṃ pana me avaḍḍhiyeva, kuto
vaḍḍhi. Ahaṃ hi imaṃ aggim jagganto neva nhāyitum na bhuñjitum na
nipajjitum labhāmīti. Tena hi bho kim te iminā niratthakena aggijālanena⁵,
chi tvaṃ etāni ābhatāni tiṇādīni ettha nikkhipa⁶, tāni sayameva jhāyissanti,
tvaṃ pana asukasmiṃ ṭhāne sītodakā pokkharāṇi atthi, tattha nhatvā
mālāgandhavilepanehi attānaṃ maṇḍetvā sunivattho supārutova pādukāhi
nagaraṃ pavisitvā pāsādavaramāruyha vātapānaṃ vivaritvā mahāvīthiyaṃ
virocamāno nisīda ekaggo sukhasamappito hutvā, tattha te nisinnassa
tiṇādīnaṃ khayena sayameva ayaṃ aggi appaṇṇattibhāvaṃ gamissatī”ti. So
tathā kareyya. Tatheva ca tattha nisinnassa so aggi upādānakkhayena
appaṇṇattibhāvaṃ gaccheyya. Idaṃ sandhāyetaṃ “na kālena kālan”ti-ādi
vuttaṃ.

Evameva khoti ettha pana idaṃ opammasaṃsandanaṃ—cattālīsāya
kaṭṭhavāhānaṃ jalamāno mahā-aggikkhandho viya hi tebhūmakavaṭṭam
daṭṭhabbam, aggijagganakapuriso viya vaṭṭasannissitako yogāvacarō,
atthakāmo puriso viya Sammāsambuddho, tena purisena tassa dinna-ovādo
viya Tathāgatena “chi tvaṃ bhikkhu tebhūmakadhammesu nibbinda, evaṃ
vaṭṭadukkhā muccissasī”ti tassa tebhūmakadhammesu kammaṭṭhānassa
kathitakālo, tassa purisassa yathānusitṭhaṃ paṭipajjitvā pāsāde nisinnakālo
viya

1. Hambho (Sī, Syā)

3. Pacchiyā ca (Syā), pacchiyeva (Ka), pacchiyo (?)

5. Aggijālanena (Syā), aggim jalantena (Ka)

2. Madditvā (Syā)

4. Kācipi vuḍḍhīti (Syā)

6. Nikkhipitāni (Syā)

yogino Sugatovādaṃ sampaṭicchitvā suññāgāraṃ pavitṭhassa
tebhūmakadhammesu vipassanaṃ paṭṭhapetvā anukkamena yathānurūpaṃ
āhārasappāyādiṃ labhitvā ekāsane nisinnassa aggaphale patiṭṭhitakālo, tassa
nhānavilepanādīhi sudhotamaṇḍitakāyattā tasmim̐ nisinnassa
ekaggasukhasamappitakālo viya yogino ariyamaggapokkharāṇiyaṃ
maggañāṇodakena sunhātasudhotakilesamalassa hirottappasāṭake nivāsetvā
sīlavilepanānulittassa arahattamaṇḍanena attabhāvaṃ maṇḍetvā
vimuttipupphadāmaṃ piḷandhitvā iddhipādapādukā āruyha nibbānanagaraṃ
pavisitvā dhammapāsādaṃ āruyha satipaṭṭhānamahāvīthiyaṃ virocamaṇassa
nibbānāramaṇaṃ phalasaṃpattim̐ appetvā nisinnakālo, tassa pana
purisassa tasmim̐ nisinnassa tiṇādīnaṃ khayena aggikkhandhassa
appaṇṇattigamanakālo viya khīṇāsavassa yāvatāyukaṃ ṭhatvā
upādiṇṇakakkhandhabhedena anupādisesāya nibbānadhātuyā parinibbutassa
mahāvattāvūpasamo daṭṭhabbo. . Dutiyaṃ.

3. Saṃyojanasuttavaṇṇanā

53. Tatiye **saṃyojaniyesūti** dasannaṃ saṃyojanānaṃ paccayesu.
Jhāyeyyāti jaleyya. **Telaṃ āsiñceyya vaṭṭim̐ upasaṃhareyyāti**
dīpapaṭijagganattamaṃ telabhājanañca mahantañca vaṭṭikapālaṃ gahetvā
saṃīpe niccaṃ ṭhitova tele khīṇe telaṃ āsiñceyya, vaṭṭiyā khīṇāya vaṭṭim̐
upasaṃhareyya. Sesamettha saddhim̐ opammasaṃsandanena
purimanayeneva veditabbaṃ. . Tatiyaṃ.

4. Dutiyasaṃyojanasuttavaṇṇanā

54. Catutthe upamaṃ paṭhamaṃ katvā pacchā attho vutto. Sesam̐
tādisameva. . Catuttham̐.

5. Mahārukkhasuttavaṇṇanā

55. Pañcame **uddhaṃ ojaṃ abhiharantīti** pathavīrasañca āporasañca
upari āropenti. Ojāya āropitattā hatthasatubbedhassa rukkhassa aṅkuraggesu
bindubindūni viya hutvā sineho tiṭṭhati. Idaṃ panettha

opammasaṃsandanaṃ—mahārukkho viya hi tebhūmakavaṭṭaṃ, mūlāni viya āyatanāni, mūlehi ojāya ārohanaṃ viya chahi dvārehi kammārohanaṃ, ojāya abhiruḷhattā mahārukkhassa yāvakaṃpaṭṭhānaṃ¹ viya vaṭṭanissitabālaputhujjanassa chahi dvārehi kammaṃ āyūhantassa aparāparaṃ vaṭṭassa vaḍḍhanavasena dīgharattaṃ ṭhānaṃ.

Kuddālapaṭṭakanti kuddālañceva pacchibhājanañca. **Khaṇḍākhāṇḍikaṃ chindeyyāti** khuddakamahantāni khaṇḍākhāṇḍāni karonto chindeyya. Idaṃ panettha opammasaṃsandanaṃ—idhāpi hi mahārukkho viya tebhūmakavaṭṭaṃ, rukkhaṃ nāsetukāmo puriso viya yogāvacaro, kuddālo viya ñāṇaṃ, pacchi viya samādhi, rukkhacchedanapharasu viya ñāṇaṃ, rukkhassa mūle chinnakālo viya yogino ācariyasantike kammaṭṭhānaṃ gahetvā manasikarontassa paññā, khaṇḍākhāṇḍikaṃ chindanakālo viya saṅkhepato catunnaṃ mahābhūtānaṃ manasikāro, phālaṇaṃ viya dvecattālīsāya koṭṭhāsesu vitthāramanasikāro, sakalikaṃ sakalikaṃ karaṇakālo viya upādārūpassa ceva rūpakkhandhārammaṇassa viññāṇassa cāti imesaṃ vasena nāmarūpapariggaho, mūlānaṃ upacchedanaṃ² viya tasseva nāmarūpassa paccayapariyesanaṃ, vātātape visosetvā agginā ḍahanakālo viya anupubbena vipassanaṃ vaḍḍhetvā aññataraṃ sappāyaṃ labhitvā kammaṭṭhāne vibhūte upaṭṭhahamāne ekapallaṅke nisinnassa samaṇadhammaṃ karontassa aggaphalappatti, masikaraṇaṃ³ viya arahattappattadivaseyeva aparinibbāyantassa yāvatāyukaṃ ṭhitakālo, mahāvāte opunanaṃ nadiyā pavāhanaṃ viya ca upādiṇṇakakkhandhabhedena anupādisesāya nibbānadhātuyā parinibbutassa vaṭṭavūpasamo veditabbo. . Pañcamaṃ.

6. Dutiyamahārukkhasuttavaṇṇanā

56. Chaṭṭhepi upamaṃ paṭhamaṃ vatvā pacchā attho vutto, idameva nānattaṃ. . Chaṭṭhaṃ.

1. Yāvatakaṃ ṭhānaṃ (Si)

2. Uddharaṇaṃ (Syā)

3. Maṃsikāro (Ka)

7. Taruṇarukkhasuttavaṇṇanā

57-59. Sattame taruṇoti ajātaṭṭhalo. **Palimajjeyyāti**¹ sodheyya. **Pamsum dadeyyāti** thaddhapharusapaṃsum haritvā mudugomayacuṇṇamissaṃ madhurapaṃsum² pakkhipeyya. **Vuddhinti** vuddhiṃ āpajjitvā pupphūpago puppham, phalūpago phalam gaṇheyya. Idam panettha opammasaṃsandanam—taruṇarukkho viya hi tebhūmakavaṭṭam, rukkhaḥjaggako puriso viya vaṭṭanissito puthujjano, mūlaphalasantānādīni³ viya tīhi dvārehi kusalākusalakammāyūhanam, rukkhasa vuḍḍhi-āpajjanam viya vuthujjanassa tīhi dvārehi kamman āyūhato aparāparam vaṭṭappavatti. Vivaṭṭam vuttanayeneva veditabbam. Aṭṭhamanavamāni uttānatthāneva. . Sattamādīni.

10. Nidānasuttavaṇṇanā

60. Dasame **Kurūsu viharatīti** Kurūti evam bahuvacanavasena laddhavohāre janapade viharati. **Kammāsadhammam**⁴ nāma **Kurūnam nigamoti** evamnāmake Kurūnam nigamo, tam gocaragāmam katvāti attho. **Āyasmāti** piyavacanametam garuvacanametam. **Ānandoti** tassa therassa nāmam. **Ekamantam nisīdīti** cha nisajjadose vivajjento dakkhiṇajāṇumaṇḍalassa abhimukhaṭṭhāne chabbaṇṇanam Buddharasmīnam anto pavisitvā pasannalākhārasam vigāhanto viya suvaṇṇapaṭam pārupanto viya rattakambalavitānamajjham⁵ pavisanto viya Dhammabhaṇḍāgāriko āyasmā Ānando nisīdi. Tena vuttam “ekamantam nisīdi”ti.

Kāya pana velāya kena kāraṇena ayamāyasmā Bhagavantam upasaṅkamantoti? Sāyanhavelāya paccayākārapañham pucchanakāraṇena. Tam divasam kira ayamāyasmā kulasaṅgahatthāya gharadvāre gharadvāre saḥsabhaṇḍikam nikkhipanto viya kammāsadhammam piṇḍāya caritvā piṇḍapātaṭṭhikanto Satthu vattam dassetvā Satthari gandhakuṭim pavitthe Satthāram vanditvā attano divāṭṭhānam gantvā antevāsikesu vattam dassetvā paṭikkantesu divāṭṭhānam paṭisammajjitvā cammakkaṇḍam pañṇapetvā udakatumbato udakena

1. Palisattheyyāti (Sī), palisajjeyyāti (Syā) 2. ... cuṇṇamayamadhurapaṃsum (Ka)

3. Mūlapalisatthanādīni (Sī)

4. Kammāsadammanam (Ka)

5. Rattuppalamālāvitānamajjham (Sī), rattuppalamālāvitānamajjham (Dī-Ṭṭha 2. 75 piṭṭhe)

hatthapāde sītaṃ katvā pallaṅkaṃ ābhujitvā nisinno sotāpatti phalasaṃpattiṃ samāpajjitvā. Atha paricchinnakālavasena samāpattito vuṭṭhāya paccayākāre ñāṇaṃ otāresi. So “avijjāpaccayā saṅkhārā”ti-ādito paṭṭhāya antaṃ, antato paṭṭhāya ādiṃ, ubhayantato paṭṭhāya majjhaṃ, majjhato paṭṭhāya ubho ante pāpento tikkhattuṃ dvādasapadaṃ paccayākāraṃ sammasi. Tassevaṃ sammasantassa paccayākāro vibhūto hutvā uttānakuttānako viya upaṭṭhāsi. Tato cintesi “ayaṃ paccayākāro sabbabuddhehi gambhīro ceva gambhīrāvabhāso cāti kathito, mayhaṃ kho pana padesañāṇe ṭhitassa sāvakassa sato uttāno viya vibhūto pākaṭo hutvā upaṭṭhāti, mayhaṃyeva nu kho esa uttānako viya upaṭṭhāti, udāhu aññesampīti attano upaṭṭhānakāraṇaṃ Satthu ārocessāmi”ti nisinnaṭṭhānato¹ uṭṭhāya cammakkaṇḍaṃ papphotetvā ādāya sāyanhasamaye Bhagavantaṃ upasaṅkami. Tena vuttaṃ “sāyanhavelāyaṃ paccayākārapañhaṃ pucchanaṅkāraṇena upasaṅkamanto”ti.

Yāva gambhīroti ettha yāvasaddo pamāṇātikkaṃ. Atikkamma pamāṇaṃ gambhīro, atigambhīroti attho. **Gambhīrāvabhāso**ti gambhīrova hutvā avabhāsatī, dissatīti attho. Ekaṃ hi uttānameva gambhīrāvabhāsaṃ hoti pūtipaṇṇarasavasena kāḷavaṇṇaṃ purāṇa-udakaṃ viya. Taṃ hi jāṇuppaṃpāṇampi sataporisaṃ viya dissati. Ekaṃ gambhīraṃ uttānāvabhāsaṃ hoti maṇibhāsaṃ² vippasanna-udakaṃ viya. Taṃ hi sataporisampi jāṇuppaṃpāṇaṃ viya khāyati. Ekaṃ uttānaṃ uttānāvabhāsaṃ hoti pāti-ādīsu³ udakaṃ viya. Ekaṃ gambhīraṃ gambhīrāvabhāsaṃ hoti Sinerupādakamahāsamudde udakaṃ viya. Evaṃ udakameva cattāri nāmāni labhati. Paṭiccasamuppāde panetaṃ natthi. Ayaṃ hi gambhīro ca gambhīrāvabhāso cāti ekameva nāmaṃ labhati. Evarūpo samānopi atha ca pana me uttānakuttānako viya khāyati, tadidaṃ acchariyaṃ bhante, abbhutaṃ bhanteti evaṃ attano vimhayaṃ pakāsento pañhaṃ pucchitvā tuṅhībhūto nisīdi.

1. Nisīdanaṭṭhānato (Syā)

2. Maṇigaṅgāya (Syā)Dī-Ṭṭha 2. 76 piṭṭhe ca.

3. Cāti-ādīsu (Syā)

Bhagavā tassa vacanaṃ sutvā “Ānando Bhavaggagahaṇāya hatthaṃ pasārento viya Sineruṃ bhinditvā miñjaṃ nīharitūṃ vāyamamāno viya vinā nāvāya mahāsamuddaṃ taritukāmo viya pathaviṃ parivattetvā pathavojaṃ gaḥetuṃ vāyamamāno viya Buddhavisayaṃ pañhaṃ attano uttānuttānanti vadati, handassa gambhīrabhāvaṃ ācikkhāmi”ti cintetvā **mā hevanti-**ādīmāha.

Tattha **mā hevanti ha-kāro** nipātamattaṃ, evaṃ mā bhaṇāti¹ attho. “Mā hevan”ti ca idaṃ vacanaṃ Bhagavā āyasmantaṃ Ānandaṃ ussādentopi bhaṇāti apasādentopi. Tattha ussādentopīti Ānanda tvaṃ mahāpañño visadaññaṃ², tena te gambhīropi paṭiccasamuppādo uttānako viya khāyati, aññesaṃ panesa uttānakoti na sallakkhetabbo, gambhīroyeva ca so gambhīrāvabhāso ca.

Tattha catasso upamā vadanti—cha māse subhojanarasapuṭṭhassa kira katayogassa³ Mahāmallassa samajjasamaye katamallapāsāṇaparicayassa yuddhabhūmiṃ⁴ gacchantassa antarā mallapāsāṇaṃ dassetuṃ. So “kiṃ etan”ti āha. Mallapāsāṇoti. Āharatha nanti. “Ukkhipitūṃ na sakkomā”ti vutte sayam gantvā “kuhiṃ imassa bhāriyatṭhānan”ti vatvā dvīhi hatthehi dve pāsāṇe ukkhipitvā kīlāguḷe viya khipitvā agamāsi. Tattha Mallassa mallapāsāṇo lahukoti na aññesampi lahukoti vattabbo. Cha māse subhojanarasapuṭṭho Mallo viya hi kappasatasahassaṃ abhinīhārasampanno āyasmā Ānando. Yathā Mallassa mahābalatāya mallapāsāṇo lahuko, evaṃ therassa mahāpaññatāya paṭiccasamuppādo uttānoti vattabbo, so aññesaṃ uttānoti na vattabbo.

Mahāsamudde ca⁵ Timi nāma mahāmaccho dviyojanasatiko, Timiṅgalo tiyojanasatiko, Timirapiṅgalo pañcayojanasatiko, Ānando Timinando Ajjhāroho Mahātimīti ime cattāro yojanasahassikā. Tattha Timirapiṅgaleneva dīpentī. Tassa kira dakkhiṇakaṇṇaṃ cālentassa pañcayojanasate padese udakaṃ calati, tathā vāmakaṇṇaṃ, tathā naṅguṭṭhaṃ, tathā sīsaṃ. Dve pana kaṇṇe cāletvā

1. Mā bhaṇāti (Syā)

2. Visāradaññaṃ (Syā)

3. Katayogassa (Sī)

4. Katamallanepacchassa yuddhabhūmiṃ (Sī)

5. Mahāsamudde ca satta mahāmacchā honti (Sī)

naṅguṭṭhena paharivā sīsam aparāparam katvā kīḷitum āradhassa sattaṭṭhajojanasate ṭhāne bhājane pakkhipitvā uddhane āropitam viya udakam pakkuthati. Yojanasatamate¹ padese udakam piṭṭhim chādetum na sakkoti. So evam vadeyya “ayam mahāsamuddo gambhīroti² vadanti, kutassa gambhīratā, mayam piṭṭhimattacchādanampi udakam na labhāmā”ti. Tattha kāyūpapannassa Timirapiṅgalassa mahāsamuddo uttānoti aññesañca khuddakamacchānam uttānoti na vattabbo, evameva ñāṇūpapannassa therassa paṭiccasamuppādo uttānoti aññesampi uttānoti na vattabbo. Supaṇṇarājā ca diyaddhajojanasatiko hoti, tassa dakkhiṇapakkho paññāsayojaniko hoti, tathā vāmapakkho, piñchavaṭṭi ca saṭṭhiyojanikā, gīvā timsayojanikā³, mukham navayojanam, pādā dvādasayojanikā, tasmim supaṇṇavātam dassetum āradhe sattaṭṭhajojanasatam ṭhānam nappahoti. So evam vadeyya “ayam ākāso anantoti⁴ vadanti, kutassa anantatā, mayam pakkhavātappatharaṇokāsampi⁵ na labhāmā”ti. Tattha kāyūpapannassa supaṇṇarañño ākāso parittoti aññesañca khuddakapakkhīnam parittoti na vattabbo, evameva ñāṇūpapannassa therassa paṭiccasamuppādo uttānoti aññesampi uttānoti na vattabbo.

Rāhu Asurindo pana pādantato yāva kesantā yojanānam cattāri sahasāni aṭṭha ca satāni honti, tassa dvinnam bāhānam antare dvādasajojanasatikam, bahalattena chayojanasatikam, hatthapādatalāni tiyojanasatikāni, tathā mukham, ekaṅgulipabbam paññāsayojanam, tathā bhamukantaram, nalāṭam tiyojanasatikam, sīsam navayojanasatikam. Tassa mahāsamuddam otiṇṇassa gambhīram udakam jāṇupparamāṇam hoti. So evam vadeyya “ayam mahāsamuddo gambhīroti vadanti, kutassa gambhīratā, mayam jāṇuppaṭicchādanamattampi udakam na labhāmā”ti. Tattha kāyūpapannassa Rāhuno mahāsamuddo uttānoti aññesañca uttānoti na vattabbo, evameva ñāṇūpapannassa therassa paṭiccasamuppādo

1. Tiyojanasatamate (Syā) Dī-Ṭṭha 2. 77 piṭṭhe ca. 2. Gambhīro gambhīroti (Sī)

3. Tiyojanikā (Sī)

4. Ananto anantoti (Sī)

5. Pakkhavātappaharaṇokāsampi (Sī), pakkhavātappasāraṇokāsampi (Syā)

uttānoti aññesampi uttānoti na vattabbo. Etamatthaṃ sandhāya Bhagavā **mā hevaṃ Ānanda mā hevaṃ Ānandā**ti āha.

Therassa hi catūhi kāraṇehi gambhīro paṭiccasamuppādo uttānoti upaṭṭhāsi. Katamehi catūhi? Pubbūpanissayasampattiyā tittavāsena sotāpannatāya bahussutabhāvenāti.

Ito kira satasahassime kappe Padumuttaro nāma Satthā loke uppajji. Tassa Hamsavatī nāma nagaraṃ ahoṣi, Ānando nāma rājā pitā, Sumedhā nāma devī mātā, bodhisatto Uttarakumāro nāma ahoṣi. So puttassa jātadivase mahābhinnikkhamaṃ nikkhamma pabbajitvā padhānamanuyutto anukkamena sabbaññutaṃ patvā “anekajāṭisamsāraṃ”ti udānaṃ udānetvā sattāhaṃ Bodhipallaṅke vītināmetvā “pathaviyaṃ pādaṃ ṭhapessāmi”ti pādaṃ abhinīhari¹. Atha pathaviṃ bhinditvā mahantaṃ padumaṃ uṭṭhāsi. Tassa dhurapattāni navutihatthāni, kesaraṃ timsahatthaṃ, kaṇṇikā dvādasahatthā, navaghaṭappamāṇā reṇu ahoṣi.

Satthā pana ubbedhato aṭṭhapaññāsahattho ahoṣi, tassa ubhinnaṃ bāhānamantaraṃ aṭṭhārasahatthaṃ, nalāṭaṃ pañcahatthaṃ, hatthapādā ekādasahatthā. Tassa ekādasahatthena pādena dvādasahatthāya kaṇṇikāya akkantamattāya navaghaṭappamāṇā reṇu uṭṭhāya aṭṭhapaññāsahatthaṃ padesaṃ uggantvā okiṇṇamanosilācuṇṇaṃ viya paccokiṇṇaṃ. Tadupādāya Bhagavā “padumuttaro”tveva paññāyittha. Tassa Devilo ca Sujāto ca dve aggasāvakaṃ ahesuṃ, Amitā ca Asamā ca dve aggasāvikaṃ, Sumano nāma upaṭṭhāko. Padumuttaro Bhagavā pitusaṅghaṃ kurumāno bhikkhusatasahassaparivāro Hamsavatiyā rājadhāniyā vasati.

Kaṇṇikāpanassa Sumanakumāro nāma. Tassa rājā Hamsavatito vīsayojanasate bhogaṃ adāsi, so kadāci āgantvā pitaraṅga Satthāraṅga passati. Athekadivasaṃ paccanto kupito². Sumano rañño sāsanaṃ pesesi. Rājā “tvaṃ mayā tāta kasmā ṭhapito”ti paṭipesesi. So core vūpasametvā “upasanto deva janapado”ti rañño pesesi. Rājā tuṭṭho “sīghaṃ mama putto āgacchatū”ti āha.

1. Abhinīharitvā (Syā)

2. Kuppito (Syā, Ka)

Tassa saḥassamattā amaccā honti. So ()¹ tehi saddhiṃ antarāmagge mantesi “mayhaṃ pitā tuṭṭho sace me varaṃ deti, kiṃ gaṇhāmi”ti. Atha naṃ ekacce “hatthiṃ gaṇhatha, assaṃ gaṇhatha, janapadaṃ gaṇhatha, sattaratanāni gaṇhathā”ti āhaṃsu. Apare “tumhe pathavissarassa puttā, na tumhākaṃ dhanam dullabham, laddhampi cetam sabbam pahāya gamanīyam, puñṇameva ekaṃ ādāya gamanīyam, tasmā deve varaṃ dadamāne temāsam Padumuttaram Bhagavantam upaṭṭhātuṃ varaṃ gaṇhathā”ti. So “tumhe mayham kalyāṇamittā nāma, mametaṃ cittaṃ natthi, tumhehi pana uppāditaṃ, evaṃ karissāmi”ti gantvā pitaram vanditvā pitarā āliṅgetvā matthake cumbitvā “varaṃ te putta demī”ti vutte “icchāmahaṃ mahārāja Bhagavantam temāsam catūhi paccayehi upaṭṭhahanto jīvitam avañjham kātuṃ, idaṃ me varaṃ dehi”ti āha. Na sakkā tāta, aññaṃ varehīti. Deva khattiyānam nāma dvekathā natthi, etameva me dehi, na mamaññena atthoti. Tāta Buddhānam nāma cittaṃ dujjānam, sace Bhagavā na icchissati, mayā dinnampi kiṃ bhavissatīti. “Sādhu deva aham Bhagavato cittaṃ jānissāmi”ti vihāram gato.

Tena ca samayena bhattakiccaṃ niṭṭhāpetvā Bhagavā Gandhakuṭim pavitṭho hoti. So maṇḍalamāle sannisinānam bhikkhūnam santikaṃ agamāsi. Te taṃ āhaṃsu “rājaputta kasmā āgatosī”ti. Bhagavantam dassanāya, dassetha me Bhagavantanti. “Na mayam rājaputta icchiticchitakkhaṇe Satthāram daṭṭhum labhāmā”ti. Ko pana bhante labhatīti. Sumanatthero nāma rājaputtāti. So “kuhiṃ bhante thero”ti therassa nisinnaṭṭhānam pucchitvā gantvā vanditvā “icchāmahaṃ bhante Bhagavantam passituṃ, dassetha me Bhagavantam”ti āha. Thero “ehi rājaputtā”ti taṃ gahetvā Gandhakuṭipariveṇe ṭhapetvā Gandhakuṭim āruhi. Atha naṃ Bhagavā “Sumana kasmā āgatosī”ti āha. Rājaputto bhante Bhagavantam dassanāya āgatoti. Tena hi bhikkhu āsanam pañṇapehīti. Thero āsanam pañṇapesi. Nisīdi Bhagavā pañṇatte āsane. Rājaputto Bhagavantam vanditvā paṭisanthāram akāsi “kadā āgatosi rājaputtā”ti. Bhante tumhesu Gandhakuṭim pavitṭhesu, bhikkhū pana “na mayam icchiticchitakkhaṇe Bhagavantam daṭṭhum labhāmā”ti maṃ therassa santikaṃ pāhesuṃ, thero pana ekavacaneneva dassesi, thero bhante

1. (Tattha āgacchanto) (Sī)

tumhākaṃ sāsane vallabho maññeti. Āma rājakumāra vallabho esa bhikkhu mayhaṃ sāsaneti. Bhante Buddhānaṃ sāsane kiṃ katvā vallabho hotīti. Dānaṃ datvā sīlaṃ samādiyivā uposathakammaṃ katvā kumārāti. Bhagavā ahampi thero viya Buddhasāsane vallabho hotukāmo, temāsaṃ me vassāvāsaṃ adhvāsethāti. Bhagavā “atthi nu kho gatena¹ attho”ti oloketvā “atthi”ti disvā “suññāgāre kho rājakumāra Tathāgatā abhiramantī”ti āha. Kumāro “aññātaṃ Bhagavā, aññātaṃ sugatā”ti vatvā “ahaṃ bhante purimataraṃ gantvā vihāraṃ kāremi, mayā pesite bhikkhusatasahassena saddhiṃ āgacchathā”ti paṭiññaṃ gahetvā pitu santikaṃ gantvā “dinnā me deva Bhagavatā paṭiñña, mayā pahite tumhe Bhagavantaṃ peseyyāthā”ti pitaraṃ vanditvā nikkhamitvā yojane yojane vihāraṃ kāretvā vīsayojanasataṃ addhānaṃ gato. Gantvā attano nagare vihāraṭṭhānaṃ vicinanto Sobhanaṃ nāma kuṭumbikassa uyyānaṃ disvā satasahassena kiṇitvā satasahassaṃ vissajjetvā vihāraṃ kāresi. Tattha Bhagavato Gandhakuṭiṃ, sesabhikkhūnañca rattiṭṭhānadivāṭṭhānatthāya kuṭiṇamaṇḍape kārāpetvā pākāraparikkhepaṃ dvārakoṭṭhakañca niṭṭhāpetvā pitu santikaṃ pesesi “niṭṭhitaṃ mayhaṃ kiccaṃ, Satthāraṃ paṇiṇathā”ti.

Rājā Bhagavantaṃ bhojetvā “Bhagavā Sumanassa kiccaṃ niṭṭhitaṃ, tumhākaṃ āgamaṇaṃ paccāsīsaṭi”ti. Bhagavā satasahassabhikkhuparivāro yojane yojane vihāresu vasamāno agamāsi. Kumāro “Satthā āgacchati”ti sutvā yojanaṃ paccuggantvā gandhamālādīhi pūjayamāno vihāraṃ pavesetvā—

“Satasahassena me kītaṃ, satasahassena māpitaṃ.

Sobhanaṃ nāma uyyānaṃ, paṭiggaṇha Mahāmunī”ti—

Vihāraṃ niyyātesī. So vassūpanāyikadivase dānaṃ datvā attano puttadāre ca amacce ca pakkosāpetvā āha—“Satthā amhākaṃ santikaṃ dūrato āgato, Buddhā ca nāma dhammagarunova, nāmisagarukā². Tasmā ahaṃ imaṃ temāsaṃ dve sāṭake nivāsetvā dasa sīlāni samādiyivā

1. Tattha gatena (Dī-Ṭṭha 2. 80 piṭṭhe)

2. Nāmisacakkhukā (Sī, Syā)

idheva vasissāmi, tumhe khīṇāsavasatasahassassa imināva nīhārena temāsaṃ dānaṃ dadeyyāthā”ti.

So Sumanattherassa vasanaṭṭhānasabhāgeyeva ṭhāne vasanto yaṃ thero Bhagavato vattaṃ karoti, taṃ sabbaṃ disvā “imasmiṃ ṭhāne ekantavallabho esa thero, etasseva ṭhānantaraṃ patthetuṃ vaṭṭati”ti cintetvā upakaṭṭhāya pavāraṇāya gāmaṃ pavisitvā sattāhaṃ mahādānaṃ datvā sattame divase bhikkhusatasahassassa pādamūle ticīvaraṃ ṭhapetvā Bhagavantaṃ vanditvā “bhante yadetaṃ mayā magge yojanantarikavīhārakārāpanato paṭṭhāya puññaṃ kataṃ, taṃ neva Sakkasampattiṃ, na mārabrahmasampattiṃ patthayantena, Buddhassa pana upaṭṭhākabhāvaṃ patthentena kataṃ. Tasmā ahampi Bhagavā anāgate Sumanatthero viya ekassa Buddhassa upaṭṭhāko homi”ti pañcapatiṭṭhitena patitvā vanditvā nipanno. Bhagavā “mahantaṃ kulaputtassa cittaṃ, ijjhissati nu kho, no”ti¹ olokento “anāgate ito satasahassime kappe Gotamo nāma Buddho uppajjissati, tasseva upaṭṭhāko bhavissati”ti ñatvā—

“Icchitaṃ patthitaṃ tuyhaṃ, sabbameva² samijjhatu.
Sabbe pūrentu saṅkappā, cando pannaraso yathā”ti—

āha. Kumāro sutvā “Buddhā nāma advejjhakathā honti”ti dutiyadivaseyeva tassa Bhagavato pattacīvaraṃ gahetvā piṭṭhito piṭṭhito gacchanto viya ahosi. So tasmim̃ Buddhuppāde vassasatasahassaṃ dānaṃ datvā sagge nibbattitvā Kassapabuddhakālepi piṇḍāya carato therassa pattaggahaṇatthaṃ uttarisāṭakaṃ datvā pūjaṃ akāsi. Puna sagge nibbattitvā tato cuto Bārāṇasirājā hutvā aṭṭhannaṃ Paccekabuddhānaṃ paṇṇasālāyo kāretvā maṇi-ādhārake upaṭṭhapetvā catūhi paccayehi dasavassasahassāni upaṭṭhānaṃ akāsi. Etāni pākaṭṭhānāni.

Kappasatasahassaṃ pana dānaṃ dadamānova amhākaṃ bodhisattena saddhiṃ Tusitapure nibbattitvā tato cuto Amitodanasakkassa³ gehe paṭisandhiṃ gahetvā anupubbena katābhinikkhamano sammāsambodhiṃ patvā paṭhamagamanena Kapilavatthuraṃ āgantvā tato nikkhamante⁴ Bhagavati Bhagavato

1. Na nukhoti (Sī)

3. Amitodanasakyassa (Syā)

2. Khippameva (Sī)

4. Nikkhante (Sī)

parivāratthaṃ rājakumāresu pabbajantesu Bhaddiyādīhi saddhiṃ
nikkhamitvā Bhagavato santike pabbajitvā¹ nacirasseva āyasmato Puṇṇassa
Mantāṇiputtassa santike dhammakathaṃ sutvā sotāpattiṃphale patiṭṭhahi.
Evamesa āyasmā pubbūpanissayasampanno, tassimāya
pubbūpanissayasampattiyaṃ gambhīropi paṭiccasamuppādo uttānako viya
upaṭṭhāsi.

Titthavāsoti pana garūnaṃ santike
uggahaṇasavanaparipucchanadhāraṇāni vuccanti. So therassa ativiya
parisuddho. Tenāpissāyaṃ gambhīropi uttānako viya upaṭṭhāsi.
Sotāpannānaṃ nāma paccayākāro uttānako hutvā upaṭṭhāti, ayaṅca²
āyasmā sotāpanno. Bahussutānaṃ catuhatthe ovarake paḍīpe jalamāne
mañcapīṭhaṃ viya nāmarūpaparicchedo pākaṭo hoti, ayaṅca āyasmā
bahussutānaṃ aggo. Iti **bāhusaccabhāvenapissa** gambhīropi paccayākāro
uttānako viya upaṭṭhāsi. Paṭiccasamuppādo catūhi gambhīratāhi gambhīro.
Sā panassa gambhīratā Visuddhimagge vitthāritāva. Sā sabbāpi³ therassa
uttānakā⁴ viya upaṭṭhāsi. Tena Bhagavā āyasmantaṃ Ānandaṃ ussādentō
mā hevanti-ādimāha. Ayaṃ hettha adhippāyo—Ānanda tvaṃ mahāpaṇṇo
visadaṇṇo, tena te gambhīropi paṭiccasamuppādo uttānako viya khāyati,
tasmā “mayhameva nu kho esa uttānako viya hutvā upaṭṭhāti, udāhu
aññesampī”ti mā evaṃ avaca.

Yaṃ pana vuttaṃ “apasādentō”ti, tatthāyamadhippāyo—Ānanda “atha
ca pana me uttānakuttānako viya khāyati”ti mā hevaṃ avaca. Yadi hi te esa
uttānakuttānako viya khāyati, kasmā tvaṃ attano dhammatāya sotāpanno
nāhosi, mayā⁵ dinnanaye ṭhatvā sotāpattimaggaṃ paṭivijjhi. Ānanda idaṃ
nibbānameva gambhīraṃ, paccayākāro pana uttānako jāto, atha kasmā
oḷārikaṃ kāmarāgasamyojanaṃ paṭighasamyojanaṃ, oḷārikaṃ
kāmarāgānusayaṃ paṭighānusayanti ime cattāro kilese samugghātetvā
sakadāgāmiphalaṃ na sacchi karosi, teyeva aṇusahagate cattāro kilese
samugghātetvā anāgāmiphalaṃ na sacchikarosi,

1. Pabbajito (Sī)

2. Ayaṃ pana (Sī, Ka)

3. So sabbopi (Sī)

4. Uttānako (Sī, Syā)

5. Mayā ca (Sī, Syā, Ka)

rūparāgādīni pañca saṃyojanāni, mānānusayaṃ bhavarāgānusayaṃ avijjānusayanti ime aṭṭha kilese samugghātetvā arahattaṃ na sacchikarosi. Kasmā vā sataśahassakappādhikaṃ ekaṃ asaṅkhyeyyaṃ pūritapāramino Sāriputtamoggallānā viya sāvakaṃpāramiññaṃ na paṭivijjhasi, sataśahassakappādhikāni dve asaṅkhyeyyāni pūritapāramino Paccekabuddhā viya ca paccekabodhiññaṃ na paṭivijjhasi¹. Yadi vā te sabbathāva esa uttānako hutvā upaṭṭhāsi, atha kasmā sataśahassakappādhikāni cattāri aṭṭha soḷasa vā asaṅkhyeyyāni pūritapāramino Buddhā viya sabbaññutaññaṃ na sacchikarosi, kiṃ anattikosi etehi viśesādhigamehi, passa yāva ca te aparaddhaṃ, tvaṃ nāma sāvakaṃpadesaṅgaṃ t̥hito atigambhīraṃ paccayākāraṃ “uttānako viya me upaṭṭhāti”ti vadasi, tassa te idaṃ vacanaṃ Buddhānaṃ kathāya paccanikaṃ hoti, tādisena nāma bhikkhunā Buddhānaṃ kathāya paccanikaṃ kathetabbanti na yuttametaṃ. Nanu mayhaṃ Ānanda imaṃ paccayākāraṃ paṭivijjhitaṃ vāyamantasseva kappasataśahassādhikāni cattāri asaṅkhyeyyāni atikkantāni. Paccayākārapaṭivijjhanattāya ca pana me adinnadānaṃ nāma natthi, apūritapārami nāma natthi. “Ajja paccayākāraṃ paṭivijjhissāmi”ti pana me nirussāhaṃ viya mārabalaṃ vidhamantassa ayaṃ mahāpathavī dvaṅgulamattampi nākampi, tathā paṭhamayāme pubbenivāsaṃ, majjhimayāme dibbacakkhuṃ sampādentassa. Pacchimayāme pana me balavapaccūsasamaye “avijjā saṅkhārānaṃ navahi ākārehi paccayo hoti”ti diṭṭhamattheyeva dasaśahassilokadhātu ayadaṇḍena ākoṭitakaṃsathālo viya viravasataṃ viravasahassaṃ muñcamānā vātāhate paduminipaṇṇe udakabindu viya pakampittha. Evaṃ gambhīro cāyaṃ Ānanda paṭiccasamuppādo gambhīrāvabhāso ca, etassa Ānanda dhammassa ananubodhā -pa- nātivattatīti.

Etassa dhammassāti etassa paccayadhammassa. **Ananubodhāti** ñātapariññāvasena ananubujjhanā. **Appaṭivedhāti** tīraṇappahānapariññāvasena appaṭivijjhanā. **Tantākulakajātāti** tantaṃ viya ākulajātā. Yathā nāma dunnikkhittaṃ mūsikacchinnaṃ pesakārānaṃ tantaṃ tahiṃ tahiṃ ākulaṃ hoti, “idaṃ aggaṃ, idaṃ mūlaṃ”ti aggena vā aggaṃ, mūlena vā mūlaṃ samānetuṃ dukkaraṃ hoti, evameva sattā imasmim̐ paccayākāre khalitā ākulā byākulā

1. Na sacchikarosi (Ka)

honti, na sakkonti paccayākāraṃ ujum kātuṃ. Tattha tantam paccattapurisakāre ṭhatvā sakkāpi bhaveyya ujum kātuṃ, ṭhapetvā pana dve bodhisatte añño satto attano dhammatāya paccayākāraṃ ujum kātuṃ samattho nāma natthi. Yathā pana ākulaṃ tantam kañjijam datvā kocchena pahaṭam tattha tattha guḷakajātam hoti gaṇṭhibaddham, evamime sattā paccayesu pakkhalitvā paccaye ujum kātuṃ asakkontā dvāsaṭṭhidiṭṭhigatavasena guḷakajātā honti gaṇṭhibaddhā. Ye hi keci diṭṭhiyo sannissitā, sabbe te paccayam ujum kātuṃ asakkontāyeva.

Kulāgaṇṭhikajātā¹ kulāgaṇṭhikaṃ vuccati Pesakārakañjijyasuttam. Kulā nāma sakuṇikā, tassā kulāvakotipi eke. Yathā hi tadubhayampi ākulaṃ aggena vā aggam, mūlena vā mūlam samānetum dukkaranti purimanayeneva yojetabbam.

Muñjapabbajabhūtā muñjatiṇam viya pabbajatiṇam² viya ca bhūtā tādīsā jātā. Yathā hi tāni tiṇāni koṭṭetvā katarajju jīṇṇakāle katthaci patitam gahetvā tesam tiṇānam “idam aggam, idam mūlan”ti aggena vā aggam, mūlena vā mūlam samānetum dukkaram, tampi paccattapurisakāre ṭhatvā sakkā bhaveyya ujum kātuṃ, ṭhapetvā pana dve bodhisatte añño satto attano dhammatāya paccayākāraṃ ujum kātuṃ samattho nāma natthi, evamayam pajā paccayam ujum kātuṃ asakkontī diṭṭhigatavasena gaṇṭhikajātā hutvā apāyam duggatiṃ vinipātam saṃsāram nātivattati.

Tattha **apāyoti** nirayatiracchānayanipettivisaya-asurakāyā. Sabbepi hi te vaḍḍhisankhātassa ayassa abhāvato “apāyo”ti vuccati, tathā dukkhassa gatibhāvato **duggati**, sukhasamussayato vinipatitattā **vinipāto**. Itaro pana—

Khandhānañca paṭipāṭi, dhātu-āyatanāna ca.

Abbhocchinnam vattamānā, **saṃsāro**ti pavuccati.

Tam sabbampi nātivattati nātikkamati, atha kho cutito paṭisandhim, paṭisandhito cutinti evam punappunam cutipaṭisandhiyo gaṇhamānā tisu bhavesu

1. Guḷaguṇṭhikajātā (Sī), guḷiguṇṭhikajātā (Syā)

2. Babbajatiṇam (Sī)

catūsu yonīsu pañcasu gatīsu sattasu viññāṇaṭṭhitīsu navasu sattāvāsesu mahāsamudde vātakkhittā¹ nāvā viya yante yuttagoṇo viya ca paribbhamatiyeva. Iti sabbametam Bhagavā āyasmantaṃ Ānandaṃ apasādentō āha. Sesamettha vuttanayamevāti. . Dasamaṃ.

Dukkhavaggo chaṭṭho.

7. Mahāvagga

1. Assutavāsuttavaṇṇanā

61. Mahāvaggassa paṭhame **assutavāti** khandhadhātu-āyatanapaccayākārasatipaṭṭhānādīsu uggahaparipucchāvīnicchayarahito. **Puthujjanoti** puthūnaṃ nānappakārānaṃ kilesādīnaṃ jananaḍikāraṇehi puthujjano. Vuttaṃ hetam “puthu kilese janentīti puthujjana”²ti² sabbam vitthāretabbaṃ. Apica puthūnaṃ gaṇanapathamatītānaṃ ariyadhammaparammukhānaṃ nīcadhammasamācārānaṃ janānaṃ antogadhattāpi puthujjano, puthu vā ayaṃ visumyeva saṅkham gato, visamsaṭṭho silasutādiguṇayuttehi ariyehi janoti puthujjano. Evametehi “assutavā puthujjano”²ti dvīhipi padehi ye te—

“Dve puthujjana vuttā, Buddhenādiccabandhunā.

Andho puthujjano eko, kalyāṇeko puthujjano”²ti—

Dve puthujjana vuttā, tesu andhaputhujjano gahito. **Imasminti** paccuppannapaccakkhākāyaṃ dasseti. **Cāumahābhūtikasminti** catumahābhūtakāye, catumahābhūtehi nibbatte catumahābhūtamayeti³ attho. **Nibbindeyyāti** ukkaṇṭheyya. **Virajjeyyāti** na rajjeyya. **Vimucceyyāti** mucchitukāmo bhavēyya. **Ācayoti** vuḍḍhi. **Apacayoti** parihāni. **Ādānanti** nibbatti. **Nikkhepananti** bhedo.

Tasmāti yasmā ime cattāro vuḍḍhihānininibbattibhedā paññāyanti, tasmā taṃkāraṇāti attho. Iti Bhagavā cāumahābhūtike kāye

1. Vātakkhittā (Syā)

2. Khu 7. 192 piṭṭhe Mahāniddece.

3. Nibbato catumahābhūtamayoti (Syā, Ka)

rūpaṃ pariggahetuṃ ayuttarūpaṃ katvā arūpaṃ pariggahetuṃ yuttarūpaṃ karoti. Kasmā? Tesam hi bhikkhūnaṃ rūpasmiṃ gāho balavā adhimatto, tena tesam rūpe gāhassa pariggahetabbarūpataṃ dassetvā nikkadḍhanto arūpe patiṭṭhāpanatthaṃ evamāha.

Cittanti-ādi sabbaṃ manāyatanasseva nāmaṃ. Tam hi cittavatthutāya cittagocaratāya sampayuttadhammacittatāya ca **cittaṃ**, mananaṭṭhena **mano**, vijānanaṭṭhena **viññānanti** vuccati. **Nālanti** na samattho. **Ajjhositanti** taṇhāya gilitvā pariniṭṭhapetvā gahitaṃ. **Mamāyitanti** taṇhāmamattena mama idanti gahitaṃ. **Parāmaṭṭhanti** diṭṭhiyā parāmasitvā gahitaṃ. **Etaṃ mamāti** taṇhāgāho, tena aṭṭhasatataṇhāvicaritaṃ gahitaṃ hoti. **Esohamasmīti** mānagāho, tena nava mānā gahitā honti. **Eso me attāti** diṭṭhigāho, tena dvāsaṭṭhi diṭṭhiyo gahitā honti. **Tasmāti** yasmā evaṃ dīgharattaṃ gahitaṃ, tasmā nibbindituṃ na samattho.

Varaṃ bhikkhaveti idaṃ kasmā āha? Paṭhamaṃ hi tena¹ rūpaṃ pariggahetuṃ ayuttarūpaṃ kataṃ, arūpaṃ yuttarūpaṃ, atha “tesaṃ bhikkhūnaṃ rūpato gāho nikkhamitvā arūpaṃ gato”ti ñatvā taṃ nikkadḍhituṃ imaṃ desanaṃ ārabhi. Tattha **attato upagaccheyyāti** attāti gaṇheyya. **Bhiyyopīti** vassasatato uddhampi. Kasmā pana Bhagavā evamāha, kiṃ atirekavassasataṃ tiṭṭhamānaṃ rūpaṃ nāma² atthi, nanu paṭhamavaye pavattaṃ rūpaṃ majjhimavayaṃ na pāpuṇāti, majjhimavaye pavattaṃ pacchimavayaṃ, purebhatte pavattaṃ pacchābhattaṃ, pacchābhatte pavattaṃ paṭhamayāmaṃ, paṭhamayāme pavattaṃ majjhimayāmaṃ, majjhimayāme pavattaṃ pacchimayāmaṃ na pāpuṇāti, tathā gamane pavattaṃ ṭhānaṃ, ṭhāne pavattaṃ nisajjaṃ, nisajjāya pavattaṃ sayanaṃ na pāpuṇāti, eka-iriyāpathepi pādassa uddharaṇe pavattaṃ atiharaṇaṃ, atiharaṇe pavattaṃ vītiaraṇaṃ, vītiaraṇe pavattaṃ vossajjanaṃ, vossajjane pavattaṃ sannikkhepanaṃ, sannikkhepane pavattaṃ sannirujjanaṃ³ na pāpuṇāti, tattha tattheva odhi odhi pabbaṃ pabbaṃ hutvā tattakapāle pakkhittatīlā viya paṭapaṭāyanta⁴ saṅkhārā bhijjantīti? Saccametaṃ⁵. Yathā pana padīpassa jalato⁶ jālā taṃ taṃ vaṭṭippadesaṃ anatikkamitvā tattha tattheva bhijjati, atha ca pana pavenīsambandhavasena sabbarattim jalito

1. Paṭhamaṃ hīnena (Syā)

2. Tiṭṭhamānaṃ nāma (Sī)

3. Sannirumbhanaṃ (Sī)

4. Taṭataṭāyanta (Sī, Syā)

5. Saccametaṃ evaṃ (Ka)

6. Padīpassujalato (Sī)

padīpoti vuccati, evamidhāpi paveṇivasena ayampi kāyo evaṃ ciraṭṭhitiko viya katvā dassito.

Rattiyā ca divasassa cāti rattimhi ca divase ca. Bhummatthe hetam sāmivacanam. **Aññadeva uppajjati, aññam nirujjhatī** yaṃ rattim uppajjati ca nirujjhati ca, tato aññadeva divā uppajjati ca nirujjhati cāti attho. Aññam uppajjati, anuppannameva aññam nirujjhatī evaṃ pana attho na gahetabbo. “Rattiyā ca divasassa cā”ti idam purimapeṇito parittakam¹ paveṇim gahetvā paveṇivaseneva vuttam, ekarattim pana ekadivasam vā ekameva cittam ṭhātum samattham nāma natthi. Ekasmim hi accharākkhaṇe anekāni cittakoṭisatasahassāni uppajjanti. Vuttampi cetam milindapañhe—

“Vāhasatam² kho mahārāja vīhīnam, aḍḍhacūlaṅca vāhā, vīhisattambaṇāni, dve ca tumbā, ekaccharākkhaṇe³ pavattassa cittassa ettakā vīhī lakkham ṭhapīyamānā parikkhayaṃ pariyādānam gaccheyyun”ti³.

Pavaneti⁴ mahāvane. **Tam muñcitvā aññam gaṇhāti, tam muñcitvā aññam gaṇhātī**ti iminā na so gaṇhitabbasākhāṃ alabhitvā bhūmim otarati, atha kho tasmim mahāvane vicaranto tam tam sākham gaṇhantoyeva caratīti ayamattho dassito.

Evameva khoti ettha idam opammasaṃsandanam—araññamahāvanam viya hi ārammaṇavanam veditabban. Tasmim vane vicaraṇamakkaṭo viya ārammaṇavane uppajjanakacittam. Sākhāgahaṇam viya ārammaṇe lubbhanam⁵. Yathā so araṇṇe vicaranto makkaṭo tam tam sākham pahāya tam tam sākham gaṇhāti, evamidam ārammaṇavane vicarantam cittampi kadāci rūpārammaṇam gahetvā uppajjati, kadāci saddādīsu aññataram, kadāci atītam, kadāci anāgataṃ vā paccuppannam vā, tathā kadāci ajjhattam, kadāci bāhiram. Yathā ca so araṇṇe vicaranto makkaṭo sākham alabhitvā oruyha bhūmiam nisinnoti na vattabbo, ekam pana

1. Parittataram (Syā)

2. Vāhasatānam (Sī, Syā, Ka)

3-3. Pavattitassa cittassa saṅkhampi na upenti, kalampi kalabhāgampi na upentīti (Sī, Syā) Khu 11. 109 piṭṭhe passitabban.

4. Brahāvaneti (Syā)

5. Ārammaṇalabhanam (Syā)

paññasākhaṃ gahetvāva nisīdati, evameva ārammaṇavane vicarantaṃ cittampi ekaṃ olubbhārammaṇaṃ alabhivā uppananti na vattabbaṃ, ekajātiyaṃ pana ārammaṇaṃ gahetvāva uppajjati veditabbaṃ. Ettāvata ca pana Bhagavatā rūpato nīharitvā arūpe gāho patiṭṭhāpito, arūpato nīharitvā rūpe.

Idāni naṃ ubhayato nikkacchitukāmo **tatra bhikkhave sutavā ariyasāvako**ti desanaṃ ārabhi. Ayaṃ panattho āsīvisadaṭṭhūpamāya dīpetabbo—eko kira puriso āsīvisena daṭṭho, athassa visaṃ harissāmīti cheko bhisakko āgantvā vamaṇaṃ kāretvā heṭṭhā garuḷo, upari nāgoti mantāṃ parivattetvā visaṃ upari āropesi. So yāva akkhippadesā āruḷhabhāvaṃ ñatvā “ito paraṃ abhiruhituṃ na dassāmi, daṭṭhaṭṭhāneyeva ṭhapesāmi”ti upari garuḷo, heṭṭhā nāgoti mantāṃ parivattetvā kaṇṇe dhumetvā¹ daṇḍakena paharivā visaṃ otāretvā daṭṭhaṭṭhāneyeva ṭhapesi. Tatrassa ṭhitabhāvaṃ ñatvā agadalepena visaṃ nimmathetvā nhāpetvā “sukhī hohī”ti vatvā yena kāmāṃ pakkāmi.

Tattha āsīvisena daṭṭhassa kāye visapatiṭṭhānaṃ viya imesaṃ bhikkhūnaṃ rūpe adhimattagāhakālo, cheko bhisakko viya Tathāgato, mantāṃ parivattetvā upari visassa āropitakālo viya Tathāgatena tesāṃ bhikkhūnaṃ rūpato gāhaṃ nīharitvā arūpe patiṭṭhāpitakālo, yāva akkhippadesā āruḷhavisassa upari abhiruhituṃ adatvā puna mantabalena otāretvā daṭṭhaṭṭhāneyeva², ṭhapanāṃ viya Satthārā tesāṃ bhikkhūnaṃ arūpato gāhaṃ nīharitvā rūpe patiṭṭhāpitakālo, daṭṭhaṭṭhāne ṭhitassa visassa agadalepena nimmathanaṃ viya ubhayato gāhaṃ nīharaṇatthāya imissā desanāya āradhakālo veditabbo. Tattha **nibbindaṃ virajjati**ti iminā maggo kathito, **virāgā vimuccati**ti phalaṃ, **vimuttasminti**-ādinā paccavekkhaṇā. . Paṭhamāṃ.

2. Dutiya-assutavāsuttavaṇṇanā

62. Dutīye **sukhavedaniyanti** sukhavedanāya paccayaṃ. **Phassanti** cakkhusamphassādiṃ. Nanu ca cakkhusamphasso sukhavedanāya paccayo na hotīti? Sahajātapaccayena na hoti, upanissayapaccayena pana javanavedanāya

1. Dhūmitvā (Sī), phusitvā (Syā), dhametvā (Ka)

2. Daṭṭhaṭṭhāne (Syā)

hoti, taṃ sandhāyetaṃ vuttaṃ. Sotasamphassādīsupi eseva nayo. **Tajjanti** tajjātikam tassāruppaṃ, tassa phassassa anurūpanti attho.

Dukkhavedaniyanti-ādi vuttanayeneva veditabbaṃ.

Samghaṭṭanasamodhānāti samghaṭṭanena ceva samodhānena ca, samghaṭṭanasampiṇḍanenāti attho. **Usmāti** uṇhākāro. **Tejo abhinibbattatī** aggicuṇṇo nikkhamatīti na gahetabbaṃ, usmākārasseva pana etaṃ vevacanaṃ. Tattha **dvinnaṃ kaṭṭhānanti** dvinnaṃ araṇīnaṃ. Tattha adho-araṇī viya vatthu, uttarāraṇī viya ārammaṇaṃ, samghaṭṭanaṃ viya phasso, usmādhātu viya vedanā. . Dutiyaṃ.

3. Puttamaṃsūpamasuttavaṇṇanā

63. Tatiye **cattārome bhikkhave āhārā**ti-ādi vuttanayameva. Yasmā panassa aṭṭhuppattiko¹ nikkhepo, tasmā taṃ dassetvāvettha anupubbapadavaṇṇanaṃ karissāmi. Katarāya pana idaṃ aṭṭhuppattiyā nikkhittanti? Lābhasakkārena². Bhagavato kira mahālābhasakkāro uppajji, yathā taṃ cattāro asaṅkhyeyye pūritadānapāramisañcayassa. Sabbadisāsu hissa yamakamahāmegho vuṭṭhahitvā mahoghaṃ viya sabbapāramiyo “ekasmiṃ attabhāve vipākam dassamā”ti sampiṇḍitā viya lābhasakkāramahoghaṃ nibbattayimsu. Tato tato annapānayanavattamālāgandhavilepanādihattā khattiyabrāhmaṇādayo āgantvā “khaṃ Buddho, khaṃ Bhagavā, khaṃ Devadevo Narāsabho Purisasīho”ti Bhagavantaṃ pariyesanti, sakaṭasatehipi paccaye āharitvā okāsaṃ alabhamānā samantā gāvutappamāṇampi sakaṭadhurena sakaṭadhuraṃ āhacca tiṭṭhanti ceva anuppavattanti ca Andhakavindabrāhmaṇādayo viya. Sabbaṃ Khandhake³ tesu tesu suttesu⁴ ca āgatanayena veditabbaṃ.

Yathā Bhagavato, evaṃ bhikkhusaṃghassāpi. Vuttañcetaṃ—

“Tena kho pana samayena Bhagavā sakkato hoti garukato mānito pūjito apacito lābhī cīvarapiṇḍapātasenāsanagilānapaccayabhesajja-parikkhārānaṃ. Bhikkhusaṃghopi kho sakkato hoti -pa-parikkhārānaṃ”ti⁴.

1. Aṭṭhuppattito (Ka)

2. Vi 3. 335 piṭṭhe.

3. Lābhasakkāre (Si)

4. Khu 1. 89; Saṃ 1. 340 piṭṭhādīsu.

Tathā “yāvatā kho Cunda etarahi saṅgho vā gaṇo vā loke uppanno, nāhaṃ Cunda aññaṃ ekasaṅghampi samanupassāmi evaṃ lābhaggayasaggapattaṃ yatharivāyaṃ Cunda bhikkhusaṅgho”¹.

Svāyaṃ Bhagavato ca saṅghassa ca uppanno lābhasakkāro ekato hutvā dvinnāṃ mahānadīnaṃ udakaṃ viya appameyyo ahoṣi. Atha Satthā rahogato cintesi “mahālābhasakkāro atītabuddhānampi evarūpo ahoṣi, anāgatānampi evarūpo bhavissati, kiṃ nu kho bhikkhū āhārapariggāhakena satisampajāññena samannāgatā majjhataṃ nicchandarāgā hutvā āhāraṃ paribhuñjituṃ sakkonti, na sakkonti”²ti.

So addasa ekacce adhunā pabbajite kulaputte apaccavekkhitvā āhāraṃ paribhuñjamāne. Disvānassa etadahosi “mayā kappasatasahassādhikāni cattāri asaṅkhyeyyāni pāramiyo pūrentena na cīvarādihetu pūritā, uttamaphalassa pana arahattassatthāya pūritā. Imepi bhikkhū mama santike pabbajantā na cīvarādihetu pabbajitā, arahattasseva pana atthāya pabbajitā. Te idāni asārameva sāraṃ² anattameva ca atthaṃ karonti”³ti evamassa dhammasaṃvego udapādi. Tato cintesi “sace pañcamāṃ pārājikaṃ paññapetuṃ sakkā abhavissa, apaccavekkhitāhāraparibhogo pañcamāṃ pārājikaṃ katvā paññapetabbo bhavessya. Na pana sakkā evaṃ kātuṃ, dhuvapaṭisevanaṭṭhānaṃ hetuṃ sattānaṃ. Yathā pana kathite³ pañcamāṃ pārājikaṃ viya naṃ passissanti, evaṃ dhammādāsāṃ saṃvaram mariyādaṃ ṭhapessāmi, yaṃ āvajjitvā āvajjitvā anāgate bhikkhū cattāro paccaye paccavekkhitvā paribhuñjissanti”⁴ti. Imāya aṭṭhuppattiyā⁴ imāṃ Puttamaṃsūpamasuttantaṃ nikkhipi. Tattha **cattārome bhikkhave āhārāti-**ādi heṭṭhā vuttatthameva.

Cattāro pana āhāre vitthāretvā idāni tesu ādīnavāṃ dassetuṃ **kathañca bhikkhave kabaḷikāro āhāro daṭṭhabboti-**ādimāha. Tattha **jāyampatikāti**⁵ jāyā ceva pati ca. **Parittāṃ sambalanti** puṭabhattasattumodakādīnaṃ aññatarāṃ appamattakaṃ pātheyyaṃ. **Kantāramagganti** kantārabhūtaṃ maggaṃ, kantāre vā maggaṃ. **Kantāranti**⁶ corakantāraṃ vāḷakantāraṃ amanussakantāraṃ nirudakakantāraṃ appabhakkhakantāranti pañcavidhaṃ. Tesu yattha corabhayaṃ

1. Dī 3. 104 piṭṭhe. 2. Assādameva sādāṃ (Ka) 3. Yathā kathañci pana (Syā)

4. Imāyaṃ aṭṭhuppattiyāṃ (Sī, Syā)

5. Jayampatikāti (Sī, Ṭikāyaṃ ca.)

6. Kantāraṃ hi (Sī)

atthi, taṃ corakantāraṃ. Yattha sīhabyagghādayo vālā atthi, taṃ vāḷakantāraṃ. Yattha balavāmukhayakkhini-ādīnaṃ amanussānaṃ vasena bhayaṃ atthi, taṃ amanussakantāraṃ. Yattha pātuṃ vā nhāyitūṃ vā udakaṃ natthi, taṃ nirudakakantāraṃ. Yattha khādītappaṃ vā bhuñjitappaṃ vā antamaso kandamūlādīmattampi natthi, taṃ appabhakkhakantāraṃ nāma. Yattha panetaṃ pañcavidhampi bhayaṃ atthi, taṃ kantārameva. Taṃ panetaṃ ekāhadvīhatīhādivasena nittharītappaṃ atthi, na taṃ idha adhippetāṃ. Idha pana nirudakaṃ appabhakkhaṃ yojanasatikakantāraṃ¹ adhippetāṃ. Evarūpe kantāre maggaṃ². **Paṭipajjeyyunti** chātakabhayena ceva rogabhayena ca rājabhayena ca upaddutā paṭipajjeyyūṃ “etaṃ kantāraṃ nittharītva dhammikassa rañño nirupaddave raṭṭhe sukhaṃ vasissāmā”ti maññamānā.

Ekaputtakoti ukkhipitvā gahito anukampitabbayutto athirasarīro³ ekaputtako. **Vallūraṇca soṇḍikañcāti** ghanaghanaṭṭhānato gahetvā vallūraṃ, aṭṭhinissitasarānissitaṭṭhānāni gahetvā sūlamaṃsañcāti⁴ attho. **Paṭipiseyyunti** pahareyyūṃ. **Kahaṃ ekaputtakāti** ayaṃ tesāṃ paridevanākāro.

Ayaṃ panettha bhūtamattaṃ katvā ādito paṭṭhāya saṅkhepato atthavaṇṇanā—dve kira jāyampatikā puttāṃ gahetvā parittena pātheyyena yojanasatikaṃ kantāramaggaṃ paṭipajjimsu. Tesāṃ⁵ paññāsa yojanāni gantvā⁶ pātheyyaṃ niṭṭhāsi, te⁷ khuppiṃpāsaturā virāḷacchāyāyaṃ nisīdiṃsu. Tato puriso bhariyaṃ āha “bhadde ito samantā paññāsayojanāni gāmo vā nigamo vā natthi, tasmā yaṃ taṃ purisena kātabbaṃ bahumpi kasigorakkhādikammaṃ, na dāni sakkā taṃ mayā kātuṃ, ehi maṃ māretvā upaḍḍhamāṃsaṃ khādītva upaḍḍhaṃ pātheyyaṃ katvā puttana saddhiṃ kantāraṃ nittharāhī”ti. Puna sāpi taṃ āha “sāmi mayā dāni yaṃ taṃ itthiyā kātabbaṃ bahumpi suttakantaṇādikammaṃ, taṃ kātuṃ na sakkā, ehi maṃ māretvā upaḍḍhamāṃsaṃ khādītva upaḍḍhaṃ pātheyyaṃ katvā puttana saddhiṃ kantāraṃ nittharāhī”ti. Puna sopi taṃ āha “bhadde mātuḡāmamaṇaṇena dvinnāṃ maraṇaṃ paññāyati. Na hi mando kumāro mātaraṃ

1. Yojanasataṃ kantāraṃ (Sī, Ka)

2. Evarūpaṃ kantāramaggaṃ (Sī), evarūpe kantāre maggaṃ kantāramaggaṃ (Syā)

3. Kīsarīro (Syā), abhisarīro (Ka)

4. Thūlamaṃsañcāti (Syā, Ka)

5. Te (Syā)

6. Gatānaṃ (Sī)

7. Pātheyye niṭṭhāpīte (Syā)

vinā jīvitum sakkoti. Yadi pana mayaṃ jīvāma. Puna dāraḥ labheyyāma. Handa dāni puttakaṃ māretvā maṃsaṃ gahetvā kantāraṃ nittharāmā”ti. Tato mātā puttamāha “tāta pitusantikaṃ gacchā”ti, so agamāsi. Athassa pitā “mayā ‘puttakaṃ posessāmi’ti kasigorakkhādīhi anappakaṃ dukkhamanubhūtaṃ, na sakkomi ahaṃ puttaṃ māretum, tvaṃyeva tava puttaṃ mārehi”ti vatvā “tāta mātusantikaṃ gacchā”ti āha. So agamāsi. Athassa mātāpi “mayā puttaṃ patthentiya govatakukkuravatadevatāyācanādīhipi tāva anappakaṃ dukkhamanubhūtaṃ, ko pana vādo kucchinā pariharantiyā, na sakkomi ahaṃ puttaṃ māretum”ti vatvā “tāta pitusantikameva gacchā”ti āha. Evaṃ so dvinnamantarā gacchantoyeva mato. Te taṃ disvā paridevitvā vuttanayena maṃsāni gahetvā khādantā pakkamiṃsu.

Tesaṃ so puttamaṃsāhāro navahi kāraṇehi paṭikūlattā neva davāya hoti, na madāya, na maṇḍanāya, na vibhūsanāya, kevalaṃ kantāranittharaṇatthāyeva hoti. Katamehi navahi kāraṇehi paṭikūloti ce? Sajātimaṃsatāya nātimaṃsatāya puttamaṃsatāya piyaputtamaṃsatāya taruṇamaṃsatāya āmakamaṃsatāya abhogamaṃsatāya¹ aloṇatāya adhūpitatāyāti. Evaṃ hi te² navahi kāraṇehi paṭikūlaṃ taṃ puttamaṃsaṃ khādantā na sārattā giddhamānasā³ hutvā khādīṃsu, majjhatabhāveyyeva pana nicchandarāgaparibhoge ṭhitā khādīṃsu. Na aṭṭhinhārucammanissitaṭṭhānāni apanetvā thūlathūlaṃ varamaṃsameva khādīṃsu, hatthasampattaṃ maṃsameva pana khādīṃsu. Na yāvadatthaṃ kaṇṭhappamāṇaṃ katvā khādīṃsu, thokaṃ thokaṃ pana ekadivasam yāpanamattameva khādīṃsu. Na aññamaññaṃ maccharāyantā khādīṃsu, vigatamaccheramaleṇa pana parisuddheneva cetasā khādīṃsu. Na aññaṃ kiñci migamaṃsaṃ vā moramaṃsādīnaṃ vā aññataraṃ khādāmāti sammūḷhā khādīṃsu, piyaputtamaṃsabhāvaṃ pana jānantāva khādīṃsu. Na “aho vata mayaṃ punapi evarūpaṃ puttamaṃsaṃ khādeyyāmā”ti patthanaṃ katvā khādīṃsu, patthanaṃ pana vītivattāva hutvā khādīṃsu. Na “ettakaṃ kantāre khādītvā avasiṭṭhaṃ kantāraṃ atikkamma loṇambilādīhi yojetvā khādissāmā”ti sannidhiṃ akaṃsu, kantārapariyosāne pana “pure mahājano passatī”ti bhūmiyaṃ vā nikhaṇīṃsu,

1. Agorasatāya (Syā), agorasamaṃsatāya (Ma-Ṭṭha 1. 216 piṭṭhe)

2. Tehi (Syā)

3. Bhijjamānasā (Syā)

agginā vā jhāpayiṃsu. Na “koci añño amhe viya evarūpaṃ puttamaṃsaṃ khādituṃ na labhati”ti mānaṃ vā dappaṃ vā akaṃsu, nihataṃānaṃ pana nihataḍḍappā hutvā khādiṃsu. “Kiṃ iminā aloṇena anambilena adhūpitena duggandhenā”ti na hīletvā khādiṃsu, hīlanaṃ pana vītivattā hutvā khādiṃsu. Na “tuyhaṃ bhāgo mayhaṃ bhāgo tava putto mama putto”ti aññamaññaṃ atimaññaṃ. Samaggā pana sammodamānā hutvā khādiṃsu. Imaṃ nesaṃ evarūpaṃ nicchandarāgādiḍḍiparibhogaṃ sampassamāno Satthā bhikkhusaṃghampi taṃ kāraṇaṃ anujānāpento **taṃ kiṃ maññaṭṭha bhikkhave, api nu te davāya vā āhāraṃ āhāreyyunti**-ādimaḥa. Tattha **davāya vāti**-ādīni Visuddhimagge¹ vitthāritāneva. **Kantārassāti** nittiṇṇāvasesassa kantārassa.

Evameva khoti navannaṃ pāṭikulyānaṃ vasena piyaputtamaṃsasadiṣṭi katvā daṭṭhabboti attho. Katamesaṃ navannaṃ? Gamaṇapāṭikulyatādīnaṃ. Gamaṇapāṭikulyataṃ paccavekkhantopi hi kabaḷikārāhāraṃ pariggaṇhāti, pariyesanapāṭikulyataṃ paccavekkhantopi, paribhogaṇidhāna-āsayapariḍḍāpāṭikulyataṃ paccavekkhantopi, paribhogaṇidhāna-āsayapariḍḍāpāṭikulyataṃ paccavekkhantopi. Tāni panetāni gamaṇapāṭikulyatādīni Visuddhimagge² āhārapāṭikulyatāniddeṣe vitthāritāneva. Iti imesaṃ navannaṃ pāṭikulyānaṃ vasena puttamaṃsūpamaṃ katvā āhāro paribhuñjitabbo.

Yathā te jāyampatikā pāṭikulyaṃ piyaputtamaṃsaṃ khādantā na sārattā giddhamānasā hutvā khādiṃsu, majjhatabhāveyyeva nicchandarāgaparibhoge ṭhiṭā khādiṃsu, evaṃ nicchandarāgaparibhogaṃ katvā paribhuñjitabbo. Yathā ca te na aṭṭhinhārucammaṇissitaṃ apanetvā thūlathūlaṃ varamaṃsameva khādiṃsu, hatthasampattameva pana khādiṃsu, evaṃ sukkhabhattamandabyañjanādīni³ piṭṭhihatthena apaṭikkhipitvā⁴ vaṭṭakena viya kukkuṭena viya ca odhiṃ adassetvā tato tato sappimamsādisaṃsaṭṭhavarabhojanaṃyeva vicinitvā abhuñjantena sīhena viya sapadānaṃ paribhuñjitabbo.

Yathā ca te na yāvadattham kaṇṭhappamāṇaṃ khādiṃsu, thokaṃ thokaṃ pana ekekaḍḍivaṣaṃ yāpanamattameva khādiṃsu, evameva āharahatthakādibrāhmaṇaṃ aññatarena viya yāvadattham udarāvadehakaṃ abhuñjantena catunnaṃ pañcannaṃ

1. Visuddhi 1. 30 piṭṭhe.

2. Visuddhi 1. 336 piṭṭhe.

3. Sukkhabhattabaddhabyañjanādīni (Sī), sukkhabhattathaddhabyañjanādīni (Syā)

4. Apakkhipitvā (Ka)

vā ālopānaṃ okāsaṃ ṭhapetvāva Dhammasenāpatinā viya paribhuñjitabbo. So kira pañcaccattālīsa vassāni tiṭṭhamāno “pacchābhatte ambuluggārasamuṭṭhāpakam katvā ekadivasampi āhāraṃ na āhāresin”ti vatvā sīhanādaṃ nadanto imaṃ gāthamāha—

“Cattāro pañca ālope, abhutvā udakaṃ pive.
Alaṃ phāsuvihārāya, pahitattassa bhikkhuno”ti¹.

Yathā ca te na aññamaññaṃ maccharāyanta khādīṃsu, vigatamalamaccherena pana parisuddheneva cetasā khādīṃsu, evameva piṇḍapātaṃ labhitvā amaccharāyitvā “imaṃ sabbaṃ gaṇhantassa sabbaṃ dassāmi, upaḍḍhaṃ gaṇhantassa upaḍḍhaṃ, sace gahitāvaseso bhavissati, attanā paribhuñjissāmi”ti sārāṇiyadhamme² ṭhiteneva paribhuñjitabbo. Yathā ca te na “aññaṃ kiñci mayaṃ migamaṃsaṃ vā moramaṃsādīnaṃ vā aññataraṃ khādāmā”ti sammūlhā khādīṃsu, piyaputtamaṃsabhāvaṃ pana jānantāva khādīṃsu, evameva piṇḍapātaṃ labhitvā “ahaṃ khādāmi bhuñjāmi”ti attūpaladdhisammohaṃ anuppādetvā “kabalīkārāhāro na jānāti ‘cātumahābhūtīkākāyaṃ vaḍḍhemī’ti, kāyopi na jānāti ‘kabalīkārāhāro maṃ vaḍḍhetī’ti”, evaṃ sammohaṃ pahāya paribhuñjitabbo. Satisampajaññavaseṇāpi cesa asammūlheneva hutvā paribhuñjitabbo.

Yathā ca te na “aho vata mayaṃ punapi evarūpaṃ puttamaṃsaṃ khādeyyāmā”ti patthanam katvā khādīṃsu, patthanam pana vītivattāva hutvā khādīṃsu, evameva paṇītabhojanaṃ laddhā “aho vatāhaṃ svepi punadvasepi evarūpaṃ labheyyam”, lūkhaṃ vā pana laddhā “hiyyo viya me ajja paṇītabhojanaṃ na laddhan”ti patthanam vā anusocanaṃ vā akatvā nittañhena—

“Atītaṃ nānusocāmi, nappajappāmināgataṃ³.
Paccuppannaṃ yāpemi, tena vaṇṇo pasīdatī”ti⁴—

Imaṃ ovādaṃ anussarantena “paccuppanneva yāpessāmi”ti paribhuñjitabbo.

Yathā ca te na “ettakaṃ kantāre khādītvā avasiṭṭhaṃ kantāraṃ atikkamma loṇambilādīhi yojetvā khādissāmā”ti sannidhiṃ akaṃsu,

1. Khu 2. 343 piṭṭhe Theragāthāyaṃ.

3. Nappajappāmanāgataṃ (Sī)

2. Sārāṇiyadhamme (Sī, Syā)

4. Khu 6. 156 piṭṭhe Jātake.

kantārapariyosāne pana “pure mahājano passatī”ti bhūmiyaṃ vā
nikhaṇiṃsu, agginā vā jhāpayiṃsu, evameva—

“Annānamatho pānānaṃ,
Khādaniyānaṃ athopi vatthānaṃ.
Laddhā na sannidhiṃ kayirā,
Na ca parittase tāni alabhamāno”ti¹—

Imaṃ ovādaṃ anussarantena catūsu paccayesu yaṃ yaṃ labhati, tato tato
attano yāpanamattaṃ gahetvā sesaṃ sabrahmacārīnaṃ vissajjetvā sannidhiṃ
parivajjantena paribhuñjitabbo. Yathā ca te na “koci añño amhe viya
evarūpaṃ puttamaṃsaṃ khādituṃ na labhatī”ti mānaṃ vā dappaṃ vā
akaṃsu, nihatamānā pana nihatadappā hutvā khādiṃsu, evameva
paṇītabhojanaṃ labhitvā “ahamasmi lābhī cīvarapiṇḍapātādīnaṃ”ti na māno
vā dappo vā kātabbo. “Nāyaṃ pabbajjā cīvarādīhetu, arahattahetu panāyaṃ
pabbajjā”ti paccavekkhitvā nihatamānadappeneva paribhuñjitabbo.

Yathā ca te “kiṃ iminā aloṇena anambilena adhūpitenā duggandhenā”ti
hīletvā na khādiṃsu, hīlanaṃ pana vītivattā hutvā khādiṃsu, evameva
piṇḍapātaṃ labhitvā “kiṃ iminā assaṅgaṇabhattasadisena lūkhena nirasena,
suvānadoṇiyaṃ taṃ pakkhipathā”ti evaṃ piṇḍapātaṃ vā, “ko imaṃ
bhūñjissati, kākasunakhādīnaṃ dehi”ti evaṃ dāyakaṃ vā ahīlentena—

“Sa pattapāṇi vicaranto, amūgo mūgasammato.
Appaṃ dānaṃ na hīleyya, dātāraṃ nāvajāniyā”ti²—

Imaṃ ovādaṃ anussarantena paribhuñjitabbo. Yathā ca te na “tuyhaṃ
bhāgo, mayhaṃ bhāgo, tava putto, mama putto”ti aññamaññaṃ
atimaññaṃsu, samaggā pana sammodamānā hutvā khādiṃsu, evamevaṃ
piṇḍapātaṃ labhitvā yathā ekacco “ko tumhādisānaṃ dassati nikkāraṇā
ummāresu pakkhalantānaṃ āhiṇḍantānaṃ³, vijātamātāpi vo dātappaṃ na
maññati, mayaṃ

1. Khu 1. 422 piṭṭhe Suttanipāte.

2. Khu 1. 389 piṭṭhe.

3. Pakkhalantā āhiṇḍatha (Sī, Syā)

pana gatagataṭṭhāne paṇīṭāni cīvarādīni labhāmā”ti sīlavante sabrahmacārī atimaññati, yaṃ sandhāya vuttam—

“So tena lābhasakkārasilokena abhibhūto pariyādiṇṇacitto aññe pesale bhikkhū atimaññati. Tam hi tassa bhikkhave moghapurisassa hoti dīgharattam ahitāya dukkhāya”ti¹.

Evam kañci anatimaññitvā sabbehi sabrahmacārīhi saddhim samaggena sammodamānena hutvā paribhuñjitabban.

Pariññātetī nātapariññā tīraṇapariññā pahānapariññāti imāhi tīhi pariññāhi pariññāte. Kathaṃ? Idha bhikkhu “kabaḷikārāhāro nāma ayaṃ savatthukavasena ojaṭṭhamakarūpaṃ hoti, ojaṭṭhamakarūpaṃ kattha paṭihaññati? Jivhāpasāde, jivhāpasādo kinnissito? Catumahābhūtanissito. Iti ojaṭṭhamakam jivhāpasādo tassa paccayāni mahābhūtānīti ime dhammā rūpakkhandho nāma, tam pariggaṇhato uppannā phassapañcamakā dhammā cattāro arūpakkhandhā. Iti sabbepe pañcakkhandhā saṅkhepato nāmarūpamattam hoti”ti pajānāti. So te dhamme sarasalakkaṇato vavathapetvā tesam paccayam pariyesanto anulomapaṭilomam² paṭiccasamuppādam passati. Ettāvatānena kabaḷikārāhāramukhena sappaccayassa nāmarūpassa yāthāvato diṭṭhattā kabaḷikārāhāro nātapariññāya pariññāto hoti. So tadeva sappaccayam nāmarūpaṃ aniccaṃ dukkham anattāti tīṇi lakkhaṇāni āropetvā sattannaṃ anupassanānaṃ vasena sammasati. Ettāvatānena so tilakkaṇapaṭivedhasammasanañāṇasaṅkhātāya tīraṇapariññāya pariññāto hoti. Tasmīmyeva³ nāmarūpe chandarāgāvakaḍḍhanena anāgāmimaggena parijānatā pahānapariññāya pariññāto hotīti.

Pañcakāmaguṇikoti pañcakāmaguṇasambhavo rāgo pariññāto hoti. Ettha pana tisso pariññā ekapariññā sabbapariññā mūlapariññāti. Katamā **ekapariññā**? Yo bhikkhu jivhādvāre ekarasataṇham parijānāti, tena pañcakāmaguṇiko rāgo pariññātova hotīti. Kasmā? Tassāyeva tattha uppajjanato. Sāyeva hi taṇhā cakkhudvāre uppannā

1. Saṃ 1. 426 piṭṭhe.

2. Anulomam (Syā, Ka)

3. Tasmīmyeva pana (Syā)

rūparāgo nāma hoti, sotadvārādīsu uppannā saddarāgādayo. Iti yathā ekasseva corassa pañcamagge hanato ekasmiṃ magge gahetvā sīse chinne pañcapi maggā khemā honti, evaṃ jivhādvāre rasataṇhāya pariññātāya pañcakāmaguṇiko rāgo pariññāto hotīti ayaṃ ekapariññā nāma.

Katamā **sabbapariññā**? Patte pakkhittapiṇḍapātasmim hi ekasmiṃyeva pañcakāmaguṇikarāgo labbhati. Kathaṃ? Parisuddham tāvassa vaṇṇaṃ olokayato rūparāgo hoti, uṇhe sappimhi tattha āsiṅcante paṭapaṭāti saddo uṭṭhahati, tathārūpaṃ khādanīyaṃ vā khādentassa murumurūti saddo uppajjati, taṃ assādayato saddarāgo. Jīrakādivasagandham¹ assādentassa gandharāgo, sādurasavasena rasarāgo. Mudubhojanaṃ phassavantanti assādayato phoṭṭhabbarāgo. Iti imasmim āhāre satisampajaññena pariggahetvā nicchandarāgaparibhogena paribhutte sabbopi so pariññāto hotīti ayaṃ sabbapariññā nāma.

Katamā **mūlapariññā**? Pañcakāmaguṇikarāgassa hi kabaḷikārāhāro mūlaṃ. Kasmā? Tasmiṃ sati tassuppattito. Brāhmaṇatissabhaye kira dvādasa vassāni jāyampatikānaṃ upanijjhānacittaṃ nāma nāhosi. Kasmā? Āhāramandatāya. Bhaye pana vūpasante yojanasatiko Tambapaṇṇidīpo dārakānaṃ jātamaṅgalehi ekamaṅgalo ahosi. Iti mūlabhūte āhāre pariññāte pañcakāmaguṇiko rāgo pariññātova hotīti ayaṃ mūlapariññā nāma.

Natthi taṃ saṃyojananti tena rāgena saddhim pahānekaṭṭhatāya pahinattā natthi. Evamayam desanā yāva anāgāmimaggā kathitā. “Ettakena pana mā vosānaṃ āpajjimsū”ti etesaṃyeva rūpādīnaṃ vasena pañcasu khandhesu vipassanaṃ vaḍḍhetvā yāva arahattā kathetum vaṭṭatīti. . Paṭhamāhāro niṭṭhito.

1. Jīrakādisambhāragandham (Sī, Syā)

Dutiye **niccammā**ti khurato paṭṭhāya yāva siṅgamūlā sakalasarīrato uddālitacammā kimsukarāsivaṇṇā. Kasmā pana aññaṃ hatthi-assagoṇādi-upamaṃ agahetvā niccammagāvūpamā gahitāti? Titikkhitum asamatthabhāvadīpanattham. Mātugāmo hi uppannaṃ dukkhavedanaṃ titikkhitum adhivāsetum na sakkoti, evameva phassāhāro abalo dubbaloti dassanattham sadisameva upamaṃ āhari. **Kuṭṭanti** silākuṭṭādīnam aññataram. **Kuṭṭanissitā** pāṇā nāma uṇṇanābhisarabūmūsikādayo. **Rukkhānissitā**ti uccāliṅgapāṇakādayo. **Udakanissitā**ti macchasumsumārādayo. **Ākāsanissitā**ti ḍamsamakasakākakulalādayo. **Khādeyyunti** luñcitvā khādeyyum. Sā tasmim tasmim ṭhāne taṃtamṭhānasannissayamūlikam pāṇakhādanabhayaṃ sampassamānā neva attano sakkārasammānam, na piṭṭhiparikammasarīrasambāhana-uṇhodakāni icchati, evameva bhikkhu phassāhāramūlakam kilesapāṇakakhādanabhayaṃ sampassamāno tebhūmakaphassena anattiko hoti.

Phasse bhikkhave āhāre pariññāteti tīhi pariññāhi pariññāte. Idhāpi tisso pariññā. Tattha “phasso saṅkhārakkhandho, taṃsampayuttā vedanā vedanākkhandho, saññā saññākkhandho, cittaṃ viññāṇakkhandho, tesam vatthārammaṇāni rūpakkkhandho”ti evaṃ sappaccayassa nāmarūpassa yāthāvato dassanam¹ nātāpariññā. Tattheva tilakkhaṇam āropetvā sattannaṃ anupassanānam vasena aniccādito tulanaṃ tīraṇāpariññā. Tasmimyeva pana nāmarūpe chandarāganikkaddhano arahattamaggo pahānapariññā. **Tisso vedanā**ti evaṃ phassāhāre tīhi pariññāhi pariññāte tisso vedanā pariññātāva honti tammūlakattā taṃsampayuttattā ca. Iti phassāhāravasena desanā yāva arahattā kathitā. . Dutiyaḥāro.

Tatiye **aṅgarakāsū**ti aṅgarānam kāsū. **Kāsū**ti rāsipi vuccati āvāṭopi.

1. Yathāvasarasadassanam (Syā)

“Aṅgārakāsuṃ apare phuṇanti¹,
 Narā rudantā paridaḍḍhagattā.
 Bhayaṃ hi maṃ vindati sūta disvā,
 Pucchāmi taṃ Mātali devasārathī”²—

Ettha rāsi “kāsū”^{ti} vutto.

“Kinnu santaramānova, kāsūṃ khanasi sārathī”^{ti}³—

Ettha āvāṭo. Idhāpi ayameva adhippeto. **Sādhikaporisāti** atirekaporisā pañcaratanappamāṇā. **Vītaccikānaṃ vītadhūmānanti** etenassa mahāpariḷāhataṃ dasseti. Jālāya vā hi dhūme vā sati vāto⁴ samuṭṭhāti, pariḷāho mahā na hoti, tadabhāve vātābhāvato pariḷāho mahā hoti. **Ārakāvassāti** dūreyeva bhaveyya.

Evameva khoti ettha idaṃ opammasaṃsandanaṃ—aṅgārakāsu viya hi tebhūmakavaṭṭaṃ daṭṭhabbaṃ. Jīvitukāmo puriso viya vaṭṭanissito bālaputhujjano. Dve balavanto purisā viya kusalākusalakammaṃ. Tesāṃ taṃ purisaṃ nānābāhāsu gahetvā aṅgārakāsuṃ upakaḍḍhanakālo viya puthujjanassa kammāyūhanakālo. Kammaṃ hi āyūhiyamānameva paṭisandhiṃ ākaḍḍhati nāma. Aṅgārakāsunidānaṃ dukkhaṃ viya kammanidānaṃ vaṭṭadukkhaṃ veditabbaṃ.

Pariññātetī tīhi pariññāhi pariññāte. Pariññāyojanā panettha phasse vuttanayeneva veditabbā. **Tisso taṇhāti** kāmataṇhā bhavataṇhā vibhavataṇhāti imā pariññātā honti. Kasmā? Taṇhāmūlakattā manosañcetanāya. Na hi hetumhi appahīne phalaṃ pahīyati. Iti manosañcetanāhārasenapi yāva arahattā desanā kathitā. . Tatiyāhāro.

Catutthe **āgucārīnti** pāpacārīṃ dosakārakaṃ. **Kathaṃ so purisoti** so puriso kathāmbhūto, kiṃ yāpeti, na yāpetīti pucchati. **Tatheva deva jīvātīti** yathā pubbe, idānipi tatheva jīvati.

1. Thunanti (Syā), punanti (Ka)

3. Khu 6. 149 piṭṭhe.

2. Khu 6. 189 piṭṭhe Jātake.

4. Pariḷāho mahāvāto (Syā)

Evameva khoti idam opammasamsandanam—rājā viya hi kammaṃ daṭṭhabbam, āgucārī puriso viya vaṭṭasannissito bālaputhujjano, tīṇi sattisatāni viya paṭisandhiviññānam, āgucārīm purisaṃ “tīhi sattisatehi hanathā”ti raññā āṇattakālo viya kammaraññā vaṭṭasannissitaputhujjanam gahetvā paṭisandhiyam pakkhipanakālo. Tattha kiñcāpi tīṇi sattisatāni viya paṭisandhiviññānam, sattisu pana dukkham natthi, sattīhi pahaṭavaṇamūlakam¹ dukkham, evameva paṭisandhiyampi dukkham natthi, dinnāya pana paṭisandhiyā pavatte vipākadukkham sattipahaṭavaṇamūlakam dukkham² viya hoti.

Pariññātetī tīheva pariññāhi pariññāte. Idhāpi pariññāyojanā phassāhāre vuttanayeneva veditabbā. **Nāmarūpanti** viññāṇapaccayā nāmarūpaṃ. Viññāṇasmim hi pariññāte tam pariññātameva hoti tammūlakattā sahuppannattā ca. Iti viññāṇāhāravasenapi yāva arahattā desanā kathitāti. . Catutthāhāro. . Tatiyam.

4. Atthirāgasuttavaṇṇanā

64. Catutthe **rāgoti**-ādīni lobhasseva nāmāni. So hi rañjanavasena rāgo, nandanavasena nandī, taṇhāyanavasena taṇhāti vuccati. **Paṭiṭṭhitam tattha viññānam virūḷhanti** kammaṃ javāpetvā³ paṭisandhi-ākaddhanasamatthatāya paṭiṭṭhitānceva virūḷhañca. **Yatthāti** tebhūmakavaṭṭe bhummaṃ, sabbattha vā purimapurimapade etaṃ bhummaṃ. **Atthi tattha saṅkhārānam vuddhīti** idam imasmim vipākavaṭṭe ṭhitassa āyativaṭṭahetuke saṅkhāre sandhāya vuttam. **Yattha atthi āyatim punabbhavābhiniḃbattīti** yasmin ṭhāne āyatim punabbhavābhiniḃbatti atthi.

Evameva khoti ettha idam opammasamsandanam—rajakacittakārā viya hi sahakammasambhāram kammaṃ, phalakabhittidussapaṭā viya tebhūmakavaṭṭam. Yathā rajakacittakārā parisuddhesu phalakādīsu rūpaṃ samuṭṭhāpeti, evameva sasambhārakakammaṃ bhavesu rūpaṃ samuṭṭhāpeti. Tattha yathā akusalena cittakārena samuṭṭhāpitaṃ rūpaṃ virūpaṃ hoti dussaṅṭhitaṃ amanāpaṃ, evameva

1. Pahaṭavaṇamukhamūlam (Syā)

2. Sattīhi pahaṭavaṇamukhamūladukkham (Syā),
sattipahaṭavaṇamūlam khedaṃ dukkham (Ka)

3. Jirāpetvā (Syā)

ekacco kammaṃ karonto ñāṇavippayuttena cittena karoti, taṃ kammaṃ rūpaṃ samuṭṭhāpentaṃ cakkhādīnaṃ sampattiṃ adavā dubbaṇṇaṃ dussaṇṭhitaṃ¹ mātāpitūnampi amanāpaṃ rūpaṃ samuṭṭhāpeti. Yathā pana kusalena cittaḱārena samuṭṭhāpitaṃ rūpaṃ surūpaṃ hoti susaṇṭhitaṃ manāpaṃ, evameva ekacco kammaṃ karonto ñāṇasampayuttena cittena karoti, taṃ kammaṃ rūpaṃ samuṭṭhāpentaṃ cakkhādīnaṃ sampattiṃ datvā suvaṇṇaṃ susaṇṭhitaṃ alaṅkatapaṭiyattaṃ viya rūpaṃ samuṭṭhāpeti.

Ettha ca āhāraṃ viññāṇena saddhiṃ saṅkhipitvā āhāraṇāmarūpānaṃ antare eko sandhi, vipākaṇidhiṃ nāmarūpena saṅkhipitvā nāmarūpasāṅkhārānaṃ antare eko sandhi, saṅkhārānaṅca āyatibhavassa ca antare eko sandhīti veditabbo.

Kūṭāgāranti ekakaṇṇikaṃ gāhāpetvā² kataṃ agāraṃ. **Kūṭāgārasālāti** dve kaṇṇike gahetvā katasālā. **Evameva khoti** ettha khīṇāsavassa kammaṃ sūriyārasmisamaṃ veditabbaṃ. Sūriyārasmi pana atthi, sā kevalaṃ paṭiṭṭhāya abhāvena appaṭiṭṭhā nāma jāta, khīṇāsavassa kammaṃ natthitāya eva appaṭiṭṭhaṃ. Tassa hi kāyādayo atthi, tehi pana katakammaṃ kusalākusalaṃ nāma na hoti, kiriyamatte ṭhatvā avipākaṃ hoti. Evamassa kammaṃ natthitāya eva appaṭiṭṭhaṃ nāma jātanti. . Catutthaṃ.

5. Nagarasuttavaṇṇanā

65. Pañcame **nāmarūpe kho sati viññāṇanti** ettha “saṅkhāresu sati viññāṇaṃ”ti ca “avijjāya sati saṅkhārā”ti ca vattabbaṃ bhavēyya, tadubhayampi na vuttaṃ. Kasmā? Avijjāsaṅkhārā hi tatiyo bhavo, tehi saddhiṃ ayaṃ vipassanā na ghaṭṭiyati. Mahāpuriso hi paccuppannapañcavokāravasena abhiniṇṭṭhoti.

Nanu ca avijjāsaṅkhāresu aditṭhesu na sakkā Buddhena bhavitunti. Saccāṃ na sakkā, iminā pana te bhava-upādānataṇhāvasena diṭṭhāva. Tasmā yathā nāma godhaṃ anubandhanto puriso taṃ kūpaṃ pavitṭhaṃ disvā otāretvā³ pavitṭhaṭṭhānaṃ khaṇitvā godhaṃ gahetvā pakkameyya, na parabhāgaṃ

1. Dussaṇṭhānaṃ (Sī)

2. Gahetvā (Syā)

3. Otāritvā (Sī)

khaneyya, kasmā? Kassaci natthitāya. Evaṃ mahāpurisopi godhaṃ anubandhanto puriso viya Bodhipallaṅke nisinno jarāmaraṇato paṭṭhāya “imassa ayaṃ paccayo, imassa ayaṃ paccayo”ti pariyesanto yāva nāmarūpadhammānaṃ paccayaṃ disvā tassapī paccayaṃ pariyesanto viññāṇameva addasa. Tato “ettako¹ pañcavokārabhavavasena sammasanacāro”ti² vipassanaṃ paṇivattesi, parato tucchakūpassa abhinnaṭṭhānaṃ³ viya avijjāsāṅkhāradvayaṃ atthi, tadetaṃ heṭṭhā vipassanāya gahitattā pāṭiyekkaṃ sammasanūpagaṃ na hotīti na aggahesi.

Paccudāvattatīti paṇivattati. Katamaṃ panettha viññāṇaṃ paccudāvattatīti? Paṭisandhiviññāṇampi vipassanāviññāṇampi⁴. Tattha paṭisandhiviññāṇaṃ paccayato paṇivattati, vipassanāviññāṇaṃ⁵ ārammaṇato. Ubhayampi nāmarūpaṃ nātikkamati, nāmarūpato paraṃ na gacchati. **Ettāvatā jāyetha vāti**-ādīsu viññāṇe nāmarūpassa paccaye honte, nāmarūpe viññāṇassa paccaye honte, dvīsupi aññamaññapaccayesu hontesu ettakena jāyetha vā upapajjetha vā. Ito hi paraṃ kimaññaṃ jāyetha vā upapajjetha vā, nanu etadeva jāyati ca upapajjati cāti.

Evaṃ saddhiṃ aparāparacutipaṭisandhīhi pañca padāni dassetvā puna taṃ ettāvatāti vuttamatthaṃ niyyātentō **yadidaṃ nāmarūpapaccayā viññāṇaṃ, viññāṇapaccayā nāmarūpanti** vatvā tato paraṃ anulomapaccayākāravasena viññāṇapaccayā nāmarūpamūlakaṃ āyatijarāmaraṇaṃ dassetuṃ **nāmarūpapaccayā saḷāyatananti**-ādīmāha.

Añjasanti maggasseva vevacanaṃ. **Uddhāpavantanti** āpato uggatattā uddhāpanti⁶ laddhavohārena pākāravatthunā samannāgataṃ. **Ramaṇīyanti** samantā catunnaṃ dvārānaṃ abbhantare ca nānābhaṇḍānaṃ sampattiyā ramaṇīyaṃ. **Māpehīti** mahājanaṃ pesetvā vāsaṃ kārehi. **Māpeyyāti** vāsaṃ kāreyya. Kārento ca paṭhamaṃ aṭṭhārasa manussakoṭṭiyō pesetvā “sambuṇṇaṃ”ti pucchitvā “na tāva sambuṇṇaṃ”ti vutte aparāni pañcakulāni peseyya. Puna pucchitvā “na tāva sambuṇṇaṃ”ti vutte aparāni pañcapaññāsakulāni peseyya. Puna pucchitvā “na tāva sambuṇṇaṃ”ti vutte aparāni

1. Ettake (Ka)

3. Abhindaṇṭṭhānaṃ (Sī), abhindaṇṭṭhānaṃ (Syā)

5. Vipassanāññānaṃ (Sī)

2. Sammasanaṃ karoti (Ka)

4. Vipassanāññāṇampi (Sī)

6. Uddāpanti (Sī)

tiṃsa kulāni peseyya. Puna pucchitvā “na tāva sampuñṇan”ti vutte aparāṃ kulasahassaṃ peseyya. Puna pucchitvā “na tāva sampuñṇan”ti vutte aparāni ekādasanahutāni kulāni peseyya. Puna pucchitvā “na tāva sampuñṇan”ti vutte aparāni caturāsītikulasahassāni peseyya. Puna “sampuñṇan”ti pucchite “mahārāja kiṃ vadesi, mahantaṃ nagaraṃ asambādham, iminā nayena kulāni pesetvā na sakkā pūretuṃ, bheriṃ pana carāpetvā ‘amhākaṃ nagaraṃ imāya ca imāya ca sampattiyā sampannaṃ, ye tattha vasitukāmā, yathāsukhaṃ gacchantu, imañcimañca parihāraṃ labhissantī”ti nagarassa ceva vaṇṇaṃ lokassa ca parihāralābhaṃ ghoṣāpethā”ti vadeyya. So evaṃ kareyya. Tato manussā nagaraguṇaṅceva parihāralābhaṅca sutvā sabbadisāhi samosaritvā nagaraṃ pūreyyūṃ. Taṃ aparena samayena iddhañceva assa phītañca. Taṃ sandhāya **tadassa nagaraṃ aparena samayena iddhañceva phītañcāti**-ādi vuttam.

Tattha **iddhanti** samiddham subhikkham. **Phītanti** sabbasampattīhi pupphitaṃ¹. **Bāhujaññanti** bahūhi nātappaṃ, bahujanānaṃ hitaṃ vā. “Bahujanān”tipi pāṭho. **Ākiñṇamanussanti** manussehi ākiñṇaṃ nirantaraṃ phuṭṭham. **Vuddhivepullappattanti** vuddhippattañceva vepullappattañca, seṭṭhabhāvañceva vipulabhāvañca pattaṃ, dasasahassacakkavāle agganagaraṃ jātanti attho.

Evameva khoti ettha idaṃ opammasaṃsandanaṃ—araññapavane caramānapuriso viya hi Dīpaṅkarapādamūlato paṭṭhāya pāramiyo pūrayamāno mahāpuriso daṭṭhabbo, tassa purisassa pubbakehi manussehi anuyātamaggadassanaṃ viya mahāsattassa anupubbena Bodhipallaṅke nisinnassa pubbhāge aṭṭhaṅgikassa vipassanāmaggassa dassanaṃ, purisassa taṃ ekapadikamaggaṃ anugacchato aparabhāge mahāmaggadassanaṃ viya mahāsattassa uparivipassanāya ciñṇante lokuttaramaggadassanaṃ, purisassa teneva maggena gacchato purato nagaradassanaṃ viya Thathāgatassa nibbānanagaradassanaṃ, bahinagaraṃ panettha aññena diṭṭham, aññena manussavāsaṃ kataṃ, nibbānanagaraṃ Satthā sayameva passi, sayam vāsamakāsi. Tassa purisassa catunnaṃ dvārānaṃ diṭṭhakālo viya Tathāgatassa catunnaṃ maggānaṃ diṭṭhakālo, tassa catūhi dvārehi nagaraṃ pavīṭṭhakālo viya Tathāgatassa catūhi

1. Vaḍḍhitaṃ (Syā)

maggehi nibbānaṃ pavitṭhakālo, tassa nagarabbhantare
 bhaṇḍavavatthānakālo viya Tathāgatassa paccavekkhaṇañāṇena
 paropaṇṇāsakusaladhammavavatthānakālo. Nagarassa agāra karaṇattham¹
 kulapariyesanakālo viya Satthu phalasmāpattito vuṭṭhāya veneyyasatte
 volokanakālo, tena purisena yācitassa rañño ekaṃ mahākuṭumbikaṃ
 diṭṭhākālo viya mahābrahmunā yācitassa Bhagavato Aññāsikoṇḍaññattheraṃ
 diṭṭhākālo, rañño mahākuṭumbikaṃ pakkosāpetvā “nagaravāsaṃ karohī”ti
 pahitakālo viya Bhagavato ekasmiṃ pacchābhatte aṭṭhārasayojanamaggaṃ
 gantvā āsālhipuṇṇamadivase Bārāṇasiyaṃ Isipatanaṃ pavisitvā therāṃ
 kāyasakkhim katvā dhammaṃ desitakālo, mahākuṭumbikena aṭṭhārasa
 purisakoṭiyo gehetvā nagaraṃ ajjhāvutṭhakālo viya Tathāgatena
 dhammacakke pavattite therassa aṭṭhārasahi brahmakoṭiṃ saddhim
 sotāpattiphale patiṭṭhitakālo, evaṃ nibbānanagaraṃ paṭhamaṃ āvāsitaṃ,
 tato sampuṇṇaṃ nagaraṃti pucchitvā na tāvāti vutte pañca kulāni ādim katvā
 yāva caturāsītikulasaḥsapanaṃ viya Tathāgatassa pañcamadivasato
 paṭṭhāya Anattalakkhaṇasuttādini desetvā pañcavaggiye ādim katvā
 Yasapamukhā pañcapanṇāsa kulaputtā, tiṃsa Bhaddavaggiyā,
 saḥsapurāṇajaṭilā, Bimbisārapamukhāni ekādasapurisanaḥutāni,
 tirokuṭṭānumodane caturāsītisaḥsānīti ettakassa janassa ariyamaggaṃ
 otāretvā nibbānanagaraṃ pesitakālo, aṭṭha tena nayena nagare apūriyamāne
 bherim carāpetvā nagarassa vaṇṇaghosanaṃ kulānaṃ
 pariḥāralābhaghosanaṃ viya ca māssa aṭṭha divase tattha tattha nisīditvā
 dhammakathikānaṃ nibbānavāṇassa ceva nibbānappattānaṃ
 jātikantārādinittharaṇānisamsassa ca ghosanaṃ, tato sabbadisāhi āgantvā
 manussānaṃ nagarasamosaraṇaṃ viya tattha tattha dhammakathaṃ sutvā
 tato tato nikkhamitvā pabbajjaṃ ādim katvā anulomapaṭipadaṃ
 paṭipannānaṃ aparimāṇānaṃ kulaputtānaṃ nibbānasamosaraṇaṃ
 daṭṭhabbānaṃ.

Purāṇaṃ magganti ariyaṃ aṭṭhaṅgikaṃ maggaṃ. Ayaṃ hi ariyamaggo
 pavāraṇasutte² avattamānakatṭhena “anuppannamaggo”ti vutto, imasmiṃ
 sutte avaḷañjaṭṭhena “purāṇamaggo”ti. **Brahmacariyanti**
 sikkhattayasaṅgahaṃ sakalasāsaṇaṃ. **Iddhanti**

1. Āvāsakaraṇattham (Syā)

2. Saṃ 1. 192 piṭṭhe.

jhānassādena samiddham subhikkham. **Phīṭanti** abhiññābharāṇehi¹ pupphitam. **Vitthārikanti** vitthiṇṇam. **Bāhujaññanti** bahujanaviññeyyam. **Yāva devamanussehi suppakāsanti** yāva dasasahassacakkavāle devamanussehi paricchedo atthi, etasmim antare suppakāsitam sudesitam Tathāgatenāti. . Pañcamam.

6. Sammasasuttavaṇṇanā

66. Chaṭṭhe **āmantesīti** kasmā āmantesi? Yasmāssa sukhumā tilakkhaṇāhatā dhammadesanā upaṭṭhāsi. Tasmim kira janapade manussā sahetukā pañnavanto. Siniddhāni kirettha bhojanāni, tānisevato janassa paññā vaḍḍhiti, te gambhīram tilakkhaṇāhatam dhammakatham paṭivijjhitaṃ samatthā honti. Teneva Bhagavā dīghamajjhimesu Mahāsatiṭṭhānāni², Mahānidānam³, Āneñjasappāyam⁴, Saṃyuttake Cūḷanidānādisuttanti⁵ evamādīni aññāni gambhīrāni suttāni tattheva kathesi. **Sammasatha notī** sammasatha nu. **Antaram sammasanti**⁶ abbhantaram paccayasammasanam. **Na so bhikkhu Bhagavato cittaṃ ārādhesi**ti paccayākārasena byākārapetukāmassa Bhagavato tathā abyākāritvā dvattiṃsākārasena byākāronto ajjhāsayaṃ gahetaṃ nāsakkhi.

Etadavocāti desanā yathānusandhim na gatā, desanāya yathānusandhigamanattham etadavoca. **Tenahānanda suṇāthāti** idam Tepiṭake Buddhavacane asambhinnapadam⁷. Aññattha hi evam vuttam nāma natthi. **Upadhinidānanti** khandhupadhinidānam. Khandhapañcakam hettha upadhīti adhippetam. **Uppajjati**ti jāyati. **Nivisati**ti punappunam pavattivasena paṭiṭṭhahati.

Yam kho loke piyarūpaṃ satarūpanti yam lokasmim piyasabhāvañceva madhurasabhāvañca. **Cakkhum loketi**-ādīsū lokasmim hi cakkhādīsū mamattena⁸ abhiniviṭṭhā sattā sampattiyam paṭiṭṭhitā attano cakkhum ādāsādīsū nimittaggahaṇānusārena vippasannapañcapasādam⁹ suvaṇṇavimāne ugghāṭitamaṇisīhapañjaram viya maññanti, sotaṃ rajatapanāḷikam viya pāmaṅgasuttam¹⁰

1. Abhiññākāraṇehi (Syā) 2. Dī 2. 231; Ma 1. 70 piṭṭhesu. 3. Dī 2. 47 piṭṭhe.
 4. Ma 3. 48 piṭṭhe. 5. Saṃ 1. 317 piṭṭhe. 6. Sammasananti (Sī)
 7. Abhinnaṅkapadam (Syā) 8. Pamattā (Sī), mamattā (Ka) 9. ...pañcapasādā (Ka)
 10. Pāmaṅgasuttakam (Syā)

viya ca maññanti, tuṅganāsāti laddhavohāraṃ ghānaṃ vaṭṭetvā
 ṭhapitaharitālavaṭṭim viya maññanti, jivhaṃ rattakambalapaṭalaṃ viya
 mudusiniddhamadhurarasadaṃ¹ maññanti, kāyaṃ sālalaṭṭhim viya
 suvaṇṇatoraṇaṃ viya ca maññanti, manaṃ aññesaṃ manena asadisaraṃ
 uḷāraṃ maññanti.

Niccato addakkhunti niccanti addasaṃsu. Sesapadesupi eseva nayo. **Na parimuccim̐su dukkhasmāti** sakalasmāpi vaṭṭadukkhā na parimuccim̐su. **Dakkhissanti** passissanti. **Āpānīyakaṃsoti** sarakassa nāmaṃ. Yasmā panettha āpaṃ pivanti, tasmā “āpānīyo”ti vuccati. Apānīyo ca so kaṃso cāti āpānīyakaṃso. Surāmaṇḍasarakassetaraṃ nāmaṃ. “Vaṇṇasampanno”ti-ādivacanato pana kaṃse ṭhitapānameva evaṃ vuttaṃ. **Ghammābhitatto** ghammena abhitatto. **Ghammaparetoti** ghammena phuṭṭho, anugatoti attho. **Pivato hi kho taṃ chādessati** pivantassa taṃ pānīyaṃ vaṇṇadisampattiyā ruccissati, sakalasarīraṃ vā pharivā tuṭṭhim uppādayamānaṃ ṭhassati. **Appaṭisaṅkhāti** apaccavekkhitvā.

Evameva khoti ettha idaṃ opammasaṃsandanaṃ—āpānīyakaṃso viya hi loke piyarūpaṃ sātārūpaṃ ārammaṇaṃ daṭṭhabbaṃ, ghammābhitattapuriso viya voṭṭanissito puthujjano, āpānīyakaṃsena nimantanapuriso viya loke piyarūpena sātārūpena ārammaṇena nimantakajano, āpānīyakaṃse sampattiṅca ādīnavaṅca ārocento āpānakamanusso viya ācariyupajjhāyādiko kalyāṇamitto. Yatheva hi tassa purisassa apalokitamanusso āpānīyakaṃse guṇaṅca ādīnavaṅca āroceti, evameva ācariyo vā upajjhāyo vā bhikkhuno pañcasu kāmaguṇesu assādaṅca nissaraṇaṅca katheti.

Tattha yathā āpānīyakaṃsamhi guṇe ca ādīnave ca ārocite so puriso piyavaṇṇadisampadāyameva sañjātavego “sace maraṇaṃ bhavissati, pacchā jānissāmi”ti sahasā appaṭisaṅkhāya taṃ pivitvā maraṇaṃ vā maraṇamattaṃ vā dukkhaṃ nigacchati, evameva bhikkhu “pañcasu kāmaguṇesu dassanādivasena uppannasomanassamattameva assādo, ādīnavo pana diṭṭhadhammikasamparāyiko bahu nānappakāro, appassādā kāmā bahudukkhā

1. ...madhurassaraṃ (Sī, Syā)

bahupāyāsā”ti evaṃ ācariyupajjhāyehi ānisaṃsaṅca ādīnavaṅca kathetvā “samaṇapaṭipadaṃ paṭipajja, indriyesu guttadvāro bhava bhojane mattaññū jāgariyaṃ anuyutto”ti evaṃ ovaḍitopi assāḍabaddhacittatāya “sace vuttappakāro ādīnavo bhavissati, pacchā jānissāmī”ti ācariyupajjhāye apasādetvā uddesaparipucchādīni ceva vattapaṭipattiṅca pahāya lokāmisakathaṃ kathento kāme paribhuñjitukāmatāya sikkhaṃ paccakkhāya hīnāyāvattati. Tato duccharitāni pūrento sandhicchedanādīkāle “coro ayan”ti gaḥetvā rañño dassito idheva hatthapādādīchedanaṃ patvā samparāye catūsu apāyesu mahādukkhaṃ anubhoti.

Pānīyena vā vinetunti sītena vārinā haritum. **Dadhimaṇḍakenāti** dadhimaṇḍanamattena¹. **Bhaṭṭhaloṇikāyāti** saloṇena sattupānīyena. **Loṇasovīrakenāti** sabbadhaññaphalakaḷīrādīni pakkhipitvā loṇasovīrakam nāma karonti, tena.

Opammasaṃsandanaṃ panettha—ghammābhitattapuriso viya vaṭṭasannitakāle yogāvacarō daṭṭhabbo, tassa purisassa paṭisaṅkhā āpānīyakaṃsaṃ pahāya pānīyādīhi pipāsassa vinodanaṃ viya bhikkhuno ācariyupajjhāyānaṃ ovāde ṭhatvā chadvārādīni pariggahetvā anukkamena vipassanaṃ vaḍḍhentassa arahattaphalādhigamo, pānīyādīni cattāri pānāni viya hi cattāro maggā, tesu aññataraṃ pivitvā surāpipāsitaṃ vinodetvā sukhino yenakāmaṃ gamaṇaṃ viya khīṇāsavassa catumaggapānaṃ pivitvā taṇhaṃ vinodetvā agatapubbaṃ nibbānadisaṃ gamaṇakālo veditabbo. . Chaṭṭhaṃ.

7. Naḷakalāpīsuttavaṇṇanā

67. Sattame **kiṃ nu kho āvusoti** kasmā pucchati? “Evaṃ puṭṭho kathaṃ nu kho byākareyyā”ti therassa ajjhāsayaajānanatthaṃ. Apica atīte dve aggasāvaka imā pañhaṃ vinicchayimsūti anāgate bhikkhū jānissantītipi pucchati. **Idāneva kho mayanti** idaṃ thero yassa nāmarūpassa viññāṇaṃ paccayoti vuttaṃ, tadeva nāmarūpaṃ viññāṇassa

1. Dadhimatthunā (Sī), dadhimaṭṭhanā (Syā)

paccayoti vuttattā āha. **Nalakalāpiyoti** idha pana ayakalāpādivasena upamaṃ anāharitvā viññāṇanāmarūpānaṃ abaladubbalabhāvadassanattham ayaṃ upamā ābhatā.

Nirodho hotīti ettake ṭhāne paccayuppannapañcavokārabhavavasena desanā kathitā. **Chattimsāya vatthūhīti** heṭṭhā vissajjitesu dvādasasu padesu ekekasmim tiṇṇaṃ tiṇṇaṃ vasena chattim sāya kāraṇehi. Ettha ca paṭhamo dhammakathikagaṇo, dutiyā paṭipatti, tatiyaṃ paṭipattiphalaṃ. Tattha paṭhamanayena desanāsampatti kathitā, dutiyena sekkhabhūmi, tatiyena asekkhabhūmīti. . Sattamaṃ.

8. Kosambisuttavaṇṇanā

68. Aṭṭhame **aññatrevāti** ekacco hi parassa saddahitvā yaṃ esa bhaṇati, taṃ bhūtaṃ gaṇhāti. Aparassa nisīditvā cintentassa yaṃ kāraṇaṃ rucati, so “atthi etan”ti ruciyā gaṇhāti. Eko “cirakālato paṭṭhāya evaṃ anussavo atthi, bhūtametan”ti anussavena gaṇhāti. Aññassa vitakkayato ekaṃ kāraṇaṃ upaṭṭhāti, so “atthetan”ti ākāraparivitakkena gaṇhāti. Aparassa cintayato ekā diṭṭhi uppajjati, yāyassa taṃ kāraṇaṃ nijjhāyantassa khamati, so “atthetan”ti diṭṭhiniijjhānakkhantiyā gaṇhāti. Thero pana pañcapi etāni kāraṇāni paṭikkhipitvā paccakkhañāṇena¹ paṭividdhabhāvaṃ pucchanto **aññatreva āvuso Musila saddhāyāti**-ādimāha. Tattha **aññatrevāti** saddhādīni kāraṇāni ṭhapetvā, vinā etehi kāraṇehīti attho. **Bhavanirodho nibbānanti** pañcakkhandhanirodho nibbānaṃ.

Tuṇhī ahoṣīti thero khīṇāsavo, ahaṃ pana khīṇāsavoti vā na vāti vā avatvā tuṇhīyeva ahoṣi. **Āyasmā Nārado āyasmantaṃ Paviṭṭhaṃ etadavocāti** kasmā avoca? So kira cintesi “bhavanirodho nibbānaṃ nāmāti sekhehipi² jānitabbo pañho esa, ayaṃ pana thero imaṃ theram asekkhabhūmiyā kāreti³, imaṃ ṭhānaṃ jānāpessāmī”ti etaṃ avoca.

1. Sapaccakkhañāṇena (Ka)

2. Sekhehipi asekkhehipi (Syā)

3. Karoti (Sī)

Sammappaññāya sudīṭṭhanti saha vipassanāya maggapaññāya suṭṭhu diṭṭhaṃ. **Na camhi arahanti** anāgāmimagge ṭhitattā araham̃ na homīti dīpeti. Yaṃ panassa idāni¹ “bhavanirodho nibbānaṃ”ti ñāṇaṃ, taṃ ekūnavāsatiyā paccavekkhaṇañāṇehi vimuttaṃ paccavekkhaṇañāṇaṃ. **Udapānoti** vīsatiṃsahatthagambhīro pānīyakupo. **Udakavāarakoti** udakavāarako. **Udakanti hi kho ñāṇaṃ assāti** tīre ṭhitassa olokayato evaṃ ñāṇaṃ bhaveyya. **Na ca kāyena phusitvāti** udakaṃ pana nīharitvā kāyena phusitvā viharitum̃ na sakkuṇeyya. Udapāne udakadassanaṃ viya hi anāgāmīno nibbānadassanaṃ, ghammābhitattapuriso viya anāgāmī, udakavāarako viya arahattamaggo, yathā ghammābhitattapuriso udapāne udakaṃ passati, evaṃ anāgāmī paccavekkhaṇañāṇena “upari arahattaphalasaṃmayo² nāma atthī”ti jānāti. Yathā pana so puriso udakavāarakassa natthitāya udakaṃ, nīharitvā kāyena phusitum̃ na labhati, evaṃ anāgāmī arahattamaggassa natthitāya nibbānaṃ ārammaṇaṃ katvā arahattaphalasaṃmāpattim̃ appētvā nisīditum̃ na labhati. . Aṭṭhamam̃.

9. Upayantisuttavaṇṇanā

69. Navame **upayantoti** udakavaḍḍhanasamaye upari gacchanto. **Mahānadiyoti** Gaṅgāyamunādikā mahāsaritāyo. **Upayāpetīti** upari yāpeti, vaḍḍheti pūretīti attho. **Avijjā upayantīti** avijjā upari gacchantī saṅkhārānaṃ paccayo bhavitum̃ sakkuṇantī. **Saṅkhāre upayāpetīti** saṅkhāre upari yāpeti vaḍḍheti. Evaṃ sabbapadesu attho veditabbo. **Apayantoti** apagacchanto osaranto. **Avijjā apayantīti** avijjā apagacchamānā osaramānā upari saṅkhārānaṃ paccayo bhavitum̃ na sakkuṇantīti attho. **Saṅkhāre apayāpetīti** saṅkhāre apagacchāpeti. Esa nayo sabbapadesu. . Navamam̃.

10. Susimasuttavaṇṇanā

70. Dasame **garukatoti** sabbehi devamanussehi pāsāṇacchattaṃ viya cittaṇa garukato. **Mānitoti** manena piyāyito. **Pūjitoti**

1. Idam̃ (Sī)

2. Arahattaphalābhisamayo (Sī)

catupaccayapūjāya pūjito. **Apacitoti** nīcavuttikaraṇena apacito. Sathhāraṃ hi disvā manussā hatthikkhandhādīhi otaranti maggaṃ denti, aṃsakūṭato sāṭakaṃ apantenti, āsanato vuṭṭhahanti vandanti. Evaṃ so tehi apacito nāma hoti. **Susimoti** evaṃnāmakō vedaṅgesu kusalo paṇḍitaparibbājako. **Ehivanti** tesāṃ kira etadahosi “samaṇo Gotamo na jātigottādīni āgamma lābhaggappatto jāto, kaviseṭṭho panaesa uttamakavitāya sāvakānaṃ ganthaṃ bandhitvā deti, taṃ te uggaṇhitvā upaṭṭhākānaṃ upanisinnakathampi anumodanampi sarabhaññampīti evamādīni kathenti, te tesāṃ pasannā lābhaṃ upasaṃharanti. Sace mayaṃ yaṃ samaṇo Gotamo jānāti, tato thokaṃ jāneyyāma, attano samayaṃ tattha pakkhipitvā mayampi upaṭṭhākānaṃ katheyyāma, tato etehi lābhitārā bhaveyyāma. Ko nu kho samaṇassa Gotamassa santike pabbajitvā khippameva uggaṇhituṃ sakkhissatī”ti. Te evaṃ cintetvā “Susimo paṭibalo”ti disvā taṃ upasaṅkamitvā evamāhaṃsu.

Yenāyasmā Ānando tenupasaṅkamīti kasmā upasaṅkami? Evaṃ kirassa ahosi “kassa nu kho santikaṃ gantvā ahaṃ imaṃ dhammaṃ khippaṃ laddhuṃ sakkhissāmī”ti. Tato cintesi “samaṇo Gotamo garu tejussado niyamamanuyutto, na sakkā akāle upasaṅkamuṃ, aññepi bahū khattiyādayo samaṇaṃ Gotamaṃ upasaṅkamanti, tasmimpi samaye na sakkā upasaṅkamuṃ. Sāvakesupissa Sāriputto mahāpañño vipassanālakkhaṇaṃhi etadagge ṭhapito, Mahāmogallāno samādhilakkhaṇasmim etadagge ṭhapito, Mahākassapo dhutaṅgadhāresu, Anuruddho dibbacakkhukesu, Puṇṇo Mantāṇiputto dhammakathikesu, Upālīthero vinayadhāresu etadagge ṭhapito, ayaṃ pana Ānando bahussuto Tipiṭakadhāro, Sathhāpissa tattha tattha kathitaṃ dhammaṃ āharitvā katheti, pañcasu ṭhānesu etadagge ṭhapito, aṭṭhannaṃ varānaṃ lābhī, catūhi acchariyabbhutadhammehi samannāgato, tassa samīpaṃ gato¹ khippaṃ dhammaṃ laddhuṃ sakkhissāmī”ti. Tasmā yenāyasmā Ānando tenupasaṅkami.

1. Gate (Sī)

Yena Bhagavā tenupasaṅkamīti kasmā sayam apabbājetvā upasaṅkami? Evaṃ kirassa ahosi “ayaṃ titthiyasamaye pāṭiyekko ‘ahaṃ Satthā’ti paṭijānanto carati, pabbajitvā sāsanaṃ alābhāyapi parisakkeyya. Na kho panassāhaṃ ajjhāsayam ājānāmi, Satthā jānissatī”ti. Tasmā taṃ ādāya Bhagavā tenupasaṅkami. **Tenahānanda susimam pabbājethā**¹ Satthā kira cintesi “ayaṃ paribbājako titthiyasamaye ‘ahaṃ pāṭiyekko Satthā’ti paṭijānamāno carati, ‘idha maggabrahmacariyam caritum icchāmi’ti kira vadati, kiṃ nu kho mayi pasanno, udāhu mayham sāvakesu, udāhu mayham vā mama sāvakānaṃ vā dhammakathāya pasanno”ti. Athassa ekaṭṭhānepi pasādābhāvaṃ ñatvā “ayaṃ mama sāsane dhammam thenessāmīti pabbajati, itissa āgamanam aparisuddham, nipphatti nu kho kīdisā”ti olokeno “kiñcāpi ‘dhammam thenessāmī’ti pabbajati, katipāheneva pana ghaṭetvā arahattam gaṇhissatī”ti ñatvā “tenahānanda Susimam pabbājethā”ti¹ āha.

Aññā byākatā hotīti te kirabhikkhū Satthu santike kammaṭṭhānam gahetvā temāsam vassam vasantā tasmimyeva antotemāse ghaṭentā vāyamantā arahattam paṭilabhiṃsu. Te “paṭiladdhaguṇam Satthu āroccsāmā”ti pavāritapavāraṇā² senāsanam samsāmetvā Satthu santikam āgantvā attano paṭiladdhaguṇam āroccsum. Tam sandhāyetaṃ vuttam. **Aññā**ti arahattassa nāmam. **Byākatā**ti ārocitā. **Assosīti** so kira ohitasoto³ hutvā tesam tesam bhikkhūnam ṭhitaṭṭhānam gacchati tam tam katham suṇitukāmo. **Yena te bhikkhū tenupasaṅkamīti** kasmā upasaṅkami? Tam kirassa pavattim sutvā etadahosi “aññā nāma imasmim sāsane paramappamāṇam⁴ sārabhūtā ācariyamuṭṭhi maññe bhavissati, pucchitvā nam jānissāmī”ti. Tasmā upasaṅkami.

Anekavihitanti anekavidham. **Iddhividhanti** iddhikoṭṭhāsam. **Āvibhāvam tirobhāvanti** āvibhāvam gahetvā tirobhāvam, tirobhāvam gahetvā āvibhāvam kātum sakkothāti pucchati. **Tirokuṭṭanti** parakuṭṭam.

1. Pabbājehīti (Sī)

2. Parisuddhapavāraṇā (Syā)

3. Ohitasotova (Syā)

4. Parimāṇam (Syā)

Itarapadadvayepi eseva nayo. **Ummujjanimujjanti** ummujjanañca nimujjanañca. **Pallañkenāti**, pallañkabandhanena. **Kamathāti** nisīditum vā gantum vā¹ sakkothāti pucchati. **Pakkhī sakuṇoti** pakkhayutto sakuṇo. Ayamettha sañkhepo, vitthārato pana imassa iddhividhassa, ito paresaṃ dibbasotādīnañca vaṇṇanānayo Visuddhimagge vuttanayena veditabboti.

Santā vimokkhāti āngasantatāya ceva ārammaṇasantatāya ca santā āruppavimokkhā. **Kāyena phusitvāti** nāmakāyena phusitvā paṭilabhitvā. **Paññāvimuttā kho mayaṃ āvusoti** āvuso mayaṃ nijjhānakā sukkhavipassakā paññāmatteneva vimuttāti dasseti. **Ājāneyyāsi vā tvaṃ āvuso Susima, na vā tvaṃ ājāneyyāsīti** kasmā evamāhaṃsu? Evaṃ kira nesaṃ ahosi “mayaṃ imassa ajjhāsayaṃ gahetvā kathetum na sakkhissāma, Dasabalaṃ pana pucchitvā nikkāñkho bhavissatī”ti. **Dhammaṭṭhitiñāṇanti** vipassanāñāṇaṃ, taṃ paṭhamataraṃ uppajjati. **Nibbāne ñāṇanti** vipassanāya ciṇṇante pavattamaggañāṇaṃ, taṃ pacchā uppajjati. Tasmā Bhagavā evamāha.

Ājāneyyāsi vāti-ādi kasmā vuttaṃ? Vināpi samādhim evaṃ ñāṇupattidassanattaṃ. Idaṃ hi vuttaṃ hoti—Susima maggo vā phalaṃ vā na samādhinissando, na samādhi-ānisaṃso, na samādhissa nipphatti, vipassanāya paneso nissando, vipassanāya ānisaṃso, vipassanāya nipphatti, tasmā jāneyyāsi vā tvaṃ, na vā tvaṃ jāneyyāsi, atha kho dhammaṭṭhitiñāṇaṃ pubbe, pacchā nibbāne ñāṇanti.

Idānissa paṭivedhabhabbataṃ ñatvā teparivaṭṭaṃ dhammadesanaṃ desento² **taṃ kiṃ maññasi Susima, rūpaṃ niccaṃ vā aniccaṃ vāti**-ādimāha. Teparivaṭṭadesanāvasāne pana thero arahattaṃ patto. Idānissa anuyogaṃ āropento **jātipaccayā jarāmaraṇanti Susima passasīti**-ādimāha. **Api pana tvaṃ Susimāti** idaṃ kasmā ārabhi? Nijjhānakānaṃ sukkhavipassakabhikkhūnaṃ pākaṭakaraṇattaṃ. Ayaṃ hettha adhippāyo—na kevalaṃ tvameva nijjhānako sukkhavipassako, etepi bhikkhū evarūpāyevāti. Sesaṃ sabbattha pākaṭamevāti. . Dasamaṃ.

Mahāvaggo sattamo.

1. Gahetum vā (Syā)

2. Dassento (Sī)

8. Samaṇabrāhmaṇavagga

1. Jarāmaraṇasuttādivaṇṇanā

71-72. Samaṇabrāhmaṇavagge jarāmaraṇādīsū ekekapadavasena ekekam katvā ekādasa suttāni vuttāni, tāni uttānatthānevāti.

Samaṇabrāhmaṇavaggo aṭṭhamo.

9. Antarapeyyāla

1. Sathusuttādivaṇṇanā

73. Ito param “Sathā pariyesitabbo”ti ādinayappavattā dvādasa antarapeyyālavaggā nāma honti, te sabbepi tathā tathā bujjhanakānaṃ veneyyapuggalānaṃ ajjhāsayaivasena vuttā. Tattha **sathā**ti Buddho vā hotu sāvako vā, yaṃ nissāya maggañāṇaṃ labhati, ayaṃ sathā nāma, so pariyesitabbo. **Sikkhā karaṇīyā**ti tividhāpi sikkhā kātubbā. Yogādīsū **yogoti** payogo. **Chandoti** kattukamyatākusalacchando. **Ussolī**ti sabbasahaṃ adhimattavīriyaṃ. **Appaṭivānī**ti anivattanā. **Ātappanti** kilesatāpanavīriyameva. **Sātaccanti** satatakiriyaṃ. **Satī**ti jarāmaraṇādivasena catusaccapariggāhikā sati. **Sampajaññanti** tādisameva ñāṇaṃ. **Appamādoti** saccabhāvanāya appamādo. Sesam sabbattha uttānamevāti.

Antarapeyyālo navamo.

Nidānasam̐yuttavaṇṇanā niṭṭhitā.

2. Abhisamayasaṃyutta

1. Nakhasikhāsuttavaṇṇanā

74. Abhisamayasaṃyuttassa¹ paṭhame **nakhasikhāyanti** maṃsaṭṭhānena vimutte nakhagge. Nakhasikhā ca nāma lokiyānaṃ mahatīpi hoti, Satthu pana rattuppalapattakoṭi viya sukhumā. Kathaṃ panettha paṃsu patiṭṭhitoti? Adhiṭṭhānabalena. Bhagavatā hi atthaṃ nāpetukāmena adhiṭṭhānabalena tattha patiṭṭhāpito. **Satimaṃ kalanti** mahāpathaviyā paṃsum satakoṭṭhāse katvā tato ekekoṭṭhāsaṃ. Paratopi eseva nayo. **Abhisametāvinoti** paññāya ariyasaccāni abhisamētvā ṭhitassa. **Purimaṃ dukkhakkhandhaṃ parikkhīṇaṃ pariyādiṇṇaṃ upanidhāyāti** etadeva bahutaraṃ dukkhaṃ, yadidaṃ parikkhīṇanti evaṃ paṭhamāṃ vuttaṃ dukkhakkhandhaṃ upanidhāya, nānena taṃ tassa santike thepetvā upaparikkhiyamāneti attho. Katamaṃ panettha purimadukkhaṃ nāma? Yaṃ parikkhīṇaṃ. Katamaṃ pana parikkhīṇaṃ? Yaṃ paṭhamamaggassa abhāvitattā uppajjeyya. Katamaṃ pana upanidhāya? Yaṃ sattasu attabhāvesu apāye aṭṭhamaṅca paṭisandhiṃ ādiṃ katvā yattha katthaci uppajjeyya, sabbaṃ taṃ parikkhīṇanti veditabbaṃ. **Sattakkhattunti** satta vāre, sattasu attabhāvesūti attho. **Paramatāti** idamassa paraṃ pamāṇanti² dasseti. **Mahatthiyoti** mahato atthassa nipphādako. . Paṭhamāṃ.

2. Pokkharāṇīsuttavaṇṇanā

75. Dutiye **pokkharāṇīti** vāpī. **Ubbedhenāti** gambhīratāya. **Samatittikāti** mukhavatṭisamā. **Kākapeyyāti** sakkā hoti tīre ṭhitena kākena pakatīyāpi mukhatuṇḍikaṃ otāretvā pātum. . Dutiyaṃ.

3. Saṃbhejja-udakasuttādivaṇṇanā

76-77. Tatiye **yatthimāti** yasmīṃ sambhijjaṭṭhāne imā. **Saṃsandandhīti** samāgantvā sandanti. **Samentīti** samāgacchanti. **Dve vāti vāti** dve vā tīṇi vā. **Udakaphusitānīti** udakabindūni. **Saṃbhejja-udakanti** aññāhi nadīhi saddhiṃ sambhinnaṭṭhāne udakaṃ. Catutthaṃ uttānatthameva. . Tatiyacatutthāni.

1. Abhisamayavaggassa (Sī, Syā)

2. Parimāṇanti (Sī)

5. Pathavīsuttādivaṇṇanā

78-84. Pañcame **mahāpathaviyā**ti cakkavāḷabbhantarāya mahāpathaviyā uddharitvā. **Kolaṭṭhimattiyoti** padaraṭṭhipamāṇā. **Gulīkā**ti mattikaguḷikā. **Upanikkhipeyyā**ti ekasmim̐ ṭhāne ṭhapeyya. Chaṭṭhādīsu vuttanayeneva attho veditabbo. Pariyosāne pana **aññatitthiyasamaṇabrāhmaṇaparibbājakānaṃ adhigamoti** bāhirakānaṃ sabbopi guṇādhigamo paṭhamamaggena adhigataguṇānaṃ satabhāgampi saḥassabhāgampi sataḥassabhāgampi na upagacchatīti. . Pañcamādīni.

Abhisamayasaṃyuttavaṇṇanā niṭṭhitā.

3. Dhātusamyutta

1. Nānattavagga

1. Dhātunānattasuttavaṇṇanā

85. Dhātusamyuttassa¹ paṭhame nissattaṭṭhasuññataṭṭhasaṅkhātena sabhāvaṭṭhena dhātūti laddhanāmānaṃ dhammānaṃ nānāsabhāvo **dhātunānattaṃ**. Cakkhudhātūti-ādīsu cakkhupasādo cakkhudhātu, rūpārammaṇaṃ rūpadhātu, cakkhupassadavatthukaṃ cittaṃ cakkhuviññādhātu. Sotapasādo sotadhātu, saddārammaṇaṃ saddadhātu, sotapasādavatthukaṃ cittaṃ sotaviññādhātu. Ghānapasādo ghānadhātu, gandhārammaṇaṃ gandhadhātu, ghānapasādavatthukaṃ cittaṃ ghānaviññādhātu. Jivhāpasādo jivhadhātu, rasārammaṇaṃ rasadhātu, jivhāpasādavatthukaṃ cittaṃ jivhāviññādhātu. Kāyapasādo kāyadhātu, phoṭṭhabbārammaṇaṃ phoṭṭhabbadhātu, kāyapasādavatthukaṃ cittaṃ kāyaviññādhātu. Tisso manodhātuyo manodhātu, vedanādayo tayo khandhā sukhumarūpāni nibbānañca dhammadhātu, sabbampi manoviññāṇaṃ manoviññādhātūti. Ettha ca soḷasa dhātuyo kāmāvacarā, avasāne dve catubhūmikāti. . Paṭhamāṃ.

2. Phassanānattasuttavaṇṇanā

86. Dutiye **uppajjati phassanānattanti** nānāsabhāvo phasso uppajjati. Tattha cakkhusamphassādayo cakkhuviññāṇādisampayuttā, manosamphasso manodvāre paṭhamajavanasampayutto, tasmā **manodhātuṃ paṭiccāti** manodvārāvajjanaṃ kiriyāmanoviññādhātuṃ paṭicca paṭhamajavanasamphasso uppajjatīti ayamettha attho. . Dutiyaṃ.

3. Nophassanānattasuttavaṇṇanā

87. Tatiye **no manosamphassaṃ paṭicca uppajjati manodhātūti** manodvāre paṭhamajavanasampayuttaṃ phassaṃ paṭicca āvajjanakiriyāmanoviññādhātu no uppajjatīti evamattho daṭṭhabbo. . Tatiyaṃ.

1. Nānattavaggassa (Syā, Ka)

4. Vedanānānattasuttavaṇṇanā

88. Catutthe **cakkhusamphassajā vedanā**ti sampañicchanamanodhātuto paṭṭhāya sabbāpi tasmim̐ dvāre vedanā vatteyyum̐, nibbattiphāsukattham̐¹ pana anantaram̐ sampañicchanavedanameva gahetum̐ vaṭṭatīti vuttam̐. **Manosamphassam̐ paṭicca**ti manodvāre āvajjanasamphassam̐ paṭicca paṭhamajavanavedanā, paṭhamajavanasamphassam̐ paṭicca dutiyajavanavedanāti ayamadhippāyo. . Catuttham̐.

5. Dutiyavedanānānattasuttavaṇṇanā

89. Pañcame tatiyacatutthesu vuttanayāva ekato katvā desitāti. Iti dutiyādīsū catūsū suttesu manodhātum̐ manodhātūti agahetvā manodvārāvajjanam̐ manodhātūti gahitam̐. Sabbāni cetāni tathā tathā kathite bujghanakānam̐ ajjhāsayena desitāni. Ito paresupi eseva nayo. . Pañcamaṃ.

6. Bāhiradhātunānattasuttavaṇṇanā

90. Chetṭhe pana pañca dhātuyo kāmāvacarā, dhammadhātu catubhūmikāti. . Chaṭṭham̐.

7. Saññānānattasuttavaṇṇanā

91. Sattame **rūpadhātūti** āpāthe patitam̐² attano vā parassa vā sātakaveṭhanādivatthukam̐ rūpārammaṇam̐. **Rūpasaññāti** cakkhuviññānasampayuttā saññā³. **Rūpasaṅkappoti** sampañicchanādīhi tīhi cittehi⁴ sampayutto saṅkappo. **Rūpacchandoti** rūpe chandikataṭṭhena chando. **Rūpapariḷāhoti** rūpe anuḍahanaṭṭhena pariḷāho. **Rūpapariyesanāti** pariḷāhe uppanne sandiṭṭhasambhatte gahetvā tassa rūpassa paṭilābhatthāya pariyesanā. Ettha ca saññāsaṅkappachandā ekajavanavārepi nānājavanavārepi labbhanti, pariḷāhapariyesanā pana nānājavanavāreyeva labbhantīti. **Evam̐ kho bhikkhave dhātunānattanti** ettha ca evam̐ rūpādinānāsabhāvam̐ dhātum̐ paṭicca rūpasaññādinānāsabhāvasaññā uppajjatīti iminā nayena attho veditabbo. . Sattamaṃ.

1. Nipphattiphāsukattham̐ (Sī)

3. Rūpasaññā (Syā)

2. Ṭhitam̐ (Sī, Syā)

4. Tīhi (Sī)

8. Nopariyesanānānattasuttavaṇṇanā

92. Aṭṭhame no dhammapariyesanaṃ paṭicca uppajjati dhammapariḷāhoti evaṃ āgataṃ paṭisedhamattameva nānaṃ. . Aṭṭhamam.

9. Bāhiraphassanānattasuttādivaṇṇanā

93-94. Navame uppajjati rūpasaññāti vuttappakāre ārammaṇe uppajjati saññā. **Rūpasaṅkappoti** tasmim̐ yeva ārammaṇe tīhi cittehi sampayuttasaṅkappo. **Rūpasamphassoti** tadevārammaṇaṃ phusamāno phasso. **Vedanāti** tadeva ārammaṇaṃ anubhavamānā vedanā. Chandādayo vuttanayāva. **Rūpalābhoti** pariyesitvā laddhaṃ saha taṇhāya ārammaṇaṃ “rūpalābho”ti vuttaṃ. Ayaṃ tāva sabbasaṅgāhikanayo ekasmiṃ yevārammaṇe sabbadhammānaṃ uppattivāsena vutto. Aparo āgantukārammaṇamissako hoti—rūpasaññā rūpasaṅkappo phasso vedanāti ime tāva cattāro dhammā dhuvaparibhoge nibaddhārammaṇe honti. Nibaddhārammaṇaṃ hi iṭṭhaṃ kantaṃ manāpaṃ piyaṃ yaṃkiñci viya upaṭṭhāti, āgantukārammaṇaṃ pana yaṃkiñci samānampi khobhetvā tiṭṭhati.

Tatridaṃ vatthu—eko kira amaccaputto gāmiyehi parivārito gāmamajjhe ṭhatvā kammaṃ karoti. Tasmicassa samaye upāsikā nadiṃ gantvā nhatvā alaṅkatapaṭiyattā dhātigaṇaparivutā gehaṃ gacchati. So dūrato disvā “āgantukamātugāmo bhavissati”ti saññaṃ uppādetvā “gaccha bhāṇe jānāhi, kā esā”ti purisaṃ peseti. So gantvā taṃ disvā paccāgato “kā esā”ti puṭṭho yathāsabhāvaṃ ārocesi. Evaṃ āgantukārammaṇaṃ khobheti. Tasmim̐ uppanno chando rūpacchando nāma, tadeva ārammaṇaṃ katvā uppanno pariḷāho rūpapariḷāho nāma, sahāye gaṇhitvā tassa pariyesanaṃ rūpapariyesanā nāma, pariyesitvā laddhaṃ saha taṇhāya ārammaṇaṃ rūpalābho nāma.

Uruvallyavāsī¹ Cūḷatissatthero panāha—“kiñcāpi Bhagavatā phassavedanā Pāḷiyā majjhe gahitā, Pāḷim̐ pana parivaṭṭetvā vuttappakāre ārammaṇe uppannā saññā rūpasaññā, tasmim̐yeva saṅkappo rūpasaṅkappo

1. Uruvelāyavāsī (Sī, Syā, Ka)

tasmiṃ chando rūpacchando, tasmiṃ pariḷāho rūpapariḷāho, tasmiṃ pariyesanā rūpapariyesanā, pariyesitvā laddhaṃ saha taṇhāya ārammaṇaṃ rūpalābho. Evaṃ laddhārammaṇe pana phusanaṃ phasso, anubhavanaṃ vedanā. Rūpasamphasso rūpasamphassajā vedanāti idaṃ dvayaṃ labbhatī”ti. Aparampi avibhūtavāraṃ nāma gaṇhanti. Ārammaṇaṃ hi sāṇipākārehi vā parikkhittaṃ tiṇapaṇṇādīhi vā paṭicchannaṃ hoti, taṃ “upaḍḍhaṃ diṭṭhaṃ me ārammaṇaṃ, suṭṭhu naṃ passissāmī”ti olokayato tasmiṃ ārammaṇe uppannā saññā rūpasaññā nāma, tasmiṃ yeva uppannā saṅkappādayo rūpasāṅkappādayo nāmāti veditabbā. Etthāpi ca saññāsaṅkappaphassavedanāchandā ekajavanavārepi nānājavanavārepi labbhanti, pariḷāhapariyesanālābhā nānājavanavāreyevāti. Dasamaṃ uttānamevāti. . Navamadasamāni.

Nānattavaggo paṭhamo.

2. Dutiyavagga

1. Sattadhātusuttavaṇṇanā

95. Dutiyavaggassa paṭhame **ābhādhātūti** ālokaadhātu. Ālokassapi ālokakasiṇe parikammaṃ katvā uppannajjhāssāpīti sahārammaṇassa jhānassa etaṃ nāmaṃ. **Subhadhātūti** subhakasiṇe uppannajjhānavasena sahārammaṇajjhānameva. Ākāsānañcāyatanameva **ākāsānañcāyatanadhātu**. Saññāvedayitanirodhova **saññāvedayitanirodhadhātu**. Iti Bhagavā anusandhikusalassa bhikkhuno tattha nisīditvā pañhaṃ pucchitukāmassa okāsaṃ dento desanaṃ niṭṭhāpesi.

Andhikāraṃ paṭiccāti andhakāro hi ālokena paricchinnō, ālokopi andhākārena. Andhakārena hi so pākaṭo hoti, tasmā “andhakāraṃ paṭicca paññāyati”ti āha. **Asubhaṃ paṭiccāti** etthāpi eseva nayo. Asubhaṃ hi subhena, subhañca asubhena paricchinnaṃ, asubhe sati subhaṃ paññāyati, tasmā evamāha. **Rūpaṃ paṭiccāti** rūpāvacarasamāpattim paṭicca. Rūpāvacarasamāpattiyā hi sati ākāsānañcāyatanasamāpatti

nāma hoti rūpasamatikkamo vā, tasmā evamāha. **Viññāṇaṅcāyatanadhātu-**ādīsupi eseva nayo. **Nirodham paṭiccāti** catunnaṃ khandhānaṃ paṭisaṅkhā-appavattiṃ paṭicca. Khandhanirodham hi paṭicca nirodhasamāpatti nāma saññāyati, na khandhapavattiṃ, tasmā evamāha. Ettha ca catunnaṃ khandhānaṃ nirodhova nirodhasamāpattīti veditabbo.

Katham samāpatti pattabbāti katham samāpattiyo kīdisā samāpattiyo nāma hutvā pattabbāti. **Saññāsamāpatti pattabbāti** saññāya atthibhāvena saññāsamāpattiyo saññāsamāpattiyo nāma hutvā pattabbā. **Saṅkhārāvasesasamāpatti pattabbāti** sukhumaṅkhārānaṃ avasiṭṭhatāya saṅkhārāvasesasamāpatti nāma hutvā pattabbā. **Nirodhasamāpatti pattabbāti** nirodhova nirodhasamāpatti noridhasamāpatti nāma hutvā pattabbāti attho. . Pathamaṃ.

2. Sanidānasuttavaṇṇanā

96. Dutiye **sanidānanti** bhāvanapūmsakametaṃ, sanidāno sapaccayo hutvā uppajjati attho. **Kāmadhātuṃ bhikkhave paṭiccāti** ettha kāmavitakkopi kāmadhātu kāmāvacaradhammāpi, visesato sabbākusalampi. Yathāha—

“Tattha katamā kāmadhātu? Kāmapaṭisaṃyutto takko vitakko saṅkappo appanā byappanā cetaso abhiniropānā micchasaṅkappo, ayaṃ vuccati kāmadhātu. Heṭṭhato Avīcinirayaṃ pariyantaṃ karitvā uparito Paranimmitavasavattī deve antokaritvā yaṃ etasmiṃ antare etthāvacarā etthapariyāpanā khandhadhātu-āyatanā rūpā vedanā saññā saṅkhārā viññāṇaṃ, ayaṃ vuccati kāmadhātu. Sabbepi akusalā dhammā kāmadhātū”ti¹.

Ettha sabbasaṅgāhikā asambhinnāti dve kathā honti. Katham? Kāmadhātuggahaṇena hi byāpādadhātuvihimsādhātuyo gahitā hontīti ayaṃ sabbasaṅgāhikā. Tāsaṃ pana dvinnaṃ dhātūnaṃ visuṃ āgatattā sesadhammā kāmadhātūti ayaṃ asambhinnakathā. Ayamidha gahetabbā. Imaṃ kāmadhātuṃ ārammaṇavasena vā sampayogavasena vā paṭicca kāmasaññā nāma uppajjati.

1. Abhi 2. 88 piṭṭhe.

kāmasaññaṃ paṭiccāti kāmasaññaṃ pana sampayogavasena vā upanissayavasena vā paṭicca kāmasaṅkappo nāma uppajjati. Iminā nayena sabbapadesu attho veditabbo. **Tīhi ṭhānehī**ti tīhi kāraṇehi. **Micchā paṭipajjati**ti ayāthāvapaṭipadaṃ aniyyānikapaṭipadaṃ paṭipajjati.

Byāpādadhātuṃ bhikkhaveli ettha byāpādavitakkopi byāpādadhātu byāpādopi. Yathāha—

“Tattha katamā byāpādadhātu? Byāpādapaṭisaṃyutto takko vitakko -pa-. Ayam vuccati byāpādadhātu. Dasasu āghātavatthūsu cittassa āghāto paṭivirodho kopo pakopo -pa- anattamanatā cittassa, ayam vuccati byāpādadhātū”¹.

Imaṃ byāpādadhātuṃ sahaḷātapaccayādivasena paṭicca byāpādasaññaṃ nāma uppajjati. Sesam purimanayeneva veditabbaṃ.

Vihimsādhātuṃ bhikkhaveli ettha vihimsāvitakkopi vihimsādhātu vihimsāpi. Yathāha—

“Tattha katamā vihimsādhātu? Vihimsāpaṭisaṃyutto takko vitakko -pa-. Ayam vuccati vihimsādhātu. Idhekacco pāṇinā vā leḍḍunā vā daṇḍena vā satthena vā rajjuyā vā aññataraññatarena vā satte viheṭheti. Yā evarūpā heṭhanā viheṭhanā himsanā vihimsanā rosanā parūpaghāto, ayam vuccati vihimsādhātū”¹.

Imaṃ vihimsādhātuṃ sahaḷātapaccayādivasena paṭicca vihimsāsaññaṃ nāma uppajjati. Sesamidhāpi purimanayeneva veditabbaṃ.

Tiṇadāyēti tiṇagahane araṇṇe. **Anayabyasananti** avuḍḍhim vināsaṃ. **Evameva khoti** sukkhatiṇadāyo viya ārammaṇaṃ daṭṭhabbaṃ, tiṇukkā viya akusalasaññaṃ, tiṇakaṭṭhanissitā pāṇā viya ime sattā. Yathā sukkhatiṇadāye ṭhapiyaṃ tiṇukkaṃ khippaṃ vāyāmitvā anibbāpentassa te pāṇā anayabyasaṇaṃ pāpuṇanti, evameva ye samaṇā vā brāhmaṇā

1. Abhi 2. 88 piṭṭhe.

vā uppannaṃ akusalasaññaṃ vikkhambhanatadaṅgasamucchedappahānehi nappajahanti, te dukkhaṃ viharanti.

Visamagatanti rāgavisamādīni anugataṃ akusalasaññaṃ. **Na khippameva pajahatīti** vikkhambhanādivasena sīghaṃ nappajahati. **Na vinodetīti** na nīharati. **Na byantikarotīti** bhaṅgamattampi anavasesento na vigatantaṃ karoti. **Na anabhāvaṃ gametīti** na anu-abhāvaṃ gameti. Evaṃ sabbapadesu na-kāro āharitabbo. **Pāṭikaṅkhāti** pāṭikaṅkhitabbā icchitabbā.

Nekkhammadhātuṃ bhikkhaveli ettha nekkhammavitakkopi nekkhammadhātu sabbepi kusalā dhammā. Yathāha—

“Tattha katamā nekkhammadhātu? Nekkhammapaṭisaṃyutto takko vitakko -pa- sammāsaṅkappo, ayaṃ vuccati nekkhammadhātu”¹.

Idhāpi duvidhā kathā. Nekkhammadhātuggahaṇena hi itarāpi dve dhātuyo gahaṇaṃ gacchanti kusaladhammapariyāpannattā, ayaṃ sabbasaṅgāhikā. Tā pana dhātuyo visum dīpetabbāti tā ṭhapetvā sesā sabbakusalā nekkhammadhātūti ayaṃ asambhinnā. Imaṃ nekkhammadhātuṃ sahaṃjātādipaccayavasena paṭicca nekkhammasañña nāma uppajjati, saññādīni paṭicca vitakkādayo yathānurūpaṃ.

Abyāpādadhātuṃ bhikkhaveli ettha abyāpādavitakkopi abyāpādadhātu abyāpādopi. Yathāha—

“Tattha katamā abyāpādadhātu? Abyāpādapaṭisaṃyutto takko -pa-. Ayaṃ vuccati abyāpādadhātu. Yā sattesu metti mettāyanā mettāyitattaṃ mettācetovimutti, ayaṃ vuccati abyāpādadhātu”².

Imaṃ abyāpādadhātuṃ paṭicca vuttanayeneva abyāpādasañña nāma uppajjati.

Avihimsādhātuṃ bhikkhaveli etthāpi avihimsāvitakkopi avihimsādhātu karuṇāpi. Yathāha—

1. Abhi 2. 88 piṭṭhe.

2. Abhi 2. 89 piṭṭhe.

“Tattha katamā avihimsādhātu? Avihimsāpaṭisaṃyutto takko -pa-
Ayaṃ vuccati avihimsādhātu. Yā sattesu karuṇā karuṇāyanā
karuṇāyitattaṃ karuṇācetovimutti, ayaṃ vuccati avihimsādhātu”¹.

Imaṃ avihimsādhātuṃ paṭicca vuttanayeneva avihimsāsaññā nāma
uppajjati. Sesam sabbattha vuttānusārenea veditabbaṃ. . Dutiyam.

3. Giṇṇakāvasathasuttavaṇṇanā

97. Tatiye **dhātuṃ bhikkhavi**ti ito paṭṭhāya ajjhāsayaṃ dhātūti dīpeti.
Uppajjati saññāti ajjhāsayaṃ paṭicca saññā uppajjati, diṭṭhi uppajjati,
vitakko uppajjati. Idhāpi “kaccāno pañham pucchissati”ti tassa
okāsadānattham ettāvātāva desanam niṭṭhāpesi. **Asammāsambuddhesūti**
chasu satthāresu. **Sammāsambuddhāti** mayamasma Sammāsambuddhāti.
Kim paṭicca paññāyatiti kismim sati hotiṭi Satthārānam uppannam diṭṭhim
pucchati. Asammāsambuddhesu tesu Sammāsambuddhā eteti evam
uppannam titthiyasāvakanampi diṭṭhim pucchatiyeva.

Idāni yasmā tesam avijjādhātuṃ paṭicca sā diṭṭhi hoti, avijjādhātu ca
nāma mahatī dhātu, tasmā mahatiṃ dhātuṃ paṭicca tassā uppattiṃ dīpento
mahatī kho esāti-ādimāha. **Hīnam kaccāna dhātuṃ paṭiccāti** hīnam
ajjhāsayaṃ paṭicca. **Paṇidhīti** cittaṭṭhapanam. Sā panesā itthibhāvaṃ vā
makkaṭāditiracchānabhāvaṃ vā patthentassa uppajjati. **Hīno puggaloti**
yassete hīnā dhammā uppajjanti, sabbo so puggalopi hīno nāma. **Hīnā vācāti**
yā tassa vācā, sāpi hīnā. **Hīnam ācikkhati**ti so ācikkhantopi hīnameva
ācikkhati, desetopi hīnameva desetīti sabbapadāni yojetabbāni. **Upapattīti**
dve upapattiyō paṭilābho ca nibbatti ca. Nibbatti hīnakulādivasena
veditabbā, paṭilābho cittuppādakkhaṇe hīnattikavasena. Katham? Tassa hi
pañcasu nīcakulesu uppajjanato hīnā nibbatti, vessasuddakulesu uppajjanato
majjhimā, khattiyabrāhmaṇakulesu uppajjanato paṇitā.
Dvādasākusalacittuppādānam pana

1. Abhi 2. 89 piṭṭhe.

paṭilābhato hīno paṭilābho, tebhūmakadhammānaṃ paṭilābhato majjhimo, navalokuttaradhammānaṃ paṭilābhato paṇīto. Imasmim̐ pana ṭhāne nibbattiyeva adhippetāti. . Tatiyaṃ.

4. Hīnādhimuttikasuttavaṇṇanā

98. Catutthe **saṃsandantī**ti ekato honti. **Samentī**ti samāgacchanti, nirantarā honti. **Hīnādhimuttikā**ti hīnajjhāsaya. **Kalyāṇādhimuttikā**ti kalyāṇajjhāsaya. . Catutthaṃ.

5. Caṅkamasuttavaṇṇanā

99. Pañcame **passatha noti** passatha nu. **Sabbe kho eteti** Sāriputtatthero Bhagavatā “etadaggaṃ bhikkhave mama sāvakaṇaṃ bhikkhūnaṃ mahāpaññaṇaṃ yadidaṃ Sāriputto”¹ mahāpaññesu etadagge ṭhapito. Iti naṃ “khandhantaraṃ dhātvantaraṃ āyatanantaraṃ satipaṭṭhānabodhipakkhiyadhammantaraṃ tilakkhaṇāhataṃ gambhīraṃ pañhaṃ pucchissāma”²ti mahāpaññaṇaṃ parivārenti. Sopi tesāṃ pathaviṃ pattharento viya Sinerupādato vālikaṃ uddharanto viya cakkāvālapabbataṃ bhindanto viya Sineruṃ ukkhipanto viya ākāsaṃ vitthārento viya candimasūriye utthārento viya ca pucchitapucchitaṃ katheti. Tena vuttaṃ “sabbe kho ete bhikkhave bhikkhū mahāpañña”³ti.

Mahāmoggallānopi Bhagavatā “etadaggaṃ bhikkhave mama sāvakaṇaṃ bhikkhūnaṃ iddhimantānaṃ yadidaṃ Mahāmoggallāno”¹ iddhimantesu etadagge ṭhapito. Iti naṃ “parikammaṃ ānisaṃsaṃ adhiṭṭhānaṃ vikubbanāṃ pucchissāma”²ti iddhimantova parivārenti. Sopi tesāṃ vuttanayeneva pucchitapucchitaṃ katheti. Tena vuttaṃ “sabbe kho ete bhikkhave bhikkhū mahiddhikā”³ti.

Mahākassapopi Bhagavatā “etadaggaṃ bhikkhave mama sāvakaṇaṃ bhikkhūnaṃ dhutavādānaṃ² yadidaṃ Mahākassapo”¹ dhutavādesu etadagge ṭhapito. Iti naṃ “chutaṅgaparihāraṃ ānisaṃsaṃ samodhānaṃ adhiṭṭhānaṃ bhedaṃ pucchissāma”³ti dhutavādāva³ parivārenti. Sopi tesāṃ tatheva pucchitapucchitaṃ byākaroti. Tena vuttaṃ “sabbe kho ete bhikkhave bhikkhū dhutavādā”³ti.

1. Am̐ 1. 23 piṭṭhe.

2. Dhutaṅgadharaṇaṃ (Ka)

3. Dhutadharāva (Sī)

Anuruddhattheropi Bhagavatā “etadaggaṃ bhikkhave mama sāvakānaṃ bhikkhūnaṃ dibbacakkhukānaṃ yadidaṃ Anuruddho”¹ti¹ dibbacakkhukesu etadagge ṭhapito. Iti naṃ “dibbacakkhussa parikammaṃ ānisaṃsaṃ upakkilesaṃ pucchissāmā”²ti dibbacakkhukāva parivārenti. Sopi tesāṃ tatheva pucchitapucchitaṃ katheti. Tena vuttaṃ “sabbe kho ete bhikkhave bhikkhū dibbacakkhukā”³ti.

Puṇṇattheropi Bhagavatā “etadaggaṃ bhikkhave mama sāvakānaṃ bhikkhūnaṃ dhammakathikānaṃ yadidaṃ Puṇṇo Mantāṇiputto”²ti² dhammakathikesu etadagge ṭhapito. Iti naṃ “dhammakathāya saṅkhepavittāragambhīruttānavicitrakathādīsū taṃ taṃ ākāraṃ pucchissāmā”³ti dhammakathikāva parivārenti. Sopi tesāṃ “āvuso dhammakathikena nāma ādito parisāṃ vaṇṇetum vaṭṭati, majjhe suññataṃ pakāsetum, ante catusaccavasena kūṭaṃ gaṇhitum”⁴ti evaṃ taṃ taṃ dhammakathānaṃ ācikkhati. Tena vuttaṃ “sabbe kho ete bhikkhave bhikkhū dhammakathikā”⁵ti.

Upālitttheropi Bhagavatā “etadaggaṃ bhikkhave mama sāvakānaṃ bhikkhūnaṃ vinayadharānaṃ yadidaṃ Upālī”³ti³ vinayadharesu etedagge ṭhapito. Iti naṃ “garukalahukaṃ satekiccha-atekicchaṃ āpattānāpattim pucchissāmā”⁴ti vinayadharāva parivārenti. Sopi tesāṃ pucchitapucchitaṃ tatheva katheti. Tena vuttaṃ “sabbe kho ete bhikkhave bhikkhū vinayadharā”⁵ti.

Ānandattheropi Bhagavatā “etedaggaṃ bhikkhave mama sāvakānaṃ bhikkhūnaṃ bahussutānaṃ yadidaṃ Ānando”³ti³ bahussutesu etedagge ṭhapito. Iti naṃ “dasavidhaṃ byañjanabuddhim aṭṭhuppattim anusandhim pubbāparaṃ pucchissāmā”⁴ti bahussutāva parivārenti. Sopi tesāṃ “idaṃ evaṃ vattabbaṃ, idaṃ evaṃ gahetabbaṃ”⁵ti sabbaṃ katheti. Tena vuttaṃ “sabbe kho ete bhikkhave bhikkhū bahussutā”⁶ti.

Devadatto pana pāpiccho icchāpakato, tena naṃ “kulasaṅgaṇhanaparihāraṃ nānappakāraṃ kohaññataṃ pucchissāmā”⁷ti⁷ pāpicchāva parivārenti. Sopi tesāṃ taṃ taṃ niyāmaṃ ācikkhati. Tena vuttaṃ “sabbe kho ete bhikkhave bhikkhū pāpicchā”⁸ti.

1. Am 1. 23 piṭṭhe.

2. Am 1. 24 piṭṭhe.

3. Am 1. 25 piṭṭhe.

Kasmā panete avidūre caṅkamim sūti. “Devadatto Satthari paduṭṭhacitto anattampi kātuṃ upakkameyyā”ti ārakkhaggahaṇattham. Atha Devadatto kasmā caṅkamīti. “Akārako ayaṃ, yadi kārako bhaveyya, na idha āgaccheyyā”ti attanā katadosapaṭicchādanattham. Kiṃ pana Devadatto Bhagavato anattam kātuṃ samattho, Bhagavato vā ārakkhakkiccam atthīti. Natthi. Tena vuttam “aṭṭhānametaṃ Ānanda anavakāso, yaṃ Tathāgato parūpakkamena parinibbāyeyyā”ti¹. Bhikkhū pana Satthari gāravena āgatā. Teneva Bhagavā evaṃ vatvā “vissajjehi Ānanda bhikkhusaṃghan”ti vissajjāpesi. . Pañcamam.

6. Sagāthāsuttavaṇṇanā

100. Chaṭṭhe **gūtho gūthena saṃsandati sametī**ti samuddantare janapadantare cakkavālantare ṭhitopi vaṇṇenapi gandhenapi rasenapi nānattam anupagacchanto saṃsandati sameti, ekasadisova hoti nirantaro². Sesesupi eseva nayo. Ayaṃ pana aniṭṭha-upamā hīnajjhāsayaṇam hīna-ajjhāsayaṇassa sarikkhabhāvadassanattam āhaṭā, khīrādivisiṭṭhopamā³ kalyāṇajjhāsayaṇam ajjhāsayaṇassa sarikkhabhāvadassanattam.

Saṃsaggāti dassanasavanasaṃsaggādivatthukena taṇhāsnehena. **Vanatho jātoti** kilesavanam jātam. **Asaṃsaggena chijjati**ti ekato ṭhānanisajjādini akarontassa asaṃsaggena adassanena chijjati. **Sādhujīvī**ti parisuddhajīvitam jīvamāno. **Sahāvaseti** sahavāsam vaseyya. . Chaṭṭham.

7. Assaddhasaṃsandanasuttavaṇṇanā

101. Sattame **assaddhā assaddhehī**ti-ādīsu Buddhhe vā dhamme vā saṃghe vā saddhāviraṇhitā nirojā nirasā puggalā⁴ samuddassa orimatīre ṭhitā pārīmatīrepi ṭhitehi assaddhehi saddhim tāya assaddhatāya ekasadisā nirantarā honti. Tathā ahirikā bhinnamariyādā alajjipuggalā ahirikehi, anottappino pāpakiriyāya abhāyamānā anottappīhi, appassutā sutaviraṇhitā appassutehi, kusīṭā

1. Vi 4. 355 piṭṭhe.

2. Ekasadiso ceva hoti nirantaro ca (Syā)

3. Khīrādivisiṭṭhopamā (Syā), saṅkhārānam iṭṭhopamā (Ka)

4. Nissārapuggalā (Syā)

ālasīyapuggalā kusītehi, muṭṭhassatino
 bhattanikkhittakākamaṃsanikkhittasiṅgālasadisā muṭṭhassatīti, duppaññā
 khandhādīparicchedikāya paññāya abhāvena nippaññā tādisēheva
 duppaññehi, saddhāsampannā cetiyavandanādīkiccapasutā saddhehi,
 hirimanā lajjipuggalā hirimanehi, ottappino pāpabhīrukā ottappīhi,
 bahussutā sutadharā āgamadharā tantipālakā vaṃsānurakkhakā bahussutehi,
 āraddhavīriyā paripuṇṇaparakkamā āraddhavīriyehi, upaṭṭhitassatī
 sabbakiccapariggāhikāya satiyā samannāgatā upaṭṭhitassatīhi, paññavanto
 mahāpaññehi vajirūpamaññehi paññavantehi saddhīm dūre ʘhitāpi tāya
 paññāsampattiyā saṃsandanti samenti. . Sattamaṃ.

8-12. Assaddhamūlakasuttādivaṇṇanā

102-106. Aṭṭhamādīni teyeva assaddhādīdhamme tikavasena katvā
 desitāni. Tattha aṭṭhame assaddhādīmūlakā kaṇhapakkhasukkapakkhavasena
 pañca tikā vuttā, navame ahīrikāmūlakā cattāro, dasame anottappamūlakā
 tayo, ekādasame appassutamūlakā dve, dvādasame kusītamūlako eko tiko
 vuttoti sabbepi pañcasu suttantesu pannarasa tikā honti. Pannarasa cete
 suttantātipi vadanti. Ayaṃ tikapeyyālo nāma. Aṭṭhamādīni.

Dutiyo vaggo.

3. Kammaṭṭhāvagga

1-2. Asamāhitasuttādivaṇṇanā

107-108. Ito paresu paṭṭhamaṃ assaddhādīpañcakavasena vuttam, tathā
 dutiyam. Paṭṭhame pana asamāhitapadam catuttham, dutiye dussīlapadam.
 Evaṃ vuccamāne bujjanakapuggalānam ajjhāsāyena hi etāni vuttāni. Ettha
asamāhitāti upacārappanāsamādhīrahitā. **Dussīlāti** nissīlā. .
 Paṭṭhamadutiyaṇi.

3-5. Pañcasikkhāpadasuttādivaṇṇanā

109-111. Tatiyaṃ pañcakammaṃpathavasena bujjhanakānaṃ ajjhāsayaṃvasena vuttaṃ, catutthaṃ sattaṃkammaṃpathavasena, pañcamaṃ dasakammaṃpathavasena. Tattha tatiye **surāmerayamajjappamādaṭṭhāyino**ti surāmerayasankhātāṃ majjāṃ yāya pamādacetanāya pivanti, sā “surāmerayamajjappamādo”ti vuccati, tasmim tiṭṭhantīti surāmerayamajjappamādaṭṭhāyino. Ayaṃ tāvettha asādhāraṇapadassa attho.

Pañcame pāṇaṃ atipātentīti **pāṇātipātino**, pāṇaghātikāti attho. Adinnaṃ ādiyantīti **adinnādāyino**, parassahārinoti attho. Vatthukāmesu kilesakāmena micchā carantīti **kāmesumicchācārino**. Musā vadantīti **musāvādino**, paresaṃ atthabhañjakaṃ tucchāṃ alikaṃ vācaṃ bhāsitaroti attho. Pisuṇā vācā etesanti **pisuṇavācā**. Mammachedikā pharusā vācā etesanti **pharusavācā**. Samphaṃ niratthakaṃ vacanaṃ palapantīti **samphappalāpino**. Abhijjhāyantīti **abhijjhāluno**, parabhaṇḍe lubbhanasīlāti attho. Byāpannaṃ pūtibhūtaṃ cittametesanti **byāpannacittā**. Micchā pāpikā viññugarahitā etesaṃ diṭṭhīti **micchādiṭṭhikā**, kammaṃpathapariyāpannāya “natthi dinnan”ti-ādivatthukāya micchattapariyāpannāya aniyyānikadiṭṭhiyā samannāgatāti attho. Sammā sobhanā viññūpasatthā etesaṃ diṭṭhīti **sammādiṭṭhikā**, kammaṃpathapariyāpannāya “atthi dinnan”ti-ādikāya kammaṃsakatadiṭṭhiyā sammattapariyāpannāya maggadiṭṭhiyā ca samannāgatāti attho. Idaṃ tāvettha anuttānānaṃ padānaṃ padavaṇṇanāmattaṃ.

Yo pana tesāṃ pāṇātipāto adinnādānaṃ kāmesumicchācāro musāvādo pisuṇavācā pharusavācā samhappalāpo abhijjhā byāpādo micchādiṭṭhīti kaṇhapakkhe dasavidho attho hoti, tattha pāṇassa atipāto **pāṇātipāto**, pāṇavadho pāṇaghātoti vuttaṃ hoti. **Pāṇoti** cettha vohārato satto, paramatthato jīvitindriyaṃ. Tasmim pana pāṇe pāṇasaññino jīvitindriyupachedaka-upakkamasamuṭṭhāpikā kāyavacīdvārānaṃ aññataradvārappavattā vadhakacetanā pāṇātipāto. So guṇavirahitesu tiracchānagatādisu pāṇesu khuddake pāṇe appasāvajjo, mahāsārīre mahāsāvajjo. Kasmā?

payogamahantatāya, payogasamattepi vatthumahantatāya. Guṇavantesu manussādīsu appagūṇe appasāvajjo, mahāguṇe mahāsāvajjo. Sarīraguṇānaṃ pana samabhāve sati kilesānaṃ upakkamānañca mudutāya appasāvajjo, tibbatāya mahāsāvajjoti veditabbo.

Tassa pañca sambhārā honti pāṇo, pāṇasaññitā, vadhakacittaṃ, upakkamo, tena maraṇanti. Cha payogā sāhatthiko, āṇattiko, nissaggiyo, thāvaro, vijjāmayo, iddhimayoti. Imasmim panatthe vitthāriyamāne atippapañco hoti, tasmā taṃ na vitthārayāma aññañca evarūpaṃ. Atthikehi pana Samantapāsādikaṃ Vinayaṭṭhakatham¹ oloketvā gahetabbo.

Adinnassa ādānaṃ **adinnādānaṃ**, parassaharaṇaṃ theyyaṃ corikāti vuttaṃ hoti. Tattha **adinnanti** parapariggahitaṃ, yattha paro yathākāmakāritaṃ āpajjanto adaṇḍāraho anupavajjo hoti. Tasmim pana parapariggahite parapariggahitasaññino tadādāyaka-upakkamasamuṭṭhāpikā theyyacetanā adinnādānaṃ. Taṃ hīne parasantake appasāvajjaṃ, paṇīte mahāsāvajjaṃ. Kasmā? Vatthupaṇītatāya. Vatthusamatte sati guṇādhikānaṃ santake vatthusmim mahāsāvajjaṃ, taṃ taṃ guṇādhikaṃ upādāya tato tato hīnaguṇassa santake vatthusmim appasāvajjaṃ.

Tassa pañca sambhārā honti parapariggahitaṃ, parapariggahitasaññitā, theyyacittaṃ, upakkamo, tena haraṇanti. Cha payogā sāhatthikādayova. Te ca kho yathānurūpaṃ theyyāvahāro, pasayhāvahāro, paṭicchannāvahāro, parikkappāvahāro, kusāvahāroti imesaṃ avahārānaṃ vasena pavattāti ayamettha saṅkhepo, vitthāro pana Samantapāsādikāyaṃ² vutto.

Kāmesumicchācāroti ettha pana **kāmesūti** methunasamācāresu. **Micchācāro**ti ekantanindito lāmakācāro. Lakkhaṇato pana asaddhammādhippāyena kāyadvārappavattā agamanīyaṭṭhānavītikkamacetanā kāmesumicchācāro. Tattha **agamanīyaṭṭhānaṃ** nāma purisānaṃ tāva māturakkhitā piturakkhitā mātāpiturakkhitā bhāturakkhitā bhaginirakkhitā

1. Vi-Ṭṭha 2. 39 piṭṭhe.

2. Vi-Ṭṭha 1. 263 piṭṭhe.

ñātirakkhitā gottarakkhitā dhammarakkhitā sārakkhā saporidaṇḍāti
māturakkhitādayo dasa, dhanakkītā chandavāsini bhogavāsini paṭavāsini
odapattakinī obhatacumbaṭā¹ dāsī ca bhariyā ca kammakārī ca bhariyā ca
dhajāhaṭā muhuttikāti etā dhanakkītādayo dasāti vīsati itthiyo. Itthīsu pana
dvinnam sārakkhasaparidaṇḍanam, dasannañca dhanakkītādinanti
dvādasannam itthīnam aññe purisā. Idam agamanīyaṭṭhānam nāma. So
panesa micchācāro sīlādiguṇarahite agamanīyaṭṭhāne appasāvajjo,
sīlādiguṇasampanne mahāsāvajjo. Tassa cattāro sambhārā—
agamanīyavattu, tasmim sevanacittam, sevanappayogo,
maggenamaggapaṭipatti-adhivāsananti. Eko payogo sāhatthiko eva.

Musāti visamvādanapurekkhārassa atthabhañjanako vacīpayogo
kāyappayogo vā, visamvādanādhippāyena panassa²
paravisamvādanakāyavacīpayogasamuṭṭhāpikā cetanā musāvādo. Aparo
nayo—**musāti** abhūtam ataccham vattu. **Vādoti** tassa bhūtato tacchato
viññāpanam. Lakkhaṇato pana atatham vatthum tathato param
viññāpetukāmassa tathāviññattisamuṭṭhāpikā cetanā musāvādo. So
yamattham bhañjati, tassa appatāya appasāvajjo, mahantatāya mahāsāvajjo.
Apica gahaṭṭhānam attano santakam adātukāmatāya natthīti-ādinayappavatto
appasāvajjo, sakkhinā hutvā atthabhañjanattham vutto mahāsāvajjo.
Pabbajitānam appakampi telam vā sappim vā labhitvā hasādhippāyena “ajja
gāme telam nadī maññe sandatī”ti pūraṇakathāyena pavatto appasāvajjo,
adiṭṭhamyeva pana “diṭṭhan”ti-ādinā nayena vadantānam mahāsāvajjo. Tassa
cattāro sambhārā hontī—atatham vattu, visamvādanacittam, tajjo vāyāmo,
parassa tadatthavijānananti. Eko payogo sāhatthikova. So kāyena vā
kāyapaṭibaddhena vā vācāya vā paravisamvādakakiriyākaṇe daṭṭhabbo.
Tāya ce kiriyāya paro tamattham jānāti, ayam
kiriyāsamuṭṭhāpikacetanākkhaṇeyeva musāvādakammunā bajjhati.

Pisuṇavācāti-ādīsu yāya vācāya, yassa tam vācam³ bhāsati, tassa
hadaye attano piyabhāvam, parassa ca suññabhāvam karoti, sā

1. Obhatacumbitā (Syā)

2. Parassa (Syā)

3. Parassa vācam (Sī, Syā, Ka)

pisuṇavācā. Yāya pana attānampi parampi pharusam karoti, yā vācā sayampi pharusā, neva kaṇṇasukhā na hadayaṅgamā¹, ayaṃ **pharusavācā.** Yena pana samphaṃ palapati niraṭṭhakaṃ, so **samphappalāpo.** Tesam mūlabhūtā cetanāpi pisuṇavācādināmameva labhati. Sā eva ca idha adhippetāti.

Tattha saṃkiliṭṭhacittassa paresam vā bhedaḍḍaya, attano piyakamyatāya vā kāyavacīpayogasamuṭṭhāpikā cetanā pisuṇavācā. Sā yassa bhedaṃ karoti, tassa appaṇṇatāya appasāvajjā, mahāḅṇatāya mahāsāvajjā. Tassā cattāro sambhārā—bhinditabbo paro, iti ime nānā bhavissanti, vinā bhavissanti bhedapurekkhārātā, iti ahaṃ piyo bhavissāmi vissāsikoti piyakamyatā vā, tajjo vāyāmo, tassa tadatthaviḅḅanananti.

Parassa mammacchedakakāyavacīpayogasamuṭṭhāpikā ekantapharusacetanā pharusavācā. Tassā āvibhāvatthamidaṃ vatthu—eko kira dārako mātu vacanaṃ anādiyitvā araṅṅaṃ gacchati. Mātā taṃ nivattetuṃ asakkoti “caṇḍā taṃ mahimsī anubandhatū”ti akkosi. Athassa tatheva araṅṅe mahimsī uṭṭhāsi. Dārako “yaṃ mama mātā mukhena kathesi, taṃ mā hotu, yaṃ cittaena cintesi, taṃ hotū”ti saccakiriyaṃ akāsi. Mahimsī tatheva baddhā viya aṭṭhāsi. Evaṃ mammacchedakopi payogo² cittasaṅḅatāya pharusavācā na hoti. Mātāpitaro hi kadāci puttake evaṃ vadanti “corā vo khaṇḍākhāṇḍikaṃ karontū”ti, uppalapattampi ca nesaṃ upari patantaṃ na icchanti. Ācariyupajjhāyā ca kadāci nissitake evaṃ vadanti “kiṃ ime ahirikā anottappino caranti³, niddhamatha ne”ti, atha ca nesaṃ āgamādhigamasampattiṃ icchanti. Yathā ca cittasaṅḅatāya pharusavācā na hoti, evaṃ vacanasāṅḅatāya aphaṇṇavācāpi na hoti. Na hi mārāpetukāmassa “imaṃ sukhaṃ sayāpethā”ti vacanaṃ aphaṇṇavācā hoti, cittapharusatāya panesā pharusavācāva. Sā yaṃ sandhāya pavattitā, tassa appaṇṇatāya appasāvajjā, mahāḅṇatāya mahāsāvajjā. Tassā tayo sambhārā—akkositaḅḅo paro, kupitacittaṃ, akkosanāti.

1. Na hadayasukhā vācā (Syā), na hadayasukhā vā (Ma-Ṭṭha 1. 203 piṭṭhe)

2. Vacīpayogo (Syā)

3. Vadanti (Syā)

Anatthaviññāpikā kāyavacīpayogasamuṭṭhāpikā akusalacetanā samphappalāpo. So āsevanamandatāya appasāvajjo, āsevanamahantatāya mahāsāvajjo. Tassa dve sambhārā—
bhāratayuddhasītāharaṇādiniratthakakathāpurekkhārātā,
tathārūpīkathākathanañcāti.

Abhijjhāyatīti **abhijjhā**. Parabhaṇḍābhimukhī hutvā tanninnatāya pavattatīti attho. Sā “aho vata idaṃ mamassā”ti evaṃ parabhaṇḍābhijjhāyanalakkhaṇā. Adinnādānaṃ viya appasāvajjā mahāsāvajjā ca. Tassā dve sambhārā—parabhaṇḍaṃ attano pariṇāmanañca. Parabhaṇḍavatthuke hi lobhe uppannepi na tāva kammaṭṭhabhedo hoti, yāva na “aho vatidaṃ mamassā”ti attano pariṇāmetīti.

Hitasukhaṃ byāpādayatīti **byāpādo**. So paravināsāya manopadosalakkhaṇo. Pharusavācā viya appasāvajjo mahāsāvajjo ca. Tassa dve sambhārā—parasatto ca, tassa ca vināsacintā. Parasattavatthuke hi kodhe uppannepi na tāva kammaṭṭhabhedo hoti, yāva na “aho vatāyaṃ ucchijjeyya vinasseyyā”ti tassa vināsaṃ cinteti.

Yathābhuccagahaṇābhāvena micchā passatīti **micchādīṭṭhi**. Sā “natthi dinnan”ti-ādinā nayena viparītadassanalakkhaṇā. Samphappalāpo viya appasāvajjā mahāsāvajjā ca. Api ca aniyatā appasāvajjā, niyatā mahāsāvajjā. Tassā dve sambhārā—vatthuno ca gahitākāraviparītātā, yathā ca naṃ gaṇhāti, tathābhāvena tassā upaṭṭhānanti.

Imesaṃ pana dasannaṃ akusalakammaṭṭhānaṃ dhammato koṭṭhāsato ārammaṇato vedanāto mūlatoti pañcahākārehi vinicchayo veditabbo. Tattha **dhammatoti** etesu hi paṭipāṭiyā satta cetanādhammāva honti, abhijjhādayo tisso cetanāsampayuttā. **Koṭṭhāsato**ti paṭipāṭiyā satta, micchādīṭṭhi cāti ime aṭṭha kammaṭṭhā eva honti, no mūlāni, abhijjhābyāpādā kammaṭṭhā ceva mūlāni ca. Abhijjhā hi mūlaṃ patvā lobho akusalamūlaṃ hoti, byāpādo doso akusalamūlaṃ.

Ārammaṇatoti paṇātipāto jīvitindriyārammaṇato saṅkhārārammaṇo hoti, adinnādānaṃ sattārammaṇaṃ vā saṅkhārārammaṇaṃ vā, micchācāro

phoṭṭhabbavasena saṅkhārārammaṇova, sattārammaṇotipi eke. Musāvādo sattārammaṇo vā saṅkhārārammaṇo vā, tathā piṣuṇavācā. Pharusavācā sattārammaṇāva. Samphappalāpo diṭṭhasutamutaviññātavasena sattārammaṇo vā saṅkhārārammaṇo vā, tathā abhiṃjhā. Byāpādo sattārammaṇova. Micchādiṭṭhi tebhūmakadhammasavasena saṅkhārārammaṇā.

Vedanātoti pāṇātipāto dukkhavedano hoti. Kiñcāpi hi rājāno coraṃ disvā hasamānāpi “gacchatha naṃ ghāthethā”ti vadanti, sanniṭṭhāpakacetanā pana nesam dukkhasampayuttāva hoti. Adinnādānaṃ tivedanaṃ, micchācāro sukhamajjhattavasena dvivedano, sanniṭṭhāpakacitte pana majjhattavedano na hoti. Musāvādo tivedano, tathā piṣuṇavācā. Pharusavācā dukkhavedanā, samphappalāpo tivedano, abhiṃjhā sukhamajjhattavasena dvivedanā, tathā micchādiṭṭhi. Byāpādo dukkhavedano.

Mūlatoti pāṇātipāto dosamohavasena dvimūlako hoti, adinnādānaṃ dosamohavasena vā lobhamohavasena vā, micchācāro lobhamohavasena. Musāvādo dosamohavasena vā lobhamohavasena vā, tathā piṣuṇavācā samphappalāpo ca. Pharusavācā dosamohavasena, abhiṃjhā mohavasena ekamūlā, tathā byāpādo. Micchādiṭṭhi lobhamohavasena dvimūlāti.

Pāṇātipātā paṭiviratāti-ādīsu pāṇātipātādayo vuttattā eva. Yāya pana viratiyā ete¹ paṭiviratā nāma honti, sā bhedato tividdhā hoti sampattavirati samādānavirati samucchadaviratīti. Tattha asamādinnaṃ sikkhāpadānaṃ attano jātivayabāhusaccādāni paccavekkhitvā “ayuttaṃ amhākaṃ evarūpaṃ kātun”ti sampattaṃ vatthum avitikkamantānaṃ uppajjamānā virati **sampattaviratīti** veditabbā Sīhaḷadīpe **Cakkana-upāsakassa** viya. Tassa kira daharakāleyeva mātu rogo uppajji. Vejjena ca “allasasakamaṃsam laddhum vaṭṭatī”ti vuttaṃ. Tato Cakkanaṃ bhātā “gaccha tāta khettaṃ āhiṇḍāhi”ti Cakkanaṃ pesesi. So tattha gato. Tasmīṃca samaye eko saso taruṇasassaṃ khādītum āgato hoti. So taṃ disvā vegena dhāvanto vallyā baddho “kiri kirī”ti

1. Etehi (Sī)

saddamakāsi. Cakkano tena saddena gantvā taṃ gahetvā cintesi “mātu bhesajjaṃ karomī”ti. Puna cintesi “na metaṃ patirūpaṃ, yvāhaṃ mātu jīvitakāraṇā param jīvitā voropeyyan”ti. Atha naṃ “gaccha araṇṇe sasehi saddhiṃ tiṇodakaṃ paribhuñjā”ti muñci¹. Bhātarā ca “kiṃ tāta saso laddho”ti pucchito taṃ pavattiṃ ācikkhi. Tato naṃ bhātā paribhāsi. So mātu santikaṃ gantvā “yatohaṃ jāto, nābhijānāmi sañcicca paṇaṃ jīvitā voropetā”ti saccaṃ vatvā aṭṭhāsi, tāvadeva cassa mātā aroga ahoṣi.

Samādinnaṣikkhāpadānaṃ pana sikkhāpadasamādāne ca tatuttari²ca attano jīvitaṃ pariccajitvā vatthum avitikkamantānaṃ uppajjamānā virati **samādānaviratī**ti veditabbā Uttara³vaḍḍhamānapabbatavāsī-upāsakassa viya. So kira Ambariyavihāravāsīpiṅgalabuddharakkhitattherassa santike sikkhāpadāni gahetvā khettaṃ kasati. Athassa goṇo naṭṭho, so taṃ gavesanto Uttara³vaḍḍhamānapabbataṃ āruhi, tatra naṃ mahāsappo aggahesi. So cintesi “imāya tikhiṇāya vāsiyā sīsaṃ chindāmī”ti. Puna cintesi “na metaṃ patirūpaṃ, yvāhaṃ bhāvanīyassa garuno santike sikkhāpadaṃ gahetvā bhindeyyan”ti. Evaṃ yāvatatiyaṃ cintetvā “jīvitaṃ pariccajāmi, na sikkhāpadaṃ”ti aṃse ṭhapitaṃ tikhiṇadaṇḍavāsīṃ araṇṇe chaḍḍesi. Tāvadeva mahāvālo naṃ muñcivā agamāsīti.

Ariyamaggasampayuttā pana virati **samucchedaviratī**ti veditabbā, yassā uppattito pabhuti paṇaṃ ghāteṣṣāmīti ariyapuggalānaṃ cittampi na uppajjatīti.

Yathā ca akusalānaṃ, evaṃ imesampi kusalakammaṭṭhānaṃ dhammato koṭṭhāsato ārammaṇato vedanāto mūlatoti pañcahākārehi vinicchayo veditabbo. Tattha **dhammatoti** etesu hi paṭipāṭiyā satta cetanāpi vaṭṭanti viratīyopi, ante tayo cetanāsampayuttāva.

Koṭṭhāsatoti paṭipāṭiyā satta kammaṭṭhā eva, na mūlāni, ante tayo kammaṭṭhā ceva mūlāni ca. Anabhijjhā hi mūlaṃ⁴ patvā

1. Paribhuñjāhīti muñcivā gehamāgato (Sī)

2. Tatuttarim (Sī), taduttarim (Syā)

3. Antara... (Sī, Ka)

4. Kammaṭṭhaṃ (Syā, Ka)

alobho kusalamūlaṃ hoti, abyāpādo adoso kusalamūlaṃ, sammādiṭṭhi amoho kusalamūlaṃ.

Ārammaṇatoti paṇātipātādīnaṃ ārammaṇāneva etesaṃ ārammaṇāni. Vītikkamitabbavatthutoyeva hi virati nāma hoti. Yathā pana nibbānārammaṇo ariyamaggo kilese pajahati, evaṃ jīvitindriyādi-ārammaṇāpete kammaṇāpāthā paṇātipātādīni dussīlyāni pajahantīti veditabbā.

Vedanātoti sabbe sukhavedanā vā honti majjhattavedanā vā. Kusalaṃ patvā hi dukkhavedanā nāma natthi.

Mūlatoti paṭipāṭiyā satta ñāṇasampayuttacittena viramantassa alobha-adosa-amohavasena timūlā honti, ñāṇavippayuttacittena viramantassa dvimūlā. Anabhijjhā ñāṇasampayuttacittena viramantassa dvimūlā hoti, ñāṇavippayuttacittena ekamūlā. Alobho pana attanāva attano mūlaṃ na hoti. Abyāpādepi eseva nayo. Sammādiṭṭhi alobha-adosavasena dvimulāvātī. . Tatiyādīni.

6. Aṭṭhaṅgikasuttavaṇṇanā

112. Chaṭṭhaṃ aṭṭhamaggaṅgavasena bujjanakānaṃ ajjhāsayasavasena vuttaṃ. . Chaṭṭhaṃ.

7. Dasāṅgasuttavaṇṇanā

113. Sattamaṃ dasamicchattasammattavasena. Tattha **micchāñāṇinoti** micchāpaccavekkhaṇena¹ samannāgatāti attho. **Micchāvimuttinoti** aniyyānikavimuttino kusalavimuttīti² gahetvā ṭhitā. **Sammāñāṇinoti** sammāpaccavekkhaṇā. **Sammāvimuttinoti** niyyānikāya phalavimuttiyā samannāgatāti. . Sattamaṃ.

Kammaṇāpāthavaggo tatiyo.

1. Micchāvīññāṇā micchāpaccavekkhaṇena (Sī)

2. Akusalaṃ vimuttīti (Sī, Syā) Ṭṭikā passitabbā.

4. Catutthavagga

1. Catudhāsusuttavaṇṇanā

114. Catutthavagassa paṭhame **pathavīdhātūti** paṭiṭṭhādhatu. **Āpodhātūti** ābandhanadhātu. **Tejodhātūti** paripācanadhātu¹. **Vāyodhātūti** vitthambhanadhātu². Ayamettha saṅkhepo, vitthārato pana vīsatikoṭṭhāsādivasena etā kathetabbā. . Paṭhamam.

2. Pubbesambodhasuttavaṇṇanā

115. Dutiye **ayam pathavīdhātuyā assādoti** ayam pathavīdhātunissayo assādo. Svāyam kāyam abhunnāmetvā udaram pasāretvā “idha me aṅgulaṃ pavesitum vāyamathā”ti vā hattham pasāretvā “imam nāmetum vāyamathā”ti vā vadati, evam pavattānam vasena veditabbo. **Aniccāti**-ādīsu hutvā abhāvākārena aniccā, paṭipīlanākārena dukkhā, sabhāvavigamākārena vipariṇāmadhammā. **Ayam pathavīdhātuyā ādīnavoti** yena ākārena sā aniccā dukkhā vipariṇāmadhammā, ayamākāro pathavīdhātuyā ādīnavoti attho. **Chandarāgavinayo chandarāgappahānanti** nibbānam āgamma pathavīdhātuyā chandarāgo vinīyati ceva pahīyati ca, tasmā nibbānamassā nissaraṇam.

Ayam āpodhātuyā assādoti ayam āpodhātunissayo assādo. Svāyam aññam āpodhātuyā upaddutam disvā “kim ayam nipannakālato paṭṭhāya passāvaṭṭhānābhimukho nikkhamati ceva pavisati ca, appamattakampissa kammaṃ karontassa sedatintam vattham³ piḷetabbatākāram pāpuṇāti, anumodanamattampi kathentassa tālavaṇṇam⁴ gaṇhitabbam hoti, mayam pana sāyam nipannā pātova utṭhahāma, māsapuṇṇaghaṭo⁵ viya no sarīram, mahākammaṃ karontānam sedamattampi no na uppajjati, asanisaddena viya dhammam kathentānam sarīre usumākāramattampi no natthī”ti evam pavattānam vasena veditabbo.

1. Paripācanīyadhātu (Sī)

2. Upatthambhadhātu (Syā)

3. Sede sati tam vatthampi (Syā)

4. Tālavaṇṇam (Sī)

5. Sampuṇṇaghaṭo (Sī)

Ayaṃ tejodhātuyā assādoti ayaṃ tejodhātunissayo assādo. Svāyaṃ sītagaḥaṇike disvā “kiṃ ime kiñcideva yāgubhattakhajjamattaṃ ajjhoharivā thaddhakucchino nisīditvā sabbarattim āṅārakaṭāhaṃ pariyesanti, phusitamattesupi sarīre patitesu āṅārakaṭāhaṃ ottharivā¹ pārupitvāva nipajjanti, mayaṃ pana atithaddhampi maṃsaṃ vā pūvaṃ vā khādāma, kucchipūraṃ bhattaṃ bhuñjāma, tāvadeva no sabbaṃ pheṇapiṇḍo² viya vilīyati, sattāhavaddalikāya³ vattamānāya sarīre sītānudahanamattampi⁴ no natthi”ti evaṃ pavattānaṃ vasena veditabbo.

Ayaṃ vāyodhātuyā assādoti ayaṃ vāyodhātunissayo assādo. Svāyaṃ aññe vātabhīruke disvā “imesaṃ appamattakampi kammaṃ karontānaṃ anumodanamattampi kathentānaṃ sarīraṃ vāto vijjhati, gāvutamattampi addhānaṃ gatānaṃ hatthapādā sīdanti, piṭṭhi rujjati, kucchivātasīsavātakappaṇavātādīhi niccupaddutā telaphaṇitādīni vātabhesajjāneva karontā atināmenti, amhākaṃ pana mahākammaṃ karontānampi tiyāmarattim dhammaṃ kathentānampi ekadivaseneva dasa yojanāni gacchantānampi hatthapādasamsīdanamattaṃ vā piṭṭhirujjanamattaṃ vā na hoti”ti evaṃ pavattānaṃ vasena veditabbo. Evaṃ pavattā hi etā dhātuyo assādentī nāma.

Abbhaññāsinti abhivisiṭṭhena ñāṇena aññāsīm. **Anuttaraṃ sammāsambodhinti** uttaravirahitaṃ sabbasetṭhaṃ sammā sāmañca bodhim, atha vā pasatthaṃ sundarañca bodhim. **Bodhīti** rukkhopi maggopi sabbaññutaññānampi nibbānampi. “Bodhirukkhamūle paṭhamābhisambuddho”ti⁵ ca “antarā ca bodhim antarā ca gayan”ti⁶ ca āgataṭṭhānesu hi rukkho bodhīti vuccati. “Bodhi vuccati catūsu maggesu ñāṇan”ti⁷ āgataṭṭhāne maggo. “Pappoti bodhim varabhūrimedhaso”ti⁸ āgataṭṭhāne sabbaññutaññānaṃ. “Patvāna bodhim amataṃ asaṅkhatan”ti āgataṭṭhāne nibbānaṃ. Idha pana Bhagavato arahattamaggo adhippeto.

1. Otaritvā (Sī)

3. Sattāhavaddhalikāya (Syā)

5. Vi 3. 1; Khu 1. 77 piṭṭhesu.

7. Khu 8. 231 piṭṭhe Cūlaniddese.

2. Kheḷapiṇḍo (Sī), pheṇupiṇḍo (Syā)

4. Sītamattampi (Sī)

6. Vi 3. 11; Ma 1. 227 piṭṭhesu.

8. Dī 3. 129 piṭṭhe.

Sāvakaṇaṃ arahattamaggo anuttarā bodhi hoti, na hotīti? Na hoti. Kasmā? Asabbaguṇadāyakattā. Tesāṃ hi kassaci arahattamaggo arahattaphalameva deti, kassaci tisso vijjā, kassaci cha abhiññā, kassaci catasso paṭisambhidā, kassaci sāvakaṇāraṇaṃ. Paccekabuddhānampi paccekabodhiññameva deti. Buddhānaṃ pana sabbaguṇasampattiṃ deti abhiseko viya rañño sabbalokissariyabhāvaṃ. Tasmā aññassa kassacipi anuttarā bodhi na hoti.

Abhisambuddhoti¹ paccaññāsinti “abhisambuddho ahaṃ patto² paṭivijjhivā ṭhito”ti evaṃ paṭijānīm. **Ñāṇaṇca pana me dassanaṃ udapāḍīti** adhigataguṇadassanasamatthaṃ paccavekkhaṇaññāṇaṇca me udapāḍī. **Akuppā me vimuttīti** “ayaṃ mayhaṃ arahattaphalavimutti akuppā”ti evaṃ ñāṇaṃ udapāḍī. Tattha dvīhākārehi akuppatā veditabbā kāraṇato ca ārammaṇato ca. Sā hi catūhi maggehi samucchinnakilesānaṃ puna anivattanatāya kāraṇatopi akuppā, akuppadhammaṃ nibbānaṃ ārammaṇaṃ katvā pavattatāya ārammaṇatopi akuppā. **Antimāti** pacchimā. **Natthi dāni punabbhavoti** idāni puna añño bhavo nāma natthīti.

Imasmiṃ sutte cattāri saccāni kathitāni. Kathaṃ? Catūsu hi dhātūsu assādo samudayasaccaṃ, ādīnavo dukkhasaccaṃ, nissaraṇaṃ nirodhasaccaṃ, nirodhappajānana maggo maggasaccaṃ. Vitthāravasenapi kathetuṃ vaṭṭatiyeva. Ettha hi yaṃ pathavīdhātuṃ paṭicca uppajjati sukhaṃ somanassaṃ, ayaṃ pathavīdhātuyā assādoti mahānapaṭivedho samudayasaccaṃ. Yā pathavīdhātu aniccā dukkhā vipariṇāmadhammā, ayaṃ pathavīdhātuyā ādīnavoti pariññāpaṭivedho dukkhasaccaṃ. Yo pathavīdhātuyā chandarāgavinayo chandarāgappahānaṃ, idaṃ pathavīdhātuyā nissaraṇanti sacchikiriyāpaṭivedho nirodhasaccaṃ. Yā imesu tīsu ṭhānesu diṭṭhi saṅkappo vācā kammanto ājīvo vāyāmo sati samādhi, ayaṃ³ bhāvanāpaṭivedho maggasaccanti. . Dutiyaṃ.

3. Acariṃsuttavaṇṇanā

116. Tatiye **acarinti** ñāṇacārena acariṃ, anubhavanacārenāti attho. **Yāvatāti** yattako. . Tatiyaṃ.

1. Abhisambuddho (Sī, Syā)

2. Abhisampatto (Sī)

3. Ayaṃ maggoti (Sī)

4. Nocaḍāṃsuttavaṇṇanā

117. Catutthe **nissaṭṭā**ti-ādīni ādito vutapaṭisedhena yojetvā “na nissaṭṭā, na viśaṃyuttā, na vippamuttā, na vimariyādikatena cetasā vihariṃsū”ti evaṃ veditabbāni. Dutiyānaye **vimariyādikatenā**ti nimmariyādikatena¹. Tattha duvidhā mariyādā kilesamariyādā vaṭṭamariyādāti. Tattha ca yassa upaḍḍhā kilesā pahīnā, upaḍḍhā appahīnā, vaṭṭaṃ vā pana upaḍḍhaṃ pahīnaṃ, upaḍḍhaṃ appahīnaṃ, tassa cittaṃ pahīnakilese vā vaṭṭaṃ vā sandhāya vimariyādikataṃ, appahīnakilese vā vaṭṭaṃ vā sandhāya na vimariyādikataṃ. Idha pana ubhayassāpi pahīnattā “vimariyādikatena cetasā”ti vuttaṃ, mariyādaṃ akatvā ṭhiteṇa atikkantamariyādena cetasāti attho. Iti tīsupi imesu suttasu catusaccameva kathitaṃ. . Catutthaṃ.

5. Ekantaḍukkhasuttavaṇṇanā

118. Pañcame **ekantaḍukkā**ti atikkamitvā ṭhitassa tattakāro² viya ekanteneva ḍukkā. **ḍukkānupaṭitā**ti ḍukkheṇa anupaṭitā. **ḍukkāvakkantā**ti ḍukkheṇa okkantā otiṇṇā. **Sukkā**ti sukhavedanāya paccayabhūtā. Evaṃ sabbattha attho veditabbo. Imasmiṃ sutte ḍukkhalakkhaṇaṃ kathitaṃ. . Pañcamaṃ.

6-10. Abhinandasuttādivaṇṇanā

119-123. Chaṭṭhasattamesu vivaṭṭaṃ, avasāne tīsu catusaccamevāti. . Chaṭṭhādīni.

Catuttho vaggo.

Dhātusaṃyuttavaṇṇanā niṭṭhitā.

1. Nimmariyādena katena (Sī, Syā)

2. Vītassa suttabhāro (Sī), vītassa tantabhāvo (Syā)

4. Anamataggasaṃyutta

1. Paṭhamavagga

1. Tiṇakatṭhasuttavaṇṇanā

124. Anamataggasaṃyuttassa paṭhame **anamataggoti** anu amataggo, vassasataṃ vassasahassaṃ ñāṇena anugantvāpi amataggo aviditaggo, nāssa sakkā ito vā etto vā aggaṃ jānitum, aparicchinnapubbāparakoṭīkoti attho. **Saṃsāroti** khandhādīnaṃ avicchinnappavattā paṭipāṭi. **Pubbā koṭi na paññāyatī** purimamariyādā na dissati. Yadaggena cassa purimā koṭi na paññāyati, pacchimāpi tadaggeneva na paññāyati, vemajjheyeva pana sattā saṃsaranti¹. **Pariyādānaṃ gaccheyyāti** idaṃ upamāya khuddakattā vuttaṃ. Bāhirasamayasmaṃ hi attho paritto hoti, upamā mahatī. “Hatthī viya ayaṃ goṇo, goṇo viya sūkaro, samuddo viya taḷākan”ti hi vutte na tesāṃ tādīsaṃ pamāṇaṃ hoti. Buddhasamaye pana upamā parittā, attho mahā. Pāḷiyaṃ hi eko Jambudīpo gahito, evarūpānaṃ pana Jambudīpānaṃ satēpi sahassepi satahassepi tiṇādīni tena upakkamena pariyādānaṃ gaccheyyūṃ, na tveva purisassa mātu mātaroti. **Dukkhaṃ paccanubhūtaṃ** tumhehi dikkhaṃ anubhūtaṃ. **Tibbanti** tasseva vevacanaṃ. **Byasananti** ñātibyasanādi-anekavidhaṃ. **Kaṭasīti** susānaṃ, pathavīyeva vā. Sā hi² punappunaṃ marantehi sarīranikkhepena vaḍḍhitā. **Alamevāti** yuttameva. . Paṭhamaṃ.

2. Pathavīsuttavaṇṇanā

125. Dutiye **mahāpathavinti** cakkavāḷapariyantaṃ mahāpathaviṃ. **Nikkhipeyyāti** taṃ pathaviṃ bhinditvā vuttappamāṇaṃ guḷikaṃ karitvā ekamantaṃ³ ṭhapeyya. . Dutiyaṃ.

1. Saṅkamanti (Sī)

2. Sā hi tehi (Syā)

3. Ekamante (Syā)

3. Assusuttavaṇṇanā

126. Tatiye **kandantānanti** sasaddaṃ rudamānānaṃ¹. **Passannanti** sanditaṃ pavattaṃ². **Catūsu mahāsamuddesūti** Sinerurasmīhi paricchinnesu catūsu mahāsamuddesu. Sinerussa hi pācīnapassaṃ rajatamayāṃ, dakkhiṇapassaṃ maṇimayāṃ, pacchimapassaṃ phalikamayāṃ, uttarapassaṃ suvaṇṇamayāṃ. Pubbadakkhiṇapassehi nikkhantā rajatamaṇirasmiyo ekato hutvā mahāsamuddapiṭṭhena gantvā cakkavāḷapabbataṃ āhacca tiṭṭhanti, dakkhiṇapacchimapassehi nikkhantā maṇiphalikarasmiyo, pacchimuttarapassehi nikkhantā phalikasuvaṇṇarasmiyo, uttarapācīnapassehi nikkhantā suvaṇṇarajatarasmiyo ekato hutvā mahāsamuddapiṭṭhena gantvā cakkavāḷapabbataṃ āhacca tiṭṭhanti. Tāsaṃ rasmīnaṃ antaresu cattāro mahāsamuddā honti. Te sandhāya vuttaṃ “catūsu mahāsamuddesū”ti. **Ñātibyaśananti**-ādīsu **byaśananti** vi-aśanaṃ³, vināseti attho. Ñātīnaṃ byaśanaṃ **ñātibyaśanaṃ**, bhogānaṃ byaśanaṃ **bhogabyaśanaṃ**. Rogo pana sayameva ārogyaṃ viyaśati⁴ vināseti byaśanaṃ, rogo va byaśanaṃ **rogabyaśanaṃ**. . Tatiyaṃ.

4. Khīrasuttavaṇṇanā

127. Catutthe **mātuthaññanti** ekaṇāmikāya manussamātu khīraṃ. Imesaṃ hi sattānaṃ gaṇḍuppadakipillikādīsu vā macchakacchapādīsu vā pakkhijātesu vā nibbattakāle mātukhīrameva natthi, ajapasumahimsādīsu nibbattakāle khīraṃ atthi, tathā manussesu. Tattha ajādikāle ca manussesu cāpi “devī Sumanā Tissā”ti evaṃ nānānāmikānaṃ kucchiyaṃ nibbattakāle aggahetvā Tissāti⁵ ekaṇāmikāya eva mātu kucchiyaṃ nibbattakāle pītaṃ thaññaṃ catūsu mahāsamuddesu udakato bahutaranti veditabbaṃ. . Catutthaṃ.

5. Pabbatasuttavaṇṇanā

128. Pañcame **sakkā pana bhanteti** so kira bhikkhu cintesi “Sattā anamataggassa saṃsāraṃ dīghatamattā ‘na sukaraṃ na sukaraṃ’ti katheti-

1. Rudamānānaṃ (Sī), sattaṃ rudamānānaṃ (Syā)

2. Passandanti sanditaṃ pavattaṃ (Sī), pasandanti sandantaṃ pavattaṃ (Syā)

3. Vyaśanaṃ (Ka)

4. Vyaśati (Sī), byaśati (Vi-Ṭṭha 1. 193 piṭṭhe.)

5. Tissa tissāti (Syā)

yeva, katham nacchindati, sakkā nu kho upamaṃ kārāpetun”ti. Tasmā evamāha. **Kāsikenā**ti tayo kappāsamsū ekato gahetvā kantitasuttamayena atisukhumavatthena. Tena pana parimaṭṭhe¹ kittakaṃ khīyeyyāti. Sāsapamattaṃ. . Pañcamaṃ.

6. Sāsapasuttavaṇṇanā

129. Chaṭṭhe **āyasam nagaranti** āyasena pākārena parikkhittaṃ nagaraṃ, na pana anto āyaseti ekabhūmikādipāsādehi ākiṇṇanti daṭṭhabbaṃ. . Chaṭṭhaṃ.

7. Sāvakasuttavaṇṇanā

130. Sattame **anussareyyunti** ekena kappasatasahassee anussarite aparo tassa ṭhitaṭṭhānato aññaṃ satasahasasaṃ, aññopi aññanti evaṃ cattāropi cattārisatasahasasāni anussareyyuṃ. . Sattamaṃ.

8-9. Gaṅgāsuttādivaṇṇanā

131-132. Aṭṭhame **yā etasmim antare vālikā**ti yā etasmim āyāmato pañcayojanasatike antare vālikā. Navame vattabbaṃ natthi. . Aṭṭhamanavamāni.

10. Puggalasuttavaṇṇanā

133. Dasame **aṭṭhikaṅkaloti**-ādini tiṇipi rāsivevacanāneva. Imesaṃ pana sattānaṃ sa-aṭṭhikālato anaṭṭhikālova bahutaro. Gaṇḍuppādakādipāṇabhūtānaṃ hi etesaṃ aṭṭhimeva natthi, macchacchapaḍibhūtānaṃ pana aṭṭhimeva bahutaraṃ, tasmā anaṭṭhikālaṅca bahu-aṭṭhikālaṅca² aggahetvā samaṭṭhikālova³ gahetabbo. **Uttaro Gijjhakūṭassā**ti Gijjhakūṭassa uttarapasse ṭhito. **Magadhānaṃ Giribbajeti** Magadharaṭṭhassa Giribbaje, giriparikkhepe ṭhitoti attho. Sesam sabbattha uttānamevāti. . Dasamaṃ.

Paṭhamo vaggo.

1. Parimaṭṭhena (Syā), parimajje (Ka)

2. Atibahu-aṭṭhikālaṅca (Syā)

3. Appaṭṭhikālova (Sī)

2. Dutiyavagga

1. Duggatasuttavaṇṇanā

134. Dutiyavaggassa paṭhame **duggatanti** daliddaṃ kapaṇaṃ. **Durūpetanti** dussaṅṭhānehi hatthapādehi upetaṃ. . Paṭhamāṃ.

2. Sukhitasuttavaṇṇanā

135. Dutiye **sukhitanti** sukhasamappitaṃ mahaddhanaṃ mahābhogaṃ. **Susajjitanti** alaṅkatapaṭiyattaṃ hatthikkhandhagataṃ mahāparivāraṃ. . Dutiyāṃ.

3. Tiṃsamattasuttavaṇṇanā

136. Tatiye **pāveyyakāti** pāveyyadesavāsino. **Sabbe āraññikāti**-ādīsu dhutaṅgasamādānavasena tesāṃ āraññikādibhāvo veditabbo. **Sabbe sasamyojanāti** sabbe sabandhanā, keci sotāpannā, kece sadāgāmino, keci anāgāmino. Tesu hi puthujjano vā khīṇāsavo vā natthi. **Gunnanti**-ādīsu setakāḷādivaṇṇesu ekekaṇṇakālova gahetabbo. **Pāripantakāti** paripanthe tiṭṭhanakā panthaghātorā¹. **Pāradārikāti** paradāracārittaṃ āpajjanakā. . Tatiyāṃ.

4-9. Mātusuttādivaṇṇanā

137-142. Catutthādīsu liṅganiyamena ceva cakkavāḷaniyamena ca attho veditabbo. Purisānaṃ hi mātugāmakālo, mātugāmānaṅca purisakāloti evamettha liṅganiyamo. Imamahā cakkavāḷā sattā paracakkavāḷaṃ, paracakkavāḷā ca imaṃ cakkavāḷaṃ saṃsaranti. Tesu imasmim cakkavāḷe mātugāmakāle mātubhūtaññeva dassento **yo namātābhūtapubboti** āha. **Yo napitābhūtapubboti**-ādīsupi eseva nayo. . Catutthādīni.

1. Sandhighātorā (Syā)

10. Vepullapabbatasuttavaṇṇanā

143. Dasame **bhūtapubbanti** atītakāle ekaṃ apadānaṃ āharitvā dasseti. **Samaññā udapādīti** paṇṇatti ahoṣi. **Catūhena ārohanṭīti** idaṃ thāmamajjhime sandhāya vuttaṃ. **Agganti** uttamaṃ. **Bhaddayuganti** sundarayugalaṃ. **Tīhena ārohanṭīti** ettāvata kira dvinnaṃ Buddhānaṃ antare yojanaṃ pathavī ussannā, so pabbato tiyojanubbedho jāto.

Appaṃ vā bhiiyoti vassasatato uttariṃ appaṃ dasa vā vīsaṃ vā vassāni. Puna vassasatameva jīvanako nāma natthi, uttamakoṭiyā pana saṭṭhi vā asīti vā vassāni jīvanti. Vassasataṃ pana appatvā pañcavassadasavassādikāle miyamānāva bahukā. Ettha ca Kakusandho Bhagavā cattālīsavassasahassāyukakāle, Koṇāgamano tiṃsavassasahassāyukakāle nibbattoti¹ idaṃ anupubbena parihīnasadisāṃ kataṃ, na pana evaṃ parihīnaṃ, vaḍḍhitvā vaḍḍhitvā parihīnanti veditabbaṃ. Kathaṃ? Kakusandho tāva Bhagavā imasmiṃyeva kappe cattālīsavassasahassāyukakāle nibbatto āyupparimāṇaṃ pañca koṭṭhāse katvā cattāro ṭhatvā² pañcame vijjamāneyeva parinibbuto. Taṃ āyu parihāyamānaṃ dasavassakālaṃ patvā puna vaḍḍhamānaṃ asaṅkheyyaṃ hutvā tato³ parihāyamānaṃ tiṃsavassasahassāyukakāle ṭhitāṃ, tadā Koṇāgamano nibbatto. Tasmimpi tatheva parinibbute taṃ āyu dasavassakālaṃ patvā puna vaḍḍhamānaṃ asaṅkheyyaṃ hutvā parihāyitvā vīsavassasahassakāle ṭhitāṃ, tadā Kassapo Bhagavā nibbatto. Tasmimpi tatheva parinibbute taṃ āyu dasavassakālaṃ patvā puna vaḍḍhamānaṃ asaṅkheyyaṃ hutvā parihāyitvā⁴ vassasatakālaṃ pattaṃ, atha amhākaṃ Sammāsambuddho nibbatto. Evaṃ anupubbena parihāyitvā vaḍḍhitvā vaḍḍhitvā parihīnanti veditabbaṃ. Tattha ca yaṃ āyuparimāṇesu mandesu Buddhā nibbantanti, tesampi tadeva āyuparimāṇaṃ hotīti. . Dasamaṃ.

Dutiyo vaggio.

Anamataggasaṃyuttavaṇṇanā niṭṭhitā.

1. ...kāleti (Sī, Syā) 2. Khepetvā (Sī) 3. Taṃ (Syā) 4. Parihāyamānaṃ (Syā)

5. Kassapasamyutta

1. Santuṭṭhasuttavaṇṇanā

144. Kassapasamyuttassa paṭhame **santuṭṭhāyanti** santuṭṭho ayam.

Itarītarenāti na thūlasukhumalūkhaṇṇatathirajinṇānam yena kenaci, atha kho yathāladdhādīnam itarītarena yena kenaci santuṭṭhoti attho. Cīvarasmiṃ hi tayo santosā yathālābhasantoso yathābalasantoso yathāsāruppasantosoti. Piṇḍapātādīsupi eseva nayo.

Tesaṃ ayam pabhedasaṃvaṇṇanā—idha bhikkhu cīvaram labhati sundaram vā asundaram vā, so teneva yāpeti, aññam na pattheti, labhantopi na gaṇhāti. Ayamassa cīvare yathālābhasantoso. Atha pana pakatidubbalo vā hoti ābādhajarābhībhūto vā, garucīvaram pārupanto kilamati, so sabhāgena bhikkhunā saddhim taṃ parivattetvā lahukena yāpentopi santuṭṭhova hoti. Ayamassa cīvare yathābalasantoso. Aparo paṇītapaccayalābhī hoti, so paṭṭacīvarādīnam¹ aññataram mahagghacīvaram bahūni vā cīvarāni labhitvā “idaṃ therānam cirapabbajitānam², idaṃ bahussutānam anurūpaṃ, idaṃ gilānānam, idaṃ appalābhīnam hotū”ti datvā tesaṃ purāṇacīvaram vā saṅkarakūṭādito vā pana nantakāni uccinitvā tehi saṅghāṭim katvā dhārentopi santuṭṭhova hoti. Ayamassa cīvare yathāsāruppasantoso.

Idha pana bhikkhu piṇḍapātaṃ labhati lūkham vā paṇītaṃ vā, so teneva yāpeti, aññam na pattheti, labhantopi na gaṇhāpi. Ayamassa piṇḍapāte yathālābhasantoso. Yo pana attano pakativiruddham vā byādhiviruddham vā piṇḍapātaṃ labhati, yenassa paribhuttana aphāsu hoti, so sabhāgassa bhikkhuno taṃ datvā tassa hatthato sappāyabhojanam bhutvā samaṇadhammaṃ karontopi santuṭṭhova hoti. Ayamassa piṇḍapāte yathābalasantoso. Aparo bahuṃ paṇītaṃ piṇḍapātaṃ labhati, so taṃ cīvaram viya cirapabbajitabahussuta-appalābhagilānānam

1. Pattacīvarādīnam (Syā, Ka)

2. Cirapabbajitānam anurūpaṃ (Syā)

datvā tesam vā sekakam piṇḍāya vā caritvā missakāhāram bhuñjantopi santuṭṭhova hoti. Ayamassa piṇḍapāte yathāsārappasantoso.

Idha pana bhikkhu senāsanam labhati manāpam vā amanāpam vā, so tena neva somanassam na paṭigham uppādeti, antamaso tiṇasanthārakenāpi yathāladdheneva tussati. Ayamassa senāsane yathālābhasantoso. Yo pana attano pakativiruddham vā byādhiviruddham vā senāsanam labhati, yathassa vasato aphāsu hoti, so tam sabhāgassa bhikkhuno datvā tassa santake sappāyasenāsane vasantopi santuṭṭhova hoti. Ayamassa senāsane yathābalasantoso. Aparo mahāpuñño leṇamaṇḍapakūṭāgārādīni bahūni paṇītasenāsanāni labhati, so tāni cīvarādīni viya cirapabbajitabahussuta-appalābhagilānānam datvā yatha katthaci vasantopi santuṭṭhova hoti. Ayamassa senāsane yathāsārappasantoso. Yopi “uttamasenāsanam nāma pamādaṭṭhānam, tattha nisinnassa thinamiddham okkamati, niddābhibhūtassa paṭibujjhato pāpavitakkā pātubhavanti”ti paṭisañcikkhitvā tādisam senāsanam pattampi na sampaṭicchati, so tam paṭikkhipitvā abbhokāsarukhamulādīsu vasanto santuṭṭhova hoti. Ayampi senāsane yathāsārappasantoso.

Idha pana bhikkhu bhesajjam labhatilūkham vā paṇitam vā, so yam labhati, teneva tussati, aññam na pattheti, labhantopi na gaṇhāti. Ayamassa gilānapaccaye yathālābhasantoso. Yo pana telenatthiko phāṇitam labhati, so tam sabhāgassa bhikkhuno datvā tassa hatthato telam gahetvā vā aññadeva vā pariyesitvā bhesajjam karontopi santuṭṭhova hoti. Ayamassa gilānapaccaye yathābalasantoso. Aparo mahāpuñño bahum telamadhuphāṇitādipaṇītabhesajjam labhati, so tam cīvaram viya cirapabbajitabahussuta-appalābhagilānānam datvā tesam ābhatena yena kenaci yāpentopi santuṭṭhova hoti. Yo pana ekasmiṃ bhājane muttahaṛitakam ṭhapetvā ekasmiṃ catumadhuram “gaṇha bhante yadicchasi”ti vuccamāno sacassa tesu aññatarenapi rogo vūpasammati, atha “muttahaṛitakam nāma Buddhādīhi vaṇṇitan”ti catumadhuram paṭikkhipitvā muttahaṛitakena bhesajjam karonto

paramasantuṭṭhova hoti. Ayamassa gilānapaccaye yathāsāruppasantoso. Iti ime tayo santose sandhāya “santuṭṭhāyaṃ bhikkhave Kassapo itarītarena cīvarenā”ti vuttaṃ.

Vaṇṇavādīti eko santuṭṭho hoti, santosassa vaṇṇaṃ na katheti. Eko na santuṭṭho hoti, santosassa vaṇṇaṃ katheti. Eko neva santuṭṭho hoti, na santosassa vaṇṇaṃ katheti. Eko santuṭṭho ca hoti, santosassa ca vaṇṇaṃ katheti. Ayaṃ tādīsoti dassetuṃ **itarītaracīvarasantuṭṭhiyā ca vaṇṇavādī**ti vuttaṃ. **Anesananti** dūteyyapahiṇagamanānuyogappabhedāṃ nānappakāraṃ anesanaṃ. **Aladdhā**ti alabhitvā. Yathā ca ekacco “kathaṃ nu kho cīvaraṃ labhissāmi”ti puñṇavantehi bhikkhūhi saddhiṃ ekato hutvā kohaññaṃ karonto uttasati paritassati, ayaṃ evaṃ aladdhā ca cīvaraṃ na paritassati. **Laddhā cā**ti dhammena samena labhitvā¹. **Agadhitoti** vigatalobhagedho. **Amucchitoti** adhimattataṇhāya mucchaṃ anāpanno. **Anajjhāpannoti** taṇhāya anottaḥo² apariyonaddho. **Ādīnavadassāvī**ti anesanāpattiyaṅca gadhitaparibhoge ca ādīnavaṃ passamāno. **Nissaraṇapaññoti** “yāvadeva sītassa paṭighātāyā”ti vuttanissaraṇameva jānanto³ paribhuñjatīti attho. **Itarītarena piṇḍapātenā**ti-ādīsupi yathāladdhādīnaṃ yena kenaci piṇḍapātena, yena kenaci senāsanena, yena kenaci gilānapaccayabhesajjaparikkhārenāti evamattho daṭṭhabbo.

Kassapena vā hi vo bhikkhave ovaḍissāmīti ettha yathā Mahākassapatthero catūsu paccayesu tīhi santosehi santuṭṭho, tumhepi tathārūpā bhavathāti ovaḍanto Kassapena ovaḍati nāma. **Yo vā panassa Kassapasadisoti** etthāpi yo vā panaññopi Kassapasadisō Mahākassapatthero viya catūsu paccayesu tīhi santosehi santuṭṭho bhavēyya, tumhepi tathārūpā bhavathāti ovaḍanto Kassapasadisena⁴ ovaḍati nāma. **Tathattāya paṭipajjitabbanti** “Sammāsambuddhassa imāya imasmiṃ santuṭṭhisutte vuttasallekhācārapaṭipattiyā kathanāṃ nāma bhāro, amhā

1. Dhammena labhitvā (Sī, Syā)

2. Anottharito (Ka)

3. Paṭijānanto (Syā)

4. Kassapādisena (Sī, Syā)

kampi imaṃ paṭipattiṃ paripūraṃ katvā pūraṇaṃ bhāroyeva, āgato kho pana bhāro gahetabbo”ti cintetvā yathā mayā kathitaṃ, tathattāya tathābhāvāya tumhehipi paṭipajjitabbanti. . Paṭhamam.

2. Anottappīsuttavaṇṇanā

145. Dutiye **anātāpī**ti yaṃ vīriyaṃ kilese ātapaṭi, tena rahito. **Anottappī**ti nibbhayo kilesuppattito kusalānuppattito ca bhayarahito. **Sambodhāyā**ti sambujjhanatthāya. **Nibbānāyā**ti nibbānasacchikiriyāya. **Anuttarassa yogakkhemassā**ti arahattassa taṃ hi anuttarañceva catūhi ca yogehi khemaṃ.

Anuppannāti-ādīsu ye pubbe appaṭiladdhapubbaṃ cīvarādīṃ vā paccayaṃ upaṭṭhākasaddhivihārika-antevāsīnaṃ vā aññatarato manuññavatthum¹ paṭilabhivā taṃ subhaṃ sukhanti ayoniso gaṇhantassa aññataraṃ vā pana ananubhūtapubbaṃ ārammaṇaṃ yathā vā tathā vā ayoniso āvajjentassa lobhādayo pāpakā akusalā dhammā uppajjanti, te anuppannāti veditabbā. Aññathā hi anamatagge saṃsāre anuppannā nāma pāpakā dhammā natthi. Anubhūtapubbepi ca vatthumhi ārammaṇe vā yassa pakatibuddhiyā vā uddesaparipucchāya vā pariyaṭṭinavakammayonisomanasikārānaṃ vā aññataravasena pubbe anuppajjivā pacchā tādīsena paccayena sahasā uppajjanti, imepi “anuppannā uppajjamānā anattāya saṃvatteyyun”ti veditabbā. Tesuyeva pana vatthārammaṇesu punappunaṃ uppajjamānā nappahīyanti nāma, te “uppannā appahīyamānā anattāya saṃvatteyyun”ti veditabbā. Ayamettha saṅkhepo, vitthārato pana uppannānuppannabhedo ca pahānappahānavidhānaṃca sabbam Visuddhimagge ñāṇadassanavisuddhiniddese kathitaṃ.

Anuppannā me kusalā dhammāti appaṭiladdhāpi² sīlasamādhimaggaṃ phalasaṅkhātā anavajjadhammā. **Uppannā**ti teyeva paṭiladdhā. **Nirujjhamānā anattāya saṃvatteyyunti** tesilādidhammā parihānivasena puna anuppattiyā nirujjhamānā anattāya saṃvatteyyunti veditabbā. Ettha ca lokiyā parihāyanti, lokuttarānaṃ parihāni natthīti. “Uppannānaṃ kusalānaṃ dhammānaṃ ṭhitiyā”ti

1. Aññataramanuññavatthum (Sī), aññataram manuññavatthum (Syā)

2. Appaṭiladdhā (Syā)

imassa pana sammappadhānassa vasenāyaṃ desanā katā. Dutiyamaggo vā sīghaṃ anuppajjamāno, paṭhamamaggo nirujjhamāno anattāya saṃvatteyyāti evampettha attho daṭṭhabbo. Iti imasmiṃ sutte ime cattāro sammappadhānā pubbabhāgavipassanāvasena kathitāti. . Dutiyam.

3. Candūpamasuttavaṇṇanā

146. Tatiye **candūpamā**ti candasadisā hutvā. Kim parimaṇḍalatāya? No, apica kho yathā cando gaganatalaṃ pakkhandamāno na kenaci saddhiṃ santhavaṃ vā sinehaṃ vā ālayaṃ vā nikantiṃ vā patthanaṃ vā pariyaṭṭhānaṃ vā karoti, na ca na¹ hoti mahājanassa piyo manāpo, tumhepi evaṃ kenaci saddhaṃ santhavādīnaṃ akaraṇena bahujaṇassa piyā manāpā candūpamā hutvā khattiyakulādīni cattāri kulāni upasaṅkamathāti attho. Apica yathā cando andhakāraṃ vidhamati, ālokaṃ pharati, evaṃ kilesandhakāravidhamanena ñāṇālokapharaṇena cāpi candūpamā hutvāti evamādīhipi nayehi ettha attho daṭṭhabbo.

Apakasseva kāyaṃ apakassa cittanti teneva santhavādīnaṃ akaraṇena kāyañca cittañca apakassivā², apantvāti attho. Yo hi bhikkhu araṇṇepi na vasati, kāmavitakkādayopi vitakketi, ayaṃ neva kāyaṃ apakassati, na cittam. Yo hi araṇṇepi kho viharati, kāmavitakkādayo pana vitakketi, ayaṃ kāyameva apakassati, na cittam. Yo gāmaṇṇe vasati, kāmavitakkādayopi kho na ca vitakketi, ayaṃ cittameva apakassati, na kāyaṃ. Yo pana araṇṇe ceva vasati, kāmavitakkādayo ca na vitakketi, ayaṃ ubhayampi apakassati. Evarūpā hutvā kulāni upasaṅkamathāti dīpento “apakasseva kāyaṃ apakassa cittaṃ”ti āha.

Niccanavakāti niccaṃ navakāva, āganthukasadisā eva hutvāti attho. Āgantuko hi paṭipāṭiyā sampattagehaṃ pavisitvā sace naṃ³ gharasāmikā disvā “amhākaṃ puttabhātaro vippavāsaṃ gatā evaṃ vicariṃsū”ti anukampamāno nisīdāpetvā bhojenti, bhuttamattoyeva “tumhākaṃ

1. Apica (Sī)

2. Apakassivā ākaḍḍhitvā (Syā)

3. Yaṃ (Sī), maṃ (Syā)

bhājanam gaṇhathā”ti uṭṭhāya pakkamati, na tehi saddhim santhavam vā karoti, na kiccakaraṇīyāni vā samvidahati, evam tumhepi paṭipāṭiyā sampattagharam pavisitvā yam iriyāpathesu pasannā manussā denti, tam gahetvā chinnaśanthavā tesam kiccakaraṇīye abyāvaṭā hutvā nikkhamathāti dīpeti.

Imassa pana niccanavakabhāvassa āvibhāvattham dvebhātikavatthu kathetabham—Vasālanagaragāmato¹ kira dve bhātikā nikkhamitvā pabbajitā, te Cūlanāgattothero ca Mahānāgattothero cāti paññāyimsu. Te Cittalapabbate timsa vassāni vasitvā arahattam pattā “mātaram passissāmā”ti āgantvā Vasālanagaravihāre vasitvā punadivase mātu gāmam piṇḍāya pavisimsu. Mātāpi tesam uḷunkena yāguṃ nīharitvā ekassa patte ākiri. Tassā tam olokayamānāya puttasiṃho uppajji. Atha nam āha “tvam tāta mayham putto Mahānāgo”ti. Thero “pacchiram theram puccha upāsike”ti vatvā pakkāmi. Pacchimatherassapi yāguṃ datvā “tāta tvam mayham putto Cūlanāgo”ti pucchi. Thero “kim upāsike purimam theram na pucchasī”ti vatvā pakkāmi. Evam mātārāpi saddhim chinnaśanthavo bhikkhu niccanavako nāma hoti.

Appagabbhāti na pagabbhā, aṭṭhaṭṭhānena kāyapāgabbhiyena, catuṭṭhānena vacīpāgabbhiyena, anekāṭṭhānena manopāgabbhiyena ca virahitāti attho. **Aṭṭhaṭṭhānam kāyapāgabbhiyam** nāma saṃhagaṇapuggalabhojanasālājantāgharanahānatitthabhikkhācāramagga-antaragharappavesanesu kāyena appatirūpakaraṇam. Seyyathidaṃ? Idhekacco saṃghamajjhe pallatthikāya vā nisīdati pāde pādam ādhāyitvā² vāti evamādi³. Tathā gaṇamajjhe. **Gaṇamajjheti**⁴ catuparisasannipāte vā suttantikagaṇādisannipāte vā. Tathā vuḍḍhatare puggale. Bhojanasālāya pana vuḍḍhānam āsanam na deti, navānam āsanam paṭibāhati. Tathā jantāghare. Vuḍḍhe cettha anāpucchā aggijalanādīni karoti. Nhānatitthe ca yadidaṃ “daharo vuḍḍhoti pamāṇam akatvā āgatapaṭipāṭiyā nhāyitabban”ti vuttam, tampi anādiyanto pacchā āgantvā udakam otaritvā vuḍḍhe ca nave ca bādhati. Bhikkhācāramagga pana aggāsana

1. Vasolana garagāmato (Syā)

2. Accādhāyitvā (Sī), ādiyitvā (Syā)

3. Khu 7. 305 piṭṭhe tannissitapāḷi.

4. Tathā gaṇamajjhepi (Sī)

aggodaka-aggapiṇḍānaṃ atthāya purato¹ gacchati bāhāya bāhaṃ paharanto. Antaragharappavesane vuḍḍhehi paṭhamataraṃ pavisati, daharehi saddhiṃ kāyakīlanakaṃ karotīti evamādi.

Catuṭṭhānaṃ vacīpāgabbhiyaṃ nāma saṃghagaṇapuggala-antaragharesu appatirūpavācānicchāraṇaṃ. Seyyathidaṃ? Idhekacco saṃghamaṃ anāpucchā dhammaṃ bhāsati. Tattha pubbe vuttappakārassa gaṇassa maṃ puggalassa ca santike tattheva manussehi paṇhaṃ puṭṭho vuḍḍhataraṃ anāpucchā vissajjeti. Antaraghare pana “itthannāme kiṃ atthi, kiṃ yāgu, udāhu khādanīyaṃ bhojanīyaṃ, kiṃ me dassasi, kiṃ ajja khādissāma, kiṃ bhuñjissāma, kiṃ pivissāmā”ti-ādīni bhāsati.

Anekaṭṭhānaṃ manopāgabbhiyaṃ nāma tesu tesu ṭhānesu kāyavācāhi ajjhācāraṃ anāpajjitvāpi manasāva kāmavitakkādīnaṃ vitakkaṇaṃ. Apica dussīlasseva sato “sīlavāti maṃ janojānātū”ti evaṃ pavattā pāpicchatāpi manopāgabbhiyaṃ. Iti sabbesampi imesaṃ pāgabbhiyānaṃ abhāvena appagabbhā hutvā upasaṅkamathāti vadati.

Jarudapānanti jīṇṇakūpaṃ. **Pabbatavisamanti** pabbate visamaṃ papātaṭṭhānaṃ. **Nadīvidugganti** nadiyā viduggaṃ chinnataṭṭhānaṃ². **Apakasseva kāyanti** tādīsāni ṭhānāni yo khiḍḍādipasuto kāyaṃ anapakassa ekatobhāriyaṃ akatvāva vāyupatthambhakaṃ³ aggāhāpetvā cittampi anapakassa “ettha patito hatthapādabhañjanādīni pāpuṇāti”ti anādīnavadassāvītāya anubbejetvā sampiyāyamāno oloketi, so patitvā hatthapādabhañjanādi-anatthaṃ pāpuṇāti. Yo pana udakatthiko vā aññena vā kenaci kiccena oloketukāmo kāyaṃ apakassa ekatobhāriyaṃ katvā vāyupatthambhakaṃ gāhāpetvā cittampi apakassa ādīnavadassanena saṃvejetvā oloketi, so na patati, yathāruciṃ oloketvā sukhī yena kāmaṃ pakkamati.

1. Purato purato (Syā)

3. Dhātupatthambhakaṃ (Sī, Syā)

2. Chinnakaṭṭhānaṃ (Syā)

4. Ādīnava-adassāvītāya (Sī)

Evameva khoti ettha idaṃ opammasaṃsandanaṃ—jarudapānādayo viya hi cattāri kulāni, olokanapuriso viya bhikkhu. Yathā anapakaṭṭhakāyacitto tāni olokeno puriso tattha patati, evaṃ arakkhitehi kāyādīhi kulāni upasaṅkamanto bhikkhu kulesu bajjhati, tato nānappakāraṃ sīlapādabhañjanādi-anatthaṃ pāpuṇāti. Yathā pana apakaṭṭhakāyacitto puriso tattha na patati, evaṃ rakkhiteneva kāyena rakkhitehi cittehi rakkhitāya vācāya suppaṭṭhitāya satiyā apakaṭṭhakāyacitto hutvā kulāni upasaṅkamanto bhikkhu kulesu na bajjhati. Athassa yathā tattha apatitassa purisassa na pādā bhañjanti, evaṃ sīlapādo na bhijjati. Yathā hatthā na bhañjanti, evaṃ saddhāhattho na bhijjati. Yathā kucchi na bhijjati, evaṃ samādhikucchi na bhijjati. Yathā sīsaṃ na bhijjati, evaṃ nāṇasīsaṃ na bhijjati. Yathā ca taṃ khāṇukaṇṭakādayo na vijjhanti, evamimaṃ rāgakaṇṭakādayo na vijjhanti. Yathā so nirupaddavo yathārucci oloketvā sukhī yena kāmaṃ pakkamati, evaṃ bhikkhu kulāni nissāya cīvarādayo paccaye paṭisevanto kammaṭṭhānaṃ vaḍḍhetvā saṅkhāre¹ sammasanto arahattaṃ patvā lokuttarasukhena sukhito yena kāmaṃ agatapubbaṃ nibbānadisaṃ gacchati.

Idāni yo hīnādhimuttiko micchāpaṭipanno evaṃ vadeyya “Sammāsambuddho ‘tividhaṃ pāgabbhiyaṃ pahāya niccānavakattena candūpamā kulāni upasaṅkamathā’ti vadanto aṭṭhāne ṭhapeti, asayhaṃ bhāraṃ āropeti, yaṃ na sakkā kātuṃ, taṃ kāretī”ti, tassa vādapaṭhaṃ pacchinditvā “sakkā evaṃ kātuṃ, atthi evarūpo bhikkhū”ti dassento **Kassapo bhikkhavi**ti-ādimāha.

Ākāse pāṇim cālesīti nīle gaganantare yamakavijjutaṃ cārayamāno² viya heṭṭhābhāgaṃ uparibhāgaṃ ubhatopassesu pāṇim sañcāresi. Idañca pana Tepiṭake Buddhavacane asambhinnapadaṃ nāma. **Attamanoti** tuṭṭhacitto sakamana, na domanassena pacchinditvā³ gahitamano. **Kassapassa bhikkhavi**ti idampi purimanayeneva paravādaṃ pacchinditvā atthi evarūpo bhikkhūti dassanatthaṃ vuttaṃ.

1. Saṅkhāresu (Syā)

2. Haramāno (Syā)

3. Acchinditvā (Sī)

Pasannākāraṃ kareyyunti cīvarādayo paccaye dadeyyuṃ. **Tathattāya paṭipajjeyyunti** sīlassa āgataṭṭhāne sīlaṃ pūrayamānā, samādhivipassanāmaggaphalānaṃ āgataṭṭhāne tāni tāni sampādayamānā tathābhāvāya paṭipajjeyyūṃ. **Anudayanti** rakkhaṇabhāvaṃ¹. **Anukampanti** muducittataṃ. Ubhayañcetaṃ kāruṇṇasseva vevacanaṃ. **Kassapo bhikkhaveli** idampi purimanayeneva paravādaṃ pacchinditvā atthi evarūpo bhikkhuti dassanattamaṃ vuttaṃ. **Kassapena vāti** ettha candopamādivasena yojanaṃ katvā purimanayeneva attho veditabbo. . Tatiyaṃ.

4. Kulūpakasuttavaṇṇanā

147. Catutthe **kulūpakoti** kulagharānaṃ upagantā. **Dentuyeva meti** dadantuyeva mayhaṃ. **Sandīyatīti** aṭṭiyati pīliyati. Sesamettha vuttanayānusārenea veditabbaṃ. . Catutthaṃ.

5. Jīṇṇasuttavaṇṇanā

148. Pañcame **jīṇṇoti** thero mahallako. **Garukānīti** taṃ Satthu santikā laddhakālato paṭṭhāya chinnabhinnaṭṭhāne suttasaṃsibbanena ceva aggaḷadānena ca anekāni paṭalāni² hutvā garukāni jātāni. **Nibbasanānīti** pubbe Bhagavatā nivāsetvā apanītatāya evaṃladdhanāmāni. **Tasmāti** yasmā tvaṃ jīṇṇo ceva garupaṃsukūlo ca. **Gahapatānīti** paṃsukūlikaṅgaṃ vissajjetvā gahapatīhi dinnacīvarāni dhāretīti vadati. **Nimantanānīti** piṇḍapātikaṅgaṃ vissajjetvā salākabhattādīni nimantanāni bhuñjāhīti vadati. **Mama ca santiketi** ārañṇikaṅgaṃ vissajjetvā gāmantasenāsaneyeva vasāhīti vadati.

Nanu ca yathā rājā senāpatiṃ senāpatiṭṭhāne ṭhapetvā tassa rājūpaṭṭhānādīnā attano kamma ārādhentasseva taṃṭhānantaraṃ gahetvā aññassa dadamāno ayuttaṃ nāma karoti, evaṃ Satthā Mahākassapattherassa paccuggamanattāya tigāvutaṃ maggaṃ gantvā Rājagahassa ca Nāḷandāya ca antare Bahuputtakarukkhamūle nisinna tīhi ovādehi upasampādetvā tena saddhṃ attano cīvaraṃ parivattetvā therāṃ jāti-ārañṇikaṅgañceva

1. Rakkhamānabhāvaṃ (Sī)

2. Anekasatāni (Sī), anekapaṭāni (Syā)

jātipamsukūlikaṅgañca akāsi, so tasmim̄ kattukamyatāchandena Satthu cittaṃ ārādhentasseva pamsukūlādīni vissajjāpetvā gahapaticīvarapaṭiggahaṇādīsu niyojento ayuttaṃ nāma karotīti. Na karoti. Kasmā? Attajjhāsayattā. Na hi Satthā dhutaṅgāni vissajjāpetukāmo, yathā pana aghaṭṭitā bheri-ādayo saddaṃ na vissajjenti, evaṃ aghaṭṭitā evarūpā puggalā na sīhanādaṃ nadantīti nadāpetukāmo sīhanādajjhāsayena evamaḥa. Theropi Satthu ajjhāsayānurūpeneva “ahaṃ kho bhante dīgharattaṃ āraññiko cevā”ti-ādīnā nayena sīhanādaṃ nadati.

Diṭṭhadhammasukhavihāranti diṭṭhadhammasukhavihāro nāma āraññikasseva labbhati, no gāmantavāsino. Gāmantasmim̄ hi vasanto dāraakasaddaṃ suṇāti, asappāyarūpāni passati, asappāye sadde suṇāti, tenassa anabhirati uppajjati. Āraññiko pana gāvutaṃ vā aḍḍhayaḍḍhayaṃ vā atikkamitvā araññaṃ ajjhogāhetvā vasanto dīpibyaḍḍhayaḍḍhayaṃ sadde suṇāti, yesaṃ savanapaccayā amānusikāsavanarati¹ uppajjati. Yaṃ sandhāya vuttaṃ—

“Suññāgāraṃ pavīṭṭhassa, santacittassa bhikkhuno.
Amānusī rati hoti, sammā dhammaṃ vipassato.

Yato yato sammasati, khandhānaṃ udayabbayaṃ.
Labhatī pītipāmojjaṃ, amataṃ taṃ vijānataṃ.

Purato pacchato vāpi, aparo ce na vijjati.
Tattheva³ phāsu bhavati, ekassa ramato⁴ vane”ti.

Tathā piṇḍapātikasēva labbhati, no apiṇḍapātikassa. Apiṇḍapātiko hi akālacārī hoti, turitacāraṃ⁵ gacchati, parivatteti, palibuddhova gacchati, tattha ca bahusaṃsayo hoti. Piṇḍapātiko pana na akālacārī hoti, na turitacāraṃ gacchati, na parivatteti, apalibuddhova gacchati, tattha ca na bahusaṃsayo hoti.

Kathaṃ? Apiṇḍapātiko hi gāmato dūravihāre vasamāno kālasseva “yāguṃ vā pārivāsikabhattaṃ vā lacchāmi, āsanāsālāya vā

1. Amānusikābhirati (Sī)

3. Atī va (Khu 2. 301 piṭṭhe)

5. Turitacārī (Syā)

2. Khu 1. 67 piṭṭhe Dhammapade.

4. Vasato (Khu 2. 301 piṭṭhe)

pana uddesabhaddādisu kiñciveva mayhaṃ pāpuṇissatī”ti makkaṭakasuttāni chindanto sayitagorūpāni uṭṭhāpento pātova gacchanto akālacārī hoti. Manusse khattakammādīnaṃ atthāya gehā nikkhanteyeva sampāpuṇitum migam¹ anubandhanto viya vegena gacchanto turitacārī hoti. Antarā kiñciveva disvā “asuka-upāsako vā asuka-upāsikā vā gehe, no gehe”ti pucchati, “no gehe”ti sutvā “idāni kuto labhissāmi”ti aggidaḍḍho viya pavedhati, sayam pacchimadisam gantukāmo pācīnadisāya salākaṃ labhitvā aññaṃ pacchimadisāya laddhasalākaṃ upasaṅkamitvā “bhante ahaṃ pacchimadisam gamissāmi, mama salākaṃ tumhe gaṇhatha, tumhākaṃ salākaṃ mayhaṃ dethā”ti salākaṃ parivatteti. Ekam vā pana salākabhaddam āharitvā paribhuñjanto “aparassāpi salākabhaddassa pattam dethā”ti manussehi vutte “bhante tumhākaṃ pattam detha, ahaṃ mayhaṃ patte bhaddam pakkhipitvā² tumhākaṃ pattam dassāmi”ti aññassa pattam dāpetvā bhatte āhaṭṭe³ attano patte pakkhipitvā pattam paṭidento pattam parivatteti nāma. Vihāre rājarājamahāmatṭādayo mahādānaṃ denti, iminā ca bhiyyo dūragāme salākā laddhā, tattha agacchanto puna sattāhaṃ salākaṃ na labhatīti alābhabhayena gacchati, evam gacchanto palibuddho hutvā gacchati nāma. Yassa cesa salākabhaddādino atthāya gacchati, “tam dassanti nu kho me, udāhu na dassanti, paṇītam nu kho dassanti, udāhu lūkham, thokaṃ nu kho, udāhu bahukaṃ, sītalaṃ nu kho, udāhu uṇhan”ti evam tattha ca bahusaṃsayo hoti.

Piṇḍapātiko pana kālasseva vuṭṭhāya vattapaṭivattam katvā sarīram paṭijaggitvā vasanaṭṭhānaṃ pavisitvā kammaṭṭhānaṃ manasikatvā kālam sallakkhetvā mahājanassa uḷuṅkabhikkhādīni dātum pahonakakāle gacchatīti na akālacārī hoti, ekekaṃ padavāraṃ cha koṭṭhāse katvā vipassanto gacchatīti na turitacārī hoti, attano garubhāvena “asuko gehe, na gehe”ti na pucchati, salākabhaddādiṇiyeva na gaṇhāti, agaṇhānto kiṃ parivattessati, na aññassa vasena palibuddhova

1. Migavaṃ (Ka)

2. Ahaṃ bhaddam mayhaṃ patte pakkhipitvā (Sī), ahaṃ bhante mayhaṃ patte bhatte pakkhipitvā (Ka)

3. Āharetam (Syā), āharitvā (Ka)

hoti, kammaṭṭhānaṃ manasikaronto yathārucci gacchati, itaro viya na bahusaṃsayo hoti. Ekasmiṃ gāme vā vīthiyā vā alabhitvā aññattha carati. Tasmimpī alabhitvā aññattha caranto missakodanaṃ saṃkaḍḍhitvā amataṃ viya paribhuñjitvā gacchati.

Pāmsukūlikasseva labbhati, no apāmsukūlikassa. Apāmsukūliko hi vassāvāsikaṃ pariyesanto carati, na senāsanasappāyaṃ pariyesati. Pāmsukūliko pana na vassāvāsikaṃ pariyesanto carati, senāsanasappāyameva pariyesati. Tecīvarikasseva labbhati, na itarassa. Atecīvariko hi bahubhaṇḍo bahuparikkhāro hoti, tenassa phāsuvihāro natthi. Appicchādīnañceva labbhati, na itaresanti. Tena vuttam—“attano ca diṭṭhadhammasukhavihāraṃ sampassamāno”ti. . Pañcamaṃ.

6. Ovādasuttavaṇṇanā

149. Chaṭṭhe **ahaṃ vā**ti kasmā āha? Theram attano ṭhāne ṭhapanattham. Kim Sāriputtamoggallānā natthīti. Atthi. Evaṃ panassa ahosi “ime na ciram ṭhassanti, Kassapo pana vīsavassasatāyuko, so mayi parinibbute Sattapaṇṇiguhāyaṃ nisīditvā dhammavinayasaṅgahaṃ katvā mama sāsanam pañcavassasahassaparimāṇakālapavattanakaṃ karissati, attano tam ṭhāne ṭhapanemi, evaṃ bhikkhū Kassapassa sussūsitabbaṃ¹ maññissanti”ti. Tasmā evamāha. **Dubbacā**ti dukkhena vattabbā. **Dovacassakaraṇehī**ti dubbacabhāvakaraṇehi. **Appadakkhiṇaggāhinoti** anusāsaniṃ sutvā padakkhiṇam na gaṇhanti yathānusiṭṭham na paṭipajjanti, appaṭipajjantā vāmagāhino nāma jātāti dasseti. **Accāvadanteti** atikkamma vadante, sutapariyattim nissāya ativiya vādam karonteti attho. **Ko bahutaram bhāsissatī**ti dhammam kathento ko bahum bhāsissati, kim tvam, udāhu ahanti. **Ko sundarataranti** eko bahum bhāsanto asahitam amadhuram bhāsati, eko sahitam madhuram, tam sandhāyāha “ko sundarataran”ti. Eko pana bahuñca sundarañca kathento ciram na bhāsati, lahuññeva uṭṭhāti, eko addhānam pāpeti, tam sandhāyāha “ko cirataran”ti. . Chaṭṭham.

1. Sussūyitabbaṃ (Sī)

7. Dutiya-ovādasuttavaṇṇanā

150. Sattame **saddhā**ti okappanasaddhā. **Vīriyanti** kāyikacetasikaṃ vīriyaṃ. **Paññāti** kusaladhammajānanapaññā. **Na santi bhikkhū ovādakā**ti imassa puggalassa ovādakā anusāsakā kalyāṇamittā natthīti idam¹ bhante parihānanti dasseti. . Sattamaṃ.

8. Tatiya-ovādasuttavaṇṇanā

151. Aṭṭhame **tathā hi panāti** pubbe sovacassatāya, etarahi ca dovacassatāya kāraṇapaṭṭhapane nipāto. **Tatrāti** tesu thesū. **Ko nāmāyaṃ bhikkhūti** ko nāmo yaṃ bhikkhu, kiṃ Tissatthero kiṃ Nāgattheroti. **Tatrāti** tasmim evaṃ sakkāre kayiramāne. **Tathattāyāti** tathābhāvāya, āraññikādibhāvāyāti attho. **Sabrahmacārikāmoti** “ime maṃ parivāretvā carantū”ti evaṃ kāmeti icchatī patthetīti sabrahmacārikāmo. **Tathattāyāti** lābhasakkāranibbattanatthāya. **Brahmacārupaddavenāti** yo sabrahmacārīnaṃ catūsu paccayesu adhimattacchandārāgo upaddavoti vuccati, tena upaddutā. **Abhipatthanāti** adhimattapatthanā. **Brahmacāri-abhipatthanenāti** brahmacārīnaṃ adhimattapatthanāsaṅkhātena catupaccayabhāvena. . Aṭṭhamaṃ.

9. Jhānābhiññāsuttavaṇṇanā

152. Navame **yāvadeva ākaṅkhāmīti** yāvadeva icchāmi. Yāni pana ito paraṃ **vivicceva kāme**hīti-ādinā nayena cattāri rūpāvacarajjhānāni, **sabbaso rūpasaññānaṃ samatikkamāti**-ādinā nayena catasso arūpasamāpattiyo, **sabbaso nevasaññānāsaññāyatanāṃ samatikkamma saññāvedayitanirodhanti** evaṃ nirodhasamāpatti, **anekavihitaṃ iddhi**vidhanti-ādinā nayena pañca lokikābhiññā ca vuttā. Tattha yaṃ vattabbaṃ siyā, taṃ sabbaṃ anupadavaṇṇanāya ceva bhāvanāvidhānena ca saddhiṃ Visuddhimagge² vitthāritameva. Chaḷabhiññāya pana **āsavānaṃ khayāti** āsavānaṃ khayena. **Anāsavanti** āsavānaṃ apaccayabhūtaṃ. **Cetovimuttinti** arahattaphalasaṃādhiṃ. **Paññāvimuttinti** arahattaphalapaññānaṃ. . Navamaṃ.

1. Idam vatthum (Sī)

2. Visuddhi 1. 135 piṭṭhe.

10. Upassayasuttavaṇṇanā

153. Dasame **āyāma bhanteti** kasmā bhikkhunī-upassayagamanam yācati? Na lābhasakkārahetu, kammaṭṭhānatthikā panettha bhikkhuniyo atthi, tā ussukkāpetvā kammaṭṭhānam kathāpessāmīti yācati. Nanu ca so sayampi¹ Tepiṭako bahussuto, kim sayam kathetum na sakkotīti? No na sakkoti. Buddhapaṭibhāgassa pana sāvakassa katham saddhātābbam maññissāntīti yācati. **Bahukicco tvaṃ bahukaraṇīyoti** kim thero navakammādipasuto, yena nam evamāhāti? No, Satthari pana parinibbute catasso parisā Ānandattheram upasaṅkamitvā “bhante idāni kassa pattacīvaram gahetvā caratha, kassa pariveṇam sammajjatha, kassa mukhodakam dethā”ti rodanti paridevanti. Thero “aniccā saṅkhārā, vuddhasarīrepi nillajjova maccurājā pahari, esā saṅkhārānam dhammatā, mā socittha mā paridevitthā”ti parisam saññāpeti. Idamassa bahukiccam. Tam sandhāya thero evamāha. **Sandassesīti** paṭipattiguṇam dasseti. **Samādapesīti** gaṇhāpesi. **Samuttejesīti** samussāhesi. **Sampahamsesīti** paṭiladdhaguṇena modāpesi.

Thullatissāti sarīrena thulā, nāmena Tissā. **Vedehamuninoti** paṇḍitamunino. Paṇḍito hi nāṇasaṅkhātena vedena ihati sabbakiccāni karoti, tasmā “Vedeho”ti vuccati. Vedeho ca so muni cāti vedehamuni. **Dhammam bhāsitaḅbam maññatīti** Tipiṭakadharassa Dhammabhaṇḍāgārikassa sammukhe sayam araṇṇāvāsī paṃsukūliko samāno “dhammakathiko ahan”ti dhammam bhāsitaḅbam maññati, idam kim pana, katham panāti avajānamānā bhaṇati. **Assosīti** aññena āgantvā ārocitavasena assosi. **Āgamehi tvaṃ āvusoti** tiṭṭha tvaṃ āvuso. **Mā te saṅgho uttari upaparikkhīti** mā bhikkhusaṅgho² atireka-okāse tam upaparikkhīti. Idam vuttam hoti— “Ānandena Buddhapaṭibhāgo sāvako vārito, ekā bhikkhunī na vāritā, tāya saddhim santhavo vā sineho vā bhavissatī”ti mā tam saṅgho evam amaññīti³.

1. Nanu sayampi (Syā), nanu ca tesam sayampi (Ka)

2. Bhikkhusaṅgho uttarim (Sī)

3. Maññasīti (Ka)

Idāni attano Buddhapaṭibhāgabhāvaṃ dīpento **taṃ kiṃ maññasi āvusoti-ādimāha. Sattaratananti** sattahatthappamāṇaṃ. **Nāganti** hatthiṃ. **Aḍḍhaṭṭharatanam vāti** aḍḍharatanena ūna-aṭṭharatanam, purimapādato paṭṭhāya yāva kumbhā vidatthādḍhikasattahatthubbedhanti attho. **Tālapattikāyāti** taruṇatālapaṇṇena. **Cavitthāti** cutā, na matā vā naṭṭhā vā, Buddhapaṭibhāgassa pana sāvakassa upavādaṃ vatvā Mahākassapatthere chahi abhiññāhi sīhanādaṃ nadante tassā kāsāvāni kaṇṭakasākhā viya kacchusaṅkhā¹ viya ca sarīraṃ khāditaṃ āraddhāni, tāni hāretvā setakāni nivatthakkhaṇeyevassā cittassādo udapādīti. . Dasmaṃ.

11. Cīvarasuttavaṇṇanā

154. Ekādasame **Dakkhiṇāgirisminti** Rājagahaṃ parivāretvā ṭhitassa girino dakkhiṇabhāge janapado Dakkhiṇāgiri nāma, tasmim cārikam caratīti attho. Cārikā ca nāma duvidhā hoti turitacārikā ca aturitacārikā ca. Tattha yaṃ ekacco ekaṃ kāsāvaṃ nivāsetvā ekaṃ pārupitvā pattacīvaraṃ aṃse laggetvā chattaṃ ādāya sarīrato sedehi paggharantehi divasena sattaṭṭhayaḥjanāni gacchati, yaṃ vā pana Buddhā kiñciveva bodhaneyyasattaṃ disvā yojanasatampi yojanasahassampi khaṇena gacchanti, eṣā **turitacārikā** nāma. Devasikaṃ pana gāvutaṃ aḍḍhayaḥjanam tigāvutaṃ yojananti ettakaṃ addhānaṃ ajjatanāya nimantanam adhivāsayaḥ janaṅgahaṃ karoto gamaṇam, eṣā **aturitacārikā** nāma. Ayaṃ idha adhippetā.

Nanu ca thero pañcavāsati vassāni chāyā viya Dasabalassa pacchato pacchato gacchantova ahoṣi, “kahaṃ Ānando”ti vacanassa okāsameva na adāsī, so kismim kāle bhikkhusaṅghena saddhim cārikam caritaṃ okāsam labhatīti? Satthu parinibbānaṃvacchare. Parinibbute kira Satthari Mahākassapatthero Satthu parinibbāne sannipatitassa bhikkhusaṅghassa majjhe nisīditvā dhammavinayaṅgāyanattham pañcasate bhikkhū uccinitvā “āvuso mayam Rājagahe vassam vasantā dhammavinayaṃ saṅgāyissāma, tumhe

1. Kacchusaṅkhā (Ka)

pure vassūpanāyikāya attano palibodhaṃ ucchinditvā¹ Rājagahe sannipataṭṭhā”ti vatvā attanā Rājagahaṃ gato. Ānandattheropi Bhagavato pattacīvaram ādāya mahājanaṃ saññāpento Sāvattihim gantvā tato nikkhamma Rājagahaṃ gacchanto Dakkhiṇāgirismiṃ cārikam cari. Tam sandhāyetaṃ vuttaṃ.

Yebhuyyena kumārabhūtāti ye te hīnāyāvattā nāma, te yebhuyyena kumārakā² daharā taruṇā ekavassikadvevassikā bhikkhū ceva anupasampannakumārakā ca. Kasmā panete pabbajitā, kasmā hīnāyāvattāti? Tesam kira mātāpitaro cintesuṃ “Ānandatthero Satthu vissāsiko aṭṭha vare yācitvā upaṭṭhahati, icchiticchitaṭṭhānaṃ Satthāraṃ gahetvā gantuṃ sakkoti, amhākaṃ dārake etassa santike pabbājema, so Satthāraṃ gahetvā āgamissati, tasmim āgate mayam mahāsakkāraṃ kātuṃ labhissāmā”ti. Iminā tāva kāraṇena nesam nātakā te pabbājesuṃ. Satthari pana parinibbuta tesam sā patthanā upacchinnā, atha te ekadivaseneva uppabbājesuṃ.

Yathābhirantanti yathāruciyā yathā-ajjhāsayena. **Tikabhojanaṃ paññattanti** idaṃ “gaṇabhojane aññatra samayā pācittiyam”ti³ idaṃ sandhāya vuttaṃ. Tattha hi tiṇṇaṃ janānaṃ akappiyanimantanaṃ sādiyitvā ekato paṭiggaṇhantānampi anāpatti, tasmā “tikabhojanaṃ”ti vuttaṃ.

Dummaṅkūnaṃ puggalānaṃ niggahāyāti dussīlapuggalānaṃ niggaṇhanatthaṃ. **Pesalānaṃ bhikkhūnaṃ phāsuvihārāyāti** dummaṅkūnaṃ niggaheneva pesalānaṃ uposathapavāraṇā vattanti, samaggavāso hoti, ayam tesam phāsuvihāro hoti, imassa phāsuvihārassa atthāya. **Mā pāpicchā pakkham nissāya saṃgham bhindeyyunti** yathā Devadatto sapariso kulesu viññāpetvā bhuñjanto pāpicche nissāya saṃgham bhindi, evam aññepi pāpicchā gaṇabandhena kulesu viññāpetvā bhuñjamānā gaṇam vaḍḍhetvā tam pakkham nissāya mā saṃgham bhindeyyunti, iti iminā kāraṇena paññattanti attho. **Kulānuddayatāya cāti** bhikkhusaṃghe uposathapavāraṇaṃ katvā samaggavāsam

1. Upacchinditvā (Sī), pacchinditvā (Syā)

2. Kumārabhūtā (Sī, Syā)

3. Vi 2. 98 piṭṭhe.

vasante manussā salākabhattādīni datvā saggaparāyaṇā bhavanti, iti imāya kulānuddayatāya ca paññattanti attho.

Sassaghātaraṃ maññe carasīti sassaraṃ ghātento viya āhiṇḍasi.
Kulūpaghātaraṃ maññe carasīti kulāni upaghātento viya hananto viya āhiṇḍasi. **Olujjati**ti visesena palujjati bhijjati. **Palujjanti kho te āvuso navappāyāti** āvuso ete tayhaṃ pāyena yebhuyyena navakā ekavassikaduvassikā daharā ceva sāmaṇerā ca palujjanti bhijjanti. **Na vāyaṃ kumārako mattamaññāsīti** ayaṃ kumārako attano pamāṇaṃ na jānātīti theraraṃ tājento āha.

Kumārakavādā na muccāmāti kumārakavādato na muccāma. **Tathā hi pana tvanti** idamassa evaṃ vattabbatāya kāraṇadassanattamaṃ vuttaṃ. Ayaṃ hettha adhippāyo—yasmā tvaṃ imehi navehi bhikkhuhi indriyasamvararahitehi saddhiraṃ vicarasi, tasmā kumārakehi saddhiraṃ vicaranto kumārakoti vattabbataṃ arahasīti.

Aññatitthiyapubbo samānoti idaraṃ yasmā¹ therassa imasmiṃ sāsane neva ācariyo na upajjhāyo paññāyati, sayaraṃ kāsāyāni gahetvā nikkhanto, tasmā anattamanatāya aññatitthiyapubbataṃ āropayamaṇo āha.

Sahasāti ettha rāgamohacāropi sahasācāro, idaraṃ pana dosacāravasena vuttaṃ. **Appatisaṅkhāti** appaccavekkhitvā. Idāni attano pabbajjaraṃ sodhento **yatvāhaṃ āvusoti-ādimaṃha**. Tatha **aññaṃ satthāraṃ uddisitunti** ṭhapetvā Bhagavantaṃ aññaṃ mayhaṃ satthāti evaṃ uddisitaṃ na jānāmi. **Sambādho gharāvāsoti-ādīsu** sacepi satṭhihatthe ghare yojanasatantarepi vā dve jāyampatikā vasanti, tathāpi tesaraṃ sakiñcanasapalibodhatṭhena gharāvāso sambādhoyeva. **Rajāpathoti** rāgarajādīnaṃ utṭhānatṭhānanti Mahā-aṭṭhakathāyaṃ vuttaṃ. “Āgamanapatho”tipi vatthuraṃ vaṭṭati. Alagganaṭṭhena abbhokāso viyāti **abbhokāso**. Pabbajito hi Kūṭāgāraranamaya-pāsādadevavimānādīsu pihitadvāravātapānesu paṭicchannesu vasantopi neva laggati na sajjati na bajjhati, tena

1. Āyasmato (Sī)

vuttaṃ “abbhokāso pabbajjā”ti. Apica **sambādho gharāvāso** kusalakiriyaṃ okāsābhāvato, **rajāpatho** asaṃvutasāṅkāraṭṭhānaṃ viya rajānaṃ, kilesarajānaṃ sannipātaṭṭhānato, **abbhokāso pabbajjā** kusalakiriyaṃ yathāsukhaṃ okāsasabbhāvato.

Nayidaṃ sukaraṃ -pa- pabbajeyyanti ettha ayaṃ saṅkhepakathā— yadetaṃ sikkhattayabrahmacariyaṃ ekampi divasaṃ akhaṇḍaṃ katvā carimakacittaṃ pāpetabbaṭāya **ekantaparipuṇṇaṃ** caritabbaṃ, ekadivasampi ca kilesamalena amalānaṃ katvā carimakacittaṃ pāpetabbaṭāya **ekantaparisuddhaṃ, saṅkhalikhitaṃ** likhitasāṅkhasadisaraṃ dhotasaṅkhasappaṭibhāgaṃ caritabbaṃ, idaṃ na sukaraṃ agāraṃ ajjhāvasatā agāramajjhe vasantena ekantaparipuṇṇaṃ -pa- carituṃ, yaṃnūnāhaṃ kesamassaṃ ohāretvā kasāyarasapītāya kāsāyāni brahmacariyaṃ carantānaṃ anucchavikāni vatthāni acchādetvā paridahitvā agārasmaṃ nikkhamitvā anagāriyaṃ pabbajeyyanti. Ettha ca yasmā agārassa hitaṃ kasivaṇijjādikammaṃ **agāriyanti** vuccati, taṃ pabbajjāya natthi, tasmā pabbajjā anagāriyāti nātabbā, taṃ anagāriyaṃ. **Pabbajeyyanti** paṭipajjeyyaṃ¹.

Paṭapilotikānanti jiṇṇapilotikānaṃ. Terasahatthopi hi navasāṭako dasānaṃ chinnakālato paṭṭhāya pilotikāti vuccati. Iti mahārahāni vatthāni chinditvā kataṃ saṅghāṭiṃ sandhāya “paṭapilotikānaṃ saṅghāṭiṃ”ti vuttaṃ. **Addhānamaggappaṭipanno**ti addhayaḥjanato paṭṭhaya maggo addhānanti vuccati, taṃ addhānamaggaṃ paṭipanno, dīghamaggaṃ paṭipanno attho.

Idāni yathā esa pabbajito, yathā ca addhānamaggaṃ paṭipanno, imassatthassa āvibhāvattamaṃ abhinīhārato paṭṭhāya anupubbikathā kathetabbā—atīte kira kappasatasahassamatthake Padumuttaro nāma Satthā udapādi, tasmim Hamsavatīnagaraṃ upanissāya Kheme migadāye viharante Vedeho nāma kuṭumbiko asītiḥjanavibhavo pātova subhojanaṃ bhujjivā uposathaṅgāni² adhiṭṭhāya gandhapupphādīni gahetvā vihāraṃ gantvā Satthāraṃ pūjetvā vanditvā ekamantaṃ nisīdi. Tasmim Khaṇe Satthā Mahānisabhattheraṃ nāma tatiyasāvakaṃ “etadaggaṃ bhikkhave mama

1. Parivajeyyaṃ (Ka)

2. Uposathaṅgaṃ (Syā), uposathaṃ (Ka)

sāvakānaṃ bhikkhūnaṃ dhutavādānaṃ yadidaṃ Nisabho”ti etadagge
 ṭhapesi. Upāsako taṃ sutvā pasanno dhammakathāvasāne mahājane uṭṭhāya
 gate Satthāraṃ vanditvā “bhante sve mayhaṃ bhikkhaṃ adhvāsethā”ti āha.
 Mahā kho upāsaka bhikkhusaṃghoti. Kittako Bhagavāti.

Aṭṭhasatṭhibhikkhusatasahassanti. Bhante ekaṃ sāmaṇerampi vihāre
 asesetvā bhikkhaṃ adhvāsethāti. Satthā adhvāsesi. Upāsako Satthu
 adhvāsanāṃ viditvā gehaṃ gantvā mahādānaṃ sajjetvā punadivase Satthu
 kālaṃ ārocāpesi. Satthā pattacīvaramādāya bhikkhusaṃghaparivuto
 upāsakassa gharaṃ gantvā paññattāsane nisinno dakkhiṇodakāvasāne
 yāgubhattādīni sampaṭicchanto bhattavissaggaṃ akāsi. Upāsakopi Satthu
 santike nisīdi.

Tasmiṃ antare Mahānisabhatthero piṇḍāya caranto tameva vīthiṃ
 paṭipajji. Upāsako disvā uṭṭhāya gantvā therāṃ vanditvā “pattaṃ bhante no
 dethā”ti āha. Thero pattaṃ adāsi. Bhante idheva pavisatha, Satthāpi gehe
 nisinnoti. Na vaṭṭissati upāsakāti. Upāsako therassa pattaṃ gahetvā
 piṇḍapātassa pūretvā nīharitvā adāsi. Tato¹ therāṃ anugantvā nivatto Satthu
 santike nisīditvā evamāha “bhante Mahānisabhatthero ‘satthā gehe nisinno’
 vuttepi pavisituṃ na icchi, atthi nu kho etassa tumhākaṃ guṇehi atireko
 guṇo”ti. Buddhānañca vaṇṇamaccheraṃ nāma natthi. Atha Satthā evamāha
 “upāsaka mayhaṃ bhikkhaṃ āgamayamānā gehe nisīdāma, so bhikkhu na
 evaṃ nisīditvā bhikkhaṃ udikkhati. Mayhaṃ gāmantasenāsane vasāma, so
 araṇṇasmim yeva vasati. Mayhaṃ channe vasāma, so abbhokāsamhiyeva
 vasati. Iti tassa ayañca ayañca guṇo”ti mahāsamuddaṃ pūrayamānova
 kathesi. Upāsako pakatiyāpi jalamānapadīpo telena āsitto viya suṭṭharam²
 pasanno hutvā cintesi “kiṃ mayhaṃ aññāya sampattiyā, anāgate ekassa
 Buddhassa santike dhutavādānaṃ³ aggabhāvatthāya patthanāṃ karissāmi”ti.

So punapi Satthāraṃ nimantetvā teneva niyāmena satta divasāni dānaṃ
 datvā sattame divase aṭṭhasatṭhibhikkhusatasahassassa ticīvarāni datvā
 Satthu pādāmūle nipajjitvā evamāha “yaṃ me bhante satta divasāni dānaṃ

1. Taṃ (Ka)

2. Suṭṭhu (Sī)

3. Dhutaṅgadharaṇāṃ (Sī)

dentassa mettaṃ kāyakammaṃ mettaṃ vacīkammaṃ mettaṃ
manokammaṃ, imināhaṃ na aññaṃ devasampattiṃ vā
Sakkamārabrahmasampattiṃ vā patthemī, idaṃ pana me kammaṃ anāgate
ekassa Buddhassa santike Mahānisabhattherena pattaṭṭhānantaraṃ
pāpuṇanathāya terasadhutaṅgadharaṇaṃ aggabhāvassa paccayo hotū”ti.
Satthā “mahantaṃ ṭhānaṃ iminā patthitaṃ, samijjhissati nu kho”ti olokento
samijjhanabhāvaṃ disvā āha “manāpaṃ te ṭhānaṃ patthitaṃ, anāgate
satasahassakappamatthake Gotamo nāma Buddhō uppajjissati, tassa tvaṃ
tatiyasāvako Mahākassapatthero nāma bhavissati”ti. Taṃ sutvā upāsako
“Buddhānaṃ dve kathā nāma natthī”ti punadvise pattabbaṃ viya taṃ
sampattiṃ amaññittha. So yāvatāyukaṃ sīlaṃ rakkhitvā tattha kālaṅkato
sagge nibbatti.

Tato paṭṭhāya devamanussesu sampattiṃ anubhavanto ito
ekānavutikappe vipassimhi Sammāsambuddhe Bandhumatīnagaraṃ nissāya
kheme miḡadāye viharante devalokā cavitvā aññatarasmiṃ pariijñe
brāhmaṇakule nibbatti. Tasmīṅca kāle “Vipassī Bhagavā sattame sattame
saṃvacchare dhammaṃ kathetī”ti mahantaṃ kolāhalaṃ hoti.
Sakalajambudīpe devatā “Satthā dhammaṃ kathessati”ti ārocenti, brāhmaṇo
taṃ sāsanaṃ assosi. Tassa ca nivāsanasāṭako eko hoti, tathā brāhmaṇiyā,
pārūpanaṃ pana dvinnampi ekameva. Sakalanagare “Ekasāṭakabrāhmaṇo”ti
paññāyati. Brāhmaṇānaṃ kenacideva kiccena sannipāte sati brāhmaṇiṃ
gehe ṭhapetvā sayāṃ gacchati, brāhmaṇiṇaṃ sannipāte sati sayāṃ gehe
tiṭṭhati, brāhmaṇī taṃ vatthaṃ pārūpitvā gacchati. Tasmīṃ pana divase
brāhmaṇo brāhmaṇiṃ āha “bhoti kiṃ rattiṃ dhammassavanaṃ suṇissasi,
divā”ti. “Mayāṃ mātugāmajātikā nāma rattiṃ sotuṃ na sakkoma, divā
sossāmī”ti brāhmaṇaṃ gehe ṭhapetvā vatthaṃ pārūpitvā upāsikāhi saddhiṃ
divā gantvā Satthāraṃ vanditvā ekamante nisinnā dhammaṃ sutvā
upāsikāhiyeva saddhiṃ āgamāsi. Atha brahmaṇo brāhmaṇiṃ gehe ṭhapetvā
vatthaṃ pārūpitvā vihāraṃ gato.

Tasmīṃ ca samaye Satthā parisamajjhe alaṅkatadhammāsane
sannisinno cittabjaniṃ ādāya ākāsagaṅgaṃ otārento viya Sineruṃ
matthaṃ¹

1. Sinerumatthakaṃ (Syā), Sineruṃ matthakaṃ (Ka)

katvā sāgaraṃ nimmathento viya dhammakathaṃ katheti. Brāhmaṇassa parisante¹ nisinnassa dhammaṃ suṇantassa paṭhamayāmasmiṃ yeva sakalasarīraṃ pūrayamānā pañcavaṇṇā pīti uppajji. So pārutavatthaṃ saṃgharivā² “Dasabalassa dassāmī”ti cintesi. Athassa ādīnavasahassaṃ dassayamānaṃ maccheraṃ uppajji, so “brāhmaṇiyā ca mayhañca ekameva vatthaṃ, aññaṃ kiñci pārupanaṃ natthi, apārupitvā ca nāma bahi carituṃ na sakkā”ti sabbathāpi adātukāmo ahoṣi. Athassa nikkhante paṭhamayāme majjhimayāmeṃpi tatheva pīti uppajji, so tatheva ca cintetvā tatheva adātukāmo ahoṣi. Athassa majjhimayāme nikkhante pacchimayāmeṃpi tatheva pīti uppajji, so “taraṇaṃ vā hotu maraṇaṃ vā³, pacchāpi jānissāmī”ti vatthaṃ saṃgharivā Satthu pādāmūle ṭhapesi. Tato vāmahatthaṃ ābhujitvā dakkhiṇena hatthena tikkhattuṃ apphotetvā “jitaṃ me, jitaṃ me”ti tayo vāre nadi.

Tasmiṃ ca samaye Bandhumarājā dhammāsanassa pacchato antosāṇiyaṃ nisinnassa dhammaṃ suṇāti. Rañño ca nāma “jitaṃ me”ti saddo amanāpo hoti. So purisaṃ pesesi “gaccha etaṃ puccha kiṃ vadesī”ti, so tena gantvā pucchito āha “avasesā hatthiyānādīni āruyha asicammādīni gahetvā parasenaṃ jinanti, na taṃ acchariyaṃ, ahaṃ pana pacchato āgacchantassa kūṭagoṇassa muggarena sīsaṃ bhinditvā taṃ palāpento viya maccheracittaṃ madditvā⁴ pārutavatthaṃ Dasabalassa adāsīṃ, taṃ me macchariyaṃ jitaṃ”ti āha. Puriso gantvā taṃ pavattiṃ rañño ārocesi. Rājā āha “amhe bhaṇe Dasabalassa anurūpaṃ na jānimhā, brāhmaṇo pana jānī”ti⁵ vatthayugampi pesesi. Taṃ disvā brāhmaṇo cintesi “ayaṃ mayhaṃ tuṅhī nisinnassa paṭhamaṃ kiñci adatvā Satthu guṇe kathentassa adāsi, Satthu guṇe paṭicca uppannaṃ mayhaṃ ko attho”ti tampi vatthayugaṃ Dasabalasseva adāsi. Rājā “kiṃ brāhmaṇena katan”ti pucchitvā “tampi tena⁶ vatthayugaṃ Tathāgatasseva dinnan”ti sutvā aññāni dve vatthayugāni pesesi. So tānipi adāsi. Rājā aññānipi cattārīti evaṃ yāva dvattimsavatthayugāni pesesi. Atha

1. Pariyante (Syā) 2. Saṃharitvā (Sī) 3. Maraṇaṃ vā hotu amaraṇaṃ vā (Syā, Ka)
 4. Cajetvā (Syā) 5. Jānātīti (Sī, Ka) 6. Tampi dinnan (Sī)

brāhmaṇo “idaṃ vaḍḍhetvā gahaṇaṃ viya hotī”ti attano atthāya ekaṃ,
brāhmaṇiyā atthāya ekanti dve vatthayugāni gahetvā tiṃsa yugāni
Tathāgatasseva adāsi. Tato paṭṭhāya ca Satthu vissāsiko jāto.

Atha naṃ rājā ekadivasaṃ sītasamaye Satthu santike dhammaṃ
suṇantaṃ disvā sataśahassagghaṇikaṃ attano pārutaṃ rattakambalaṃ datvā
āha “ito paṭṭhāya imaṃ pārupitvā dhammaṃ suṇāhi”ti. So “kiṃ me iminā
kambalena imasmiṃ pūtikāye upanītenā”ti cintetvā antogandhakuṭiyam
Tathāgatamañcassa upari vitānaṃ katvā agamāsi. Atha ekadivasaṃ rājā
pātova vihāraṃ gantvā antogandhakuṭiyam Satthu santike nisīdi. Tasmañca
samaye chabbaṇṇā Buddharasmiyo kambalaṃ paṭihaññanti, kambalo ativiya
virocati. Rājā uddhaṃ olokento sañjānitvā āha “bhante amhākaṃ esa
kambalo, amhehi Ekasāṭakabrāhmaṇassa dinno”ti. Tumhehi mahārāja
brāhmaṇo pūjito, brāhmaṇena ahaṃ pūjitoti. Rājā “brāhmaṇo yuttakaṃ
aññāsi, na mayan”ti pasīditvā yaṃ manussānaṃ upakārahūtaṃ, taṃ
sabbaṃ aṭṭhaṭṭhakaṃ katvā sabbaṭṭhakaṃ nāma dānaṃ datvā purohitaṭṭhāne
ṭhapesi. Sopi “aṭṭhaṭṭhakaṃ nāma catusaṭṭhi hotī”ti catusaṭṭhi salākabhattāni
upanibandhāpetvā¹ yāvajīvaṃ dānaṃ datvā sīlaṃ rakkhitvā tato cuto sagge
nibbatti.

Puna tato cuto imasmiṃ kappe Koṇāgamanassa ca Bhagavato
Kassapadasabalassa cāti dvinnāṃ Buddhānaṃ antare Bārāṇasiyam
kuṭumbiyaghare nibbatto, so vuddhimanvāya gharāvāsaṃ vasanto
ekadivasaṃ araññe jaṅghavihāraṃ carati. Tasmañca samaye Paccekabuddho
nadītīre cīvarakammaṃ karonto anuvāte appahonte saṃgharivā ṭhapetuṃ
āraddho. So disvā “kasmā bhante saṃgharivā ṭhapethā”ti āha. Anuvāto
nappahotīti. “Iminā bhante karoṭhā”ti sāṭakaṃ datvā “nibbattanibbattaṭṭhāne
me kenaci parihāni mā hotū”ti patthanaṃ paṭṭhapesi. Gharepissa bhaginiyā
saddhiṃ bhariyāya kalahaṃ karontiyā Paccekabuddho piṇḍāya pāvīsi.

1. Upanāmetvā (Syā)

Athassa bhaginī Paccekabuddhassa piṇḍapātaṃ datvā tassa bhariyaṃ sandhāya¹ “evarūpaṃ bālaṃ yojanasatena parivajjeyyaṃ”ti patthanam paṭṭhapesi. Sā gehadvāre ṭhitā taṃ sutvā “imāya dinnam bhattam esa mā bhuñjatu”ti pattam gahetvā piṇḍapātaṃ chaḍḍetvā kalalassa pūretvā adāsi. Itarā disvā “bāle maṃ tāva akkosa vā pahara vā, evarūpassa pana dve asaṅkheyyāni pūritapāramissa pattato bhattam chaḍḍetvā kalalam dātum na yuttan”ti āha. Athassa bhariyāya paṭisaṅkhānam uppajji. Sā “tiṭṭhatha bhante”ti kalalam chaḍḍetvā pattam dhovivā gandhacunṇena ubbaṭṭetvā pavarassa catumadhurassa pūretvā upari āsittena padumagabbhavaṇṇena sappinā vijjotamānam Paccekabuddhassa hatthe ṭhapetvā “yathā ayam piṇḍapāto obhāsajāto, evam obhāsajātam me sarīram hotū”ti patthanam paṭṭhapesi. Paccekabuddho anumoditvā ākāsam pakkhandi². Tepi jāyampatikā³ yāvatāyukam kusalam katvā sagge nibbattitvā puna tato cavitvā upāsako Bārāṇasiyam asītiakoṭivibhavassa seṭṭhino putto hutvā nibbatti, itarā tādisasseva dhītā hutvā nibbatti.

Tassa vuddhipattassa tameva seṭṭhidhītam ānayaṃsu. Tassā pubbe adinnavipākassa tassa kamma ānubhāvena patikulam pavitṭhamattāya ummārabbhantare sakalasarīram ugghāṭitavaccakuṭi viya duggandham jātam. Seṭṭhikumāro “kassāyam gandho”ti pucchitvā “seṭṭhikaññāyā”ti sutvā “nīharatha nīharathā”ti ābhataniyāmeneva⁴ kulagharam pesesi. Sā eteneva nīhārena sattu paṭinivattitā cintesi “aham sattu paṭinivattā, kiṃ me jīvitena”ti attano ābhāraṇabhaṇḍam bhāñjāpetvā suvaṇṇiṭṭhakam kāresi ratanāyatam vidatthivittatham caturaṅgulubbedham. Tato haritālamanosilāpiṇḍam gahetvā aṭṭha uppalahatthake ādāya Kassapadasabalassa cetiyakaraṇaṭṭhānam gatā. Tasmīṃca khaṇe ekā iṭṭhakapanti parikkhipitvā āgacchamānā ghaṭaniṭṭhakāya unā hoti. Seṭṭhidhītā vaḍḍhakim āha “imam iṭṭhakam ettha ṭhapethā”ti. Amma bhaddake kāle āgatāsi, sayameva ṭhaphēti. Sā āruyha telena haritālamanosilam yojetvā tena bandhanena iṭṭhakam patiṭṭhapetvā

1. Sandhāya evamāha (Syā)

3. Jāyapatikā (Syā)

2. Pakkhandi (Sī, Ka)

4. Āgatanayeneva (Ka)

upari aṭṭhahi uppalahatthakehi pūjaṃ katvā vanditvā “nibbattanibbattaṭṭhāne me kāyato candanagandho vāyatu, mukhato uppalagandho”ti patthanam katvā cetiyam vanditvā padakkhiṇam katvā agamāsi.

Atha tasmimyeva khaṇe yassa seṭṭhiputtassa paṭhamam geham nītā, tassa tam ārabha sati udapādi. Nagarepi nakkhattam saṃghuṭṭham hoti. So upaṭṭhāke āha “tadā idha ānītā seṭṭhidhītā atthi, kham sā”ti. Kulagehe sāmīti¹. Ānetha nam, nakkhattam kīḷissāmīti. Te gantvā tam vanditvā ṭhitā “kim tātā āgatattā”ti tāya puṭṭhā tam pavattim ācikkhimsu. Tātā mayā ābharaṇabhaṇḍena cetiyam pūjitam, ābharaṇam me natthīti. Te gantvā seṭṭhiputtassa ārocesum. Ānetha nam, piḷandhanam labhissāmīti. Te ānayimsu. Tassā saha gharappavesena sakalageham candanagandhañceva nīluppalagandhañca vāyi.

Seṭṭhiputto tam pucchi “paṭhamam tava sarīrato duggandho vāyi, idāni pana te sarīrato candanagandho, mukhato uppalagandho vāyati, kim etan”ti. Sā ādito paṭṭhāya attano katakammam ārocesi. Seṭṭhiputto “niyyānikam vata Buddhānam sāsanan”ti pasīditvā yojanikam suvaṇṇacetiyaṃ kambalakañcukena parikkhipitvā tattha tattha rathacakkappamāñchi suvaṇṇapadumehi alaṅkari. Tesam dvādasahatthā olambakā hontī. So tattha yāvatāyukam ṭhatvā sagge nibbattitvā tato cuto Bārāṇasito yojanamatte ṭhāne aññatarasmim amaccakule nibbatti. Seṭṭhikaññā devalokato cavitvā rājakule jeṭṭhadhītā hutvā nibbatti.

Tesu vayappattesu kumārassa vasanagāme nakkhattam saṃghuṭṭham, so mātaram āha “sāṭakam me amma dehi, nakkhattam kīḷissāmī”ti. Sā dhotavattham nīharitvā adāsi. Amma thūlam idanti. Aññam nīharitvā adāsi, tampi paṭikkhipi. Aññam nīharitvā adāsi, tampi paṭikkhipi. Atha nam mātā āha “tāta yādise gehe mayam jātā, natthi no ito sukhumatarassa paṭilābhāya puññan”ti. Labhanaṭṭhānam gacchāmi ammāti. Putta aham ajjeva tuyham Bārāṇasinagare rajjapaṭilābhampi icchāmīti. So mātaram vanditvā āha “gacchāmi ammā”ti. Gaccha tātāti. Evaṃ kirassā cittam

1. Vasati sāmīti (Sī)

ahosi “kahaṃ gamissati, idha vā ettha vā gehe nisīdissatī”ti. So pana puññaniyāmena nikkhamitvā Bārāṇasim gantvā uyyāne maṅgalasilāpaṭṭe sasīsam pārupitvā nipajji. So ca Bārāṇasirañño kālaṅkatassa sattamo divaso hoti.

Amaccā rañño sarīrakiccam katvā rājaṅgaṇe nisīditvā mantayimsu “rañño ekā dhītāva atthi, putto natthi, arājakaṃ rajjam na tiṭṭhati, ko rājā hoti”ti mantetvā “tvaṃ hohi, tvaṃ hohi”ti. Purohito āha “bahuṃ oloketuṃ na vaṭṭati, phussaratham¹ vissajjemā”ti. Te kumudavaṇṇe cattāro sindhave yojetvā pañcavidham rājakakudhabhaṇḍam setacchattañca rathasmimyeva ṭhapetvā ratham vissajjetvā pacchato tūriyāni paggaṇhāpesuṃ. Ratho pācīnadvārena nikkhamitvā uyyānābhimukho ahosi, “paricayena uyyānābhimukho gacchati, nivattemā”ti keci āhamsu. Purohito “mā nivattayitthā”ti āha. Ratho kumāram padakkhiṇam katvā ārohanasajjo hutvā aṭṭhāsi. Purohito pārupanakaṇṇam apanetvā pādatalāni oloketo “tiṭṭhatu ayaṃ dīpo, dvisahassadīparivāresu catūsu dīpesu esa rajjam kātuṃ yutto”ti vatvā “punapi tūriyāni paggaṇhātha punapi paggaṇhāthā”ti tikkhattuṃ tūriyāni paggaṇhāpesi.

Atha kumāro mukham vivaritvā oloketvā “kena kammaena āgatatthā”ti āha. Deva tumhākaṃ rajjam pāpuṇātīti. Rājā kahanti. Devattam gato² sāmīti. Kati divasā atikkantāti. Ajja sattamo divasoti. Putto vā dhītā vā natthīti. Dhītā atthi deva, putto natthīti. Tena hi karissāmi rajjanti. Te tāvadeva abhisekamaṇḍapaṃ katvā rājadhītaram sabbālankārehi alaṅkaritvā uyyānam ānetvā kumārassa abhisekam akaṃsu.

Athassa katābhisekassa satahassagghanikaṃ vattham upaharimsu. So “kimidaṃ tātā”ti āha. Nivāsanavattham devāti. Nanu tātā thūlanti. Manussānaṃ paribhogavatthesu ito sukhumataram natthi devāti. Tumhākaṃ rājā evarūpaṃ nivāsesīti. Āma devāti. Na maññe puññavā

1. Pussaratham (Syā)

2. Divaṅgato (Syā)

tumhākaṃ rājā, suvaṇṇabhiṅgāraṃ¹ āharatha, labhissāma vatthanti. Suvaṇṇabhiṅgāraṃ āhariṃsu. So uṭṭhāya hatthe dhovivā mukhaṃ vikkhāletvā hatthena udakaṃ ādāya puratthimadisāya abbhukkiri, ghanapathaviṃ bhindivā aṭṭha kapparukkhā uṭṭhahimsu. Puna udakaṃ gahetvā dakkhiṇaṃ pacchimaṃ uttaranti evaṃ catasso disā abbhukkiri, sabbadisāsu aṭṭha aṭṭha katvā dvattimsa kapparukkhā uṭṭhahimsu. So ekaṃ dibbadussaṃ nivāsetvā ekaṃ pārupivā “Nandaraṅṅo vijite suttakantikā itthiyo mā suttam kantiṃsūti evaṃ bheriṃ cārāpethā”ti vatvā chattaṃ ussāpetvā alaṅkatapaṭiyatto hatthikkhandhavaragato nagaraṃ pavisitvā pāsādaṃ āruyha mahāsampattiṃ anubhavi.

Evaṃ kāle gacchante ekadivasaṃ devī raṅṅo sampattiṃ disvā “aho tapassī”ti² kāruṅṅākāraṃ dassesi. “Kimidaṃ devī”ti ca puṭṭhā “atimahatī deva sampatti, atīte Buddhānaṃ saddahivā kalyāṇaṃ akattha, idāni anāgatassa paccayaṃ kusalaṃ na karoṭhā”ti āha. Kassa dassāmi, sīlavanto natthīti. “Asuṅṅo deva Jambudīpa arahantehi, tumhe dānameva sajjetha, ahaṃ arahante lacchāmi”ti āha. Rājā punadivase pācīnavāre dānaṃ sajjāpesi. Devī pātova uposathaṅgāni adhiṭṭhāya uparipāsāde puratthābhimukhā urena nipajjitvā “sace etissā disāya arahanto atthi, āgacchantu amhākaṃ bhikkhaṃ gaṇhantū”ti āha. Tassaṃ disāyaṃ arahanto nāhesuṃ. Taṃ sakkāraṃ kapaṇaddhikayācakānaṃ adaṃsu.

Punadivase dakkhiṇadvāre dānaṃ sajjetvā tatheva akāsi, punadivase pacchimadvāre. Uttaradvāre sajjitadivase pana deviyā tatheva nimantentiyaṃ Himavante vasantānaṃ Padumavatiyā puttānaṃ pañcasatānaṃ Paccekabuddhānaṃ jeṭṭhako Mahāpadumapaccekabuddho bhātike āmantesi “mārisā Nandarājā tumhe nimanteti, adhivāsetha tassā”ti. Te adhivāsetvā punadivase anotattadahe mukhaṃ dhovivā ākāseṇa āgantvā uttaradvāre otarimsu. Manussā gantvā “pañcasatā deva Paccekabuddhā āgatā”ti raṅṅo ārocesuṃ. Rājā saddhiṃ deviyā gantvā vanditvā pattaṃ gahetvā Paccekabuddhe pāsādaṃ āropetvā tesāṃ dānaṃ datvā bhattakiccāvasāne

1. Suvaṇṇabhiṅkāraṃ (Sī)

2. Aho vata tapassīti (Syā)

rājā saṃghatherassa, devī saṃghanavakassa pādamūle nipajjitvā “ayyā paccayehi na kilamissanti, mayam puññaena na hāyissāma, amhākaṃ yāvajīvaṃ idha nivāsāya paṭiññaṃ dethā”ti paṭiññaṃ kāretvā uyyāne pañca paṇṇasālāsātāni pañca caṅkamanasātānīti sabbākārena nivāsaṭṭhānaṃ sampādetvā tattha vasāpetuṃ.

Evam kāle gacchante rañño paccanto kupito. “Aham paccantaṃ vūpasametuṃ gacchāmi, tvam Paccekabuddhesu mā pamajji”ti devim ovaditvā gato. Tasmim anāgateyeva Paccekabuddhānaṃ āyusaṅkhārā khīṇā. Mahāpadumapaccekabuddho tiyāmarattim jhānakīlaṃ kīlitvā aruṇuggamane ālambanaphalakaṃ ālambitvā ṭhitakova anupādisesāya nibbānadhātuyā parinibbāyi, etenupāyena sesāpīti sabbepi parinibbutā. Punadivase devī Paccekabuddhānaṃ nisīdanaṭṭhānaṃ haritūpalittaṃ kāretvā pupphāni vikiritvā dhūpaṃ datvā¹ tesam āgamaṇaṃ olokayantī nisinnā āgamaṇaṃ apassantī purisaṃ pesesi “gaccha tāta jānāhi, kim ayyānaṃ kiñci aphāsukaṃ”ti. So gantvā Mahāpadumassa paṇṇasālāya dvāraṃ vivaritvā tattha apassanto caṅkamaṇaṃ gantvā ālambanaphalakaṃ nissāya ṭhitaṃ disvā vanditvā “kālo bhante”ti āha. Parinibbutasarīraṃ kim kathessati, so “niddāyati mañña”ti gantvā piṭṭhipāde hatthena parāmasi. Pādānaṃ sītalatāya ceva thaddhatāya ca parinibbutabhāvaṃ ñatvā dutiyassa santikaṃ agamāsi, evam tatiyassāti sabbesaṃ parinibbutabhāvaṃ ñatvā rājakulaṃ gato. “Kahaṃ tāta Paccekabuddhā”ti puṭṭho “parinibbutā devī”ti āha. Devī kandantī rodantī nikkhamitvā nāgarehi saddhim tattha gantvā sādhuṅkīlitaṃ kāretvā Paccekabuddhānaṃ sarīrakiccaṃ katvā dhātuyo gahetvā cetiyaṃ patiṭṭhāpesi.

Rājā paccantaṃ vūpasamtvā āgato paccuggamaṇaṃ āgataṃ devim pucchi “kim bhaddhe Paccekabuddhesu nappamajji, nirogā ayyā”ti. Parinibbutā devāti. Rājā cintesi “evarūpānampi paṇḍitānaṃ maraṇaṃ uppajjati, amhākaṃ kuto makkho”ti. So nagaraṃ agantvā² uyyānameva pavisitvā jeṭṭhaputtaṃ pakkosāpetvā tassa rajjaṃ paṭiyādetvā sayam samaṇakapabbajjaṃ³ pabbaji,

1. Pūjaṃ katvā (Syā, Ka)

2. Anāgantvā (Sī), āgantvā (Ka)

3. Samaṇapabbajjaṃ (Sī, Syā)

devīpi “imasmim pabbajite aham kim karissāmi”ti tattheva uyyāne pabbajitā. Dvepi jhānam bhāvetvā tato cutā brahmaloke nibbattiṃsu.

Tesu tattheva vasantesu amhākam Satthā loka uppajjitvā pavattitavaradhammacakko anupubbena Rājagaham pāvisi. Ayaṃ Pippalimāṇavo¹ Magadharatṭhe Mahātitthabrāhmaṇagāme Kapilabrāhmaṇassa aggamaheṣiyā kucchimhi nibbatto, ayaṃ Bhaddā Kāpilānī Maddaraṭṭhe Sāgalanagare Kosiyagottabrāhmaṇassa aggamaheṣiyā kucchisim nibbattā. Tesam kho anukkamena vaḍḍhamānānam Pippalimāṇavassa vīsatime vasse Bhaddāya soḷasame vasse sampatte mātāpitaro puttam oloketvā “tāta tvam vayappatto, kulavamso nāma paṭiṭṭhapetabbo”ti ativiya nippīlayiṃsu. Māṇavo āha “mayham sotapathe evarūpaṃ katham mā kathetha, aham yāva tumhe dharatha, tāva paṭijaggissāmi, tumhākam pacchato nikkhamitvā pabbajissāmi”ti. Te katipāham atikkamitvā puna kathayiṃsu, sopi tattheva paṭikkhipi. Puna kathayiṃsu, punapi paṭikkhipi. Tato paṭṭhāya mātā nirantaram kathetiyeva.

Māṇavo “mama mātaram saññāpessāmi”ti rattasuvaṇṇassa nikkhasahassam datvā suvaṇṇakārehi ekam itthirūpaṃ kārapetvā tassa majjanaghaṭṭanādikkammapariyosāne tam rattavattham nivāsāpetvā vaṇṇasampannehi pupphehi ceva nānā-alāṅkārehi ca alāṅkārapetvā mātaram pakkosāpetvā āha “amma evarūpaṃ ārammaṇam labhanto gehe vasāmi, alabhanto na vasāmi”ti. Paṇḍitā brāhmaṇī cintesi “mayham putto puññavā dinnadāno katābhinihāro, puññam karonto na ekakova akāsi, addhā etena saha katapuññā suvaṇṇarūpakapaṭibhāgā bhavissati”ti aṭṭha brāhmaṇe pakkosāpetvā sabbakāmehi santappetvā suvaṇṇarūpataṃ ratham āropetvā “gacchatha tātā, yattha amhākam jātigotthabhogehi samānakule evarūpaṃ dārikam passatha, imameva suvaṇṇarūpakam paṇṇākāram katvā dethā”ti uyyojesi.

Te “amhākam nāma etaṃ kamman”ti nikkhamitvā “kattha gamissāmā”ti cintetvā “Maddaraṭṭham nāma itthākaro, Maddaraṭṭham² gamissāmā”ti Maddaraṭṭhe

1. Pippalimāṇavo (Sī, Syā)

2. Tattha (Sī)

Sāgalanagaraṃ agamiṃsu. Tattha taṃ suvaṇṇarūpakam̐ nhānatitthe¹ ṭhapetvā ekamantaṃ nisīdiṃsu. Atha Bhaddāya dhātī Bhaddam̐ nhāpetvā alaṅkaritvā sirigabbhe nisīdāpetvā nhāyitum̐ āgacchantī taṃ rūpakam̐ disvā “ayyadhītā me idhāgatā”ti saññāya tājjetvā “dubbinite kiṃ tvaṃ idhāgatā”ti talasattikam̐ uggiritvā “gaccha sīghan”ti gaṇḍapasse² pahari. Hattho pāsāṇe paṭihato viya kampittha. Sā paṭikkamitvā “evaṃ thaddham̐ nāma mahāgīvaṃ disvā ‘ayyadhītā me’ti saññam̐ uppādesim̐, ayyadhītāya hi me ayam̐ nivāsanapaṭiggāhikāpi³ ayuttā”ti āha. Atha nam̐ te manussā parivāretvā “evarūpā te sāmīdhītā”ti pucchim̐su. Kiṃ esā, imāya sataguṇena sāhassaguṇena mayham̐ ayyā abhirūpatarā, dvādasahatthe gabbhe nisinnāya padīpakiccam̐ natthi, sarīrobhāseneva tamam̐ vidhamatīti. “Tena hi āgacchā”ti taṃ gahetvā suvaṇṇarūpakam̐ ratham̐ āropetvā Kosiyagottassa gharadvāre ṭhatvā āgamanam̐ nivedayim̐su.

Brāhmaṇo paṭisanthāram̐ katvā “kuto āgatathā”ti pucchi. Magadharatṭhe Mahātithagāme Kapilabrāhmaṇassa gharatoti. Kiṃ kāraṇā āgatāti. Iminā nāma kāraṇenāti. “Kalyāṇam̐ tātā, samajātigottavibhavo amhākam̐ brāhmaṇo, dassāmi dārikan”ti paṇṇākāram̐ gaṇhi. Te Kapilabrāhmaṇassa sāsanaṃ paṇiṃim̐su “laddhā dārikā, kattabbam̐ karoṭhā”ti. Taṃ sāsanaṃ sutvā Pippalimāṇavassa ārocayim̐su “laddhā kira dārikā”ti. Māṇavo “aham̐ na labhissāmīti cintesim̐, ime laddhāti ca vadanti, anathhiko hutvā paṇṇam̐ pesissāmī”ti rahogato paṇṇam̐ likhi “bhaddā attano jātigottabhogānurūpaṃ gharāvāsam̐ labhatu, aham̐ nikkhamitvā pabbajissāmi, mā pacchā vipaṭisārīni ahoṣī”ti. Bhaddāpi “asukassa kira mam̐ dātukāmā”ti sutvā rahogatā paṇṇam̐ likhi “ayyaputto attano jātigottabhogānurūpaṃ gharāvāsam̐ labhatu, aham̐ nikkhamitvā pabbajissāmi, mā pacchā vipaṭisārīni ahoṣī”ti. Dvepi paṇṇāni antarāmagge samāgacchim̐su. “Idam̐ kassa paṇṇan”ti. Pippalimāṇavena Bhaddāya pahitanti. Idam̐ kassa paṇṇanti. Bhaddāya Pippalimāṇavassa pahitanti ca vutte dvepi vācetvā “passatha dārakānam̐ kamman”ti phāletvā araṇṇe

1. Nadītitthe (Ka)

2. Bhaddam̐ passe (Syā)

3. Nivāsanapaṭiggāhikāyapi (Sī)

chaḍḍetvā samānapaṇṇaṃ likhitvā ito ca etto ca pesesum. Iti tesam anicchamānānaṃyeva samāgamo ahosi.

Taṃdivasaṃyeva ca māṇavopi ekaṃ pupphadāmaṃ ganthāpesi, Bhaddhāpi ekaṃ ganthāpesi. Tāni āsanamajjhe ṭhapetvā bhuttasāyamāsā ubhopi “sayanaṃ āruhissāmā”ti samāgantvā māṇavo dakkhiṇapassena sayanaṃ āruhi. Bhaddā vāmapassena āruhitvā āha “yassa passe pupphāni milāyanti, tassa rāgacittaṃ uppananti vijānissāma, imaṃ pupphadāmaṃ na allīyitabban”ti. Te pana aññamaññassa sarīrasamphassabhayena tiyāmarattim niddaṃ anokkamantāva vītināmenti, divā pana hasitamattampi na hoti. Te lokāmisena asaṃsaṭṭhā yāva mātāpitaro dharanti, tāva kuṭumbaṃ avicāretvā tesu kālaṅkatesu vicārayiṃsu. Mahatī māṇavassa sampatti, ekadivasaṃ sarīraṃ ubbaṭṭetvā chaḍḍetabbaṃ suvaṇṇacuṇṇameva magadhanāḷiyā dvādasanāḷimattaṃ laddhuṃ vaṭṭati. Yantabaddhāni saṭṭhi mahātaḷākāni, kammanto dvādasayojaniko, anurādhapurappamāṇā cuddasa dāsagāmā, cuddasa hatthānikā, cuddasa assānikā, cuddasa rathānikā.

So ekadivasaṃ alaṅkataṃ assaṃ āruyha mahājanaparivuto kammantaṃ gantvā khettakoṭṭiyam ṭhito naṅgalehi bhinnaṭṭhānato kākādayo sakuṇe gaṇḍuppādakādipāṇe uddharitvā khādante disvā “tātā ime kiṃ khādanti”ti pucchi. Gaṇḍuppādake ayyāti. Etehi kataṃ pāpaṃ kassa hotīti. Tumhākaṃ ayyāti. So cintesi “sace etehi kataṃ pāpaṃ mayhaṃ hoti, kiṃ me karissati satta-asītikoṭṭidhanaṃ, kiṃ dvādasayojano kammanto, kiṃ yantabaddhāni saṭṭhi mahātaḷākāni, kiṃ cuddasa gāmā, sabbametaṃ Bhaddhāya kāpilāniyā niyyātetvā nikkhamitvā pabbajissāmi”ti.

Bhaddāpi Kāpilāni tasmim khaṇe abbhantaravattumhi tayo tilakumbhe patthārāpetvā dhātīhi parivutā nisinnā kāke tilapāṇake khādamaṇe disvā “ammā kiṃ ime khādanti”ti pucchi. Pāṇake ayyeti. Akusalaṃ kassa hotīti. Tumhākaṃ ayyeti. Sā cintesi “mayhaṃ catuhatthavattam nāḷikodanamattaṅca laddhuṃ vaṭṭati, yadi ca panetaṃ ettakena janena kataṃ akusalaṃ mayhaṃ hoti, bhavasahassenapi vaṭṭato sīsaṃ ukkhipitum na

sakkā, ayyaputte āgatamatteyeva sabbaṃ tassa niyyātetvā nikkhamma pabbajissāmī”ti.

Māṇavo āgantvā nhatvā pāsādaṃ āruyha mahārahe pallaṅke nisīdi, athassa cakkavattino anucchavikaṃ bhojanaṃ sajjayimṃsu. Dvepi bhuñjitvā pariJane nikkhante rahogatā phāsukaṭṭhāne nisīdimṃsu. Tato māṇavo Bhaddaṃ āha “bhadde tvaṃ imaṃ gharaṃ āgacchantī kittakaṃ dhanam āharī”ti. Pañcapaṇṇāsa sakaṭasahassāni ayyāti. “Etaṃ sabbaṃ, yā ca imasmim ghare satta-asītikoṭiyo, yantabaddhā saṭṭhitaḷākādibhedā sampatti atthi, sabbaṃ tuyhaṃyeva niyyātemī”ti. Tumhe pana ayyāti. Ahaṃ pabbajissāmīti. Ayya ahampi tumhākaṃyeva āgamaṇaṃ olokayamānā nisinnā, ahampi pabbajissāmīti. Tesaṃ ādittapaṇṇakuṭi viya tayo bhavā upaṭṭhahimṃsu. Te “pabbajissāmā”ti vatvā antarāpaṇato kasāyarasapītāni vatthāni mattikāpatte ca āharāpetvā aññaṃaññaṃ kese ohāretvā “ye loke arahanto, te uddissa amhākaṃ pabbajjā”ti pabbajitvā thavikāsu patte osāpetvā¹ amse laggetvā pāsādato otarimṃsu. Gehe dāsesu ca kammakāresu ca na koci sañjāni.

Atha ne brāhmaṇagāmato nikkhamma dāsagāmadvārena gacchante ākappakuttavasena dāsagāmaṃvāsino sañjānimṃsu. Te rudantā pādesu nipatitvā “kiṃ amhe anāthe karoṭha ayyā”ti āhaṃsu. “Mayaṃ bhaṇe ‘ādittapaṇṇesālā viya tayo bhavā’ti pabbajimhā, sace tumhesu ekekaṃ bhujissaṃ karoma, vassatampi nappahoti, tumheva tumhākaṃ sīsaṃ dhovitvā bhujitvā hutvā jīvathā”ti vatvā tesaṃ rodantānaṃyeva pakkamimṃsu. Thero purato gacchanto nivattitvā olokeno cintesi “ayaṃ Bhaddhā Kāpilānī sakalajambudīpagghanikā itthī mayhaṃ pacchato āgacchati. Ṭhānaṃ kho panetaṃ vijjati, yaṃ kocideva evaṃ cinteyya ‘ime pabbajitvāpi vinā bhavituṃ na sakkonti, ananucchavikaṃ karontī’ti. Koci vā pana maṇaṃ padūsetvā apāyapūra² bhaveyya. Imaṃ pahāya mayā gantuṃ vaṭṭatī”ti cittaṃ uppādesi.

1. Osāretvā (Sī)

2. Apāyūpago (Sī)

So purato gacchanto dvedhāpatham̐ disvā tassa matthake aṭṭhāsi. Bhaddāpi āgantvā vanditvā aṭṭhāsi. Atha nam̐ āha “bhadde tādisim̐ itthim̐ mama pacchato āgacchantim̐ disvā ‘ime pabbajitvāpi vinābhavitum̐ na sakkontī’ti cintetvā amhesu paduṭṭhacitto mahājano apāyapūrakko bhavye, imasmim̐ dvedhāpathe tvam̐ ekaṃ gaṇha, aham̐ ekena gamissāmī”ti. “Āma ayya pabbajitānam̐ mātugāmo nāma malam̐, ‘pabbajitvāpi vinā na bhavanti’ti amhākaṃ dosaṃ passanti¹, tumhe ekaṃ maggam̐ gaṇhatha, vinā bhavissāmā”ti tikkhattum̐ padakkhiṇam̐ katvā catūsu ṭhānesu pañcapatiṭṭhitena vanditvā dasanakhasamodhānasamujjalam̐ añjalim̐ paggayha “satasahassakappamāṇe addhāne kato mittasanthavo ajja bhijjati”ti vatvā “tumhe dakkhiṇajātikā nāma, tumhākaṃ dakkhiṇamaggo vaṭṭati, mayam̐ mātugāmā nāma vāmajātikā, amhākaṃ vāmamaggo vaṭṭati”ti vanditvā maggam̐ paṭipannā. Tesam̐ dvedhābhūtakāle ayaṃ mahāpathavī “aham̐ cakkavālagirisinerupabbate dhāretum̐ sakkontīpi tumhākaṃ guṇe dhāretum̐ na sakkomī”ti vadantī viya viravamānā akampi, ākāse asanisaddo viya pavatti, cakkavālapabbato unnadi.

Sammāsambuddho Veḷuvanamahāvihāre Gandhakuṭiyam̐ nisinno pathavīkampanasaddam̐ sutvā “kassa nu kho pathavī kampati”ti āvajjento “pippalimāṇavo ca Bhaddhā ca Kāpilānī maṃ uddissa appameyyam̐ sampattim̐ pahāya pabbajitā, tesam̐ viyogaṭṭhāne ubhinnampi guṇabalena ayaṃ pathavīkampo jāto, mayāpi etesam̐ saṅgaham̐ kātum̐ vaṭṭati”ti gandhakuṭito nikkhamma sayameva pattacīvaram̐ ādāya asītimahātheresu kañci anāmantetvā tigāvutaṃ maggam̐ paccuggamanam̐ katvā Rājagahassa ca Nālandāya ca antare Bahuputtakanigrodharukkhamūle pallākaṃ ābhujitvā nisīdi. Nisīdanto pana aññataro paṃsukūliko viya anisīditvā Buddhavesam̐ gahetvā asītihatthā ghanabuddharasmiyo vissajjento nisīdi. Iti tasmim̐ khaṇe paṇṇachattasakaṭacakkakūṭāgārādippamāṇā Buddharasmiyo ito cito ca vipphandantiyo² vidhāvantiyo candimasahassasūriyasahassa-uggamanakālo viya kurumānā taṃ vanantaram̐ ekobhāsam̐ akaṃsu. Dvattimsamahāpurisalakkhaṇānam̐ siriyaṃ samujjalitāfāragāṇam̐ viya gaganam̐, supupphitakamalakuvalayam̐ viya salilam̐, vanantaram̐ virocittha. Nigrodharukkhasa nāma khandho

1. Dassanti (Syā)

2. Vippharantiyo (Syā)

seto hoti, pattāni nilāni pakkāni rattāni. Tasmim̐ pana divase satasākho nigrodharukkho suvaṇṇavaṇṇo ahoṣi.

Iti yā sā **addhānamaggappaṭipannoti** padassa attham̐ vatvā “idāni yathā esa pabbajito, yathā ca addhānamaggaṃ paṭipanno, imassa atthassa āvibhāvattham̐ abhinīhārato paṭṭhāya ayaṃ anupubbikathā kathetabbā”ti vuttā, sā evaṃ veditabbā.

Antarā ca Rājagahaṃ antarā ca Nālandanti Rājagahassa ca Nālandāya ca antare. **Satthāraṇca vatāhaṃ passeyyaṃ Bhagavantameva passeyyanti** sace ahaṃ Satthāraṃ passeyyaṃ, imaṃyeva Bhagavantaṃ passeyyaṃ. Na hi me ito aññena Satthārā bhavituṃ sakkāti. **Sugataṇca vatāhaṃ passeyyaṃ Bhagavantameva passeyyanti** sace ahaṃ sammāpaṭipattiyā suṭṭhu gatattā sugataṃ nāma passeyyaṃ, imaṃyeva Bhagavantaṃ passeyyaṃ. Na hi me ito aññena sugatena bhavituṃ sakkāti. **Sammāsambuddhaṇca vatāhaṃ passeyyaṃ Bhagavantameva passeyyanti** sace ahaṃ sammā sāmaṇca saccāni buddhattā Sammāsambuddhaṃ nāma passeyyaṃ, imaṃyeva Bhagavantaṃ passeyyaṃ. Na hi me ito aññena Sammāsambuddhena bhavituṃ sakkāti ayamettha adhippāyo. Evaṃ dassaneneva “Bhagavati¹ ‘ayaṃ Satthā, ayaṃ Sugato, ayaṃ Sammāsambuddho’ti nikkānkho ahaṃ āvuso ahoṣin”ti dīpeti. **Satthā me bhanteti** idaṃ kiñcāpi dve vāre āgataṃ, tikkhattuṃ pana vuttanti veditabbaṃ. Iminā hi so “evaṃ tikkhattuṃ sāvakattaṃ sāvesim̐ āvuso”ti dīpeti.

Ajānaññevāti ajānamānova. Dutiyaṃpadeṃ eseṃ nayo. **Muddhāpi tassa vipateyyāti** yassa aññassa “ajānaṃyeva jānāmi”ti paṭiññassa bāhirakassa Satthuno evaṃ sabbacetasaṃ samannāgato pasannacitto sāvako evarūpaṃ paramanipaccakāraṃ kareyya, tassa vaṇṭachinnatālapakkaṃ viya gīvato muddhāpi vipateyya, sattadhā pana phaleyyāti attho. Kim̐ vā etena, sace Mahākassapaṭthero iminā cittappasādena imaṃ paramanipaccakāraṃ mahāsamuddassa kareyya, tattakapāle pakkhitta-udakabindu viya vilayaṃ gaccheyya. Sace cakkavālassa kareyya, thusamuṭṭhi viya vikireyya. Sace Sinerupabbatassa kareyya, kākatuṇḍena pahaṭaṭṭhamuṭṭhi viya

1. Bhagavanti (Sī, Ka)

viddhamseyya. Sace mahāpathaviyā kareyya, vātāhatabhasmapuñjo viya vikireyya. Evarūpopi pana therassa nipaccakāro Satthu suvaṇṇavaṇṇe pādapiṭṭhe lomamattampi vikopetum nāsakkhi. Tiṭṭhatu ca Mahākassapo, Mahākassapasadisānaṃ bhikkhūnaṃ sahasampi satahasampi nipaccakāradassanena neva Dasabalassa pādapiṭṭhe lomamattampi vikopetum paṃsukūlacivare vā aṃsumattampi cāletum sakkoti. Evaṃ mahānubhāvo hi Satthā.

Tasmātiha te Kassapāti yasmā ahaṃ jānanto eva “jānāmī”ti, passanto eva ca “passāmī”ti vadāmi, tasmā Kassapa tayā evaṃ sikkhitabbaṃ.

Tibbanti bahalaṃ mahantaṃ. **Hirottappanti** hirī ca ottappaṇca.

Paccupaṭṭhitaṃ bhavissatīti paṭhamatarameva upaṭṭhitaṃ bhavissati. Yo hi therādisu hirottappaṃ upaṭṭhapetvā upasaṅkamati, therādayopi taṃ sahirikā sa-ottappā ca hutvā upasaṅkamanṭīti ayamettha ānisaṃso.

Kusalūpasamhitanti kusalasannissitaṃ. **Aṭṭhim katvāti** attānaṃ tena dhammena aṭṭhikaṃ katvā, taṃ vā dhammaṃ “esa mayhaṃ attho”ti aṭṭhim katvā. **Manasi katvāti** citte ṭhapetvā. **Sabbacetasā samannāharitvāti** cittassa thokampi bahi gantum adento sabbena samannāhāracittena samannāharitvā.

Ohitasototi ṭhapitasoto, nāṇasotaṅca pasādasotaṅca odahitvā mayā desitaṃ dhammaṃ sakkaccameva suṇissāmīti evaṃ hi te sikkhitabbaṃ. **Sātasahagatā ca me kāyagatāsati**ti asubhesu ceva ānāpāne ca paṭhamajjhānavasena sukhasampayuttā kāyagatāsati. Yo ca panāyaṃ tividho ovādo, therassa ayameva pabbajjā ca upasampadā ca ahosi.

Saraṇoti sakilesa sa-iṇo hutvā. **Raṭṭhapiṇḍaṃ bhuñjinti** saddhādeyyaṃ bhuñjīm. Cattāro hi paribhogā theyyaparibhāgo iṇaparibhogo dāyajjaparibhogo sāmiparibhogoti. Tattha dussīlassa saṃghamajjhe nisīditvā bhuñjantassāpi paribhogo **theyyaparibhogo** nāma. Kasmā? Catūsu paccayesu anissaratāya. Silavato apaccavekkhitaparibhogo **iṇaparibhogo** nāma. Sattannaṃ sekhānaṃ paribhogo **dāyajjaparibhogo** nāma. Khīṇāsavassa paribhogo **sāmiparibhogo** nāma. Iti khīṇāsavova sāmī hutvā anaṇo paribhuñjati. Thero

attanā puthujjanena hutvā paribhuttaparibhogam̐ ṇaparibhogam̐yeva karonto evamāha. **Aṭṭhamiyā aññā udapādīti** aṭṭhame divase arahattaphalam̐ uppajji.

Atha kho āvuso Bhagavā maggā okkammāti maggato okkamanam̐ paṭhamataram̐ tamdivaseyeva ahosi, arahattādhigamo pacchā. Desanāvārassa pana evam̐ āgatattā arahattādhigamo paṭhamam̐ dīpito. Kasmā pana Bhagavā maggā okkantoti? Evam̐ kirassa ahosi “imam̐ bhikkhum̐ jāti-āraññikam̐ jātipamsukūlikam̐ jāti-ekāsanikam̐ karissāmī”ti. Tasmā okkami.

Mudukā kho tyāyanti mudukā kho te ayam̐. Imañca pana vācam̐ Bhagavā tam̐ cīvaram̐ padumapupphavaṇṇena pāṇinā antantena parāmasanto āha. Kasmā evamāhāti? Therena saha cīvaram̐ parivattetukāmatāya. Kasmā parivattetukāmo jātoti? Theram̐ attano ṭhāne ṭhapetukāmatāya. Thero pana yasmā cīvarassa vā pattassa vā vaṇṇe kathite “imam̐ tumhākam̐ gaṇhathā”tivacanam̐ cārittameva, tasmā “paṭiggaṇhātu me bhante Bhagavā”ti āha. **Dhāressasi pana me tvam̐ Kassapa sāṇāni paṃsukūlāni nibbasanāni**ti Kassapa tvam̐ imāni paribhogajīṇṇāni paṃsukūlāni pārupitum̐ sakkhissasīti vadati. Tañca kho na kāyabalam̐ sandhāya, paṭipattipūraṇam̐ pana sandhāya evamāha. Ayam̐ hettha adhippāyo—aham̐ imam̐ cīvaram̐ puṇṇam̐ nāma dāsīm̐ pārupitvā āmakasusāne chaḍḍitam̐ tam̐ susānam̐ pavisitvā tumbamattehi pāṇakehi samparikiṇṇam̐ te pāṇake vidhunitvā mahā-ariyavam̐se ṭhatvā aggahesīm̐, tassa me imam̐ cīvaram̐ gahitadivase dasasahassacakkavāle mahāpathavī mahāviraṇam̐ viravamānā kampittha, ākāso taṭataṭāyī¹, cakkavāḷadevatā sādhuḷāramadaṃsu “imam̐ cīvaram̐ gaṇhantena bhikkhunā jātipamsukūlikena jāti-āraññikena jāti-ekāsanikena jātisapadānacārikena bhavitum̐ vaṭṭati, tvam̐ imassa cīvarassa anucchavikam̐ kātum̐ sakkhissasī”ti. Theropi attanā pañcannam̐ hatthīnam̐ balam̐ dhāreti, so tam̐ atakkayitvā “ahametam̐ paṭipattim̐ pūressāmī”ti ussāhena sugatacīvarassa anucchavikam̐ kātukāmo “dhāressāmahaṃ bhante”ti āha. **Paṭipajjinti** paṭipannosmi. Evam̐ pana cīvaraparivattanam̐ katvā ca therena pārutacīvaram̐

1. Ākāse vāto vāyi (Sī)

Bhagavā pārupi, Satthu cīvaram thero. Tasmim samaye mahāpathavī udakapariyantam katvā unnadantī kampittha.

Bhagavato puttoti-ādīsu thero Bhagavantam nissāya ariyāya jātiyā jātoti Bhagavato putto. Urena vasitvā mukhato nikkhanta-ovādavasena pabbajjāya ceva upasampadāya ca patiṭṭhitattā **oraso mukhato jāto**. Ovādadhammato jātattā ovādadhammena ca nimmitattā **dhammajo dhammanimmito**. Ovādadhammadāyādām navalokuttaradhammadāyādameva vā arahatīti **dhammadāyādo**. **Paṭiggahitāni sāṇānipamsukūlānī**ti Satthārā pārutam pamsukūlacīvaram pārupanatthāya paṭiggahitam¹.

Sammā vadamāno vadeyyāti yam puggalam “Bhagavato putto”ti-ādīhi guṇehi sammā vadamāno vadeyya, mamaṃ tam sammā vadamāno vadayya, aham evarūpoti. Ettāvata therena pabbajjā ca parisodhitā hoti. Ayam hettha adhippāyo—āvuso yassa na upajjhāyo paññāyati, na ācariyo, kim so anupajjhāyo anācariyo nhāpitamuṇḍako sayamgahitakāsāvo “titthiyapakkantako”ti saṅkham gato evam tigāvutam maggam paccuggamanam labhati, tīhi ovādehi pabbajjam vā upasampadam vā labhati, kāyena kāyam cīvaraparivattanam labhati, passa yāva dubbhāsitam vacanam Thullanandāya bhikkhuniyāti. Evam pabbajjam sodhetvā idāni chahi abhiññāhi sīhanādām naditum **aham kho āvusoti**-ādīmāha. Sesam purimanayeneva veditabbam. . Ekādasamam.

12. Paraṃmaraṇasuttavaṇṇanā

155. Dvādasame **Tathāgatoti** satto. **Na hetam āvuso atthasamhitanti** āvuso etam diṭṭhigatam atthasannissitam na hoti. **Nāḍibrahmacariyakanti** maggabrahmacariyassa pubbabhāgapaṭipadāpi na hoti. **Etam hi āvuso atthasamhitanti** āvuso etam catusaccakammaṭṭhānam atthasannissitam. **Etam āḍibrahmacariyakanti** etam maggabrahmacariyassa ādi pubbabhāgapaṭipadā. . Dvādasamam.

1. Paṭiggahetā (Sī), paṭiggahitāni (Syā)

13. Saddhammappatirūpakasuttavaṇṇanā

156. Terasame aññāya saṅṭhahimsūti arahatte patiṭṭhahimsu.
Saddhammappatirūpakanti dve saddhammappatirūpakāni
 adhigamasaddhammappatirūpakaṅca pariyattisaddhammappatirūpakaṅca.
 Tattha—

“Obhāse ceva ñāṇe ca, pītiyā ca vikampati.
 Passaddhiyā sukhe ceva, yehi cittaṃ pavedhati.
 Adhimokkha ca paggāhe, upaṭṭhāne ca kampati.
 Upekkhāvajjanāya ceva¹, upekkhāya ca nikantiyā.
 Imāni dasa ṭhānāni, paññā yassa paricitā².
 Dhammuddhaccakusalo³ hoti, na ca sammoha gacchatī”⁴—

Idaṃ vipassanāññānassa upakkilesajātāṃ **adhigamasaddhammappatirūpakāṃ**
 nāma. Tisso pana saṅgītiyo anāruḷhaṃ dhātukathā ārammaṇakathā
 asubhakathā ñāṇavattukathā vijjākaraṇḍakoti imehi pañcahi kathāvattūhi
 paribāhiraṃ guḷhavinayaṃ guḷhavessantaraṃ guḷhamahosadhaṃ
 vaṇṇapīṭakāṃ Aṅgulimālapīṭakāṃ Raṭṭhapālagajjitaṃ Ālavakagajjitaṃ
 Vedallapīṭakanti⁵ abuddhavacanaṃ **pariyattisaddhammappatirūpakāṃ** nāma.

Jātarūpappatirūpakanti suvaṇṇarasavidhānaṃ⁶ ārakūṭamayaṃ
 suvaṇṇavaṇṇaṃ ābharaṇajātāṃ. Chaṇakālesu hi manussa
 “ābharaṇabhaṇḍakāṃ gaṇhissāmā”⁷ti āpaṇaṃ gacchanti. Atha ne āpaṇikā
 evaṃ vadanti “sace tumhe ābharaṇatthikā, imāni gaṇhatha. Imāni hi ghanāni
 ceva vaṇṇavantāni ca appagghāni cā”⁸ti. Te tesaṃ sutvā “kāraṇaṃ ime
 vadanti, imāni piḷandhitvā sakkā nakkhattaṃ kīlitaṃ, sobhanti ceva
 appagghāni cā”⁹ti tāni gahetvā gacchanti. Suvaṇṇabhaṇḍaṃ avikkiyamānaṃ
 nidahitvā ṭhapetabbaṃ hoti. Evaṃ taṃ jātarūpappatirūpake uppanne
 antaradhāyati nāma.

Atha saddhammassa antaradhānaṃ hotīti adhigamasaddhammassa
 paṭipattisaddhammassa pariyattisaddhammassāti tividdhassāpi saddhammassa
 antaradhānaṃ hoti.

1. Upekkhā vajjane ceva (Sī), upekkhāvajjanā ceva (Syā)

2. Parīcitā (Sī, Syā)

4. Khu 9. 292 piṭṭhe Paṭisambhidāmagge.

6. Suvaṇṇarasavidhānaṃ (Sī), suvaṇṇakārassa viddhaṃ (Syā)

3. Sa tattha kusalo (Sī)

5. Vedallapīṭakādi (Ka)

paṭhamabodhiyaṃ hi bhikkhū paṭisambhidappattā ahesuṃ. Atha kāle gacchante paṭisambhidā pāpuṇituṃ na sakkhiṃsu, chaḷabhiññā ahesuṃ. Tato cha abhiññā pāpuṇituṃ asakkontā tisso vijjā pāpuṇiṃsu. Idāni kāle gacchante tisso vijjā pāpuṇituṃ asakkontā āsavakkhayamattam pāpuṇissanti. Tampi asakkontā anāgāmiphalaṃ, tampi asakkontā sakadāgāmiphalaṃ, tampi asakkontā sotāpattiphalaṃ. Gacchante kāle sotāpattiphalaṃ pattuṃna sakkhissanti. Atha nesaṃ yadā vipassanā imehi upakkilesehi upakkiliṭṭhā āradhamattāva ṭhassati, tadā adhigamasaddhammo antarahito nāma bhavissati.

Paṭhamabodhiyaṃ hi bhikkhū catunnaṃ paṭisambhidānaṃ anucchavikaṃ paṭipattiṃ pūrayiṃsu. Gacchante kāle taṃ asakkontā channaṃ abhiññānaṃ, tampi asakkontā tissannaṃ vijjānaṃ, tampi asakkontā arahattaphalamattassa. Gacchante pana kāle arahattassa anucchavikaṃ paṭipattiṃ pūretuṃ asakkontā anāgāmiphalassa anucchavikaṃ paṭipattiṃ pūressanti, tampi asakkontā sakadāgāmiphalassa, tampi asakkontā sotāpattiphalassa. Yadā pana sotāpattiphalassapi anucchavikaṃ paṭipadam pūretuṃ asakkontā sīlapārisuddhimatteva ṭhassanti, tadā paṭipattisaddhammo antarahito nāma bhavissati.

Yāva pana Tepiṭakaṃ Buddhavacanaṃ vattati, na tāva sāsanaṃ antarahitanti vattuṃ vaṭṭati. Tiṭṭhantu tīṇi vā, Abhidhammapiṭake antarahite itaresu dvīsu tiṭṭhantesupi¹ antarahitanti na vattabbameva. dvīsu antarahitesu Vinayapiṭakamate ṭhitepi, tatrāpi Khandhakaparivāresu antarahitesu Ubhatovibhaṅgamatte, mahāvīnaye antarahite dvīsu Pātimokkhesu vattamānesupi sāsanaṃ anantarahitameva. Yadā pana dve Pātimokkhā antaradhāyissanti, atha pariyattisaddhammassa antaradhānaṃ bhavissati. Tasmīṃ antarahite sāsanaṃ antarahitaṃ nāma hoti. Pariyattiyā hi antarahitāya paṭipatti antaradhāyati, paṭipattiyā antarahitāya adhigamo antaradhāyati. Kim kāraṇā? Ayaṃ hi pariyatti paṭipattiyā paccayo hoti, paṭipatti adhigamassa. Iti paṭipattitopi pariyattimeva pamāṇaṃ.

1. Vattantesupi (Syā)

Nanu ca Kassapasammāsambuddhakāle Kapilo nāma anārādhakabhikkhu¹ “pātimokkhaṃ uddisissāmī”ti bījanaṃ gahetvā āsane nisinnō “atthi imasmiṃ vattantā”ti pucchi, atha tassa bhayena yesampi Pātimokkha vattati, tepi “mayaṃ vattāmā”ti avatvā “na vattāmā”ti vadimsu, so bījanaṃ ṭhapetvā uṭṭhāyāsanaṃ gato, tadā Sammāsambuddhassa sāsanaṃ osakkhanti? Kiñcāpi osakkhanti, pariyatti pana ekanteneva pamāṇaṃ. Yathā hi mahato taḷākassa pālīyā thirāya udakaṃ na ṭhassatīti na vattabbaṃ, udake sati padumādīni pupphāni na pupphissanti na vattabbaṃ, evameva mahātaḷākassa thirapālīsadiṣe Tepiṭake Buddhavacane sati mahātaḷāke udakasadiṣā paṭipattipūrakā kulaputtā natthīti na vattabbā, tesu sati mahātaḷāke padumādīni pupphāni viya sotāpannādayo ariyapuggalā natthīti na vattabbāti evaṃ ekantato pariyattiyeva pamāṇaṃ.

Pathavīdhātūti dve satasahassāni cattāri ca nahutāni bahalā mahāpathavī. **Āpodhātūti** pathavito paṭṭhāya yāva Subhakiṇhabrahmalokā uggataṃ kappavināsakaṃ udakaṃ. **Tejodhātūti** pathavito paṭṭhāya yāva Ābhassarabrahmalokā uggato kappavināsako aggi. **Vāyodhātūti** pathavito paṭṭhāya yāva Vehapphalabrahmalokā uggato kappavināsako vāyu. Etesu hi ekadhammopi Satthu sāsanaṃ antaradhāpetuṃ na sakkoti, tasmā evamāha. **Idheva te uppajjanti** lohato lohakhādakaṃ malaṃ viya imasmiṃ mayhamīyeva sāsane te uppajjanti. **Moghapurisāti** tucchapurisā.

Ādikeneva opilavatīti ettha ādikenāti ādānena gahaṇena. **Opilavatīti** nimujjati. Idam vuttam hoti—yathā udakacarā² nāvā bhaṇḍam gaṇhantī nimujjati, evaṃ pariyatti-ādānam pūraṇena saddhammassa antaradhānam na hoti. Pariyattiyā hi hāyamānāya paṭipatti hāyati, paṭipattiyā hāyamānāya adhigamo hāyati. Pariyattiyā pūrayamānāya pariyattidharā puggalā paṭipattim pūrenti, paṭipattipūrakā adhigamaṃ pūrenti. Iti

1. Anārādhikabhikkhu (Sī), anācāro bhikkhu (Syā)

2. Udakagatā (Syā)

navacando¹ viya pariyaṭṭiyādīsu vaḍḍhamānāsu mayhaṃ sāsanaṃ
vaḍḍhatiyevāti dasseti.

Idāni yehi dhammehi saddhammassa antaradhānañceva ṭhiti ca hoti, te
dassento **pañcakhoti**-ādimāha. Tattha **okkamanīyāti** avakkamanīyā,
heṭṭhāgamanīyāti attho. **Satthari agāravāti**-ādīsu **agāravāti** gāravarahitā.
Appatissāti appatissayā anīcavuttikā. Tattha yo cetiyaṅgaṇaṃ ārohanto
chattaṃ dhāreti, upāhanaṃ dhāreti, aññato oloketvā kathaṃ kathento
gacchati, ayaṃ **Satthari agāravo** nāma.

Yo dhammassavanassa kāle saṃghuṭṭhe daharasāmaṇerehi parivārito
nisīdati, aññāni vā navakammādīni karoti, dhammassavanagge nisinna
niddāyati, vikkhitto vā aññaṃ kathento nisīdati, ayaṃ **dhamme agāravo**
nāma.

Yo therupaṭṭhānaṃ gantvā avanditvā nisīdati, hatthapallatthikaṃ
dussapallatthikaṃ karoti, aññaṃ vā pana hatthapādakukkuccaṃ karoti,
vaḍḍhānaṃ santike anajjhīṭṭho katheti, ayaṃ **saṃghe agāravo** nāma.

Tisso pana sikkhā apūrentova **sikkhāya agāravo** nāma hoti. Aṭṭha
samāpattiyo anibbattento tāsāṃ vā pana nibbattanatthāya payogaṃ akaronto
samādhismiṃ agāravo nāma. Sukkapakkho vuttavipallāseneva veditabboti.
. Terasamaṃ.

Kassapasamīyuttavaṇṇanā niṭṭhitā.

6. Lābhasakkārasaṃyutta

1. Paṭhamavagga

1. Dāruṇasuttavaṇṇanā

157. Lābhasakkārasaṃyuttassa paṭhame **dāruṇoti** thaddho. **Lābhasakkārasilokoti** ettha **lābho** nāma catupaccayaalābho. **Sakkāroti** tesasaṃyeva sukatānaṃ susaṅkhatānaṃ lābho. **Silokoti** vaṇṇaghoso. **Kaṭukoti** tikhīṇo. **Pharusoti** kharo. **Antarāyikoti** antarāyakaro. . Paṭhamamā.

2. Baḷisasuttavaṇṇanā

158. Dutiye **bāḷisikoti** baḷisaṃ gahetvā caramāno macchaghātaḥko. **Āmisagatanti** āmisamakkhitaṃ. **Āmisacakkhūti** āmise cakkhu dassanaṃ assāti āmisacakkhu. **Gilabaḷisoti** gilitabaḷiso. **Anayaṃ āpannoti** dukkhaṃ patto. **Byasanaṃ āpannoti** vināsaṃ patto. **Yathākāmakaraṇīyoti** yathākāmena yathāruciyā yatheva¹ naṃ bāḷisiko icchati, tathevassa kattabboti attho. **Yathākāmakaraṇīyo pāpimatoti** yathā kilesamārassa kāmo, evaṃ kattabbo, nirayaṃ vā tiracchānayaṇiṃ vā pettivisaṃ vā pāpetabbo. . Dutiyaṃ.

3-4. Kummasuttādivaṇṇanā

159-160. Tatiye **Mahākummakulanti** mahantaṃ aṭṭhikacchapakulaṃ. **Āgamāsīti** “ettha addhā kiñci khāditabbaṃ atthi, taṃ maccharāyanto maṃ esa nivāretī”ti saññāya āgamāsī. **Papatāyāti** papatā vuccati dīgharajjukabaddho² ayakantakosake³ daṇḍakaṃ pavesetvā gahito kaṇṇikasallasaṅṭhāno ayakaṅṭako, yasmim̐ vegena patitvā kaṭāhe laggamate daṇḍako nikkhamati, rajjuko ekābaddho gacchateva. **So kummoti**

1. Yathā vā (Sī)

2. Dīgharajjukabaddha (Sī)

3. Ayakosake (Ṭīkā)

so viddhakummo¹. **Yena so kummoti** udakasaddaṃ sutvā sāsaṅkaṭṭhānaṃ bhavissatīti nivattitvā yena so atthakāmo kummo. **Na dāni tvaṃ amhākanti** idāni tvaṃ amittahatthaṃ gato, na amhākaṃ santakoti attho. Evaṃ sallapantānaṃyeva ca nesaṃ nāvāya ṭhito luddo rajjukaṃ ākaḍḍhitvā kummaṃ gahetvā yathākāmaṃ akāsi. Sesamettha ito anantarasutte ca uttānameva. . Tatiyacatutthāni.

5. Mīlhakasuttavaṇṇanā

161. Pañcame **mīlhakāti** gūthapāṇakā. **Gūthādīti** gūthabhakkhā. **Gūthapūrāti** anto gūthena bharitā². **Puṇṇā gūthassāti** idaṃ purimasseva atthadīpanaṃ. **Atimaññeyyāti** pacchimapāde bhūmiyaṃ ṭhapetvā purimapāde gūthassa upari āropetvā ṭhitā “ahamhi gūthādī”ti bhaṇantī atimaññeyya. **Piṇḍapāto cassa pūroti** aparopissa pattapūro paṇītapīṇḍapāto bhaveyya. . Pañcamaṃ.

6. Asanisuttavaṇṇanā

162. Chaṭṭhe **kaṃ bhikkhave asanivicakkanti** bhikkhave kaṃ puggalaṃ matthake patitvā maddamānaṃ³ sukkāsanīcakkaraṃ āgacchatu. **Appattamānasanti** anadhigatārahattaṃ. Iti Bhagavā na sattānaṃ dukkhakāmatāya, ādīnaṃ pana dassetuṃ evamāha. Asanīcakkaraṃ hi matthake patitaṃ ekameva attabhāvaṃ nāseti, lābhasakkārasilokena pariyādiṇṇacitto nirayādīsu anantadukkhaṃ anubhoti. . Chaṭṭhaṃ.

7. Diddhasuttavaṇṇanā

163. Sattame **diddhagatenāti** gatadiddhena⁴. **Visallenāti** visamakkhitena. **Sallenāti** sattiya⁵. . Sattamaṃ.

1. Bīlakummo (Sī), baḷīsakummo (Ka) 2. Pūritā (Syā) 3. Patamānaṃ (Ka)
 4. Dīṭṭhigatenāti gatadīṭṭhena (Syā), dīṭṭhagatenāti gatadīṭṭhena (Ka)
 5. Visallenāti visamakkhittena sellena, sattiyaṭī attho (Sī)

8. Siṅgālasuttavaṇṇanā

164. Aṭṭhame **siṅgāloti** jarasiṅgālo. Yathā hi suvaṇṇavaṇṇopi kāyo pūṭikāyo tveva, taṃkhaṇaṃ gaḷitampi¹ ca muttaṃ pūṭimuttantveva vuccati, evaṃ tadahujātopi siṅgālo jarasiṅgālotveva vuccati. **Ukkaṇṭakena nāmāti** evaṃnāmakena rogena. So kira sītakāle uppajjati. Tasmim̃ uppanne sakalasarīrato lomāni patanti, sakalasarīraṃ nillomaṃ hutvā samantato phuṭati, vātabbhāhatā vaṇā rujjanti. Yathā ummattakasunakhena daṭṭho puriso anavaṭṭhitova bhamati, evaṃ tasmim̃ uppanne bhamitabbo² hoti, asukaṭṭhāne sotthi bhavissatīti na paññāyati. . Aṭṭhamaṃ.

9. Verambhasuttavaṇṇanā

165. Navame **verambhavātāti** evaṃnāmakā mahāvātā. Kīdise pana ṭhāne te vātā vāyantīti? Yattha ṭhitassa cattāro dīpā uppalinipattamattā hutvā paññāyanti. **Yo pakkhī gacchatīti** navavuṭṭhe deve viravanto vātasakuṇo tattha gacchati, taṃ sandhāyetaṃ vuttaṃ. **Arakkhiteneva kāyenāti**-ādīsu hatthapāde kīḷapento khandhaṭṭhim̃ vā nāmento kāyaṃ na rakkhati nāma, nānāvidhaṃ duṭṭhullakathaṃ kathento vācaṃ na rakkhati nāma, kāmavitakkādayo vitakkento cittaṃ na rakkhati nāma. **Anupaṭṭhitāya satiyāti** kāyagatāsatiṃ anupaṭṭhapetvā. . Navamaṃ.

10. Sagāthakasuttavaṇṇanā

166. Dasame **asakkārena cūbhayanti** asakkārena ca ubhayena. **Samādhīti** arahattaphalasaṃmādhī. So hi tena na vikampati. **Appamāṇavīhārinoti** appamāṇena phalasaṃmādhinā viharantassa. **Sātatikanti** satatakāriṃ. **Sukhumādiṭṭhivipassakanti** arahattamaggadiṭṭhiyā sukhumadiṭṭhiphalasaṃmāpatti-atthāya vipassanaṃ paṭṭhapetvā āgatattā vipassakaṃ³. **Upādānakkhayārāmaṃti** upādānakkhayasaṅkhāte nibbāne rataṃ. **Āhu sappuriso itīti** sappurisoti kathentīti. . Dasamaṃ.

Paṭhamo vaggo.

1. Gahitampi (Sī, Syā) 2. Gamitabbo (Sī, Syā) 3. Sukhumadiṭṭhivipassanaṃ (Syā)

2. Dutiyavagga

1-2. Suvanṇapātisuttādivaṇṇanā

167-168. Dutiyavaggassa paṭhame **sampajānamusā bhāsantanti** appamattakenapi kāraṇena sampajānameva musā bhāsantaṃ. “Sīlaṃ pūressāmi”ti saṃvihitabhikkhuṃ Sinerumattopi paccayarāsi cāletuṃ na sakkoti. Yadā pana sīlaṃ pahāya sakkāranissito hoti, tadā kuṇḍakamuṭṭhihetupi musā bhāsati, aññaṃ vā akiccaṃ karoti. Dutiyaṃ uttānamevāti. . Paṭhamadutiyāni.

3. 10. Suvanṇanikkhasuttādivaṇṇanā

169. Tatiyādīsu **suvanṇanikkhassāti** ekassa kañcananikkhassa. **Sīgīnikkhassāti** sīgīsuvanṇanikkhassa. **Pathaviyāti** cakkavāḷabbhantarāya mahāpathaviyā. **Āmisakiñcikkahetūti** kassacideva āmisassa hetu antamaso kuṇḍakamuṭṭhinopi. **Jīvitahetūti** aṭaviyaṃ corehi gahetvā jīvite voropiyamāne tassapi hetu. **Janapadakalyāṇiyāti** janapade uttamitthiyā. . Tatiyādīni.

Dutiyo vaggo.

3. Tatiyavagga

1-2. Mātugāmasuttādivaṇṇanā

170-171. Tatiyavaggassa paṭhame **na tassa bhikkhave mātugāmoti** na tassa raho ekakassa nisinnassa tena dhammena atthikopi mātugāmo cittaṃ pariyādātuṃ sakkoti, yassa lābhasakkārasiloko cittaṃ pariyādātuṃ sakkotīti attho. Dutiyaṃ uttānamevāti. . Paṭhamadutiyāni.

3-6. Ekaputtakasuttādivaṇṇanā

172-175. Tatiye **saddhāti** sotāpannā. Sesamettha uttānameva. Tathā catutthe pañcame chaṭṭhe ca. . Tatiyādīni.

7. Tatiyasamaṇabrāhmaṇasuttavaṇṇanā

176. Sattame **samudayanti**-ādīsu saha pubbakammena attabhāvo kolaputtiyaṃ vaṇṇapokkharatā kalyāṇavākkaraṇatā dhutaḡuṇāvīkaraṇaṃ cīvaradhāraṇaṃ parivārasampattīti evamādi lābhasakkārassa samudayo nāma, taṃ samudayasaccavasena nappajānāti, nirodho ca paṭipadā ca nirodhasaccamaggasaccavaseneva veditabbā. . Sattamaṃ.

8. Chavisuttavaṇṇanā

177. Aṭṭhame yasmā lābhasakkārasiloko narakādīsu, nibbattento sakalampi imaṃ attabhāvaṃ nāseti, idhāpi maraṇampi maraṇamattampi dukkhaṃ āvahati, tasmā **chaviṃ chindatī**-ādi vuttaṃ. . Aṭṭhamaṃ.

9. Rajjusuttavaṇṇanā

178. Navame **vālarajjuyāti** suttādimayā rajju mudukā hoti vālarajju kharā pharusā, tasmā ayameva gahitā. . Navamaṃ.

10. Bhikkhusuttavaṇṇanā

179. Dasame **diṭṭhadhammasukhavihārāti** phalasaṃpattisukhavihārā. **Tesāhamassāti** tesāṃ ahaṃ assa. Khīṇāsavo hi lābhī puññasampanno yāgukhajjakādīni gahetvā āgatāgatānaṃ anumodanaṃ karonto dhammaṃ desento pañhaṃ vissajjento phalasaṃpattiṃ appetvā nisīdituṃ okāsaṃ na labhati, taṃ sandhāya vuttanti. . Dasamaṃ.

Tatiyo vaggo.

4. Catutthavagga

1-4. Bhindisuttādivaṇṇanā

180-183. Catutthavaggassa paṭhamaṃ uttānameva. Dutiyādīsu **kusalamūlanti** alobhādītividhakusaladhammo. **Sukko dhammoti** tasseva

pariyāyadesanā. Ayaṃ panettha saṅkhepattho—yassa kusalamūlādisaṅkhātassa anavajjadhammassa asamucchinnattā Devadatto sagge vā nibbatteyya, maggaphalāni vā adhigaccheyya, svāssa **samucchedamagamā** sabbaso samucchinno vinaṭṭho. . Paṭhamādīni.

5. Acirapakkantasuttavaṇṇanā

184. Pañcame **parābhavāyāti** avaddhiyā vināsāya. **Assatarīti** vaḷavāya kucchismiṃ gadrabhassa jātā. **Attavadhāya gabbhaṃ gaṇhātīti** taṃ assena saddhiṃ sampayojenti, sā gabbhaṃ gaṇhitvā kāle sampatte vijāyitum na sakkoti, pādehi bhūmiyaṃ paharantī tiṭṭhati, athassā cattāro pāde catūsu khāṇukesu bandhitvā kucchim phāletvā potaṃ¹ nīharanti, sā tattheva marati. Tenetaṃ vuttaṃ. . Pañcamaṃ.

6. Pañcarathasatasuttavaṇṇanā

185. Chaṭṭhe **bhattābhihāroti** abhiharitabbaṃ bhattaṃ. Tassa pana pamāṇaṃ dassetuṃ **pañca ca thālipākasatānīti** vuttaṃ. Tattha eko thālipāko dasannaṃ purisānaṃ bhattaṃ gaṇhāti. **Nāsāya pittaṃ bhindeyyunti** acchapittaṃ vā macchapittaṃ vāssa nāsapuṭe pakkhipeyyuṃ. . Chaṭṭhaṃ.

7-13. Mātusuttādivaṇṇanā

186-187. Satteme **mātupi hetūti** “sace musā bhaṇasi, mātaraṃ te vissajjessāma. No ce bhaṇasi, na vissajjessāmā”ti evaṃ corehi aṭaviyaṃ pucchamāno tassā corahatthagatāya mātuyāpi hetu sampajānamusā na bhāseyyāti attho. Ito paresupi eseva nayoti. . Sattamādīni.

Lābhasakkārasamyuttavaṇṇanā niṭṭhitā.

1. Potakaṃ (Sī)

7. Rāhulasamyutta

1. Paṭhamavagga

1-8. Cakkhusuttādivaṇṇanā

188-195. Rāhulasamyuttassa paṭhame **ekoti** catūsu iriyāpathesu ekavihārī. **Vūpakaṭṭhoti** vivekaṭṭho nissaddho. **Appamattoti** satiyā avippavasanto. **Ātāpīti** vīriyasampanno. **Pahitatto vihareyyanti** visesādhigamattāya pesitatto hutvā vihareyyaṃ. **Aniccanti** hutvā abhāvākārena aniccaṃ. Atha vā uppādavayavantatāya tāvakālikatāya vipariṇāmakotiyaṃ niccapaṭikkhepatoti imehipi kāraṇehi aniccaṃ. **Dukkhanti** catūhi kāraṇehi dukkhaṃ dukkhamanaṭṭhena dukkhavatthukaṭṭhena satatasampīḷanaṭṭhena sukhapaṭikkhepenāti. **Kallanti** yuttaṃ. **Etaṃ mamāti** taṇhāgāho. **Esohamasmīti** mānagāho. **Eso me attāti** diṭṭhigāho. Taṇhāgāho cettā aṭṭhasatataṇhāvicaritavasena, mānagāho navavidhamānavasena, diṭṭhigāho dvāsaṭṭhidiṭṭhivasena veditabbo. **Nibbindaṃ virajjatīti** ettha virāgavasena cattāro maggā kathitā, **virāgā vimuccatīti** ettha vimuttivasena cattāri sāmāññaphalāni.

Ettha ca pañcasu dvāresu pasādāva gahitā, **manoti** iminā tebhūmakam sammasanacāraccittam. Dutiye pañcasu dvāresu ārammaṇameva. Tatiye pañcasu dvāresu pasādavatthukacittameva, manoviññāṇena tebhūmakam sammasanacāraccittam gahitam. Evaṃ sabbattha nayo netabbo. Chaṭṭhe tebhūmakadhammā. Aṭṭhame pana **taṇhāti** tasmim tasmim dvāre javanappattāva labbhati. . Paṭhamādīni.

9. Dhātusuttavaṇṇanā

196. Navame viññāṇadhātuvasena nāmaṃ, sesāhi rūpanti nāmarūpaṃ kathitam. . Navamaṃ.

10. Khandhasuttavaṇṇanā

197. Dasame rūpakkhandho kāmāvacaro, sesā cattāro sabbasaṅgāhikaparicchedena catubhūmakā. Idha pana tebhūmakāti gahetabbā. . Dasamaṃ.

Paṭhamo vaggo.

2. Dutiyavagga

1-10. Cakkhusuttādivaṇṇanā

198-199. Dutiye dasa uttānatthāneva. . Paṭhamādīni.

11. Anusayasuttavaṇṇanā

200. Ekādasame **imasmīṇca saviññāṇake kāyēti** attano saviññāṇakakāyaṃ dasseti, **bahiddhā cāti** parassa saviññāṇakaṃ vā aviññāṇakaṃ vā. Purimena vā attano ca parassa ca viññāṇameva¹ dasseti, pacchimena bahiddhā anindriyabaddharūpaṃ.

Ahaṅkāramamaṅkāramānānusayāti ahaṅkāradiṭṭhi ca mamaṅkāraṇhā ca mānānusayā ca. **Na hontīti** ete kilesā kathaṃ jānantassa etesu vatthūsu na hontīti pucchati. **Sammappaññāya passatīti**² saha vipassanāya maggapaññāya suṭṭhu passatī³. . Ekādasamaṃ.

12. Apagatasuttavaṇṇanā

201. Dvādasame **ahaṅkāramamaṅkāramānāpagatanti** ahaṅkārato ca mamaṅkārato ca mānato ca apagataṃ. **Vidhā samatikkantanti** mānakoṭṭhāse suṭṭhu atikkantaṃ. **Santaṃ suvimuttanti** kilesavūpasamena santaṃ, kileseheva suṭṭhu vimuttaṃ. Sesam uttānamevāti. . Dvādasamaṃ.

Dutiyo vaggo.

1. Saviññāṇakameva (Sī)

2. Passatoti (Sī)

3. Passantassa (Sī)

Dvīsupi asekkhabhūmi kathitā. Paṭhamo panettha āyācantassa desito,
dutiyo anāyācantassa. Sakalepi pana Rāhulasāmyutte therassa
vimutti-paripācanīyadhammāva kathitāti.

Rāhulasāmyuttavaṇṇanā niṭṭhitā.

8. Lakkhaṇasaṃyutta

1. Paṭhamavagga

1. Aṭṭhisuttavaṇṇanā

202. Lakkhaṇasaṃyutte yvāyaṃ āyasmā ca Lakkhaṇoti Lakkhaṇatthero vutto, esa jaṭilasahassabbhantare ehibhikkhūpasampadāya upasampanno Ādittapariyāyāvasāne arahattaṃ patto eko mahāsāvakoṭi veditabbo. Yasmā panesa lakkhaṇasampanna sabbākāraparipūreṇa brahmasameṇa attabhāveṇa samannāgato, tasmā “Lakkhaṇo”ti saṅkhaṃ gato. Mahāmoggallāno pana pabbajitadivasato sattame divase arahattaṃ patto dutiyo aggasāvako.

Sitaṃ pātvākāsīti mandahasitaṃ pātu-akāsi, pakāsayi dassesīti vuttaṃ hoti. Kim pana disvā therō sitaṃ pātvākāsīti? Upari Pāḷiyaṃ āgataṃ aṭṭhikasāṅkhalikaṃ¹ ekaṃ petaloke nibbattaṃ sattaṃ disvā. Tañca kho dibbena cakkhunā, na pasādacakkhunā. Pasādacakkhussa hi ete attabhāvā na āpāthaṃ āgacchanti. Evarūpaṃ pana attabhāvaṃ disvā kāruṇṇe kattaṃbe kasmā sitaṃ pātvākāsīti? Attano ca Buddhañāṇassa ca sampattiṃ samanussaraṇato. Taṃ hi disvā therō “adiṭṭhasaccena nāma puggalena paṭilabhitabbā evarūpā attabhāvā mutto ahaṃ, lābhā vata me, suladdhaṃ vata me”ti attano ca sampattiṃ anussarivā “aho Buddhassa Bhagavato ñāṇasampatti, ‘yo kammavipāko bhikkhave acinteyyo na cintetabbo’ti deseti, paccakkaṃ vata katvā² Buddhā desenti, suppaṭividdhā Buddhānaṃ dhammadhātū”ti evaṃ Buddhañāṇasampattiñca anussarivā sitaṃ pātvākāsīti.

Atha Lakkhaṇatthero kasmā na addasa, kimassa dibbacakkhu natthīti? No natthi, Mahāmoggallāno pana āvajjento addasa, itaro pana anāvajjanena na addasa. Yasmā pana khīṇāsavā nāma na akāraṇā sitaṃ karonti, tasmā taṃ Lakkhaṇatthero pucchi **ko nu kho āvuso Moggallāna hetu, ko paccayo sitassa pātukammāyāti**. Thero

1. Aṭṭhisāṅkhalikaṃ (Sī, Syā, Ka)

2. Paccakkaṃ vata katvā (Syā)

pana yasmā yehi ayaṃ upapatti sāmaṃ adiṭṭhā, te dussaddhāpayā honti, tasmā Bhagavantam sakkhiṃ katvā byākātukāmatāya **akālo kho āvusoti-**ādimāha. Tato Bhagavato santike puṭṭho **idhāham āvusoti-**ādinā nayena byākāsi.

Tattha **aṭṭhikasaṅkhalikanti** setam nimmaṃsalohitam aṭṭhisāṅghātam¹. **Gijjhāpi kākāpi kulalāpīti** etepi yakkhagijjhā ceva yakkhakākā ca yakkhakulalā ca paccetabbā. Pākatikānam pana gijjhādīnam āpātthampi etaṃ rūpaṃ² nāgacchati. **Anupatitvā anupatitvāti** anubandhitvā anubandhitvā. **Vitudentīti** asidhārūpamehi tikhiṇehi lohatuṇḍakehi vijjhivā vijjhivā ito cito ca caranti³ gacchanti. **Sā sudam aṭṭassaram karotīti** ettha **sudanti** nipāto, sā aṭṭhikasaṅkhalikā aṭṭassaram āturassaram karotīti attho. Akusalavipākānubhavanattham kira yojanappamāṇāpi⁴ tādisā attabhā vā nibbattanti, pasādussadā ca honti pakkagaṇḍasadisā. Tasmā sā aṭṭhikasaṅkhalikā balavavedanāturā tādisam saddamakāsīti⁵.

Evañca pana vatvā puna āyasmā Mahāmogallāno “vaṭṭagāmisattā nāma evarūpā attabhāvā na muccantī”ti sattesu kāruṇṇam paṭicca uppannam dhammasamvegam dassento **tassa mayham āvuso etadahosi acchariyam vata bhoti-**ādimāha. Tato Bhagavā therassa ānubhāvam pakāsento **cakkhubhūtā vata bhikkhave sāvakā viharantīti-**ādimāha. Tattha cakkhu bhūtam jātam uppannam etesanti **cakkhubhūtā**, bhūtacakkhukā uppannācakkhukā cakkhum uppādetvā viharantīti attho. Dutiyapadepi eseva nayo. **Yatra hi nāmāti** ettha **yatrāti** kāraṇavacanam. Tatrāyam atthayojanā—yasmā nāma sāvakopi evarūpaṃ ṇassati vā dakkhati vā sakkhiṃ vā karissati, tasmā avocumha “cakkhubhūtā vata bhikkhave sāvakā viharanti, ṇāṇabhūtā vata bhikkhave sāvakā viharantī”ti. **Pubbeva me so bhikkhave satto diṭṭhoti** Bodhimaṇḍe sabbaññutaññāṇapaṭivedhena appamāṇesu cakkavāḷesu appamāṇe sattanikāye bhavagatiyoniṭṭhitinivāse ca paccakkham karontena mayā pubbeva so satto diṭṭhoti vadati.

1. Aṭṭhisāṅghātam (Sī, Syā)

2. Evarūpaṃ (Sī)

3. Khādantā (Sī)

4. Tiyojanappamāṇāpi (Syā)

5. Vissaramakāsi (Syā)

Goghātakoti gāvo vadhitvā aṭṭhito maṁsam¹ mocetvā vikkiṇitvā jīvikam kappanakasatto. **Tassova kammaṣa vipākāvasesenā**ti tassa nānācetanāhi āyūhitassa aparāpariyakammaṣa. Tatra hi yāya cetanāya narake paṭisandhi janitā, tassā vipāke parikkhīṇe avasesakammaṁ vā kammanimittam vā ārammaṇam katvā puna peṭādisu paṭisandhi nibbattati, tasmā sā paṭisandhi kammaṣabhāgatāya ārammaṇasabhāgatāya vā “tasseva kammaṣa vipākāvaseso”ti vuccati. Ayañca satto evaṁ uppanno. Tenāha “tasseva kammaṣa vipākāvasesenā”ti. Tassa kira narakā cavanakāle nimmaṁsakatānam² gunnam aṭṭhirāsiyeva nimittam ahoṣi. So paṭicchannampi tam kammaṁ viññūnam pākātam viya karonto aṭṭhisankhalikapeto jāto. . Paṭhamam.

2. Pesisuttavaṇṇanā

203. Maṁsapesivatthusmiṁ **goghātakoti** gomāṁsapesiyo katvā sukkhāpetvā vallūravikkayena anekāni vassāni jīvikam kappesi, tenassa narakā cavanakāle maṁsapesiyeva nimittam ahoṣi. So maṁsapesipeto jāto. . Dutiyam.

3. Piṇḍasuttavaṇṇanā

204. Maṁsapiṇḍavatthusmiṁ **sākunīkoti** sakuṇe gahetvā vikkiṇanakāle nippakkhacamme³ maṁsapiṇḍamate katvā vikkiṇanto jīvikam kappesi, tenassa narakā cavanakāle maṁsapiṇḍova nimittam ahoṣi. So maṁsapiṇḍapeto jāto. . Tatiyam.

4. Nicchavisuttavaṇṇanā

205. Nicchavivatthusmiṁ tassa orabbhikassa eḷake vadhitvā vadhitvā niccamme katvā kappitajīvikassa purinamayeneva niccammaṁ eḷakasarīram nimittam ahoṣi. So nicchavipeto jāto. . Catuttham.

1. Aṭṭhimaṁsam (Ka)

2. Nimmaṁsikatānam (Sī), nimmaṁsakānam (Syā)

3. Nippattacamme (Syā)

5. Asilomasuttavaṇṇanā

206. Asilomavatthusmiṃ so sūkariko dīgharattaṃ nivāpapuṭṭhe sūkare asinā vadhitvā vadhitvā dīgharattaṃ jīvikam kappesi, tassa ukkhittāsikabhāvova nimittam ahoṣi. Tasmā asilomapeto jāto. . Pañcamaṃ.

6. Sattisuttavaṇṇanā

207. Sattilomavatthusmiṃ so māgaviko ekaṃ migañca sattiñca gahetvā vanam gantvā tassa migassa samīpaṃ āgatāgate mige sattiya vijjhivā māresi, tassa sattiya vijjhanakabhāvoyeva nimittam ahoṣi. Tasmā sattilomapeto jāto. . Chaṭṭham.

7. Usulomasuttavaṇṇanā

208. Usulomavatthusmiṃ **kāraṇikoti** rājāparādhike anekāhi kāraṇāhi pīletvā avasāne kaṇḍena vijjhivā māraṇakapuriso. So kira “amukasmiṃ padese viddho maratī”ti ñatvāva vijjhati. Tassevam jīvikam kappetvā narake uppanassa tato pakkāvasesena idhūpapattikāle usunā vijjhanabhāvoyeva nimittam ahoṣi. Tasmā usulomapeto jāto. . Sattamaṃ.

8. Sūcilomasuttavaṇṇanā

209. Sūcilomavatthusmiṃ **sūtoti** assadamako. Godamakotipi vadantiyeva. Tassa patodasūciya vijjhanabhāvoyeva nimittam ahoṣi. Tasmā sūcilomapeto jāto. . Aṭṭhamaṃ.

9. Dutiyasūcilomasuttavaṇṇanā

210. Dutiyē sūcilomavatthusmiṃ **sūcakoti** pesuññakārako. So kira manussa aññaamaññañca bhindi, rājakule ca “imassa idam nāma atthi, iminā idam nāma katan”ti sūcetvā sūcetvā anayabyasanaṃ pāpesi. Tasmā yathā tena sūcetvā manussā bhinnā, tathā sūcihi

bhedanadukkhaṃ¹ paccanubhotuṃ kammameva nimittaṃ katvā
sūcilomapeto jāto. . Navamaṃ.

10. Kumbhaṇḍasuttavaṇṇanā

211. Aṇḍabhārivatthusmiṃ **gāmakūṭakoti**² vinicchayāmacco. Tassa
kammabhāgatāya kumbhamattā mahāghaṭṭappamaṇā aṇḍā ahesuṃ. So hi
yasmā raho paṭicchane ṭhāne lañjaṃ gahetvā kūṭavinicchayena pākaṭaṃ
dosam karonto sāmike assāmike akāsi, tasmāssa rahassaṃ aṅgaṃ pākaṭaṃ
nibbattaṃ. Yasmā daṇḍaṃ paṭṭhapento paresaṃ asayhaṃ bhāraṃ āropesi,
tasmāssa rahassaṃ aṅgaṃ asayhabhāro hutvā nibbattaṃ. Yasmā yasmim
ṭhāne ṭhitena samena bhavitabbaṃ, tasmim ṭhatvā visamo ahoṣi, tasmāssa
rahassaṅge visamā nisajjāva ahoṣīti. . Dasamaṃ.

Paṭhamo vaggo.

2. Dutiyavagga

1. Sasīsakasuttavaṇṇanā

212. Pāradārikavatthusmiṃ so satto parassa rakkhitagopitaṃ
sassāmikaṃ phassaṃ phusanto mīḷhasukhena kāmasukhena cittaṃ
ramayitvā kammabhāgatāya gūthaphassaṃ phusanto
dukkhamanubhavitum tattha nibbatta. . Paṭhamaṃ.

2. Gūthakhādasuttavaṇṇanā

213. Duṭṭhabrāhmaṇavatthu pākaṭameva. . Dutiyam.

3. Nicchavitthisuttavaṇṇanā

214. Nicchavitthivatthusmiṃ yasmā mātugāmo nāma attano phasse
anissaro, sā ca taṃ sāmikassa santakaṃ phassaṃ thenetvā paresaṃ
abhiratiṃ uppādesi, tasmā kammabhāgatāya sukhasamphassā vaṭṭitvā³
dukkhasamphassaṃ anubhavitum nicchavitthī hutvā uppannā. . Tatiyam.

1. Todanadukkhaṃ (Sī)

2. Gāmakūṭoti (Sī, Syā)

3. Cavitvā (Sī), dhamṣitvā (Vi-Ṭṭha 2. 100 piṭṭhe), vattitvā (Ka)

4. Maṅgulitthisuttavaṇṇanā

215. Maṅgulitthivatthusmiṃ **maṅgulinti** virūpaṃ duddasikaṃ bībhaccaṃ. Sā kira yakkhadāsikammaṃ¹ karontī “iminā ca iminā ca evaṃ balikamme kate ayaṃ nāma tumhākaṃ vaḍḍhi bhavissati”ti mahājanassa gandhapupphādīni vañcanāya gahetvā mahājanaṃ duddiṭṭhiṃ micchādiṭṭhiṃ gaṇhāpesi, tasmā tāya kammaabhāgatāya gandhapupphādīnaṃ thenitattā duggandhā, duddassanassagāhitattā duddasikā virūpā bībhaccā hutvā nibbattā. . Catutthaṃ.

5. Okilinīsuttavaṇṇanā

216. Okilinīvatthusmiṃ **uppakkaṃ okiliniṃ okirininti** sā kira aṅgāracitake nipannā vipphandaṃānā viparivattamānā paccati, tasmā uppakkā ceva hoti uḥhena agginā pakkasarīrā, okilinī ca kilinnasarīrā, bindūnissā² sarīrato paggharanti, okirinī ca aṅgārasamparikiṇṇā. Tassā hi heṭṭhatopi kimsukapupphavaṇṇā aṅgārā, ubhayapassesupi, ākāsatopissā upari patanti. Tena vuttaṃ “uppakkaṃ okiliniṃ okirinini”ti. **Sā issāpakatā sapattiṃ aṅgārakaṭāhena okirīti** tassa kira rañño ekā nāṭakinī aṅgārakaṭāhaṃ samīpe ṭhapetvā gattato udakaṃ puñchati, pāṇinā ca sedam karoti. Rājāpi tāya saddhiṃ kathaṅca karoti, parituṭṭhākāraṅca dasseti. Aggamahesī taṃ asahamānā issāpakatā hutvā acirapakkantassa rañño taṃ aṅgārakaṭāhaṃ gahetvā tassā upari aṅgāre okiri. Sā taṃ kammaṃ katvā tādisaṃyeva vipākaṃ paccanubhavituṃ petaloke nibbattā. . Pañcamaṃ.

6. Asīsakasuttavaṇṇanā

217. Coraghātavatthusmiṃ so rañño āṇāya dīgharattaṃ corānaṃ sīsāni chinditvā petaloke nibbattanto asīsakaṃ kabandhaṃ hutvā nibbatti. . Chatṭhaṃ.

1. Ikkhaṇikākammaṃ (Syā, Vi-Ṭṭha 2. 100 piṭṭhe ca)

2. Sedabindūnissā (Sī), bindubindūni hissā (Vi-Ṭṭha 2. 100 piṭṭhe)

7-11. Pāpabhikkhusuttādivaṇṇanā

218-222. Bhikkhuvatthusmiṃ **pāpabhikkhūti** lāmakabhikkhu. So kira lokassa saddhādeyye cattāro paccaye paribhuñjitvā kāyavacīdvārehi asaṃyato¹ bhinnājīvo cittakeḷim² kīlanto vicari. Tato ekaṃ Buddhantaram niraye paccitvā petaloke nibbattanto bhikkhusadiseneva attabhāvena nibbatti. Bhikkhunīsikkhamānāsāmaṇerasāmaṇerīvatthūsupi ayameva vinicchayo. . Sattamādīni.

Lakkhaṇasaṃyuttavaṇṇanā niṭṭhitā.

1. Asaññato (Syā)

2. Cittakīlam (Syā)

9. Opammasaṃyutta

1. Kūṭasuttavaṇṇanā

223. Opammasaṃyuttassa paṭhame kūṭaṃ gacchantīti **kūṭaṅgamā**. Kūṭaṃ samosarantīti **kūṭasamosaraṇā**. **Kūṭasamugghātāti** kūṭassa samugghātena¹. **Avijjāsamugghātāti** arahattamaggena avijjāya samugghātena. **Appamattāti** satiyā avippavāse ṭhitā hutvā. . Paṭhamāṃ.

2. Nakhasikhasuttavaṇṇanā

224. Dutiye **manussesu paccājāyantīti** ye manussalokato cutā manussesu jāyanti, te evaṃ appakāti adhippāyo. **Aññatra manussehīti** ye pana manussalokato cutā ṭhapetvā manussalokaṃ catūsu apāyesu paccājāyanti, te mahāpathaviyaṃ paṃsu viya bahutarā. Imasmiṃca sutte devāpi manusseva saṅgahitā. Tasmā yathā manussesu jāyantā appakā, evaṃ devesupīti veditabbā. . Dutiyaṃ.

3. Kulasuttavaṇṇanā

225. Tatiye **suppadhamsiyānīti** suviheṭṭhiyāni. **Kumbhatthenakehīti** ye paragharaṃ pavisitvā dīpālokena oloketvā parabhaṇḍaṃ haritukāmā ghaṭe dīpaṃ katvā pavisanti, te kumbhatthenakā nāma, tehi kumbhatthenakehi. **Suppadhamsiyo hoti amanussehīti** mettābhāvanārahitaṃ paṃsupisācakā vidhamsayanti², pageva uḷārā amanussā. **Bhāvitāti** vaḍḍhitā. **Bahulikatāti** punappunaṃ katā. **Yānikatāti** yuttayānaṃ viya katā. **Vatthukatāti** patiṭṭhānaṭṭhena vatthu viya katā. **Anuṭṭhitāti** adhiṭṭhitā³. **Paricitāti** samantato citā suvaḍḍhitā. **Susamāraddhāti** cittena suṭṭhu samāraddhā. Tatiyaṃ.

4. Okkhāsuttavaṇṇanā

226. Catutthe **okkhāsanti** mahāmukha-ukkhālīnaṃ sataṃ. **Dānaṃ dadeyyāti** paṇiṭabhojanabharitānaṃ mahā-ukkhālīnaṃ sataṃ dānaṃ dadeyya. “Ukkāsatan”tipi

1. Kūṭasamugghātena (Sī)

2. Paṃsupisācakāpi dhamsayanti (Sī)

3. Avaṭṭhitā (Sī)

pāṭho, tassa daṇḍadīpikāsantanti attho. Ekāya pana dīpikāya yattake ṭhāne āloko hoti, tato sataguṇaṃ ṭhānaṃ sattahi ratanehi pūretvā dānaṃ dadeyyāti attho. **Gadduhanamattanti** goduhanamattaṃ, gāvīyā ekavāraṃ aggathanākaḍḍhanamattanti attho. Gandha-ūhanamattaṃ vā¹, dvīhi aṅgulīhi gandhapīṇḍaṃ gahetvā ekavāraṃ ghāyanamattanti attho. Ettakampi hi kālaṃ yo pana gabbhapariveṇavihārūpacāraparicchedena vā cakkavāḷaparicchedena vā aparimāṇāsu lokadhātūsu vā² sabbasattesu hitapharaṇaṃ mettacittaṃ bhāvetuṃ sakkoti, idaṃ tato ekadivasaṃ tikkhattuṃ dinnadānato mahapphalataraṃ. . Catuttham.

5. Sattisuttavaṇṇanā

227. Pañcame **paṭileṇissāmīti**-ādīsu agge paharivā kappāsavaṭṭim viya nāmento niyyāsavaṭṭim viya ca ekato katvā alliyāpento **paṭileṇeti** nāma. Majjhe paharivā nāmetvā dhārāya vā paharivā dvepi dhārā ekato alliyāpento **paṭikotteti** nāma. Kappāsavaṭṭanakaraṇīyaṃ³ viya pavattento cirakālaṃ saṃvellitakilaṅjaṃ pasāretvā puna saṃvellento viya ca **paṭivaṭṭeti** nāma. . Pañcamam.

6. Dhanuggahasuttavaṇṇanā

228. Chaṭṭhe **dalhadhammā dhanuggahāti** dalhadhanuno issāsā. Dalhadhanu nāma dvisahassathāmaṃ vuccati, dvisahassathāmaṃ nāma yassa āropitassa jiyābaddho⁴ lohasīsādīnaṃ bhāro daṇḍe gahetvā yāva kaṇḍappamāṇā⁵ ukkhittassa pathavito muccati. **Susikkhitāti** dasadvādasavassāni ācariyakule uggahitasippā. **Katahatthāti** yo sippameva uggaṇhāti, so katahattho na hoti, ime pana katahatthā ciṇṇavasībhāvā. **Katūpāsanāti** rājakulādīsu dassitasippā.

Tassa purisassa javoti evarūpo añño puriso nāma na bhūtapubbo, bodhisattasseva pana Javanahaṃsakālo nāma āsi. Tadā bodhisatto

1. Gandhūhanamattaṃ vā (Sī), gandha-ohanamattaṃ vā (Syā)

2. Lokadhātūsu (Sī)

3. Kappāsavaṭṭanakaḷāyaṃ (Sī), kappāsavaṭṭanakayaṃ (Syā)

4. Jiyābandho (Sī, Ka)

5. Kaṇṭhappamāṇā (Sī)

cattāri kaṇḍāni āhari. Tadā kirassa kaniṭṭhabhātaro “mayam bhātika sūriyena saddhim javissāmā”ti ārocesum. Bodhisatto āha “sūriyo sīghajavo, na sakkhissatha tumhe tena saddhim javitun”ti. Te dutiyam tatiyampi tatheva vatvā ekadivasam “gacchāmā”ti Yugandharapabbatam āruhitvā nisīdiṃsu. Bodhisatto “kham me bhātaro”ti pucchitvā “sūriyena saddhim javitum gatā”ti vutte “vinassissanti tapassino”ti te anukampamāno sayampi gantvā tesam santike nisīdi. Atha sūriye ugacchante dvepi bhātaro sūriyena saddhimyeva ākāsam pakkhantā, bodhisattopi tehi saddhimyeva pakkhanto. Tesu ekassa apattheyeva antarabhattachasamaye pakkhantaresu aggi utthahi, so bhātaram pakkosivā “na sakkomī”ti āha. Tamenam bodhisatto “mā bhāyī”ti samassāsetvā pakkhapañjarena paliveṭhetvā daratham vinodetvā “gacchā”ti pesesi.

Dutiyo yāva antarabhattachā javitvā pakkhantaresu aggimhi utthahite tathevāha. Tampi so tatheva katvā “gacchā”ti pesesi. Sayam pana yāva majjhanhikā javitvā “ete bālāti mayāpi bālena na bhavitabban”ti nivattitvā “adiṭṭhasahāyakam Bārāṇasirājam passissāmī”ti Bārāṇasim agamāsi. Tasmim nagaramatthake paribbhamante dvādasayojanam nagaram pattakaṭāhena otthaṭapatto viya ahosi. Atha paribbhamantassa paribbhamantassa tattha tattha chiddāni paññāyimsu. Sayampi anekahamsasahassasadiso paññāyī. So vegam paṭisamharitvā rājagehābhimukho ahosi. Rājā oloketvā “āgato kira me piyasahāyo Javanahamsa”ti vātapānam vivaritvā ratanapīṭham paññāpetvā olokento aṭṭhāsi. Bodhisatto ratanapīṭhe nisīdi.

Athassa rājā sahasapākena telena pakkhantarāni makkhetvā madhulāje ceva madhurapānakaṇca adāsi. Tato nam kataparibhogam “samma kham agamāsi”ti pucchi. So tam pavattim ārocetvā “athāham mahārāja yāva majjhanhikā javitvā ‘natthi javitena attho’ti nivatto”ti ācikkhi. Atha¹ rājā “aham sāmi tumhākam sūriyena saddhim

1. Atha nam (Syā)

javanavegam passitukāmo”ti. Dukkaram mahārāja, na sakkā tayā passitunti. Tena hi sāmi sarikkhakamattampi dassēhīti. Āma¹ mahārāja dhanuggahe sannipātehīti. Rājā sannipātesi. Hamso tato cattāro gahetvā nagaramajjhe toraṇam kāretvā attano gīvāya ghaṇḍam² piḷandhāpetvā toraṇassa upari nisīditvā “cattāro janā³ toraṇam nissāya catudisābhimukhā ekekaṁ kaṇḍam khipantū”ti vatvā sayam paṭhamakaṇḍeneva saddhim uppatitvā taṁ kaṇḍam aggahetvāva dakkhiṇābhimukhaṁ gatakaṇḍam dhanuto ratanamattāpagataṁ gaṇhi. Dutiyam dviratanamattāpagataṁ, tatiyam tiratanamattāpagataṁ, catuttham bhūmim appattameva gaṇhi. Atha naṁ cattāri kaṇḍāni gahetvā toraṇe nisinnakāleyeva addasaṁsu. So rājānam āha “passa mahārāja, evaṁsīgho amhākaṁ javo”ti. Evaṁ bodhisatteneva Javanahaṁsakāle tāni kaṇḍāni āharitānīti veditabbāni.

Purato dhāvantiti aggato⁴ javanti. Na panetā sabbakālam puratova honti, kadāci purato, kadāci pacchato honti. Ākāsaṭṭhakavimānesu hi uyyānānīpi honti pokkharāṇiyopi, tā tattha nahāyanti, udakakīlam kīlamānā pacchatopi honti, vegena pana gantvā puna puratova dhāvanti. **Āyusankhārā**ti rūpajīvitindriyam sandhāya vuttam. Tañhi tato sīghataram khīyati. Arūpadhamānam pana bhedo na sakkā paññāpetum. . Chaṭṭham.

7. Āṇisuttavaṇṇanā

229. Sattame **dasārahānanti** evaṁnāmakānam khattiyānam. Te kira satato dasabhāgam gaṇhimso, tasmā “dasārahā”ti paññāyimsu. **Ānakoti** evaṁladdhanāmo mudiṅgo. Himavante kira mahākuḷīradaho ahosi. Tattha mahanto kuḷīro otiṇṇotiṇṇam hatthim khādanti. Atha hatthī upaddutā ekaṁ kareṇum sakkariṁsu “imissā puttam nissāya amhākaṁ sotthi bhavissatī”ti. Sāpi mahesakkaṁ puttam vijāyi. Te tampi sakkariṁsu. So vuddhippatto mātaram pucchi “kasmā maṁ ete sakkarontī”ti. Sā taṁ pavattimācikkhi. So “kim mayhaṁ kuḷīro pahoti, etha gacchāmā”ti

1. Sādhu (Syā)

3. Dhanuggahā janā (Syā)

2. Ghaṇḍam (Sī), kaṇḍam (Syā)

4. Aggato aggato (Syā)

mahāhatthiparivāro tattha gantvā paṭhamameva otari. Kuḷīro udakasaddeneva āgantvā taṃ aggahesi. Mahanto kuḷīrassa aḷo, so taṃ ito vā etto vā cāletuṃ asakko mukhe soṇḍaṃ pakkhipitvā viravi. Hatthino “yaṃ nissāya mayaṃ ‘sotthi bhavissatī’ti amaññimhā, so paṭhamataraṃ gahito”ti tato tato palāyimsu.

Athassa mātā avidūre ṭhatvā “mayaṃ thalanāgā, tumhe udakanāgā nāma, nāgehi nāgo na viheṭhetabbo”ti kuḷīraṃ piyavacanena vatvā imaṃ gāthamāha—

“Ye kuḷīrā samuddasmiṃ, Gaṅgāya Yamunāya ca.
Tesam tvaṃ vārijo seṭṭho, muñca rodantiyā pajan”ti¹.

Mātugāmasaddo nāma purise khobhetvā tiṭṭhati, tasmā so gahaṇaṃ sithilaṃ akāsi. Hatthipoto vegena ubho pāde ukkhipitvā taṃ piṭṭhiyaṃ akkami. Saha akkamaṇā piṭṭhi mattikabhājanaṃ viya bhijji. Atha naṃ dantehi vijjhivā ukkhipitvā thale chaḍḍetvā tuṭṭharavaṃ ravi. Atha naṃ hatthī ito cito ca āgantvā maddimsu. Tassa eko aḷo paṭikkamitvā pati, taṃ Sakko devarājā gahetvā gato.

Itaro pana aḷo vātātapena sukkhitvā pakkalākhārasavaṇṇo ahoṣi, so deve vuṭṭhe udakoghena vuyhanto dasabhātikānaṃ rājūnaṃ uparisote jālaṃ pasārāpetvā Gaṅgāya kīḷantānaṃ āgantvā jāle laggi. Te kīḷāpariyosāne jālamhi ukkhipiyamāne taṃ disvā pucchimsu “kiṃ etan”ti. Kuḷīra-aḷo sāmīti. “Na sakkā esa ābharaṇatthāya upanetuṃ, pariyanandhāpetvā bheriṃ karissāmā”ti pariyanandhāpetvā paharimsu, saddo dvādasayojanaṃ nagaraṃ avatthari. Tato āhaṃsu “na sakkā idaṃ divase divase vādetuṃ, chaṇadivasatthāya maṅgalabherī hotū”ti maṅgalabheriṃ akaṃsu. Tasmim vādite mahājanā anhāyitvā apiḷandhitvā² hatthiyānādīni āruyha sīghaṃ sannipatanti. Iti mahājanaṃ pakkositvā viya ānetīti ānakotvevassa nāmaṃ ahoṣi.

1. Patinti (Khu 5. 78 piṭṭhe Jātake)

2. Nhāyitvā piḷandhitvā (Sī)

Aññam āṇim odahimsūti aññam suvaṇṇarajatādīmayaṃ āṇim ghaṭayimsu. **Āṇisaṅghāṭova avasissīti** suvaṇṇādīmayaṇaṃ āṇinaṃ saṅghāṭamattameva avasesaṃ ahoṣi. Athassa dvādasayojanappamaṇo saddo antosālāyampi dukkhena suyyittha.

Gambhīrāti Pāḷivasena gambhīrā Sallasuttasadisā¹. **Gambhīratthāti** atthavasena gambhīrā Mahāvedallasuttasadisā². **Lokuttarāti** lokuttara-atthadīpakā. **Suññatappaṭisaṃyuttāti** sattuṣuññatadhammamattameva pakāsakā saṃkhittasaṃyuttasadisā. **Uggahetabbaṃ pariyaṇṇitabbanti** uggahetabbe ca pariyaṇṇitabbe ca. **Kavikatāti**³ kavīhi katā⁴. Itaraṃ tasseva vevacanaṃ. **Cittakkharāti** vicitra-akkharā. Itaraṃ tasseva vevacanaṃ. **Bāhirakāti** sāsanato bahibhūtā. **Sāvakabhāsītāti** tesam tesam sāvakehi bhāsītā. **Sussūsissantīti** akkharacittatāya ceva savanasampattiyaṃ ca attamaṇā hutvā sāmaṇeradahaṃbhikkhumātugāmahāgahapatikādayo “esa dhammakathiko”ti sannipatitvā sotukāmā bhavissanti. **Tasmāti** yasmā Tathāgatabhāsītā suttantā anuggayhamānā antaradhāyanti, tasmā. . Sattamaṇi.

8. Kaliṅgarasuttavaṇṇanā

230. Aṭṭhame **kaliṅgarūpadhānāti** kaliṅgaraghaṭikāṃ sīsūpadhānañceva pādūpadhānañca katvā. **Appamattāti** sippuggahaṇe appamattā. **Ātāpinoti** utṭhānavīriyātāpena yuttā. **Upāsanaṃsinti** sippānaṃ abhiyoge ācariyānañca payirupāsane. Te kira tadā pātova utṭhāya sippasālaṃ gacchanti, tattha sippaṃ uggahetvā sajjhāyādīhi abhiyogaṃ katvā mukhaṃ dhovitvā yāgupānāya gacchanti. Yāguṃ pivitvā puna sippasālaṃ gantvā sippaṃ gaṇhitvā sajjhāyaṃ karontā pātarāsāya gacchanti. Katapātarāsā samānā “mā pamādena ciraṃ niddokkamaṇaṃ ahoṣi”ti khadiraghaṭikāsu sīse ca pāde ca upadahitvā thokaṃ nipajjitvā puna sippasālaṃ gantvā sippaṃ gahetvā sajjhāyanti. Sāyaṃ sajjhāyaṃ karontā ca gehaṃ gantvā bhuttasāyamāsā paṭhamayāmaṃ sajjhāyaṃ katvā sayanakāle tatheva

1. Sallekhasuttasadisā (Sī)

3. Kavītāti (Am 2. 94 piṭṭhe, Ṭikāyaṃ ca.)

2. Ma 1. 365 piṭṭhe.

4. Kathitā (Ka)

kaliṅgaraṃ upadhānaṃ katvā sayanti. Evaṃ te akkhaṇavedhino vāavedhino ca ahesuṃ. Idaṃ sandhāyetaṃ vuttaṃ.

Otāraṃti vivaraṃ. **Ārammaṇanti** paccayaṃ. **Padhānasminti** padhānabhūmiyaṃ vīriyaṃ kurumānā. Paṭhamabodhiyaṃ kira bhikkhū bhattakiccaṃ katvāva kammaṭṭhānaṃ manasi karonti. Tesāṃ manasikarontānaṃyeva sūriyo atthaṃ gacchati. Te nhāyitvā puna caṅkamaṃ otarivā paṭhamayāmaṃ caṅkamanti. Tato “mā ciraṃ niddāyimhā”ti sarīradarathavinodanatthaṃ nipajjantā kaṭṭhakaṇḍaṃ upadahitvā nipajjanti, te puna pacchimayāme vuṭṭhāya caṅkamaṃ otaranti. Te sandhāya idaṃ vuttaṃ. Ayampi dīpo tiṇṇaṃ rājūnaṃ kāle ekaghaṇḍinigghoso ekapadhānabhūmi ahoṣi. Nānāmukhe¹ pahaṭagaṇḍi² pilicchikoḷiyaṃ osarati, kalyāṇiyaṃ pahaṭagaṇḍi nāgadīpe osarati. “Ayaṃ bhikkhu puthujjano, ayaṃ puthujjano”ti aṅgulim pasāretvā dassetaḅbo ahoṣi. Ekadivasaṃ sabbe arahantova ahesuṃ. **Tasmāti** yasmā kaliṅgarūpadhānānaṃ māro ārammaṇaṃ na labhati, tasmā. . Aṭṭhamaṃ.

9. Nāgasuttavaṇṇanā

231. Navame **ativelanti** atikkantavelaṃ kālaṃ atikkantappamaṇaṃ kālaṃ. **Kimaṅgaṃ panāhanti** ahaṃ pana kiṃkāraṇā na upasaṅkamissāmi. **Bhisamuḷāḷanti** bhisaṅceva muḷāḷaṅca. **Abbuhetvāti**³ uddharitvā. **Bhiṅkacchāpāti** hatthipotakā. Te kira abhiṅhaṃ bhiṅkārasaddaṃ karonti, tasmā bhiṅkacchāpāti vuccanti. **Pasannākāraṃ karontīti** pasannehi kattabbākāraṃ karonti, cattāro paccaye denti. **Dhammaṃ bhāsantīti** ekaṃ dve jātakāni vā suttante vā uggaṇhitvā asambhinnena sarena⁴ dhammaṃ desenti. **Pasannākāraṃ karontīti** tesāṃ tāya desanāya pasannā gihī paccaye denti. **Neva vaṇṇāya hoti na balāyāti** neva guṇavaṇṇāya, na nāṇabalāya hoti, guṇavaṇṇe pana parihāyante sarīravaṇṇopi sarīrabalampi parihāyati, tasmā sarīrassa neva vaṇṇāya na balāya hoti. . Navamaṃ.

1. Ṭhānamukhena (Ka)

3. Abbhuggahetvāti (Syā)

2. Pahaṭagaṇḍi (Sī, Syā)

4. Saddena (Syā)

10. Bilārasuttavaṇṇanā

232. Dasame **sandhisamalasarṅkaṭṭhā**reti ettha **sandhī**ti bhinnagharānaṃ sandhi¹, **samaloti** gāmato gūthanikkhamanamaggo, **sarṅkaṭṭhā**nti saṅkāraṭṭhānaṃ. **Mudumūsinti** mudukaṃ mūsikaṃ. **Vuṭṭhānaṃ paññāyati**ti desanā paññāyati. . Dasamaṃ.

11. Siṅgālasuttavaṇṇanā

233. Ekādasame **yena yena icchatī**ti so jarasiṅgālo icchiticchitaṭṭhāne iriyāpathakappanena sītavātūpavāyanena ca antarantarā cittassādampi labhatīti dasseti. **Sakyaputtiyaṭṭhā**nti idam Devadattaṃ sandhāya vuttaṃ. So hi ettakampi cittassādaṃ anāgate attabhāve na labhissatīti. . Ekādasamaṃ.

12. Dutiyaṅgālasuttavaṇṇanā

234. Dvādasame **kataññutā**ti katajānaṃ. **Kataveditā**ti katavisesajānaṃ. Tatridaṃ jarasiṅgālassa kataññutāya vatthu—satta kira bhātaro khettaṃ kasanti, tesam sabbakaniṭṭho khettapariyante ṭhatvā gāvo rakkhati. Athekaṃ jarasiṅgālaṃ ajagaro gaṇhi, so taṃ disvā yaṭṭhiyā pothetvā vissajjāpesi. Ajagaro siṅgālaṃ vissajjetvā tameva gaṇhi. Siṅgālo cintesi “mayhaṃ iminā jīvitaṃ dinnam, ahampi imassa dassāmī”ti yāgughaṭassa upari ṭhapitaṃ vāsīm mukhena ḍamsitvā tassa santikaṃ agamāsi. Itare bhātaro² disvā “Siṅgālo vāsīm haratī”ti anubandhimsu. So tehi diṭṭhabhāvaṃ ṇatvā vāsīm tassa santike chaḍḍetvā palāyi. Itare āgantvā kaniṭṭhaṃ ajagarena gahitaṃ disvā vāsiyā ajagaraṃ chinditvā taṃ gahetvā agamaṃsu. Evaṃ jarasiṅgāle siyā yā kāci kataññutā kataveditā. **Sakyaputtiyaṭṭhā**nti idampi Devadattassa ācārameva sandhāya vuttanti. . Dvādasamaṃ.

Opammasamyuttavaṇṇanā niṭṭhitā.

1. Dvinnam gharānaṃ sandhi (Sī)

2. Khādamānā (Sī), kasamānā (Syā)

10. Bhikkhusaṃyutta

1. Kolutasuttavaṇṇanā

235. Bhikkhusaṃyuttassa paṭhame āvusoti sāvakanāṃ ālāpo. Buddhā hi Bhagavanto sāvake ālapantā “bhikkhave”ti ālapanti, sāvakā pana “Buddhehi sadisā mā homā”ti “āvuso”ti paṭhamāṃ vatvā pacchā “bhikkhave”ti bhaṇanti. Buddhehi ca ālapite bhikkhusaṃgho “bhante”ti paṭivacanāṃ deti, sāvakehi “āvuso”ti. **Ayaṃ vuccatīti** yasmā dutiyajjhāne vitakkavicārā nirujjhanti, yesaṃ nirodhā saddāyatanāṃ appavattiṃ gacchati, tasmā yadetaṃ dutiyaṃ jhānaṃ nāma, ayaṃ vuccati “ariyānaṃ tuṇhībhāvo”ti ayamettha yojanā. “Dhammī vā kathā ariyo vā tuṇhībhāvo”ti ettha pana kammaṭṭhānāmanasikāropi paṭhamajjhānādīnipi ariyo tuṇhībhāvotveva saṅkhaṃ gatāni.

Vitakkasahagatīti vitakkārammaṇā. **Saññāmanasikārāti** saññā ca manasikāro ca. **Samudācarantīti** pavattanti. Therassa kira dutiyajjhānaṃ na paṇaṃ¹. Athassa tato vuṭṭhitassa vitakkavicārā na santato² upaṭṭhahimsu. Iccassa dutiyajjhānampi saññāmanasikārāpi hānabhāgiyāva ahesuṃ, taṃ dassento evamāha. **Sanṭhapehīti** sammā ṭhapehi. **Ekodibhāvaṃ karohīti** ekaggaṃ karohi. **Samādahāti** sammā ādaha āropehi. **Mahābhiññatanti** chaḷabhiññataṃ. Satthā kira iminā upāyena satta divase therassa hānabhāgiyaṃ samādhiṃ vadḍhetvā therāṃ chaḷabhiññataṃ pāpesi. . Paṭhamāṃ.

2. Upatissasuttavaṇṇanā

236. Dutiye **atthi nu kho taṃ kiñci lokasminti** idaṃ ati-ulārampi sattaṃ vā saṅkhāraṃ vā sandhāya vuttaṃ. **Satthupi khoti** idaṃ yasmā Ānandattherassa Satthari adhimatto chando ca pemañca, tasmā “kiṃ nu kho imassa therassa Satthu vipariṇāmenapi sokādayo nuppajjeyyun”ti jānanatthaṃ pucchati. **Dīgharattanti** sūkarakhataleṇadvāre Dīghanakhaparibbājakassa Vedanāpariggahasuttantaṃ desitadivasato paṭṭhāya atikkantakālaṃ sandhāyāha.

1. Paṇaṃ (Sī)

2. Santato (Sī), sandato (Syā)

tasmim̐ hi divase therassa ime vaṭṭānugatakilesā samūhatāti. . Dutiyam̐.

3. Ghaṭasuttavaṇṇanā

237. Tatiye **ekavihāreti** ekasmim̐ gabbhe. Tadā kira bahū āgantukā bhikkhū sannipatiṃsu. Tasmā parivenaggena vā vihāraggena vā senāsanesu apāpuṇantesu dvinnam̐ therānam̐ eko gabbho sampatto. Te divā pāṭiyekkesu ṭhānesu nisīdanti, rattim̐ pana nesam̐ antare cīvarasāṇim̐ pasārenti. Te attano attano pattapattaṭṭhāneyeva nisīdanti. Tena vuttam̐ “ekavihāre”ti. **Oḷārikenāti** idam̐ oḷārikārammaṇatam̐ sandhāya vuttam̐.

Dibbacakkhudibbasotadhātuvihārena hi so vihāsi, tesaṅca rūpāyatanasaddāyatanasaṅkhātam̐ oḷārikam̐ ārammaṇam̐. Iti dibbacakkhunā rūpassa diṭṭhattā dibbāya ca sotadhātuyā saddassa sutattā so vihāro oḷāriko nāma jāto. **Dibbacakkhu visujjhīti** Bhagavato rūpadassanattāya visuddham̐ ahoṣi. **Dibbā ca sotadhātūti** sāpi Bhagavato saddasuṇanattam̐ visujjhi. Bhagavatopi therassa rūpadassanattāṅceva saddasuṇanattāṅca tadubhayaṃ visujjhi. Tadā kira thero “kham̐ nu kho etarahi Sattā viharatī”ti ālokaṃ vaḍḍhetvā dibbena cakkhunā Sattāraṃ Jetavane vihāre Gandhakuṭiyam̐ nisinnam̐ disvā tassa dibbāya sotadhātuyā saddam̐ suṇi. Sattāpi tatheva akāsi. Evaṃ te aññamaññam̐ passim̐su ceva, saddaṅca assosum̐.

Āraddhavīriyoti paripuṇṇavīriyo paggaḥitavīriyo. **Yāvadeva upanikkhepanamattāyāti** tiyojanasahassavithhārassa himavato santike ṭhapitā sāsapamattā pāsāṇasakkharā “himavā nu kho mahā, ayam̐ nu kho pāsāṇasakkharā”ti evam̐ yāva upanikkhepanamattasseva atthāya bhaveyyāti vuttam̐ hoti. Paratopi eseva nayo. **Kappanti** āyukappam̐. **Loṇaghaṭāyāti** cakkavālamukhavatṭiyā ādhāraṃ¹ katvā mukhavatṭiyā brahmalokaṃ āhacca ṭhitāya loṇacāṭiyāti dasseti.

1. Avāraṃ (Syā)

Ime pana therā upamaṃ āharantā sarikkhakeneva ca vijjamānaguṇena ca āharim̄su. Kathaṃ? Ayaṃ hi iddhi nāma accuggataṭṭhena ceva vipulaṭṭhena ca Himavantasadisā, paññā catubhūmakadhamme anupavisitvā ṭhitaṭṭhena sabbabyañjanesu anupaviṭṭhaloṇarasasadisā. Evaṃ tāva sarikkhakaṭṭhena āharim̄su. Samādhilakkhaṇaṃ pana Mahāmoggallānattherassa vibhūtaṃ pākaṭaṃ. Kiñcāpi Sāriputtattherassa avijjamāna-iddhi nāma natthi, Bhagavatā pana “etadaggaṃ bhikkhave mama sāvakaṇaṃ bhikkhūnaṃ iddhimantānaṃ yadimaṃ Mahāmoggallāno”¹ ti ayameva etadagge ṭhapito. Vipassānalakkhaṇaṃ pana Sāriputtattherassa vibhūtaṃ pākaṭaṃ. Kiñcāpi Mahāmoggallānattherassa paññā atthi, Bhagavatā pana “etadaggaṃ bhikkhave mama sāvakaṇaṃ bhikkhūnaṃ mahapaññānaṃ yadidaṃ Sāriputto”¹ ti ayameva etadagge ṭhapito. Tasmā yathā ete aññamaññassa dhuraṃ na pāpuṇanti, evaṃ vijjamānaguṇena āharim̄su. Samādhilakkhaṇasmim̄ hi Mahāmoggallāno nipphattiṃ gato, vipassānalakkhaṇe Sāriputtatthero, dvīsupi etesu Sammāsambuddhoti. . Tatiyaṃ.

4. Navasuttavaṇṇanā

238. Catutthe **apossukkoti** nirussukko. **Saṅkasāyatīti** viharati. **Veyyāvaccanti** cīvare kattabbakiccaṃ. **Ābhicetasikānanti** abhicittaṃ uttamacittaṃ nissitānaṃ. **Nikāmalābhīti** icchiticchitakkhaṇe samāpajjanasamatthatāya nikāmalābhī. **Akicchalābhīti** jhānapāripanthike² sukhena vikkhambhetvā samāpajjanasamatthatāya adukkhalābhī. **Akasiralābhīti** yathāparicchedena vuṭṭhānasamatthatāya vipulalābhī, paṇṇajjhānoti attho. **Sithilamārabbhāti** sithilavīriyaṃ pavattetvā. . Catuttham̄.

5. Sujātasuttavaṇṇanā

239. Pañcame **abhirūpoti** aññāni rūpāni atikkantarūpo. **Dassanīyoti** daṭṭhabbayutto. **Pāsādikoti** dassanena cittaṃ pasādetuṃ samattho. **Vaṇṇapokkharatāyāti** chavivaṇṇasundaratāya³. . Pañcamam̄.

1. Am̄ 1. 23 piṭṭhe.

2. Jhānapāripanthike (Sī), jhānapāripanthaṃ (Syā), jhānaparibandhike (Ka)

3. Vaṇṇasundaratāya (Sī, Syā)

6. Lakunḍakabhaddiyasuttavaṇṇanā

240. Chaṭṭhe **dubbaṇṇanti** virūpasarīravaṇṇaṃ. **Okotimakanti** rassaṃ. **Paribhūtarūpanti** pamāṇavasena paribhūtajātikam. Taṃ kira chabbaggiyā bhikkhū “āvuso Bhaddiya āvuso Bhaddiyā”ti tattha tattha parāmasitvā nānappakāraṃ kīḷanti ākaḍḍhanti parikaḍḍhanti. Tena vuttaṃ “paribhūtarupan”ti. Kasmā pana evarūpo jāto? Ayaṃ kira atīte eko mahārājā ahosi, tassa mahallakā ca mahallakitthiyo ca¹ paṭikūlā honti. So sace mahallake passati, tesam cūlam ṭhapāpetvā kaccham bandhāpetvā yathārucci kīḷāpeti. Mahallakitthiyopi disvā tāsampi icchiticchitam vippakāraṃ katvā yathārucci kīḷāpeti. Tesam puttadhītādīnaṃ santike mahāsārajjam uppajjati. Tassa pāpakiriyā pathavito paṭṭhāya chadevaloke ekakolāhalaṃ akāsi².

Atha Sakko cintesi “ayaṃ andhabālo mahājanaṃ viheṭheti, karissāmissa niggahan”ti³. So mahallakagāmiyavaṇṇaṃ katvā yānake ekaṃ takkacāṭim āropetvā yānaṃ pesento⁴ nagaraṃ pavisati. Rājāpi hatthim āruya nagarato nikkhanto sam disvā “ayaṃ mahallako takkayānakena amhākaṃ abhimukho āgacchati, vāretha vārethā”ti āha. Manussa ito cito ca pakkhandantāpi na passanti. Sakko hi “rājāva maṃ passatu, mā aññe”ti evaṃ adhiṭṭhahi. Atha tesu manussesu “kahaṃ deva kahaṃ devā”ti vadantesu eva rājā saha hatthinā vaccho viya dhenuyā yānassa heṭṭhā pāvisi. Sakko takkacāṭim bhindi.

Rājā sīsato paṭṭhāya takkena kilinnasarīro ahosi. So sarīraṃ ubbaṭṭāpetvā uyyānapokkharāṇiyam nhatvā alaṅkatasarīro nagaraṃ pavisanto puna taṃ addasa, disvā “ayaṃ so amhehi diṭṭhamahallako puna dissati, vāretha vāretha nan”ti āha. Manussā “kahaṃ deva kahaṃ devā”ti ito cito ca vidhāvimsu. So paṭhamavippakārameva puna pāpuṇi. Tasmim khaṇe Sakko goṇe ca yānaṅca antaradhāpetvā

1. Kānakuṭṭhino ca (Syā)

3. Niggaṇhananti (Syā)

2. Ahosi (Syā)

4. Pājento (Sī)

ākāse ṭhatvā āha “andhabāla tvaṃ mayi ‘Takkavāṇijako eso’ti saññaṃ karosi, sakkohaṃ devarājā, ‘tavetaṃ pāpakiriyaṃ nivāressāmi’ti āgato, mā puna evarūpaṃ akāsī”ti santajjetvā agamāsi. Iminā kammaena so dubbhaṇṇo ahosi.

Vipassīsammasambuddhakāle panesa Cittapattakokilo nāma hutvā kheme migadāye vasanto ekadivasaṃ Himavantaṃ gantvā madhuraṃ ambaphalaṃ tuṇḍena gahetvā āgacchanto bhikkhusaṃghaparivāraṃ Satthāraṃ disvā cintesi “ahaṃ aññesu divasesu rittako Tathāgataṃ passāmi, ajja pana me imaṃ ambapakkāṃ atthi, Dasabalassa taṃ dassāmi”ti otaritvā ākāse caratī. Satthā tassa cittaṃ ṇatvā upaṭṭhākaṃ olokesi. So pattaṃ nīharitvā Dasabalaṃ vanditvā Satthu hatthe ṭhapesi. Kokilo Dasabalassa patte ambapakkāṃ patiṭṭhāpesi. Satthā tattheva nisīditvā taṃ paribhuñji. Kokilo pasannacitto punappunaṃ Dasabalassa guṇe āvajjetvā Dasabalaṃ vanditvā attano kulāvakaṃ gantvā sattāhaṃ pītisukheneva vītināmesi. Iminā kammaena saro madhuro ahosi.

Kassapasammāsambuddhakāle pana cetiye āraddhe “kiṃ pamāṇaṃ karoma, sattayojanappamāṇaṃ. Atimahantaṃ etaṃ, chayojanappamāṇaṃ karoma. Idampi atimahantaṃ, pañcayojanaṃ karoma, catuyojanaṃ, tiyojanaṃ, dviyojanaṃ”ti. Ayaṃ tadā jeṭṭhakavaḍḍhakī hutvā “evaṃ bho anāgate sukhaṭṭijaggitaṃ kātuṃ vaṭṭatī”ti vatvā rajjuṃ ādāya parikkhipanto gāvutamattake ṭhatvā “ekekāṃ mukhaṃ gāvutaṃ hotu, cetiyaṃ yojanāvaṭṭaṃ yojanubbedhaṃ bhavissatī”ti āha. Te tassa vacane aṭṭhaṃsu. Cetiyaṃ sattadivasaṃsattamāsādhikehi sattahi saṃvaccharehi niṭṭhitaṃ. Iti appamāṇassa Buddhassa pamāṇaṃ akāsīti. Tena kammaena okoṭimako jāto.

Hatthayo pasadā migāti hatthino ca pasadamigā ca. **Natthi kāyasmiṃ¹** tulyatāti kāyasmiṃ pamāṇaṃ nāma natthi, akāraṇaṃ kāyapamāṇanti attho. .
Chaṭṭhaṃ.

1. Kāyasmi (Ṭikāyaṃ)

7. Visākhassuttavaṇṇanā

241. Sattame **poriyā vācāyāti** puravāsīnaṃ nagaramanussānaṃ vācāsadisāya aparihīnakkharapadāya madhuravācāya. **Vissatṭhāyāti** asandiddhāya¹ apalibuddhāya, pittasemhehi anupahatāyāti attho. **Anelagalāyāti** yathā dandhamanussā mukhena kheḷaṃ gaḷantena vācam bhāsanti, na evarūpāya, atha kho niddosāya visadavācāya. **Pariyāpannāyāti** catusaccapariyāpannāya cattāri saccāni amuñcitvā pavattāya. **Anissitāyāti** vaṭṭanissitaṃ katvā akathitāya. **Dhammo hi isinaṃ dhajoti** navavidhalokuttaradhammo isīnaṃ dhajo nāmāti. . Sattamaṃ.

8. Nandasuttavaṇṇanā

242. Atṭhame **ākoṭītapaccākoṭītānīti** ekasmiṃ passe paṇinā vā muggarena vā ākoṭānena ākoṭītāni, parivattetvā ākoṭānena paccākoṭītāni. **Añjetvāti** añjanena pūretvā. **Accham patti** vippasannaṃ mattikāpattam. Kasmā pana thero evamakāsīti. Satthu ajjhāsaya jānanattham. Evaṃ kirassa ahosi “sace Satthā ‘sobhati vata me ayaṃ kaniṭṭhabhātiko’ ti vakkhati, yāvajīvaṃ imināvākārena carissāmi. Sace ettha dosaṃ dassati², imaṃ ākāraṃ pahāya saṅkāracoḷaṃ gahetvā cīvaraṃ katvā dhārento pariyaṅtasenāsane vasanto carissāmi” ti. **Assasīti** bhavissasi.

Aññātuñchenāti abhilakkhitesu issarajanagehesu kaṭukabhaṇḍasambhāraṃ sugandham bhojanaṃ pariyesantassa uñcho ñātuñcho nāma. Gharapaṭipāṭiyā pana dvāre ṭhitena laddham missakabhōjanaṃ aññātuñcho nāma. Ayamidha adhippeto. **Kāmesu anapekkhinanti** vatthukāmakilesakāmesu nirapekkham. **Āraññiko cāti-ādi** sabbaṃ samādānavaseneva vuttam. **Kāmesu ca anapekkhoti** idaṃ suttaṃ devaloke accharāyo dassetvā āgatena aparabhāge kathitam. Imassa kathitadivasato paṭṭhāya thero ghaṭento vāyamanto katipāheneva arahatte patiṭṭhāya sadevake loke aggadakkhiṇeyyo jāto. . Atṭhamaṃ.

1. Avisaddhitāya (Syā), asanniṭṭhāya (Ka) Dī-Ṭṭha 1. 252 piṭṭhepi passitabbaṃ.

2. Dasseti (Sī), dissati (Syā, Ka)

9. Tissasuttavaṇṇanā

243. Navame **dummanoti** uppannadomanasso. Kasmā panāyaṃ evaṃ dukkhī dummano jātoti? Khattiyapabbajito hesa, tena naṃ pabbājetvā dupaṭṭasāṭakaṃ nivāsāpetvā varacīvaraṃ pārupetvā akkhīni añjetvā manosilātelena sīsaṃ makkhesuṃ. So bhikkhūsu rattitṭhānadivāṭṭhānaṃ gatesu “bhikkhunā nāma vivittokāse nisīditabban”ti ajānanto bhojanasālaṃ gantvā mahāpīṭhaṃ āruhitvā nisīdi. Disāvacaṛā āgantukā paṃsukūlikā bhikkhū āgantvā “imināva nīhārena rajokiṇṇehi gattehi na sakkā Dasabalaṃ passituṃ, bhaṇḍakaṃ tāva ṭhapessāmā”ti bhojanasālaṃ agamaṃsu. So tesu mahātheresu āgacchantesu niccalo nisīdiyeva. Aññe bhikkhū “pādavattaṃ karoma, tālavaṇṇena¹ bījāmā”ti āpucchanti. Ayaṃ pana nisinnakova “kativassatthā”ti pucchitvā “mayāṃ avassikā, tumhe pana kativassatthā”ti vutte “mayāṃ ajja pabbajitā”ti āha. Atha naṃ bhikkhū “āvuso adhunā chinnacūḷosi, ajjāpi te sīsamūle ūkāgandho vāyatiyeva, tvaṃ nāma ettakesu vuḍḍhataresu vattaṃ āpucchantesu nissaddo niccalo nisinno, apacitimattampi te natthi, kassa sāsane pabbajitosī”ti parivāretvā taṃ vācāsattīhi paharantā “kiṃ tvaṃ iṇaṭṭo vā bhayaṭṭo vā jīvituṃ asakkonto pabbajito”ti āhaṃsu. So ekampi therāṃ olokesi, tena “kiṃ maṃ olokesi mahallakā”ti vutte aññaṃ olokesi, tenapi tatheva vutte athassa “ime maṃ parivāretvā vācāsattīhi vijjhantī”ti khattiyamāno uppajji. Akkhīsu maṇivaṇṇāni assūni sañcarimṃsu. Tato ne āha “kassa santikaṃ āgatatthā”ti. Te “kiṃ pana tvaṃ ‘mayhaṃ santikaṃ āgatā’ti amhe maññasi gihibyañjanabhaṭṭhakā”ti² vatvā “sadevake loke aggapuggalassa Satthu santikaṃ āgatamhā”ti āhaṃsu. So “mayhaṃ bhātu santike āgatā tumhe, yadi evaṃ idāni vo āgatamaggeneva gamanaṃ karissāmī”ti kujjhitvā nikkhanto antarāmagge cintesi “mayi imināva³ nīhārena gate Satthā ete na nīharāpessatī”ti dukkhī dummano assūni pavattayamāno agamāsi. Iminā kāraṇena esa evaṃ jātoti.

1. Tālapaṇṇena (Ka)

2. Gihibyañjana-atthikāti (Sī), gihibyañjana-atthakāti (Syā)

3. Iminā tāva (Syā, Ka)

Vācāsannitodakenāti¹ vacanapatodena. **Sañjambharimakamsūti** sañjambharitaṃ nirantaraṃ phuṭaṃ akaṃsu, upari² vijjhiṃ sūti vuttaṃ hoti. **Vattāti** pare yadicchakaṃ vadatiyeva. **No ca vacanakkhamoti** paresaṃ vacanaṃ khamituṃ na sakkoti. Idāni tāva tvaṃ iminā kopena iminā³ vuttavācāsannitodakena viddho, atīte pana raṭṭhato ca pabbājitoti. Evaṃ vutte “katarasmim kāle Bhagavā”ti bhikkhū Bhagavantaṃ yācimsu.

Satthā āha—atīte Bārāṇasiyaṃ Bārāṇasirājā rajjaṃ kāresi. Atheko Jātimā, eko Mātaṅgoti dve isayo Bārāṇasiṃ agamaṃsu. Tesu Jātimā puretaraṃ gantvā kumbhakārasālāyaṃ nisīdi. Mātaṅgo tāpaso pacchā gantvā tattha okāsaṃ yāci kumbhakāro “atthettha paṭhamataraṃ pavittṭho pabbajito, taṃ pucchā”ti āha. So attano parikkhāraṃ gahetvā sālāya dvāramūle ṭhatvā “amhākampi ācariya ekarattivāsāya okāsaṃ dethā”ti āha. Pavisā bhoti. Pavisitvā nisinnaṃ “bho kiṃ gottosī”ti pucchi. Caṇḍālagottomhīti. Na sakkā tayā saddhiṃ ekaṭṭhāne nisīdituṃ, ekamantaṃ gacchāti. So ca tattheva tiṇasanthāraṃ⁴ pattharivā nipajji, Jātimā dvāraṃ nissāya nipajji. Itaro passāvattṭhāya nikkhamanto taṃ urasmim akkami. “Ko eso”ti ca vutte “ahaṃ ācariyā”ti āha. Re caṇḍāla, kiṃ aññato maggaṃ na passasi, atha me āgantvā akkamasīti. Ācariya adisvā me akkantosi, khama⁵ mayhanti. So mahāpurise bahi nikkhante cintesi “ayaṃ paccāgacchantopi itova āgamissatī”ti parivattetvā nipajji. Mahāpurisopi “ācariyo ito sīsaṃ katvā nipanno, pādasamīpena gamissāmī”ti pavisanto puna urasmim yeva akkami. “Ko eso”ti ca vutte “ahaṃ ācariyā”ti āha. “Paṭhamam tāva te ajānantena kataṃ, idāni maṃ ghaṭentova akāsi, sūriye te uggacchante sattadhā muddhā phalatū”ti sapi. Mahāpuriso kiñci avatvā pure-aruṇeyeva sūriyaṃ gaṇhi, nāssa uggantuṃ adāsi. Manussā ca hatthi-assādayo ca pabujjhimsu.

1. Vācāya sannitodakenāti (Syā, Ka, Ṭikāyaṃ ca) Dī-Ṭṭha 1. 311 piṭṭhepi passitabbaṃ.

2. Upari upari (Sī)

3. Iti tvaṃ iminā kopena idha (Sī)

4. Tiṇasantarikaṃ (Sī, Syā)

5. Akkanto, khamatha (Sī), akkamato khamasi (Syā)

Manussā rājakulaṃ gantvā “deva sakalanagare appabuddho nāma natthi, na ca aruṇuggaṃ paññāyati, kiṃ nu kho etan”ti. Tena hi nagaraṃ parivīmaṃsathāti. Te parivīmaṃsantā kumbhakārasālāyaṃ dve tāpase disvā “imesaṃ etaṃ kammaṃ bhavissatī”ti gantvā rañño ārocesuṃ. Raññā ca “pucchatha ne”ti vuttā āgantvā Jātimantaṃ pucchimsu “tumhehi andhakāraṃ katan”ti. Na mayā kataṃ, esa pana kūṭajaṭilo chavo anantamāyo, taṃ pucchathāti. Te āgantvā mahāpurisaṃ pucchimsu “tumhehi bhante andhakāraṃ katan”ti. Āma ayaṃ ācariyo maṃ abhisapi, tasmā mayā katanti. Te gantvā rañño ārocesuṃ. Rājāpi āgantvā mahāpurisaṃ “tumhehi kataṃ bhante”ti pucchi. Āma mahārājāti. Kasmā bhanteti. Iminā abhisapitomi, sace maṃ eso khamāpessati, sūriyaṃ vissajjessāmīti. Rājā “khamāpetha bhante etan”ti āha. Itaro “mādiso Jātimā kiṃ evarūpaṃ caṇḍālaṃ khamāpessati, na khamāpemi”ti.

Atha naṃ manussā “na kiṃ tvaṃ attano ruciyā khamāpessasi”ti vatvā hatthesu ca pādesu ca gahetvā pādamūle nipajjāpetvā “khamāpehi”ti āhaṃsu. So nissaddo nipajji. Punapi naṃ “khamāpehi”ti āhaṃsu. Tato “khama mayhaṃ ācariyā”ti āha. Mahāpuriso “ahaṃ tāva tuyhaṃ khamitvā sūriyaṃ vissajjessāmi, sūriye pana uggate tava sīsaṃ sattadhā phalissatī”ti vatvā “imassa sīsappamaṇaṃ mattikāpiṇḍaṃ matthake ṭhapetvā etaṃ nadiyā galappamaṇe udake ṭhapethā”ti āha. Manussā tathā akaṃsu. Ettāvataṃ saraṭṭhakaṃ rājabalaṃ sannipati. Mahāpuriso sūriyaṃ muñci. Sūriyarasmi āgantvā mattikāpiṇḍaṃ pahari, so sattadhā bhijji. Tāvadeva so nimujjitvā ekena titthena uttaritvā palāyi. Satthā imaṃ vatthum āharitvā “idāni tāva tvaṃ bhikkhūnaṃ santike paribhāsaṃ labhasi, pubbepi imaṃ kodhaṃ nissāya raṭṭhato pabbājito”ti anusandhiṃ ghaṭetvā atha naṃ ovadanto **na kho te taṃ Tissa parirūpanti-ādimāha**. . Navamaṃ.

10. Theranāmakasuttavaṇṇanā

244. Dasame **vaṇṇavādīti** ānisaṃsavādī. **Yaṃ atītaṃ taṃ pahīnanti** atīte khandhapañcake chandarāgappahānena taṃ pahīnaṃ nāma hoti. **Anāgatanti** anāgatampi khandhapañcakaṃ tattha chandarāgapaṭinissaggena paṭinissaṭṭhaṃ nāma

hoti. **Sabbābhibhunti** sabbā khandhāyatanadhātuyo ca tayo bhava ca abhibhavitvā ṭhitam. **Sabbavidunti** tam vuttappakāram sabbam veditam pakātam katvā ṭhitam. **Sabbesu dhammesūti** tesveva dhammesu taṇhādiṭṭhilepehi anupalittam. **Sabbañjahanti** tadeva sabbam tattha chandarāgappahānena jahitvā ṭhitam. **Taṇhakkhaye vimuttanti** taṇhakkhayasaṅkhāte nibbāne tadārammaṇāya vimuttiyā vimuttam. . Dasamam.

11. Mahākappinasuttavaṇṇanā

245. Ekādasame **Mahākappinoti** evaṃnāmako abhiññābalappatto asītimahāsāvakanam abhantaro mahāthero. So kira gihikāle Kukkuṭavatīnagare tiyojanasatikam rajjam akāsi. Pacchimabhavikattā pana tathārūpam sāsanam sotum ohitasoto¹ vicarati. Athekadivasam amaccasahassaparivuto uyyānakīlikam agamāsi. Tadā ca Majjhimadesato jaṅghavāṇijā tam nagaram gantvā bhaṇḍam paṭisāmetvā “rājānam passissāmā”ti paṇṇākārahattā rājakuladvāram gantvā “rājā uyyānam gato”ti sutvā uyyānam gantvā dvāre ṭhitā paṭihārassa ārocayimsu. Atha rañño nivedite rājā pakkosāpetvā niyyātitapaṇṇākāre vanditvā ṭhite “tātā kuto āgatattā”ti pucchi. Sāvattitho devāti. Kacci vo raṭṭham subhikkham, dhammiko rājāti. Āma devāti. Atthi pana tumhākam dese kiñci sāsananti. Atthi deva, na pana sakkā ucchiṭṭhamukhehi kathetunti. Rājā suvaṇṇabhiṅgārena udakam dāpesi. Te mukham vikkhāletvā Dasabalābhimukhā añjalim paggaṇhitvā “deva amhākam dese Buddharatanam nāma uppannam”ti āhamasu. Rañño “Buddho”ti vacane sutamatte sakalasarīram pharamānā pīti uppajji. Tato “Buddhoti tātā vadattā”ti āha. Buddhoti deva vadāmāti. Evaṃ tikkhattum vadāpetvā “Buddhoti padam aparimāṇam, nāssa sakkā parimāṇam kātun”ti tasmin yeva pasanno satahassam datvā puna “aññam kim sāsanam”ti pucchi. Deva dhammaratanam nāma uppannanti. Tampi sutvā tatheva tikkhattum paṭiññam gahetvā aparampi satahassam datvā puna “aññam kim sāsanam”ti pucchi, samgharatanam deva uppannanti. Tampi sutvā tatheva tikkhattum paṭiññam gahetvā aparampi

1. Ohitasotova (Syā)

satasahassaṃ datvā dinnabhāvaṃ paṇṇe likhitvā “tātā deviyā santikaṃ gacchathā”ti pesesi. Tesu gatesu amacce pucchi “tātā Buddho loke uppanno, tumhe kiṃ karissathā”ti. Deva tumhe kiṃ kattukāmāti. Ahaṃ pabbajissāmīti. Mayampi pabbajissāmāti. Te sabbepi gharaṃ vā kuṭumbaṃ vā anapaloketvā ye asse āruyha gatā, teheva nikkhamiṃsu.

Vāṇijā Anojādeviyā santikaṃ gantvā paṇṇaṃ dassesuṃ. Sā vācetvā “raññā tumhākaṃ bahū kahāpaṇā dinnā, kiṃ tumhehi kataṃ tātā”ti pucchi. Piyasāsanāṃ devī ānītanti. Amhepi sakkā tātā suṇāpetunti. Sakkā devī, ucchiṭṭhamukhehi pana vattuṃ na sakkāti. Sā Suvaṇṇabhiṅgārena udakaṃ dāpesi. Te mukhaṃ vikkhāletvā rañño ārocitanayeneva ārocesuṃ. Sāpi sutvā uppannapāmojjā teneva nayena ekekasmim̐ pade tikkhattuṃ paṭiññaṃ gahetvā paṭiññāgaṇanāya tīṇi tīṇi katvā navasatasahassāni adāsī. Vāṇijā sabbānīpi dvādasasatasahassāni labhiṃsu. Atha ne “rājā kahaṃ tātā”ti pucchi. Pabbajissāmīti nikkhanto devīti. “Tena hi tātā tumhe gacchathā”ti te uyyojetvā raññā saddhiṃ gatānaṃ amaccānaṃ mātugāme pakkosāpetvā “tumhe attano sāmikānaṃ gataṭṭhānaṃ jānātha amma”ti pucchi. Jānāma ayye, raññā saddhiṃ uyyānakīlikāṃ gatāti. Āma gatā, tattha pana gantvā “Buddho uppanno, dhammo uppanno, saṅgho uppanno”ti sutvā “Dasabalassa santike pabbajissāmā”ti gatā, tumhe kiṃ karissathāti. Tumhe pana ayye kiṃ kattukāmāti. Ahaṃ pabbajissāmi, na tehi vantavamaṇaṃ jivhagge ṭhapeyyanti. “Yadi evaṃ mayampi pabbajissāmā”ti sabbā rathe yojāpetvā nikkhamiṃsu.

Rājāpi amaccasahassena saddhiṃ Gaṅgāya tīraṃ pāpuṇi. Tasmiṃca samaye Gaṅgā pūrā hoti. Atha naṃ disvā “ayaṃ Gaṅgā pūrā caṇḍamacchākiṇṇā, amhehi saddhiṃ āgatā dāsā vā manussā vā natthi, ye no nāvaṃ vā uḷumpaṃ vā katvā dadeyyuṃ, etassa pana Satthu guṇā nāma heṭṭhā Avīcīto upari yāva bhavaggā patthaṭā, sace esa Satthā Sammāsambuddho, imesaṃ assānaṃ khurapiṭṭhāni mā tementū”ti udakapiṭṭhena asse

pakkhandāpesuṃ. Eka-assassāpi khurapiṭṭhamattam¹ na temi, rājamaggena gacchantā viya paratīram patvā purato aññam mahānadim pāpuṇimsu. Tattha aññā saccakiriya natthi, tāya eva saccakiriyaṃ tampi aḍḍhayanavittihāram nadim atikkamimsu. Atha tatiyam Candabhāgam nāma mahānadim patvā tampi tāya eva saccakiriyaṃ atikkamimsu.

Satthāpi tamdivasam paccūsasamaye mahākaruṇāsamāpattito vuṭṭhāya lokam olokeno “ajja Mahākappino tiyojanasatikam rajjam pahāya amaccasahassaparivāro mama santike pabbajitum āgacchatī”ti disvā mayā tesam paccuggamanam kātum yuttan”ti pātova sarīrapaṭiṭṭhānam katvā bhikkhusamghaparivāro Sāvattiyam piṇḍāya caritvā pacchābhattam piṇḍapātapaṭikkanto sayameva pattacīvaram gahetvā ākāse uppatitvā Candabhāgāya nadiya tīre tesam uttaraṇatitthassa² abhimukhe ṭhāne mahānigrodharukkho atthi, tattha pallaṅkena nisīditvā parimukham satim upaṭṭhapetvā chabbaṇṇabuddharasmiyo vissajjesi. Te tena titthena uttarantā ca chabbaṇṇabuddharasmiyo ito cito ca vidhāvantiyo olokenā Dasabalassa puṇṇacandasassirikam³ mukham disvā “yam Satthāram uddissa mayam pabbajitā, addhā so eso”ti dassaneneva niṭṭham gantvā diṭṭhatṭhānato paṭṭhāya onatā vandamānā āgamma Satthāram vandimsu. Rājā gopphakesu gahetvā Satthāram vanditvā ekamantam nisīdi saddhim amaccasahassena. Satthā tesam dhammam kathesi. Desanāpariyosāne sabbe arahatte patitṭhāya Satthāram pabbajjam yācimsu. Satthā “pubbe ime cīvaradānassa dinnattā attano cīvarāni gahetvāva āgatā”ti suvaṇṇavaṇṇam hattham pasāretvā “etha bhikkhavo svākkhāto dhammo, caratha brahmacariyam sammā dukkhassa antakiriyaṃ”ti āha. Sāva tesam āyasmantānam pabbajjā ca upasampadā ca ahoṣi, Vassasatṭhikattherā⁴ viya Satthāram parivārayimsu.

Anojāpi devī rathasahassaparivārā Gaṅgātīram patvā rañño atthāya ābhatam nāvam vā uḷumpan vā adisvā attano byattatāya cintesi “rājā saccakiriyaṃ katvā gato bhavissati, so pana Satthā na kevalam

1. Khurapiṭṭhimattam (Sī)

3. Puṇṇacandasarikkhakam (Sī)

2. Uttaranaditthassa (Syā)

4. Vassasatṭhikattherā (Sī)

tesaṃyeva atthāya nibbatto, sace so Satthā Sammāsambuddho, amhākaṃ rathā mā uduke nimujjimsū”ti udakapiṭṭhe rathe pakkhandāpesi. Rathānaṃ nemivaṭṭimattampi na temi. Dutiyatatiyanadīpi teneva saccakārena uttaramānāyeva nigrodharukkhamūle Satthāraṃ addasa. Satthā “imāsaṃ attano sāmike passantīnaṃ chandarāgo uppajjitvā maggaphalānaṃ antarāyaṃ kareyya, so evaṃ kātuṃ na sakkhissatī”ti yathā aññamaññe na passanti, tathā akāsi. Tā sabbāpi titthato uttaritvā Dasabalaṃ vanditvā nisīdimṃsu. Satthā tāsāṃ dhammaṃ kathesi, desanāpariyosāne sabbāpi sotāpattiphale patiṭṭhāya aññamaññe passimsu. Satthā “uppalavaṇṇā āgacchatū”ti cintesi. Therī āgantvā sabbā pabbājetvā ādāya bhikkhunīnaṃ upassayaṃ gatā. Satthā bhikkhusahassaṃ gahetvā ākāseṇa Jetavanaṃ agamāsi. Imaṃ sandhāyetaṃ vuttaṃ “Mahākappinoti evaṃnāmako abhiññābalappatto asītimahāsāvakaṇaṃ abhantaro mahāthero”ti.

Janetasminti janite, pajāyāti attho. **Ye gottapaṭisārinoti** ye “mayāṃ Vāseṭṭhā Gotamā”ti gottaṃ paṭisaranti paṭijānanti, tesaṃ khattiyo seṭṭhoti attho. **Vijjācaraṇasampannoti** aṭṭhahi vijjāhi ceva pannarasadhammabhedena caraṇena ca samannāgato. **Tapatīti** virocati. **Jhāyī tapati brāhmaṇoti** khīṇāsavabrāhmaṇo duvidhena jhānena jhāyamāno tapati virocati¹. Tasmim̐ pana khaṇe Kāludāyitthero duvidhena jhānena jhāyamāno avidūre nisinno hoti. **Buddho tapatīti** Sabbaññubuddho virocati. Sabbamaṅgalagāthā kiresā. Bhātikarājā kira ekaṃ pūjaṃ kāretvā ācariyakaṃ² āha “tīhi ratanehi amuttaṃ ekaṃ jayamaṅgalaṃ vadathā”ti. So Tepiṭakaṃ Buddhavacanaṃ sammasitvā imaṃ gāthaṃ vadanto “divā tapati ādicco”ti vatvā atthaṅgamentaṃ sūriyassa añjalim̐ paggaṇhi. “Rattimābhāti candimā”ti uṭṭhahantassa candassa añjalim̐ paggaṇhi. “Sannaddho khattiyo tapatī”ti rañño añjalim̐ paggaṇhi. “Jhāyī tapati brāhmaṇo”ti bhikkhusaṃghassa añjalim̐ paggaṇhi. “Buddho tapati tejasā”ti vatvā pana mahācetiyaṃ añjalim̐ paggaṇhi. Atha naṃ rājā “mā hatthaṃ otārehi”ti ukkhittasmiṃyeva hatthe sahassaṃ ṭhapesi. . Ekādasamaṃ.

1. Ativirocati (Syā)

2. Bhāṇakaṃ (Sī)

12. Sahāyakasuttavaṇṇanā

246. Dvādasame **cirarattaṃsametikā**¹ dīgharattaṃ saṃsanditvā sametvā ṭhitaladdhino. Te kira² pañcajāṭisatāni ekatova vicariṃsu. **Sameti nesam saddhammoti** idāni imesaṃ ayaṃ sāsanaḍhammo saṃsandati sameti. **Dhamme Buddhappavedite**ti Buddhena pavedite³ dhamme etesaṃ sāsanaḍhammo sobhatīti attho. **Suvinīṭā kappinenā**ti attano upajjhāyena ariyappavedite dhamme suṭṭhu vinīṭā. Sesam sabbattha uttānamevāti. . Dvādasamaṃ.

Bhikkhusaṃyuttavaṇṇanā niṭṭhitā.

Iti Sāratthappakāsiniyā Saṃyuttanikāyaṭṭhakathāya

Nidānavaggaṇṇanā niṭṭhitā.

1. Samāhitāti (Sī), sametikāti (Syā)

2. Te kira pabbajitā (Syā)

3. Paveditamhi (Syā)

Khandhavagga

Samyuttaṭṭhakathā

Namo Tassa Bhagavato Arahato Sammāsambuddhassa.

1. Khandhasamyutta

1. Nakulapituvagga

1. Nakulapitusuttavaṇṇanā

1. **Khandhiyavaggassa**¹ paṭhame **Bhaggesūti** evaṃnāmake janapade. **Susumāragireti** Susumāragiranagare. Tasmim kira māpiyamāne susumāro saddamakāsi, tenassa “Susumāragiran”tveva nāmaṃ akaṃsu. **Bhesakaḷāvaneti** Bhesakaḷāya nāma yakkhiniyā adhivutthattā evaṃladdhanāme vane. Tad eva migagaṇassa² abhayatthāya dinnattā **migadāyoti** vuccati. Bhagavā tasmim janapade taṃ nagaraṃ nissāya tasmim vanasaṇḍe viharati. **Nakulapitāti** Nakulassa nāma dārakassa pitā.

Jiṇṇoti jarājiṇṇo. **Vuddhoti** vayovuddho. **Mahallakoti** jātimahallako. **Addhagatoti** tiyaddhagato. **Vayo-anuppattoti** tesu tīsu addhesu pacchimavayaṃ anuppatto. **Āturakāyoti** gilānakāyo. Idañhi sarīraṃ suvaṇṇavaṇṇampi niccapaggharaṇaṭṭhena āturaṃ yeva

1. Khandhakavaggassa (Sī), nakulapituvaggassa (Syā)

2. Migānaṃ (Sī)

nāma. Visesaṇa paṇassa jarāturatā byādhāturatā maraṇāturatāti tisso āturatā honti. Tāsu kiñcāpi eso mahallakattā jarāturova, abhiṇharogatāya paṇassa byādhāturatā idha adhippetā. **Abhikkhaṇātāṅkoti** abhiṇharogo nirantararogo. **Aniccadassāvīti** tāya āturatāya icchiticchitakkhaṇe āgantum asakkonto kadācideva daṭṭhum labhāmi, na sabbakālanti attho. **Manobhāvanīyānanti** manavaḍḍhakānaṃ. Yesu hi diṭṭhesu¹ kusalavasena cittaṃ vaḍḍhati, te Sāriputtamoggallānādayo mahātherā manobhāvanīyā nāma. **Anusāsātūti** punappunaṃ sāsatu. Purimaṃ hi vacanaṃ ovādo nāma, aparāparaṃ anusāsānī nāma. Otiṇṇe vā vatthusmiṃ vacanaṃ ovādo nāma, anotiṇṇe tantivasena vā paveṇivasena vā vuttaṃ anusāsānī nāma. Api ca ovādoti vā anusāsānīti vā atthato ekameva, byañjanamattameva nānaṃ.

Āturo hāyanti āturo hi ayaṃ, suvaṇṇavaṇṇo piyaṅgusāmopi samāno niccapaggharaṇaṭṭhena āturo yeva. **Aṇḍabhūtoti** aṇḍaṃ viya bhūto dubbalo. Yathā kukkuṭaṇḍaṃ vā mayūraṇḍaṃ vā geṇḍukaṃ viya gahetvā khipantena vā paharantena vā na sakkā kīlītum, tāvadeva bhijjati, evamayampi kāyo kaṇṭakepi khāṇukepi pakkhalitassa bhijjatīti aṇḍaṃ viya bhūtoti aṇḍabhūto. **Pariyonaddhoti** sukhumena chavimattena pariyonaddho. Aṇḍaṃ hi sāratacena pariyonaddhaṃ, tena² ḍaṃsamakasādayo nilīyitvāpi chaviṃ chinditvā yūsaṃ paggharāpetum na sakkonti. Imasmim̐ pana chaviṃ chinditvā yaṃ icchanti, taṃ karonti. Evaṃ sukhumāya chaviyā pariyonaddho. **Kimaññaṭṭra bālyāti** bālabhāvato aññaṃ kimatthi? Bālo yeva ayanti attho. **Tasmāti** yasmā ayaṃ kāyo evarūpo, tasmā.

Tenupasaṅkamīti rañño cakkavattissa upaṭṭhānaṃ gantvā anantaraṃ pariṇāyakaratanassa upaṭṭhānaṃ gacchanto rājapuriso viya Saddhammacakkavattissa Bhagavato upaṭṭhānaṃ gantvā anantaraṃ Dhammasenāpatissa apacitīm̐ kātukāmo yenāyasmā Sāriputto, tenupasaṅkami. **Vippasannānīti** suṭṭhupasannāni. **Indriyānīti** manacchaṭṭhāni indriyāni. **Parisuddhoti** niddoso.

1. Diṭṭhesu diṭṭhesu (Sī), diṭṭhesu kulesu (Ka) 2. Tenettha (Syā), tena thaddhaṃ (Ka)

Pariyodātoti tass’eva vevacanaṃ. Nirupakkilesatā yeva hi esa pariyodātoti vutto, na setabhāvena. Etassa ca pariyodātataṃ disvāva indriyānaṃ vippasannataṃ aññāsi. Nayaggāhapaññā kir’esā Therassa.

Kathaṃ hi no siyāti kena kāraṇena na laddhā bhavissati? Laddhā yevāti attho. Iminā kiṃ dīpeti? Satthu vissāsikabhāvaṃ. Ayaṃ kira Satthu dīṭṭhakālato paṭṭhāya pitipemaṃ, upāsikā cassa mātipemaṃ paṭilabhati. Ubhopi “mama putto”ti Satthāraṃ vadanti. Bhavantaragato hi nesaṃ sineho. Sā kira upāsikā pañca jātisatāni Tathāgatassa mātā’va, so ca gahapati pitā’va ahosi. Puna pañca jātisatāni upāsikā mahāmātā, upāsako mahāpitā, tathā cūlamātā cūlapitāti. Evaṃ Satthā diyaḍḍha-attabhāvasahassaṃ tesaṃ yeva hatthe vaḍḍhito. Ten’eva te yaṃ n’eva puttassa, na pitu santike kathetuṃ sakkā, taṃ Satthu santike nisinnā kathenti. Iminā yeva ca kāraṇena Bhagavā “etadaggaṃ bhikkhave mama sāvakānaṃ upāsakānaṃ vissāsikānaṃ yadidaṃ Nakulapitā gahapati, yad idaṃ Nakulamātā gahapatāni”¹ te etadagge ṭhapesi. Iti so imaṃ vissāsikabhāvaṃ pakāsento **kathaṃ hi no siyāti** āha. **Amatena abhisittoti** n’ass’idha aññaṃ kiñci jhānaṃ vā vipassanā vā maggo vā phalaṃ vā “amatābhiseko”ti daṭṭhabbo, madhuradhamadesanā yeva² pana “amatābhiseko”ti veditabbo. **Dūratopīti** tiroraṭṭhāpi tirojanapadāpi.

Assutavā puthujjanoti idaṃ vuttatthameva. **Ariyānaṃ adassāvīti**-ādīsu **ariyāti** ārakattā kilesehi, anaye na iriyanato, aye iriyanato, sadevakena ca lokena araṇīyato Buddhā ca Paccekabuddhā ca Buddhasāvakā ca vuccanti. Buddhā eva vā idha ariyā. Yath’āha—“sadevake bhikkhave loke -pa-Tathāgato ariyoti vuccati”³. **Sappurisānanti** ettha pana Paccekabuddhā Tathāgatasāvakā ca sappurisāti veditabbā. Te hi lokuttaraguṇayogena sobhanā purisāti sappurisā. Sabb’eva vā ete dvedhāpi vuttā. Buddhāpi hi ariyā ca sappurisā ca, Paccekabuddhā Buddhasāvakāpi. Yath’āha—

1. Am 1. 27 piṭṭhe. 2. Madhuradhammasavanaṃyeva (Si) 3. Sam 3. 381 piṭṭhe.

“Yo ve kataññū katavedi dhīro,
Kalyāṇamitto daḷhabhatti ca hoti.

Dukhitassa sakkacca karoti kiccaṃ,
Kathāvidhaṃ sappurisaṃ vadantī”¹.

“Kalyāṇamitto daḷhabhatti ca hotī”²ti ettāvata hi Buddhasāvako vutto, kataññūtādīhi Paccekabuddhabuddhāti. Idāni yo tasmaṃ ariyānaṃ adassanasīlo, na ca dassane sādhu-kārī, so “ariyānaṃ adassāvī”³ti veditabbo. So ca cakkhunā adassāvī, ñāṇena adassāvīti duvidho. Tesu ñāṇena adassāvī idha adhippeto. Maṃsacakkhunā hi dibbacakkhunā vā ariyā diṭṭhāpi adiṭṭhā’va honti tesāṃ cakkhūnaṃ vaṇṇamattaggahaṇato na ariyabhāvagocarato. Soṇasiṅgālādayopi cakkhunā ariye passanti, na c’ete ariyānaṃ dassāvino nāma.

Tatr’idaṃ vatthu—Cittalapabbatavāsino kira khīṇāsavattherassa upaṭṭhāko vuddhapabbajito ekadivasāṃ therena saddhim piṇḍāya caritvā therassa pattacīvaraṃ gahetvā piṭṭhito āgacchanto therāṃ pucchi “ariyā nāma bhante kīdisā”⁴ti. Thero āha “idhekacco mahallako ariyānaṃ pattacīvaraṃ gahetvā vattapaṭivattam² katvā saharantopi neva ariye jānāti, evaṃ dujjānāvuso ariyā”⁵ti. Evaṃ vuttepi so neva aññāsi. Tasmā na cakkhunā dassanaṃ dassanaṃ, ñāṇena dassanameva dassanaṃ. Yathāha— “kim te Vakkali iminā pūtikāyena diṭṭhena. Yo kho Vakkali dhammaṃ passati, so maṃ passati. Yo maṃ passati, so dhammaṃ passatī”³. Tasmā cakkhunā passantopi ñāṇena ariyehi diṭṭhaṃ aniccādīlakkaṇaṃ apassanto, ariyādhigatañca dhammaṃ anadhigacchanto ariyakaradhammānaṃ ariyabhāvassa ca adiṭṭhattā “ariyānaṃ adassāvī”⁶ti veditabbo.

Ariyadhammassa akovidoti satipaṭṭhānādibhede ariyadhamme akusalo. Ariyadhamme avinītoti ettha pana—

Duvidho vinayo nāma, ekamekettha pañcadhā.
Abhāvato tassa ayaṃ, avinītoti vuccati.

1. Khu 6. 10 piṭṭhe Jātake.

2. Vattapaṭivattim (Ka)

3. Saṃ 2. 98 piṭṭhe.

Ayaṃ hi saṃvaravinayo pahānavinayoti duvidho vinayo. Ettha ca duvidhepi vinaye ekameko vinayo pañcadhā bhijjati. **Saṃvaravinayopi** hi sīlasaṃvaro satisaṃvaro ñāṇasaṃvaro khantisāṃvaro vīriyasaṃvaroti pañcavidho. **Pahānavinayopi** tadaṅgappahānaṃ vikkhambhanappahānaṃ samucchedappahānaṃ paṭippassaddhippahānaṃ nissaraṇappahānanti pañcavidho.

Tattha “iminā pātimokkhasaṃvarena upeto hoti samupeto”¹ ayaṃ **sīlasaṃvaro**. “Rakkhati cakkhundriyaṃ, cakkhundriye saṃvaram āpajjati”² ayaṃ **satisaṃvaro**.

“Yāni sotāni lokasmiṃ, (Ajitāti Bhagavā)
Sati tesāṃ nivāraṇaṃ.
Sotānaṃ saṃvaram brūmi,
Paññāyete pidhīyare”³—

Ayaṃ **ñāṇasaṃvaro**. “Khamo hoti sītassa uṇhassā”⁴ ayaṃ **khantisāṃvaro**. “Uppannaṃ kāmavitakkaṃ nādhivāseti”⁵ ayaṃ **vīriyasaṃvaro**. Sabbopi cāyaṃ saṃvaro yathāsakaṃ saṃvaritabbānaṃ vinetabbānaṃcā kāyaduccaritādīnaṃ saṃvaraṇato “saṃvaro”, vinayanato “vinayo”⁶ ti vuccati. Evaṃ tāva saṃvaravinayo pañcadhā bhijjatīti veditabbo.

Tathā yaṃ nāmarūpaparicchedādīsu vipassanāññāṇesu paṭipakkhabhāvato dīpālokeneva tamassa, tena tena vipassanāññāṇena tassa tassa anattassa⁶ pahānaṃ. Seyyathidaṃ? Nāmarūpavavattānaṃ sakkāyadiṭṭhiyā, paccayapariggahena ahetuvisamahetudiṭṭhīnaṃ, tasseva aparabhāgena kaṅkhāvitaraṇena kathāmkathībhāvassa, kalāpasammasanena “ahaṃ mamā”⁷ ti gāhassa, maggāmaggavavattānaṃ amagge maggasaññāya, udayadassanena ucchedadiṭṭhiyā, vayadassanena sassatadiṭṭhiyā, bhayadassanena sabhaye abhayasaññāya, ādīnavadassanena assādasaññāya, nibbidānupassanāya⁷

1. Abhi 2. 255 piṭṭhe. 2. Dī 1. 66; Ma 1. 238; Saṃ 2. 384; Aṃ 1. 111 piṭṭhādīsu.

3. Khu 1. 434; Khu 8. 30 piṭṭhesu. 4. Ma 1. 13; Aṃ 2. 433; Aṃ 3. 341 piṭṭhesu.

5. Ma 1. 14; Aṃ 2. 432; Aṃ 3. 342 piṭṭhesu.

6. Aṅgassa (Sī)

7. Nibbidānupassanena (Syā, Ka)

abhiratisaññāya, muccitukamyatāññāṇena amuccitukāmatāya. Upekkhāññāṇena anupekkhāya, anulomena dhammaṭṭhitiyaṃ nibbāne ca paṭilomabhāvassa, gotrabhunā saṅkhāranimittagāhassa pahānaṃ, etaṃ **tadaṅgappahānaṃ** nāma.

Yaṃ pana upacārappanābhedenā samādhinā pavattibhāvanivāraṇato ghaṭappahāreneva udakapiṭṭhe sevālassa, tesāṃ tesāṃ nīvaraṇādidhammānaṃ pahānaṃ, etaṃ **vikkhambhanappahānaṃ** nāma. Yaṃ catunnaṃ ariyamaggānaṃ, bhāvitattā taṃtaṃmaggavato attano santāne “diṭṭhigatānaṃ pahānāyā”¹ti-ādinā¹ nāyena vuttassa samudayapakkhikassa kilesagaṇassa accantaṃ appavattibhāvena² pahānaṃ, idaṃ **samucchedappahānaṃ** nāma. Yaṃ pana phalakkhaṇe paṭippassaddhattaṃ kilesānaṃ, etaṃ **paṭippassaddhippahānaṃ** nāma.

Yaṃ sabbasaṅkhatanissaṭṭattā pahīnasabbasaṅkhatānaṃ nibbānaṃ, etaṃ **nissaraṇappahānaṃ** nāma. Sabbampi cetānaṃ pahānaṃ yasmā cāgaṭṭhena pahānaṃ, vinayanaṭṭhena vinayo, tasmā “pahānavinayo”³ti vuccati. Taṃtaṃpahānavato³ vā tassa tassa vinayassa sambhavatopetaṃ “pahānavinayo”³ti vuccati. Evaṃ pahānavinayopi pañcadhā bhijjatīti veditaḅbo.

Evamayaṃ saṅkhepato duvidho, bhedato ca dasavidho vinayo bhinnasamvarattā pahātabbassa ca appahīnattā yasmā etassa assutavato puthujjanassa natthi, tasmā abhāvato tassa ayaṃ “avinīto”³ti vuccatīti. Esa nayo **sappurisānaṃ adassāvī sappurisdhammassa akovido sappurisdhamme avinītoti** etthāpi. Ninnānākaraṇaṃ hi etaṃ atthato. Yathāha—

“Ye va te ariyā, te va te sappurisā. Ye va te sappurisā, te va te ariyā.
Yo eva so ariyānaṃ dhammo, so eva so sappurisānaṃ dhammo. Yo eva
so sappurisānaṃ dhammo, so eva so ariyānaṃ dhammo. Ye va te
ariyavinayā, te va te sappurisavinayā. Ye va te

1. Abhi 1. 72; Abhi 2. 276 piṭṭhesu.

2. Accantaṃ appavattabhāvena (Sī), accanta-appavattibhāvena (Syā)

3. Taṃtaṃpahānaṅgato (Sī)

sappurisavinayā, teva te ariyavinayā. Ariyeti vā sappuriseti vā, ariyadhammeti vā sappurisdhammeti vā, ariyavinayeti vā sappurisavinayeti vā esese eke ekaṭṭhe same samabhāge tajjāte taññevā”ti.

Rūpaṃ attato samanupassatīti idhekacco rūpaṃ attato samanupassati, “yaṃ rūpaṃ, so ahaṃ, yo ahaṃ, taṃ rūpaṃ”ti rūpañca attañca advayaṃ samanupassati. Seyyathāpi nāma telappadīpassa jhāyato yā acci, so vaṇṇo. Yo vaṇṇo, sā accīti acciñca vaṇṇañca advayaṃ samanupassati, evameva idhekacco rūpaṃ attato samanupassati -pa- advayaṃ samanupassatīti evaṃ rūpaṃ “attā”ti diṭṭhipassanāya passati. **Rūpavantaṃ vā attānanti** arūpaṃ “attā”ti gahetvā chāyāvantaṃ rukkhaṃ viya taṃ rūpavantaṃ samanupassati. **Attani vā rūpanti** arūpameva “attā”ti gahetvā pupphasmiṃ gandhaṃ viya attani rūpaṃ samanupassati. **Rūpasmim vā attānanti** arūpameva “attā”ti gahetvā karaṇḍake¹ maṇim viya taṃ attānaṃ rūpasmim samanupassati. **Pariyuṭṭhaṭṭhāyīti** pariyuṭṭhānākārena² abhibhavanākārena ṭhito, “ahaṃ rūpaṃ, mama rūpaṃ”ti evaṃ taṇhādīṭṭhihi gilivā pariniṭṭhapetvā gaṇhanako nāma hotīti attho. **Tassa taṃ rūpanti** tassa taṃ evaṃ gahitaṃ rūpaṃ. Vedanādīsupi eseva nayo.

Tattha “rūpaṃ attato samanupassatī”ti suddharūpameva attāti kathitaṃ. “Rūpavantaṃ vā attānaṃ, attani vā rūpaṃ, rūpasmim vā attānaṃ, vedanaṃ attato -pa- saññaṃ, saṅkhāre, viññāṇaṃ attato samanupassatī”ti imesu sattasu ṭhānesu arūpaṃ attāti kathitaṃ. “Vedanāvantaṃ vā attānaṃ, attani vā vedanaṃ, vedanāya vā attānaṃ”ti evaṃ catūsū khandhesu tiṇṇaṃ tiṇṇaṃ vasena dvādasasu ṭhānesu rūpārūpamissako attā kathito. Tattha “rūpaṃ attato samanupassati, vedanaṃ, saññaṃ, saṅkhāre, viññāṇaṃ attato samanupassatī”ti imesu pañcasu ṭhānesu ucchedadīṭṭhi kathitā, avasesesu sassatadīṭṭhīti evamettha pannarasa bhavadiṭṭhiyo pañca vibhavadiṭṭhiyo honti, tā sabbāpi maggāvaraṇā, na saggāvaraṇā, paṭhamamaggavajjhāti veditabbā.

1. Karaṇḍaya (Syā, Ka)

2. Pariyuṭṭhaṭṭhena (Sī), pariyuṭṭhānena (Syā)

Evam kho gahapati āturakāyo ceva hoti āturacitto cāti kāyo nāma Buddhānampi āturoyeva. Cittaṃ pana rāgadosamohānugataṃ āturaṃ nāma, taṃ idha dassitaṃ. **No ca āturacittoti** idha nikkilesatāya cittaṃ anāturabhāvo dassito. Iti imasmim̃ sutte lokiyamahājano āturakāyo ceva āturacitto cāti dassito, khīṇāsavā āturakāyā anāturacittā, satta sekhā neva āturacittā, na anāturacittāti veditabbā. Bhajamānā pana anāturacittataṃyeva¹ bhajantīti. . Paṭhamam̃.

2. Devadahassuttavaṇṇanā

2. Dutiye **Devadahanti** devā vuccanti rājāno, tesam̃ maṅgaladaho, sayam̃jāto vā so dahoti, tasmā “Devadahoti”ti vutto. Tassa avidūre nigamo Devadahantveva napuṃsakaliṅgavasena saṅkham̃gato.

Pacchābhūmagamikāti pacchābhūmaṃ aparadisāyaṃ nivīṭṭhaṃ janapadaṃ gantukāmā. **Nivāsanti** temāsam̃ vassāvāsam̃. **Apalokitoti** āpucchito.

Apalokethāti āpucchatha. Kasmā theram̃ āpucchāpeti? Te sabhāre kātukāmatāya. Yo hi ekavihāre vasantopi santikaṃ na gacchati pakkamanto anāpucchā pakkamati, ayaṃ nibbhāro nāma. Yo ekavihāre vasantopi āgantvā passati, pakkamanto āpucchati, ayaṃ sabhāro nāma. Imepi bhikkhū Bhagavā “evamime² silādīhi vaḍḍhissanti”ti sabhāre kātukāmo āpucchāpeti.

Paṇḍitoti dhātukosallādinā catubbidhena paṇḍiccena samannāgato.

Anuggāhakoti āmisānuggahena ca dhammānuggahena cāti dvīhipi anuggahehi anuggāhako. Thero kira aññe bhikkhū viya pātova piṇḍāya agantvā sabbabhikkhūsu gatesu sakalam̃ saṃghārāmaṃ anuvicaranto asammaṭṭhaṭṭhānaṃ sammajjati, achaḍḍitaṃ kacavaram̃ chaḍḍeti, saṃghārāme dunnikkhittāni mañcapīṭhadārubhaṇḍamattikābhaṇḍāni paṭisāmeti. Kim̃ kāraṇā? Mā aññatitthiyā vihāraṃ pavīṭṭhā disvā paribhavaṃ akaṃsū”ti. Tato gilānasālam̃ gantvā gilāne assāsetvā “kenattho”ti pucchitvā yena attho hoti,

1. Āturacittataṃyeva (Sī)

2. Evamimehi (Ka)

tadatthaṃ tesam daharasāmaṇere ādāya bhikkhācāravattena vā sabhāgaṭṭhāne vā bhesajjam pariyesitvā tesam datvā “gilānupaṭṭhānam nāma Buddhapaccekabuddhehi vaṇṇitam, gacchatha sappurisā appamattā hothā”ti te pesetvā sayam piṇḍāya caritvā upaṭṭhākakule vā bhattakiccam katvā vihāram gacchati. Idaṃ tāvassa nibaddhavāsaṭṭhāne āciṇṇam.

Bhagavati pana cārikam caramāne “aham aggasāvako”ti upāhanam āruhya chattam gahetvā purato purato na gacchati. Ye pana tattha mahallakā vā ābādhikā vā atidaharā vā, tesam rujjanaṭṭhānāni telena makkhāpetvā pattacīvaram attano daharasāmaṇerehi gāhāpetvā tamdivasam vā dutiyadivasam vā te gaṇhitvāva gacchati. Ekadivasam hi taññeva āyasmantaṃ ativikāle sampattattā senāsanaṃ alabhitvā cīvarakuṭiyam nisinnam disvā Satthā punadivase bhikkhusamgham sannipātāpetvā hatthivānaratittiravatthum¹ kathetvā “yathāvuḍḍham senāsanaṃ dātabban”ti sikkhāpadaṃ² paññāpesi. Evam tāvesa āmisānuggahena anuggaṇhāti. Ovadanto panesa satavārampi sahasavārampi tāva ovadati, yāva so puggalo sotāpattiphale patiṭṭhāti, atha nam vissajjetvā aññaṃ ovadati. Iminā nayena ovadato cassa ovāde ṭhatvā arahattaṃ pattā gaṇanapathaṃ atikkantā. Evam dhammānuggahena anuggaṇhāti.

Paccassosunti te bhikkhū “amhākam neva upajjhāyo, na ācariyo, na sandiṭṭhasambhatto, kim tassa santike karissāmā”ti tuṇhībhāvam anāpajjitvā “evam bhante”ti Satthu vacanam sampaṭicchimsu. **Eḷagalāgumbeti**³ gacchamaṇḍapake⁴. So kira eḷagalāgumbo dhuvasalilaṭṭhāne jāto. Athettha catūhi pādehi maṇḍapam katvā tassa upari tam gumbam āropesum, so tam maṇḍapam chādesi. Athassa heṭṭhā iṭṭhakāhi paricinitvā vālikam okiritvā āsanaṃ paññāpayimsu. Sītalam divāṭṭhānam udakavāto vāyati. Thero tasmim nisīdi. Tam sandhāya vuttam “eḷagalāgumbe”ti.

Nānāverajjagatanti ekassa rañño rajjato nānāvidham rajjagam.
Virajjanti aññaṃ rajjam. Yathā hi sadesato añño videso, evam nivuttharajjato

1. Vi 4. 310; Khu 5. 9 piṭṭhesu. 2. Vi 4. 310 piṭṭhe. 3. Eḷakālagumbeti (Ṭikā)

4. Gacchamaṇḍape (Si), gudhe jigucchamaṇḍapake (Syā)

aññaṃ rajjaṃ virajjaṃ nāma, taṃ verajjanti vuttaṃ. **Khattiyapaṇḍitā**ti Bimbisāraḥkosalarājādayo paṇḍitarājāno. **Brāhmaṇapaṇḍitā**ti Caṅkītārukkhādayo paṇḍitabrāhmaṇā. **Gahapatipaṇḍitā**ti Cittasudattādayo paṇḍitagahapatayo. **Samaṇapaṇḍitā**ti Sabhiyapilotikādayo paṇḍitaparibbājakā. **Vīmaṃsakā**ti atthagavesino. **Kimvādī**ti kim attano dassanaṃ vadati, kimladdhikoti attho. **Kimakkhāyī**ti kim sāvakaṇaṃ ovādānusāsanaṃ ācikkhati. **Dhammassa cānudhammanti** Bhagavatā vuttabyākaraṇassa anubyākaraṇaṃ. **Sahadhammikoti** sakāraṇo. **Vādānuvādoti** Bhagavatā vuttavādassa anuvādo. “Vādānupāto”tipi pāṭho, Satthu vādassa anupāto anupātanaṃ, anugamananti attho. Imināpi vādaṃ anugato vādoyeva dīpito hoti.

Avigatarāgassāti-ādīsu taṇhāvaseneva attho veditabbo. Taṇhā hi rajjanato **rāgo**, chandiyanato **chando**, piyāyanaṭṭhena **pemaṃ**, pivitukāmaṭṭhena **pipāsā**, anudahaṭṭhena **pariḷāhoti** vuccati. **Akusale cāvuso dhammeti**-ādi kasmā āradham? Pañcasu khandhesu avītarāgassa ādīnavāṃ, vītarāgassa ca ānisaṃsaṃ dassetuṃ. Tatra **avighātoti** niddukkho. **Anupāyāsoti** nirupatāpo. **Apariḷāhoti** niddāho. Evaṃ sabbattha attho veditabbo. . Dutiyāṃ.

3. Hāliddikānisuttavaṇṇanā

3. Tatiye **avantīsūti** Avantidakkhiṇāpathasaṅkhāte Avantiraṭṭhe. **Kuraraghareti**¹ evaṃnāmake nagare. **Papātetī** ekato papāte. Tassa kira pabbatassa ekaṃ passaṃ chinditvā pātitaṃ viya ahosi. “Pavatte”tipi pāṭho, nānātithiyānaṃ laddhipavattaṭṭhāneti attho. Iti thero tasmim raṭṭhe taṃ nagaraṃ nissāya tasmim pabbate viharati. **Hāliddikānīti** evaṃnāmake. **Aṭṭhakavaggiye Māgaṇḍiyapaṇḥeti** aṭṭhakavaggikamhi Māgaṇḍiyapaṇḥo nāma atthi, tasmim paṇḥe. **Rūpadhātūti** rūpakkhandho adhippeto. **Rūpadhāturāgavinibaddhanti** rūpadhātumhi rāgena vinibaddham. **Vifññānanti** kammaviññānaṃ. **Okasārīti** geḥasārī ālayasārī.

1. Kulaghareti (Ka)

Kasmā panettha “viññāṇadhātu kho gahapati”ti na vuttanti?
Sammohavighātatthaṃ. “Oko”ti hi atthato paccayo vuccati, purejātañca
kammaviññāṇaṃ pacchājātassa kammaviññāṇassapi vipākaviññāṇassapi,
vipākaviññāṇaṃca vipākaviññāṇassapi kammaviññāṇassapi paccayo hoti,
tasmā “katarāṃ nu kho idha viññāṇaṃ”ti sammoho bhaveyya, tassa
vighātatthaṃ taṃ agahetvā asambhinnāva desanā katā. Apica
ārammaṇavasena catasso abhisankhāravīññāṇaṭṭhitiyo vuttāti tā dassetumpi
idha viññāṇaṃ na gahitaṃ.

Upayupādānāti taṇhūpayadiṭṭhūpayavasena dve upayā, kāmupādānādīni
cattāri upādānāni ca. **Cetaso adhiṭṭhānābhīnivesānusayāti** akusalacittassa
adhiṭṭhānabhūtā ceva abhinivesabhūtā ca anusayabhūtā ca. **Tathāgatassāti**
Sammāsambuddhassa. Sabbesampi hi khīṇāsavānaṃ ete pahīnāva, Satthu
pana khīṇāsavabhāvo loke atipākaṭoti uparimakoṭiyā evaṃ vuttaṃ.

Viññāṇadhātuyāti idha viññāṇaṃ kasmā gahitaṃ?

Kilesappahānadassanattthaṃ. Kilesā hi na kevalaṃ catūsuyeva khandhesu
pahīnā pahiyanti, pañcasupi pahiyantiyevāti kilesappahānadassanattthaṃ
gahitaṃ. **Evaṃ kho gahapati anokasārī hotīti** evaṃ kammaviññāṇena okaṃ
asarantena anokasārī nāma hoti.

Rūpanimittaniketavisāravīnibandhāti rūpameva kilesānaṃ
paccayaṭṭhena nimittaṃ, ārammaṇakiriyasaṅkhātānivāsanaṭṭhānaṭṭhena¹
niketanti rūpanimittaniketaṃ. Visāro ca vīnibandho ca visāravīnibandhā.
Ubhayenapi hi kilesānaṃ patthaṭabhāvo ca vīnibandhanabhāvo ca vutto,
rūpanimittaniketete visāravīnibandhāti rūpanimittaniketavisāravīnibandhā,
tasmā rūpanimittaniketamhi uppannena kilesavisārena ceva
kilesabandhanena cāti attho. **Niketasārīti vuccatīti** ārammaṇakaraṇavasena
nivāsanaṭṭhānaṃ sārīti vuccati. **Pahīnāti** te
rūpanimittaniketakilesavisāravīnibandhā pahīnā.

Kasmā panettha pañcakkhandhā “okā”ti vuttā, cha ārammaṇāni
“niketan”ti? Chandarāgassa balavadubbalatāya. Samānepi hi etesaṃ
ālayaṭṭhena visayabhāve **okoti** niccanivāsanaṭṭhānagehameva vuccati,

1. ...saṅkhātena nivāsanaṭṭhena (Sī), ...saṅkhātena nivāsanaṭṭhena (Syā)

niketanti “ajja asukaṭṭhāne kiḷissāmā”ti katasaṅketaṭṭhānaṃ nivāsaṭṭhānaṃ uyyānādi. Tattha yathā puttadāradhanadhaññapunṇagehe chandarāgo balavā hoti, evaṃ ajjhattikesu khandhesu. Yathā pana uyyānaṭṭhānādīsu tato dubbalataro hoti, evaṃ bāhiresu chasu ārammaṇesūti chandarāgassa balavadubbalatāya evaṃ desanā katāti veditabbā.

Sukhitesu sukhitoti upaṭṭhākesu dhanadhaññalābhādivasena sukhitesu “idānāhaṃ manāpaṃ bhojanaṃ labhissāmī”ti gehasitasukhena sukhito hoti, tehi pattasampattim¹ anubhavamāno viya carati. **Dukkhitesu dukkhitoti** tesam kenacideva kāraṇena dukkhe uppanne sayam dviguṇena dukkhena dukkhito hoti. **Kiccakaraṇīyesūti** kiccasaṅkhātesu karaṇīyesu. **Tesu yogam āpajjatīti** upayogam sayam tesam kiccānaṃ kattabbataṃ āpajjati. **Kāmesūti** vatthukāmesu. **Evaṃ kho gahapati kāmehi aritto hotīti** evaṃ kilesakāmehi aritto hoti anto kāmānaṃ bhāvena atuccho. Sukkapakkho tesam abhāvena **ritto** tucchoti veditabbo.

Purakkharānoti vaṭṭam purato kurumāno. **Evaṃrūpo siyanti-ādīsu** dīgharassakāḷodātādīsu rūpesu “evaṃrūpo nāma bhaveyyan”ti pattheti. Sukhādīsu vedanāsu evaṃvedano nāma, nīlasaññādīsu saññāsu evaṃsañño nāma, puññābhisaṅkhārādīsu saṅkhāresu evaṃsaṅkhāro nāma, cakkhuviññāṇādīsu viññāṇesu “evaṃviññāṇo nāma bhaveyyan”ti pattheti.

Apurakkharānoti vaṭṭam purato akurumāno. **Sahitam me, asahitam teti** tuyham vacanam asahitam asiliṭṭham, mayham sahitam siliṭṭham madhurapānasadisam. **Adhiciṇṇam te viparāvattanti** yam tuyham dīghena kālena paricitam suppaguṇam, tam mama vadam āgamma sabbam khaṇena viparāvattam nivattam. **Āropito te vādoti** tuyham doso mayā āropito. **Cara vādappamokkhāyāti** tam tam ācariyam upasaṅkamtivā uttari pariyesanto imassa vādassa mokkhāya cara āhiṇḍāhi. **Nibbeṭhehi vā sace pahosīti** atha sayameva pahosi, idheva nibbeṭhehīti. . Tatiyam.

1. Laddhasampattim (Sī), pattasampattim attano (Syā)

4. Dutiyahāliddikānisuttavaṇṇanā

4. Catutthe **Sakkapañheti** cūlasakkapañhe, mahāsakkapañhepetam vuttameva. **Taṇhāsankhayavimuttāti** taṇhāsankhaye nibbāne tadārammaṇāya phalavimuttiyā vimuttā. **Accantaniṭṭhāti** antam atikkantaniṭṭhā satataniṭṭhā. Sesapadesupi eseva nayo. . Catuttham.

5. Samādhisuttavaṇṇanā

5. Pañcame **samādhinti** idam Bhagavā te bhikkhū cittekaggatāya parihāyante disvā “citekaggatam labhantānam imesam kammaṭṭhānam phātim gamissati”¹ti nātvā āha. **Abhinandatīti** pattheti. **Abhivadatīti** tāya abhinandanāya “aho piyam iṭṭham kantaṃ manāpan”ti vadati. Vācam abhindantopi ca tam ārammaṇam nissāya evam lobham uppādentō abhivadatiyeva nāma. **Ajjhosāya titṭhatīti** gilitvā pariniṭṭhapetvā gaṇhāti. **Yā rūpe nandīti** yā sā rūpe balavapatthanāsankhātā nandī. **Tadupādānanti** tam gahaṇaṭṭhena upādānam. **Nābhinandatīti** na pattheti. **Nābhivadatīti** patthanāvasena na “iṭṭham kantaṃ”ti vadati. Vipassanācittena cetasā “aniccam dukkhaṃ”ti vacībhedaṃ karontopi nābhivadatiyeva. . Pañcamam.

6. Paṭisallāṇasuttavaṇṇanā

6. Chaṭṭhe **paṭisallāṇeti**² idam Bhagavā te bhikkhū kāyavivekena parihāyante disvā “kāyavivekam labhantānam imesam kammaṭṭhānam phātim³ gamissati”ti nātvā āha. . Chaṭṭham.

7. Upādāparitassanāsuttavaṇṇanā

7. Sattame **upādāparitassananti** gahaṇena uppannam paritassanam. **Anupādā-aparitassananti** aggahaṇena aparitassanam. **Rūpavipariṇāmānuparivattiviññānam hotīti** “mama rūpam vipariṇatan”ti vā “ahu vata metaṃ, dāni vata me natthi”ti vā ādinā nayena kammaviññānam rūpassa bhedaṇuparivatti hoti. **Vipariṇāmānuparivattijāti** vipariṇāmassa anuparivattito

1. Phāti bhavissatī (Sī, Ka)

2. Paṭisallāṇeti (Sī, Syā)

3. Ṭhitam (Sī, Ka)

vipariṇāmārammaṇacittato jātā. **Paritassanā dhammasamuppādāti** taṇhāparitassanā ca akusaladhammasamuppādā ca. **Cittanti** kusalacittam. **Pariyādāya tiṭṭhantīti** pariyādiyitvā tiṭṭhanti. **Uttāsavāti** sa-uttāso. **Vighātavāti** savighāto sadukkho. **Apekkhavāti** sālāyo. **Upādāya ca paritassatīti** gaṇhitvā paritassako nāma hoti. **Na rūpavipariṇāmānuparivattīti** khīṇāsavassa kammaviññāṇameva natthi, tasmā rūpabhedānuparivatti na hotīti vattum vaṭṭati. . Sattamaṃ.

8. Dutīya-upādāparitassanāsuttavaṇṇanā

8. Aṭṭhame taṇhāmānadiṭṭhivasena desanā katā. Iti paṭipāṭiyā catūsu suttesu vaṭṭavivaṭṭameva kathitaṃ. . Aṭṭhamaṃ.

9. Kālattaya-aniccasuttavaṇṇanā

9. Navame **ko pana vādo paccuppanassāti** paccuppannamhi kathāva kā, aniccameva taṃ. Te kira bhikkhū atītānāgataṃ aniccanti sallakkhetvā paccuppanne kilamīṃsu, atha nesam ito atītānāgatepi¹ “paccuppannam aniccan”ti vuccamāne² bujjhissantīti ajjhāsayaṃ viditvā Satthā puggalajjhāsayena imaṃ desanaṃ desesi. . Navamaṃ.

10-11. Kālattayadukkkhasuttādivaṇṇanā

10-11. Dasamekādasamāni **dukkham anattāti** padehi viśesetvā tathārūpeneva puggalajjhāsayena kathitānīti. . Dasamekādasamāni.

Nakulapituvaggo paṭhamo.

2. Aniccavagga

1-10. Aniccasuttādivaṇṇanā

12-21. Aniccavagge pariyosānasuttaṃ pucchāvasikaṃ, sesāni tathā tathā bujjhanakānaṅca vasena desitānīti. . Paṭhamādīni.

Aniccavaggo dutiyo.

1. Atītānāgatatopi (Sī), atītānāgatopi (Ka)

2. Vuccamāno (Ka)

3. Bhāravagga

1. Bhārasuttavaṇṇanā

22. Bhāravaggassa paṭhame pañcupādānakkhandhātissa vacanīyanti pañcupādānakkhandhā iti assa vacanīyaṃ, evaṃ vattabbari bhaveyyāti attho. **Ayaṃ vuccati bhikkhave bhāroti** ye ime pañcupādānakkhandhā, ayaṃ bhāroti vuccati. Kenaṭṭhenāti? Parihārabhāriyaṭṭhena. Etesaṃhi ṭhāpanagamananisīdāpananipajjāpananāpanamaṇḍanakhādāpanabhuñjāpanā diparihāro bhāriyoti parihārabhāriyaṭṭhena bhāroti vuccati. **Evaṃnāmoti** Tisso Dattoti-ādināmo. **Evaṃgottoti** Kaṇhāyano Vacchāyanoti-ādigotto. Iti vohāramattasiddhaṃ puggalaṃ “bhārahāro”ti katvā dasseti. Puggalo hi paṭisandhikkhaṇe ya eva khandhabhāraṃ ukkhipitvā dasapi vassāni vīsati pi vassasatampīti yāvajjivaṃ imaṃ khandhabhāraṃ nhāpento bhojento mudusamphassamañcapīṭhesu nisīdāpento nipajjāpento pariharitvā cutikkhaṇe chaḍḍetvā puna paṭisandhikkhaṇe aparaṃ khandhabhāraṃ ādiyati, tasmā bhārahāroti jāto.

Ponobhavikāti punabbhavanibbattikā. **Nandīrāgasahagatāti** nandīrāgena saha ekattameva gatā. Tabbhāvasahagataṃ hi idha adhippetam. **Tatra tatrābhinandinīti** upapattiṭṭhāne vā rūpādīsu vā ārammaṇesu tatha tatha abhinandanasīlāva. **Kāmatanḥādīsu** pañcakāmaguṇiko rāgo kāmatanḥā nāma, rūpārūpabhavarāgo jhānanikanti sassatadiṭṭhisahagato rāgoti ayaṃ bhavatanḥā nāma, ucchedadiṭṭhisahagato rāgo vibhavatanḥā nāma.

Bhārādānanti bhāragahaṇam. Taṇhāya hi esa bhāraṃ ādiyati.

Asesavirāganīrodhoti-ādi sabbari nibbānasseva vevacanaṃ. Taṃhi āgamma taṇhā asesato virajjati nirujjhati cajiyaṃ paṭinissajjiyaṃ vimuccati, natthi cettha kāmālayo vā diṭṭhālayo vāti nibbānaṃ etāni nāmāni labhati. **Samūlaṃ taṇhanti** taṇhāya avijjā mūlaṃ nāma. **Abbuyhāti** arahattamaggena taṃ samūlakaṃ uddharitvā. **Nicchāto parinibbutoti** nittaṇho parinibbuto nāmāti vattum vaṭṭatīti. . Paṭhamaṃ.

2. Pariññasuttavaṇṇanā

23. Dutiye **pariññeyyeti** parijānitabbe, samatikkamitabbeti attho. **Pariññanti** accantapariññam, samatikkamanti attho. **Rāgakkhayoti-**ādi nibbānassa nāmaṃ. Tañhi accantapariññā nāma. . Dutiyaṃ.

3. Abhijānasuttavaṇṇanā

24. Tatiye **abhijānanti** abhijānanto. Iminā nātapariññā kathitā, dutiyapadena tīraṇapariññā, tatiyacatutthehi pahānapariññāti imasmim sutte tisso pariññā kathitāti. . Tatiyaṃ.

4-9. Chandarāgasuttādivaṇṇanā

25-30. Catutthādīni dhātusaṃyutte vuttanayeneva veditabbāni. Paṭipāṭiyā panettha pañcamachaṭṭhasattamesu cattāri saccāni kathitāni, aṭṭhamanavamesu vaṭṭavivaṭṭaṃ. . Catutthādīni.

10. Aghamūlasuttavaṇṇanā

31. Dasame **aghamti** dukkhaṃ. Evamettha dukkhalakkhaṇameva kathitaṃ. . Dasamaṃ.

11. Pabhaṅgusuttavaṇṇanā

32. Ekādasame **pabhaṅgunti** pabhijjanasabhāvaṃ. Evamidha aniccalakkhaṇameva kathitanti. . Ekādasamaṃ.

Bhāravaggo tatiyo.

4. Natumhākavagga

1. Natumhākasuttavaṇṇanā

33. Natumhākavaggassa paṭhame **pajahathāti** chandarāgappahānena pajahatha. Tiṇādīsu **tiṇaṃ** nāma antopheggu bahisāraṃ tālanāḷikerādi.

Kaṭṭharā nāma antosāraṃ bahipheggu khadirasālasākapanasādi¹. **Sākhā** nāma rukkhasa bāhā viya nikkhantā. **Palāsaṃ** nāma tālanāḷikerapaṇṇādi. . Paṭhamāṃ.

2. Dutiyānatumhākasuttavaṇṇanā

34. Dutiyāṃ vinā upamāya bujjanakānaṃ ajjhāsayena vuttaṃ. . Dutiyāṃ.

3. Aññatarabhikkhusuttavaṇṇanā

35. Tatiye **rūpaṃ ce bhante anusetīti** yadi rūpaṃ anuseti. **Tena saṅkhaṃ gacchatīti** kāmarāgādīsū yena anusayena taṃ rūpaṃ anuseti, teneva anusayena “ratto duṭṭho mūḷho”ti paṇṇattim gacchati. **Na tena saṅkhaṃ gacchatīti** tena abhūtena anusayena “ratto duṭṭho mūḷho”ti saṅkhaṃ na gacchatīti. . Tatiyāṃ.

4. Dutiya-aññatarabhikkhusuttavaṇṇanā

36. Catutthe **taṃ anumīyatīti** taṃ anusayitaṃ rūpaṃ marantena anusayena anumarati. Na hi ārammaṇe bhijjamāne tadārammaṇā dhammā tiṭṭhanti. **Yaṃ anumīyatīti** yaṃ rūpaṃ yena anusayena anumarati. **Tena saṅkhaṃ gacchatīti** tena anusayena “ratto duṭṭho mūḷho”ti saṅkhaṃ gacchati. Atha vā **yanti** karaṇavacanametāṃ, yena anusayena anumīyati, tena “ratto duṭṭho mūḷho”ti saṅkhaṃ gacchatīti attho. . Catutthaṃ.

5-6. Ānandasuttādivaṇṇanā

37-38. Pañcame **ṭhitassa aññathattaṃ paññāyatīti** dharamānassa jīvamānassa jarā paññāyati. **Ṭhitīti** hi jīvitindriyasaṅkhātāya anupālanāya nāmaṃ. **Aññathattanti** jarāya. Tenāhu porāṇā—

“Uppādo jāti akkhāto, bhaṅgo vutto vayoti ca.
Aññathattaṃ jarā vuttā, ṭhitī ca anupālanā”ti.

Evam ekekassa khandhassa uppādajarābhaṅgasaṅkhātāni tīṇi lakkhaṇāni honti. Yāni sandhāya vuttaṃ “tīṇimāni bhikkhave saṅkhatassa saṅkhatalakkhaṇāni”ti².

1. Khadirasālapiyālādi (Syā)

2. Am 1. 150 piṭṭhe.

Tattha saṅkhataṃ nāma paccayanibbatto yo koci saṅkhāro. Saṅkhāro ca na lakkhaṇaṃ, lakkhaṇaṃ na saṅkhāro, na ca saṅkhārena vinā lakkhaṇaṃ paññāpetuṃ sakkā, nāpi lakkhaṇaṃ vinā saṅkhāro, lakkhaṇena pana saṅkhāro pākaṭo hoti. Yathā hi na ca gāvīyeva lakkhaṇaṃ, lakkhaṇameva na gāvī, nāpi gāvīm muñcitvā lakkhaṇaṃ paññāpetuṃ sakkā, nāpi lakkhaṇaṃ muñjitvā gāvīm, lakkhaṇena pana gāvī pākaṭā hoti, evaṃsampadamidaṃ veditabbaṃ.

Tattha saṅkhārānaṃ uppādakkhaṇe saṅkhāropi uppādalakkhaṇampi kālasaṅkhāto tassa khaṇopi paññāyati. “Uppādopi”ti vutte saṅkhāropi jarālakkhaṇampi kālasaṅkhāto tassa khaṇopi paññāyati. Bhaṅgakkhaṇe saṅkhāropi taṃlakkhaṇampi kālasaṅkhāto tassa khaṇopi paññāyati. Apare pana vadanti “arūpadhammānaṃ jarākhaṇo nāma na sakkā paññāpetuṃ, Sammāsambuddho ca ‘vedanāya uppādo paññāyati, vayo paññāyati, ÷hitāya aññathattaṃ paññāyati’ti vadanto arūpadhammānampi tīṇi lakkhaṇāni paññāpeti, tāni atthikkhaṇaṃ upādāya labbhanti”ti vatvā—

“Atthitā sabbadhammānaṃ, ÷hiti nāma pavuccati.

Tasseva bhedo maraṇaṃ, sabbadā sabbapāṇinaṃ”ti—

Imāya ācariyagāthāya tamatthaṃ sādheti. Atha vā santativasena ÷hānaṃ ÷hitīti veditabbanti ca vadanti. Yasmā pana sutte ayaṃ vireso natthi, tasmā ācariyamatiyā suttaṃ apaṭibāhetvā suttameva pamāṇaṃ kattaḃbaṃ. Chaṭṭhaṃ uttānameva. . Pañcamachaṭṭhāni.

7-10. Anudhammasuttādivaṇṇanā

39-42. Sattame **dhammānudhammappaṭipannassāti** navannaṃ lokuttaradhammānaṃ anulomadhammaṃ pubbabhāgapaṭipadaṃ paṭipannassa. **Ayamanudhammoti** ayaṃ anulomadhammo hoti. **Nibbidābahuloti** ukkaṅṭhanabahulo hutvā. **Parijānātīti** tīhi pariññāhi parijānāti. **Parimuccatīti** maggakkhaṇe uppannāya pahānapariññāya parimuccati. Evaṃ imasmiṃ sutte maggova¹ kathito hoti, tathā ito paresu tīsu. Idha pana anupassanā aniyamitā,

tesu niyamitā. Tasmā idhāpi sā tattha niyamitavaseneva niyametabbā. Na hi sakkā tīsu aññataram̐ anupassanam̐ vinā nibbinditum̐ parijānitum̐ vāti. . Sattamādīni.

Natumhākavaggo catuttho.

5. Attadīpavagga

1. Attadīpasuttavaṇṇanā

43. Attadīpavaggassa paṭhame **attadīpā**ti attānam̐ dīpaṃ tāṇaṃ leṇaṃ gatim̐ parāyaṇaṃ paṭiṭṭhaṃ katvā viharathāti attho. **Attasaraṇā**ti idaṃ tasseva vevacanaṃ. **Anaññasaraṇā**ti idaṃ aññassa saraṇapaṭikkhepavacanaṃ. Na hi añño aññassa saraṇaṃ hoti aññassa vāyāmena aññassa asijjhanato, vuttampi cetanaṃ—

“Attā hi attano nātho,
Ko hi nātho paro siyā”ti¹.

Tenaḥa “anaññasaraṇā”ti. Ko panettha attā nāma? Lokiyalokuttaro dhammo. Tenevāha “dhammadīpā dhammasaraṇā anaññasaraṇā”ti. **Yonī**ti kāraṇaṃ “yoni hesā bhūmija phalassa adhigamāyā”ti-ādīsu² viya. **Kiṃpahotikā**ti kiṃpabhutikā, kuto pabhavantīti attho. **Rūpassa tvevā**ti idaṃ tesam̐yeva sokādīnaṃ pahānadassanattamaṃ āraddhaṃ. **Na paritassatī**ti na gaṇhāti na gahati³. **Tadaṅganibbutoti** tena vipassanaṅgena kilesānaṃ⁴ nibbutattā tadaṅganibbuto. Imasmiṃ sutte vipassanāva kathitā. . Paṭhamam̐.

2. Paṭipadāsuttavaṇṇanā

44. Dutiye **dukkhasamudaya**gāminī **samanupassanā**ti yasmā sakkāyo dukkhaṃ, tassa ca samudayagāminī paṭipadā nāma “rūpaṃ attato samanupassatī”ti

1. Khu 1. 37 piṭṭhe Dhammapade.

3. Na gayhati na bhāyati (Sī), na gaṇhiyati na tāsati (Syā)

2. Ma 3. 182 piṭṭhe.

4. Sokānaṃ (Sī)

evaṃ diṭṭhisamanupassanā vuttā, tasmā dukkhasamudayagāminī samanupassanāti ayamettha attho hoti. **Dukkhanirodhagāminī samanupassanāti** ettha saha vipassanāya catumaggañāṇaṃ “samanupassanā”ti vuttaṃ. Iti imasmim̃ sutte vattavivaṭṭaṃ kathitaṃ. .
Dutiyāṃ.

3. Aniccasuttavaṇṇanā

45. Tatiye **sammappaññāya daṭṭhabbanti** saha vipassanāya maggapaññāya daṭṭhabbaṃ. **Virajjati vimucatīti** maggakkhaṇe virajjati, phalakkhaṇe vimuccati. **Anupādāya āsavehīti** anuppādanirodhena nīruddhehi āsavehi agahetvā iti vimuccati. **Rūpadhātuyāti-ādi** paccavekkhaṇadassanattamaṃ vuttaṃ. Saha phalena paccavekkhaṇadassanattantipi vadantiyeva. **Ṭhitanti** uparikattabbakiccābhāvena ṭhitaṃ. **Ṭhitattā santussitanti** pattabbaṃ pattabhāvena¹ santuṭṭhaṃ. **Paccattaṃyeva parinibbāyatīti** sayameva parinibbāyati. . Tatiyāṃ.

4. Dutiya-aniccasuttavaṇṇanā

46. Catutthe **pubbantānudiṭṭhiyoti** pubbantaṃ anugatā aṭṭhārasa diṭṭhiyo na honti. **Aparantānudiṭṭhiyoti** aparantaṃ anugatā catucattālisa diṭṭhiyo na honti. **Thāmaso² parāmāso** diṭṭhithāmaso ceva diṭṭhiparāmāso ca na hoti³. Ettāvataṃ paṭhamamaggo dassito. Idāni saha vipassanāya tayo magge ca phalāni ca dassetuṃ **rūpasminti-ādi** āraddhaṃ. Atha vā diṭṭhiyo nāma vipassanāya eva pahīnā, idaṃ pana upari saha vipassanāya cattāro magge dassetuṃ āraddhaṃ. . Catutthaṃ.

5. Samanupassanāsuttavaṇṇanā

47. Pañcame **pañcupādānakkhandhe samanupassanti etesaṃ vā aññataranti** paripuṇṇagāhavasena pañcakkhandhe samanupassanti, aparipuṇṇagāhavasena etesaṃ aññataraṃ. **Iti ayañceva samanupassanāti** iti ayañca diṭṭhisamanupassanā. **Asmīti cassa avigataṃ⁴ hotīti** yassa ayaṃ samanupassanā atthi, tasmim̃ asmīti taṇhāmānadiṭṭhisāṅkhātāṃ papañcattayaṃ avigatameva⁵ hoti.

1. Santuṭṭhabhāvena (Ka)

3. Diṭṭhiyā thāmahāve diṭṭhiparāmāso ca na hoti (Sī)

5. Adhigatameva (Syā)

2. Thāmasā (Sī)

4. Adhigataṃ (Syā)

pañcannaṃ indriyānaṃ avakkanti yotīti tasmim̐ kilesajāte sati kammakilesapaccayānaṃ pañcannaṃ indriyānaṃ nibbatti hoti.

Atthi bhikkhave manoti idaṃ kammamaṇaṃ sandhāya vuttaṃ. Dhammāti ārammaṇaṃ. Avijjādhātūti javanakkhaṇe avijjā. Avijjāsamphassaṇenāti avijjāsampayuttaphassato jātena. Apica manoti bhavaṅgakkhaṇe vipākamaṇodhātu, āvajjanakkhaṇe kiriyamaṇodhātu. dhammādayo vuttappakārāva. Asmītipissa hotīti taṇhāmānadiṭṭhivasena asmīti evampissa hoti. Ito paresu ayamahamasmīti rūpādīsu kiñcīdeva dhammaṃ gahetvā “ayaṃ ahamasmī”ti attadiṭṭhivasena vuttaṃ. Bhavissanti sassatadiṭṭhivasena. Na bhavissanti ucchedadiṭṭhivasena. Rūpī bhavissanti-ādīni sabbāni sassatameva bhajanti. Athethhāti atha tenevākārena ṭhitesu etesu indriyesu. Avijjā pahīyatīti catūsu saccesu aññāṇabhūtā avijjā pahīyati. Vijjā uppajjatīti arahattamaggavijjā uppajjati. Evamettha asmīti taṇhāmānadiṭṭhiyo¹. Kammaṃ pañcannaṃca indriyānaṃ antare eko sandhi, vipākamaṇaṃ pañcindriyapakkhikaṃ katvā pañcannaṃca indriyānaṃ kammaṃ ca antare eko sandhīti. Iti tayo papañcā atīto addhā, indriyādīni paccuppanno addhā, tatha kammamaṇaṃ ādīni katvā anāgatassa paccayo dassitoti. . Pañcamaṇaṃ.

6. Khandhasuttavaṇṇanā

48. Chaṭṭhe rūpakkhandho kāmāvacaro, cattāro khandhā catubhūmakā. Sāsavanti āsavānaṃ ārammaṇabhāvena paccayabhūtaṃ. Upādāniyanti tatheva ca upādānānaṃ paccayabhūtaṃ. Vacanattho panettha—ārammaṇaṃ katvā pavattehi saha āsavehīti sāsavaṃ. Upādātābanti upādāniyaṃ. Idhāpi rūpakkhandho kāmāvacaro, avasesā tebhūmakā vipassanācārasena vuttā. Evamettha rūpaṃ rāsattṭhena khandhesu pavittṭhaṃ, sāsavarāsattṭhena upādānakkhandhesu. Vedanādayo sāsavāpi atthi, anāsavāpi atthi. Te rāsattṭhena sabbepi khandhesu pavittṭhā, tebhūmakā panettha sāsavattṭhena upādānakkhandhesu pavittṭhāti. . Chaṭṭhaṃ.

1. Asmīti taṇhāmānadiṭṭhiyo, evamettha (Sī)

7-8. Soṇasuttādivaṇṇanā

49-50. Sattame **seyyohamasmi**ti viṣiṭṭho uttamo ahamasmi. **Kimaññātra yathābhūta**ssa adassanāti yathābhūta adassanato aññaṃ kiṃ bhaveyya, adassanaṃ aññaṇameva bhaveyyāti attho. Idānissa te parivaṭṭaṃ vajirabhedadesanaṃ ārabhanto **taṃ kiṃ maññasi soṇāti**-ādimāha. Aṭṭhamaṃ uttānameva. . Sattama-aṭṭhamāni.

9-10. Nandikkhayasuttādivaṇṇanā

51-52. Navamadasamesu **nandikkhayā rāgakkhayo, rāgakkhayā nandikkhayoti** idam nandīti vā rāgoti vā imesaṃ atthato ninnānākaraṇatāya vuttaṃ. Nibbidānupassanāya vā nibbindanto nandiṃ pajahati, virāgānupassanāya virajjanto rāgaṃ pajahati. Ettāvata vipassanaṃ niṭṭhapetvā “rāgakkhayā nandikkhayo”ti idha maggaṃ dassetvā “nandirāgakkhayā cittaṃ vimuttan”ti phalaṃ dassitanti. . Navamadasamāni.

Attadīpavaggo pañcamo.

Mūlapaṇṇāsako samatto.

(6) 1. Upayavagga

1. Upayasuttavaṇṇanā

53. Upayavaggassa¹ paṭhame **upayoti**² taṇhāmānadiṭṭhivasena pañcakkhandhe upagato. **Viññānanti** kammaviññānaṃ. **Āpajjeyyāti** kammaṃ javāpetvā paṭisandhi-ākaḍḍhanasamatthatāya vuddhi-ādīni āpajjeyya. **Viññānupayanti** padassa aggahaṇe kāraṇaṃ vuttameva. **Vocchijjatārammaṇanti** paṭisandhi-ākaḍḍhanasamatthatāya abhāvena ārammaṇaṃ vocchijjati. **Patitṭhā viññānassāti** kammaviññānaṃsa patitṭhā na hoti. **Tadappatiṭṭhitanti** taṃ appatiṭṭhitaṃ. **Anabhisaṅkhacca vimuttanti** paṭisandhiṃ anabhisaṅkharitvā vimuttaṃ. . Paṭhamaṃ.

2. Bījasuttavaṇṇanā

54. Dutiye **bījajātānīti** bījāni. **Mūlabījanti** vacaṃ vacattaṃ haliddaṃ siṅgiveranti evamādi. **Khandhabījanti** assattho nigrodhoti evamādi.

1. Upāyavaggassa (Syā)

2. Upāyoti (Syā)

Phalubījanti ucchu veḷu naḷoti evamādi. **Aggabījanti** ajjukam phaṇijjakanti evamādi. **Bijabījanti** sālivihi-ādi pubbaṇṇaṇceva muggamāsādi aparāṇṇaṇca. **Akhaṇḍānīti** abhinnāni. Bhinnakālato paṭṭhāya bījam bījatthāya na upakappati. **Apūtikānīti** udakatemana apūtikāni. Pūtibījam hi bījatthāya na upakappati. **Avātātapahatānīti** vātena ca ātapena ca na hatāni, nirojataṃ na pāpitāni. Nirojaṃ hi kasaṭam bījam bījatthāya na upakappati. **Sārādānīti** gahitasārāni patiṭṭhitasārāni. Nissāraṇhi bījam bījatthāya na upakappati. **Sukhasayitānīti** cattāro¹ māse koṭṭhe pakkhittaniyāmeneva sukham sayitāni. **Pathavīti** heṭṭhā patiṭṭhānāpathavī. **Āpoti** uparisnehana-āpo. **Catasso viññāṇaṭṭhiyoti** kammaviññāṇassa ārammaṇabhūtā rūpādayo cattāro khandhā. Te hi ārammaṇavasena patiṭṭhābhūtattā pathavīdhātusadisā. **Nandirāgo** sinehanaṭṭhena āpodhātusadisō. **Viññāṇam sāhāranti** sappaccayam kammaviññāṇam. Tam hi bījam viya pathaviyam ārammaṇaṇapathaviyam viruhati. . Dutiyam.

3. Udānasuttavaṇṇanā

55. Tatiye **udānam udānesīti** balavasomanassasamuṭṭhānam udānam udāhari. Kim nissāya panaśa Bhagavato uppannoti. Sāsanassa niyyānikabhāvaṃ. Katham? Evaṃ kirassa ahosi “tayome upanissayā dānūpanissayo silūpanissayo bhāvanūpanissayo cā”ti. Tesu dānasilūpanissayā dubbalā, bhāvanūpanissayo balavā. Dānasilūpanissayā hi tayo magge ca phalāni ca pāpenti, bhāvanūpanissayo arahattaṃ pāpeti. Iti dubbalūpanissaye patiṭṭhito bhikkhu ghaṭento vāyamanto pañcorambhāgiyāni bandhanāni chetvā tīṇi maggaphalāni nibbatteti, “aho sāsanaṃ niyyānikan”ti āvajjentaśa ayaṃ udapādi.

Tattha “dubbalūpanissaye ṭhatvā ghaṭamāno tīṇi maggaphalāni pāpuṇātī”ti imassatthassāvibhāvanattham **Milakattherassa**² vatthu veditabbam—so kira gihikāle pāṇātipātakammaṇa jīvikaṃ kappento araṇṇe pāsasataṇceva adūhalasataṇca yojesi. Athekadivasam āngārapakkamamsam khādītva pāsāṭṭhānesu vicaranto pipāsābhībhūto ekassa

1. Te cattāro (Sī, Ka)

2. Milakkhattherassa (Sī)

araññavāsithherassa vihāraṃ gantvā therassa caṅkamantassa avidūre ṭhitam pānīyaghaṭam vivari, hatthatemanamattampi udakaṃ nāddasa. So kujjhitvā āha “bhikkhu bhikkhu tumhe gahapatikehi dinnam bhuñjitvā bhuñjitvā supatha, pānīyaghaṭe añjalimattampi udakaṃ na ṭhapetha, na yuttametan”ti. Thero “mayā pānīyaghaṭo pūretvā ṭhapito, kim nu kho etan”ti gantvā olokeno paripuṇṇaghaṭam disvā pānīyasaṅkham pūretvā adāsi. So dvattisaṅkhapūram pivivā cintesi “evam pūritaghaṭo nāma mama kammaṃ āgamma tattakapālo viya jāto, kim nu kho anāgate attabhāve bhavissati”ti samvigacitto dhanum chaḍḍetvā “pabbājetha maṃ bhante”ti āha. Thero tacapañcakakammaṭṭhānam ācikkhitvā taṃ pabbājesi.

Tassa samaṇadhammaṃ karontassa bahūnam migasūkarānam māritatṭhānam pāsa-adūhalānañca yojitatṭhānam upaṭṭhāti. Taṃ anussarato sarīre dāho uppajjati, kūṭagoṇo viya kammaṭṭhānampi vīthim na paṭipajjati. So “kim karissāmi bhikkhubhāvenā”ti anabhiratiyā piḷito therassa santikaṃ gantvā vanditvā āha “na sakkomi bhante samaṇadhammaṃ kātun”ti. Atha nam thero “hatthakammaṃ karohi”ti āha. So “sādhu bhante”ti vatvā udumbarādayo allarukkhe chinditvā mahantaṃ rāsiraṃ katvā “idāni kim karomī”ti pucchi. Jhāpehi nanti. So catūsu disāsu aggim datvā jhāpetum asakkonto “bhante na sakkomī”ti āha. Thero “tena hi apehi”ti pathavim dvidhā katvā Avīcīto khajjopanakamattaṃ aggim nīharitvā tattha pakkhipi. So tāva mahantaṃ rāsiraṃ sukkhapaṇṇam viya khaṇena jhāpesi. Athassa thero Avīciraṃ dassetvā “sace vibbhamissasi, ettha paccissasi”ti samvegam janesi. So Avīcidassanato paṭṭhāya pavedhamāno “niyyānikaṃ bhante Buddhasāsanam”ti pucchi, amāvusoti. Bhante¹ Buddhasāsanassa niyyānikatte sati milako attamokkham² karissati, mā cintayitthāti. Tato paṭṭhāya samaṇadhammaṃ karoti ghaṭeti³, tassa vattapaṭivattaṃ pūreti, niddāya bādhayamānāya tintam palālam⁴ sīse ṭhapetvā pāde soṇḍiyam otāretvā nisīdati. So ekadivasam

1. Sādhu bhante (Sī)

3. Ghaṭṭeti vāyamati (Syā)

2. Attano mokkham (Syā)

4. Palāsam (Syā)

pānīyaṃ parissāvetvā ghaṭaṃ ūrumhi ṭhapetvā udakamaṇikānaṃ pacchedaṃ āgamayamāno aṭṭhāsi. Atha kho thero sāmaṇerassa imaṃ uddesaṃ deti—

“Uṭṭhānavato satīmato,
 Sucikammaṃ nisammakārino.
 Saññatassa dhammajīvino,
 Appamattassa yasobhivaḍḍhatī”¹.

So catuppadikampi taṃ gāthaṃ attaniyeva upanesi “uṭṭhānavatā nāma mādisena bhavitabbaṃ, satimatāpi mādiseneva -pa- appamattenapi mādiseneva bhavitabbaṃ”²ti. Evaṃ taṃ gāthaṃ attani upanetvā tasmim̐ yeva padavāre² ṭhito pañcorambhāgiyāni saṃyojanāni chinditvā anāgāmiphale patiṭṭhāya haṭṭhatuṭṭho—

“Allaṃ palālapuñjāhaṃ³, sisenādāya⁴ caṅkamim̐.
 Pattosmi tatiyaṃ ṭhānaṃ⁵, ettha me natthi saṃsayo”⁶—

Imaṃ udānagāthaṃ āha. Evaṃ dubbalūpanissaye ṭhito ghaṭento vāyamanto pañcorambhāgiyāni saṃyojanāni chinditvā tīṇi maggaphalāni nibbatteti. Tenāha Bhagavā—“no cassaṃ, no ca me siyā, nābhavissa, na me bhavissatīti evaṃ adhimuccamāno bhikkhu chindeyya orambhāgiyāni saṃyojanāni”⁷ti.

Tattha **no cassaṃ, no ca me siyā**ti sace ahaṃ na bhaveyyaṃ, mama parikkhāropi na bhaveyya. Sace vā pana me atīte kammābhisaṅkhāro nābhavissa, idaṃ me etarahi khandhapañcakaṃ na bhaveyya. **Nābhavissa, na me bhavissatīti** idāni pana tathā parakkamissāmi, yathā me āyatim̐ khandhābhiniabbattako kammaṅkhāro na bhavissati, tasmim̐ asati āyatim̐ paṭisandhi nāma na me bhavissati. **Evaṃ adhimuccamānoti** evaṃ adhimuccanto bhikkhu dubbalūpanissaye ṭhito pañcorambhāgiyāni saṃyojanāni chindeyya. **Evaṃ vutteti** evaṃ sāsanassa niyyānikabhāvaṃ āvajjentena Bhagavatā

1. Khu 1. 16 piṭṭhe.

2. Ovāde (Sī)

3. Allapalāsapuñjāhaṃ (Syā)

4. Sirenādāya (Syā), sire katvāna (Ka)

5. Tatiyaphalaṃ (Syā)

6. Aho lābhā te mārisāti (Syā), ahonubhāvo mārisāti (Ka)

imasmiṃ udāne vutte. **Rūpaṃ vibhavissatī**ti rūpaṃ bhijjissati. **Rūpassa vibhavā**ti vibhavadassanena sahavipassanena. Sahavipassanakā hi cattāro maggā rūpādīnaṃ vibhavadassanaṃ nāma. Taṃ sandhāyetaṃ vuttaṃ. **Evam adhimuccamāno bhante bhikkhu chindeyyā**ti bhante evaṃ adhimuccamāno bhikkhu chindeyyeva pañcorambhāgiyāni saṃyojanāni, kasmā na chindissatīti.

Idāni upari maggaphalaṃ pucchanto **kathaṃ pana bhanteti**-ādimāha. Tattha **anantarā**ti dve anantarāni āsannānantaraṅca dūrānantaraṅca. Vipassanā maggassa āsannānantaraṃ nāma, phalassa dūrānantaraṃ nāma. Taṃ sandhāya “kathaṃ pana bhante jānato kathaṃ passato vipassanānantarā ‘āsavānaṃ khayoti’ti saṅkhaṃ gataṃ arahattaphalaṃ hoti”ti pucchati. **Atasitāy**eti atasitabbe abhāyitabbe ṭhānamhi. **Tāsaṃ āpajjati**ti bhayaṃ āpajjati. **Tāso hesoti**¹ yā esā “no cassaṃ, no ca me siyā”ti evaṃ pavattā dubbalavipassanā, sā² yasmā attasinehaṃ pariyādātuṃ na sakkoti, tasmā assutavato puthujjanassa tāso nāma hoti. So hi “idānāhaṃ ucchijjissāmi, na dāni kiñci bhavissāmi”ti attānaṃ papāte patantaṃ viya passati aññataro brahmaṇo viya. Lohapāsādassa kira haṭṭhā Tipiṭakacūlanāgatthero tilakkhaṇāhataṃ dhammaṃ parivatteti. Atha aññatarassa brahmaṇassa ekamante ṭhatvā dhammaṃ suṇantassa saṅkhārā suññato upaṭṭhahimsu. So papāte patanto viya hutvā vivaṭadvārena tato palāyitvā gehaṃ pavisitvā puttaṃ ure sayāpetvā “tāta sakyasamayaṃ āvajjento manamhi³ naṭṭho”ti āha. **Na heso**⁴ **bhikkhu tāso**ti esā evaṃ pavattā balavavipassanā sutavato ariyasāvakaṃ na tāso nāma hoti. Na hi tassa evaṃ hoti “ahaṃ ucchijjissāmi”ti vā “vinassissāmi”ti vāti. Evam pana hoti “saṅkhārāva uppajjanti, saṅkhārāva nirujjhanti”ti. . Tatiyaṃ.

4. Upādānaparipavattasuttavaṇṇanā

56. Catutthe **catuparivaṭṭanti** ekekasmim khandhe catunnaṃ parivaṭṭanavasena⁵. **Rūpaṃ abhhaññāsinti** rūpaṃ dukkhasaccanti abhiññāsīm. Evam sabbapadesu

1. Hesāti (sabbattha)

2. Dubbalavipassanā (Sī, Ka)

3. Panamhi (Sī, Syā)

4. Na hesā (sabbattha)

5. Catunnaṃ catunnaṃ parivattānaṃ vasena (Sī)

catusaccavaseneva attho veditabbo. **Āharasamudayā**ti ettha sacchandarāgo kabaḷikārāhāro āhāro nāma. **Paṭipannā**ti sīlato paṭṭhāya yāva arahattamaggā paṭipannā honti. **Gādhantī**ti patiṭṭhahanti. Ettāvataṭṭha sekkhabhūmim kathetvā idāni asekkhabhūmim kathento **ye ca kho keci bhikkhaveli**-ādimāha, **Suvimuttā**ti arahattaphalavimuttiyā suṭṭhu vimuttā. **Kevalinoti** sakalino katasabbakiccā. **Vaṭṭam tesam natthi paññāpanāyā**ti yena te avasiṭṭhena vaṭṭena paññāpeyyum, tam nesaṃ vaṭṭam natthi paññāpanāya. Atha vā vaṭṭanti kāraṇam, paññāpanāya kāraṇam natthīti. Ettāvataṭṭha asekkhabhūmivāro kathito. . Catuttham.

5. Sattaṭṭhānasuttavaṇṇanā

57. Pañcame **sattaṭṭhānakusaloti** sattasu okāsesu cheko. **Vusitavā**ti vusitavāso. **Uttamapurisoti** seṭṭhapuriso. Sesamettha vuttanayeneva veditabban. Idam pana suttaṃ ussanandiyāñceva palobhanīyañcāti veditabban. Yathā hi rājā vijitasāṅgāmo sāṅgāme vijayino yodhe uccaṭṭhāne ṭhapetvā tesam sakkāram karoti, kim kāraṇā? Etesam sakkāram disvā sesāpi sūrā bhavituṃ maññissantīti, evameva Bhagavā appameyyam kālam pāramiyo pūretvā Mahābodhimaṇḍe kilesamāravijayam katvā Sabbaññutam patto Sāvattihīyam Jetavanamahāvihāre nisīditvā imam suttaṃ desento khīṇāsava ukkhipitvā thomesi vaṇṇesi. Kim kāraṇā? Evaṃ avasesā sekkhapuggalā arahattaphalam pattabban maññissantīti. Evametam suttaṃ khīṇāsavānam ukkhipitvā pasamsittā ussanandisam, sekkhānam palobhitattā palobhanīyanti veditabban.

Evaṃ kho bhikkhave bhikkhu sattaṭṭhānakusaloti ettāvataṭṭha cettha maggaphalapaccavekkhaṇavasena desanam niṭṭhapetvāpi puna **kathañcabhikkhave bhikkhu tivadhūpaparikkhī hotīti** idam “khīṇāsavo yasmim ārammaṇe satatavihārena viharati, tam satto vā puggalo vā na hoti, dhātu-ādimattameva pana hoti”ti evam khīṇāsavassa satatavihārañca, “imesu dhammesu kammaṃ katvā ayam āgato”ti āgamanīyapaṭipadañca dassetuṃ vuttam. Tattha **dhātuso upaparikkhatīti** dhātusabhāvena passati oloketi. Sesapadadvayepi eseva nayo. . Pañcamam.

6. Sammāsambuddhasuttavaṇṇanā

58. Chaṭṭhe **ko adhippayāsoti** ko adhikapayogo. **Anuppanassāti** imaṅhi maggaṃ Kassapasammāsambuddho uppādesi, antarā añño Satthā uppādetum nāsakkhi, iti Bhagavā anuppanassa maggassa uppādetā nāma. Nagaropamasmiṃ hi avaḷañjanaṭṭhānesu purāṇamaggo jāto, idha avattamāṇaṭṭhena anuppannamaggo nāma. **Asañjātassāti** tasseva vevacanaṃ. **Anakkhātassāti** akathitassa. Maggaṃ jānāti **maggaññū**. Maggaṃ viditaṃ pākaṭaṃ akāsīti **maggavidū**. Magge ca amagge ca kovidoti **maggakovido**. **Maggānugāti** maggaṃ anugacchantā. **Pacchā samannāgatāti** ahaṃ paṭhamāṃ gato, sāvakā pacchā samannāgatā. . Chaṭṭham.

7. Anattalakkhaṇasuttavaṇṇanā

59. Sattame **pañcavaggiyeti** Aññāsi¹koṇḍaññattherādike pañca jane purāṇupaṭṭhāke. **Āmantesīti** āsāḷhipuṇṇamadivase Dhammacakkappavattanato paṭṭhāya anukkamena Soṭāpattiphale patiṭṭhite² “idāni nesaṃ āsavakkhayāya Dhammaṃ desessāmi”ti pañcamiyaṃ pakkhassa āmantesi. **Etadvocāti** etaṃ “rūpaṃ bhikkhave anattā”ti-ādinayappavattaṃ Anattalakkhaṇasuttaṃ avoca. Tattha **anattāti** pubbe vuttehi catūhi kāraṇehi anattā. **Taṃ kiṃ maññatha bhikkhave** idam kasmā āraddham? Ettakena ṭhānena anattalakkhaṇameva kathitaṃ, na aniccadukkhakkhaṇāni, idāni tāni dassetvā samodhānetvā tīṇipi lakkhaṇāni dassetum idamāraddhanti veditabbaṃ. **Tasmāti** yasmā ime pañcakkhandhā aniccā dukkhā anattā, tasmā. **Yamkiñci rūpanti-ādīsu** vitthārakathā Visuddhimagge paññābhāvanādhikāre khandhaniddese vuttāva. Sesaṃ sabbattha vuttānusāreṇeva veditabbaṃ. Imasmiṃ pana sutte Anattalakkhaṇameva kathitanti. . Sattamaṃ.

8. Mahālisuttavaṇṇanā

60. Aṭṭhame **ekantadukkhanti-ādīni** dhātusaṃyutte vuttanayāneva. . Aṭṭhamāṃ.

1. Aññā... (Sī, Syā), aññāta... (Ka)

2. Tesu patiṭṭhitesu (Ka)

9. Ādittasuttavaṇṇanā

61. Navame **ādittanti** ekādasahi aggīhi ādittam pajjalitam. Iti dvīsupi imesu suttesu dukkhalakkhaṇameva kathitam. . Navamaṃ.

10. Niruttipathasuttavaṇṇanā

62. Dasame niruttiyova **niruttipathā**, atha vā niruttiyo ca tā niruttivasena viññātabbānaṃ atthānaṃ pathattā pathā cāti niruttipathā. Sesapadadvayepi eseva nayo. Tīṇipi cetāni aññamaññavevacanānevāti veditabbāni. **Asamkiṇṇā**ti avijahitā, “ko imehi attho”ti vatvā chaḍḍitā. **Asamkiṇṇapubbā**ti atītepi na jahitapubbā. **Na samkiyantī**ti etarahipi “kimetehi”ti na chaḍḍiyanti. **Na samkiyissanti**ti anāgatepi na chaḍḍiyissanti. **Appaṭikuṭṭhā**ti appaṭibāhitā. **Atītanti** attano sabhāvaṃ bhaṅgameva vā atikkantaṃ. **Niruddhanti** desantaraṃ asaṅkamtivā tattheva niruddham vūpasantaṃ. **Vipariṇatanti** vipariṇāmaṃ gataṃ naṭṭham. **Ajātanti** anuppannaṃ. **Apātubhūtanti** apākaṭibhūtaṃ.

Ukkalāti ukkalajanapadavāsino. **Vassabhaññā**ti vasso ca bhañño ca. Dvepi hi te mūladiṭṭhigatikā. **Ahetukavādā**ti-ādīsu “natthi hetu natthi paccayo”ti gahitattā ahetukavādā. “Karoto na karīyati pāpan”ti gahitattā **akiriyavādā**. “Natthi dinnan”ti-ādigaḥaṇato **natthikavādā**. Tattha ime dve janā, tisso diṭṭhiyo, kim ekekassa diyaḍḍhā hotīti? Na tathā, yathā pana eko bhikkhu paṭipāṭiyā cattāripi jhānāni nibbatteti, evamettha ekeko tissopi diṭṭhiyo nibbattesīti veditabbo. “Natthi hetu natthi paccayo”ti punappunaṃ āvajjentassa āharantassa abhinandantassa assādentassa maggadassanaṃ viya hoti, so micchattaniyāmaṃ okkamati, so ekantakālakoti vuccati. Yathā pana ahetukadiṭṭhiyaṃ, evaṃ “karoto na karīyati pāpan, natthi dinnan”ti imesupi ṭhānesu micchattaniyāmaṃ okkameti.

Na garahitabbaṃ nappaṭikkositabbaṃ amaññimsūti ettha “yadetaṃ atītaṃ nāma, nayidaṃ atītaṃ, idamassa anāgataṃ vā paccuppannaṃ vā”ti vadanto garahati nāma. Tattha dosaṃ dassetvā “kim iminā garahitenā”ti

vadanto paṭikkosati nāma. Ime pana niruttipathe tepi accantakāḷakā diṭṭhigatikā na garahitabbe na paṭikkositabbe maññimsu. Atītaṃ pana atītameva, anāgataṃ anāgatameva, paccuppannaṃ paccunnameva kathayimsu. **Nindāghaṭṭanabyārosa-upārambhābhayā**ti viññūnaṃ santikā nindābhayena ca ghaṭṭanabhayena ca dosāropanabhayena ca upārambhābhayena ca. Iti imasmiṃ sutte catubhūmikakhandhānaṃ paṇṇatti kathitāti. . Dasamaṃ.

Upayavaggo paṭhamo.

(7) 2. Arahantavagga

1. Upādiyamānasuttavaṇṇanā

63. Arahantavaggassa paṭhame **upādiyamā**noti taṇhāmānadiṭṭhivasena gaṇhamāno¹. **Baddho mā**ressāti māressa pāsena baddho nāma. **Mutto pāpimatoti** pāpimato pāsena muttho nāma hoti. . Paṭhamam.

2. Maññamānasuttavaṇṇanā

64. Dutiye **maññamā**noti taṇhāmānadiṭṭhimaññanāhi maññamāno. . Dutiyaṃ.

3. Abhinandamānasuttavaṇṇanā

65. Tatiye **abhinandamā**noti taṇhāmānadiṭṭhi-abhinandanāhiyeva abhinandamāno. . Tatiyaṃ.

4-6. Aniccasuttādivaṇṇanā

66-68. Catutthe **chandoti** taṇhāchando. Pañcamachaṭṭhesupi eseva nayo. . Catutthādīni.

7. Anattaniyasuttavaṇṇanā

69. Sattame **anattaniya**nti na attano santakaṃ, attano parikkhārabhāvena suññatanti attho. . Sattamaṃ.

1. Gayhamāno (Sī)

8-10. Rajanīyasaṅghitasuttādivaṇṇanā

70-72. Aṭṭhame **rajanīyasaṅghitanti** rajanīyena ākārena saṅghitaṃ, rāgassa paccayabhāvena ṭhitanti attho. Navamadasamāni Rāhulasamyutte vuttanayeneva veditabbānīti. . Aṭṭhamādīni.

Arahantavaggo dutiyo.

(8) 3. Khajjanīyavagga

1-3. Assādasuttādivaṇṇanā

73-75. Khajjanīyavaggaṃ ādito tīsu suttasu catusaccameva kathitaṃ. . Paṭhamādīni.

4. Arahantasuttavaṇṇanā

76. Catutthe **yāvato bhikkhave sattāvāsāti** bhikkhave yattakā sattāvāsā nāma atthi. **Yāvatā bhavaganti** yattakaṃ bhavaggaṃ nāma atthi. **Ete aggā ete seṭṭhāti** ete aggabhūtā ceva seṭṭhabhūtā ca. **Yadidaṃ arahantoti** ye ime arahanto nāma. Idampi suttam purimanayeneva ussadanandiyaṅca palobhanīyaṅcāti veditabbaṃ.

Athāparam etadavocāti tadatthaparidīpanāhi ceva visesatthaparidīpanāhi ca gāthāhi etaṃ “sukhino vata arahanto”ti-ādivacanaṃ avoca. Tattha **sukhinoti** jhānasukhena maggasukhena phalasukhena ca sukhita. **Taṅhā tesam na vijjatīti** tesam apāyadukkhajanikā taṅhā na vijjati. Evaṃ te imassapi taṅhāmūlakassa abhāvena sukhitāva. **Asmimāno samucchinnoti** navavidho asmimāno arahattamaggena samucchinnō. **Mohajālaṃ padālitanti** nāṇena avijjājālaṃ phālitam.

Anejanti ejāsaṅkhātāya taṅhāya pahānabhūtaṃ arahattam. **Anupalittāti** taṅhādīṭṭhilepehi alittā. **Brahmabhūtāti** seṭṭhabhūtā. **Pariññāyāti** tīhi pariññāhi parijānitvā. **Sattasaddhammagocarāti** saddhā

hirī ottappaṃ bāhusaccaṃ āraddhavīriyatā upaṭṭhitassatitā paññāti ime satta saddhammā gocaro etesanti sattasaddhammagocarā.

Sattaratanasampannāti sattahi bojjaṅgaratanehi samannāgatā.
Anu vicarantīti lokiyamahājanāpi anu vicarantiyeva. Idha pana khīṇāsavānaṃ nirāsaṅkacāro nāma gahito. Tenevāha “**pahīnabhayabheravā**”ti. Tattha **bhayaṃ** bhayameva, **bheravaṃ** balavabhayaṃ. **Dasahaṅgehi sampannāti** asekkhehi dasahi aṅgehi samannāgatā. **Mahānāgāti** catūhi kāraṇehi mahānāgā. **Samāhitāti** upacārappanāhi samāhitā. **Taṇhā tesam na vijjatīti** “ūno¹ loko atitto taṇhādāsoti kho mahārāja tena Bhagavatā”ti² evaṃ vuttā dāsakārikā taṇhāpi tesam natthi. Iminā khīṇāsavānaṃ bhujissabhāvaṃ dasseti.

Asekhañāṇanti arahattaphalañāṇaṃ. **Antimoyaṃ samussayoti** pacchimo ayaṃ attabhāvo. **Yo sāro brahmacariyassāti** sāro nāma phalaṃ. **Tasmim aparapaccayāti** tasmim ariyaphale na aññaṃ pattiyāyanti, paccakkhatova paṭivijjhitvā ṭhitā. **Vidhāsu na vikampantīti** tisu mānakoṭṭhāsesu na vikampanti. **Dantabhūminti** arahattaṃ. **Vijitāvinoti** rāgādayo vijetvā ṭhitā.

Uddhanti-ādīsu uddhaṃ vuccati kesamatthako, **apācīnaṃ** pādatalaṃ, **tiriyaṃ** vemajjhaṃ. Uddhaṃ vā atītaṃ, apācīnaṃ anāgataṃ, tiriyaṃ paccuppannaṃ. Uddhaṃ vā vuccati devaloko, apācīnaṃ apāyaloko, tiriyaṃ manussaloko. **Nandī tesam na vijjatīti** etesu ṭhānesu saṅkhepato vā atītānāgatapaccuppannesu khandhesu tesam taṇhā natthi. Idha vaṭṭamūlakataṇhāya abhāvo dassito. **Buddhāti** catunnaṃ saccānaṃ buddhattā Buddhā.

Idaṃ panettha sīhanādasamodhānaṃ—“vimuttisukhenamhā sukhitā, dukkhajanikā³ no taṇhā pahīnā, pañcakkhandhā pariññātā, dāsakārikataṇhā ceva vaṭṭamūlikataṇhā ca pahīnā, anuttaramhā asadisā, catunnaṃ saccānaṃ buddhattā Buddhā”ti bhavapiṭṭhe ṭhatvā abhītanādasāṅkhātāṃ sīhanādaṃ nadanti khīṇāsavāti. . Catutthaṃ.

1. Ono (Syā)

2. Ma 2. 256 piṭṭhe.

3. Dukkhaḥjīvikā (Syā, Ka)

5. Dutiya-arahantasuttavaṇṇanā

77. Pañcamam¹ vinā gāthāhi suddhikameva katvā kathiyamānam² bujghanakānam ajjhāsayaena vuttam. . Pañcamam.

6. Sīhasuttavaṇṇanā

78. Chaṭṭhe **sīhoti** cattāro sīhā—tiṇasiho kāḷasiho paṇḍusiho kesarasīhoti. Tesu **tiṇasiho** kapotavaṇṇagāvisadiso tiṇabhakkho ca hoti. **Kāḷasiho** kālagāvisadiso tiṇabhakkhoyeva. **Paṇḍusiho** paṇḍupalāsavaṇṇagāvisadiso maṃsabhakkho. **Kesarasiho** lākhārasaparikkammakateneva mukhena agganaṅguṭṭhena catūhi ca pādapariyantehi samannāgato, matthakatopissa paṭṭhāya lākhātūlikāya katā viya tisso rājiyo piṭṭhimajjhena gantvā antarasatthimhi dakkhiṇāvattā hutvā ṭhitā, khandhe panassa satahassagghanikakambalaparikkhepo viya kesarabhāro hoti, avasesatṭhānam parisuddham sālippiṭṭhasaṅkhacūṇṇapicuvaṇṇam hoti. Imesu catūsu sīhesu ayam kesarasīho idha adhippeto.

Migarājāti migagaṇassa rājā. **Āsayāti** vasaṇatṭhānato suvaṇṇaguhato vā rajatamaṇiphalikamānosilāguhato vā nikkhamatīti vuttam hoti. Nikkhamamāno panesa catūhi kāraṇehi nikkhamati andhakārapīḷito vā ālokatthāya, uccārapassāvapīḷito vā tesam vissajjanatthāya, jighacchāpīḷito vā gocaratthāya, sambhavapīḷito vā assaddhammaṭṭisevanatthāya. Idha pana gocaratthāya nikkhantoti adhippeto.

Vijambhatīti suvaṇṇatale³ vā rajatamaṇiphalikamānosilātalānam vā aññatarasmim dve pacchimapāde samam patiṭṭhāpetvā purimapāde purato pasāretvā sarīrassa pacchābhāgam ākaḍḍhitvā purimabhāgam abhiharitvā piṭṭhim nāmetvā gīvam ukkhipitvā asanisaddam karonto viya nāsapuṭāni pothetvā sarīralaggaṇam rajam vidhunanto vijambhati. Vijambhanabhūmiyaṅca pana taruṇavacchako viya aparāparam javati. Javato panassa sarīram andhakāre paribbhamantam alātam viya khāyati.

1. Pañcame (Si)

2. Kathiyamāne (Sī)

3. Suvaṇṇaphalakānam (Syā), suvaṇṇaphalake (Ka)

Anuviloketīti kasmā anuviloketi? Parānuddayatāya. Tasmim kira sīhanādaṃ nadante papātāvāṭādisu visamaṭṭhānesu carantā hatthigokaṇṇamahimsādayo pāṇā papātepi āvāṭepi patanti, tesam anuddayāya anuviloketi. Kim panassa luddakammasa paramaṃsakhādino anuddayā nāma atthīti? Āma atthi. Tathā hesa “kim me bahūhi ghātitehī”ti attano gocaratthāyapi khuddake pāṇe na gaṇhāti, evaṃ anuddayaṃ karoti. Vuttampicetaṃ “māhaṃ kho khuddake pāṇe visamagate saṅghātaṃ āpādesin”ti¹.

Sīhanādaṃ nadatīti tikkhattuṃ tāva abhītanādaṃ nadati. Evañca panassa vijambhanabhūmiyaṃ ṭhatvā nadantassa saddo samantā tiyojanapadesaṃ ekaninnādaṃ karoti, tamassa ninnādaṃ sutvā tiyojanabbhantaragatā dvipadacatuppadaṅṇā yathāṭṭhāne ṭhāturuṃ na sakkonti. **Gocarāya pakkamatī**ti āharatthāya gacchati. Kathaṃ? So hi vijambhanabhūmiyaṃ ṭhatvā dakkhiṇato vā vāmato vā uppatanto usabhamattaṃ ṭhānaṃ gaṇhāti, uddhaṃ uppatanto cattāripi aṭṭhapi usabhāni uppatati, samaṭṭhāne ujukaṃ pakkhandanto soḷasa-usabhamattampi vīsati-usabhamattampi ṭhānaṃ pakkhandati, thalā vā pabbatā vā pakkhandanto saṭṭhi-usabhamattampi asīti-usabhamattampi ṭhānaṃ pakkhandati, antarāmagge rukkhaṃ vā pabbataṃ vā disvā taṃ pariharanto vāmato vā dakkhiṇato vā² usabhamattampi apakkamati. Tatiyaṃ pana sīhanādaṃ naditvā teneva saddhim tiyojane ṭhāne paññāyati. Tiyojanaṃ gantvā nivattitvā ṭhito attanova nādassa anunādaṃ suṇāti. Evaṃ sīghena javena pakkamatīti.

Yebhuyyenāti pāyena. **Bhayaṃ saṃvegaṃ santāsanti** sabbam cittutrāsasseva nāmaṃ. Sīhassa hi saddaṃ sutvā bahū sattā bhāyanti, appakā na bhāyanti. Ke pana teti? Samasiho hatthājānīyo assājānīyo usabhājānīyo purisājānīyo khīṇāsavoti. Kasmā panete na bhāyantīti? Samasiho nāma “jātigottakulasūrabhāvehi samānosmī”ti na bhāyati, hatthājānīyādayo attano sakkāyadiṭṭhibalavatāya na bhāyanti, khīṇāsavo sakkāyadiṭṭhipahīnattā na bhāyati.

1. Am 3. 282 piṭṭhe.

2. Dakkhiṇato vā uddhaṃ vā (Syā)

Bilāsayāti bile sayantā¹ bilavāsino ahinakulagodhādayo. **Dakāsayāti** udakavāsino macchakacchapādayo. **Vanāsayāti** vanavāsino hatthi-assagokaṇṇamigādayo. **Pavisantīti** “idāni āgantvā gaṇhissatī”ti maggaṃ oloketāva pavisanti. **Dalhehīti** thirehi. **Varattehīti** cammarajjūhi. **Mahiddhikoti**-ādīsu vijambhanabhūmiyaṃ ṭhatvā dakkhiṇapassādīhi usabhamattaṃ, ujukaṃ vīsati-usabhamattādilaṅghanavasena mahiddhikatā, sesamigānaṃ adhipatibhāvena mahesakkhatā, samantā tiyojane saddaṃ sutvā palāyantānaṃ vasena mahānubhāvatā veditabbā.

Evameva khoti Bhagavā tesu tesu suttesu tathā tathā attānaṃ kathesi. “Sīhoti kho bhikkhave Tathāgatassetāṃ adhivacanaṃ Arahatō Sammāsambuddhassā”ti² imasmim tāva sutte sīhasadisāṃ attānaṃ kathesi. “Bhisakko sallakattoti kho Sunakkhatta Tathāgatassetāṃ adhivacanaṃ”ti³ imasmim vejjasadisāṃ. “Brāhmaṇoti bhikkhave Tathāgatassetāṃ adhivacanaṃ”ti⁴ imasmim brāhmaṇasadisāṃ. “Puriso maggakusaloti kho tissa Tathāgatassetāṃ adhivacanaṃ”ti⁵ imasmim maggadesakapurisasadisāṃ. “Rājāhamasmi selā”ti⁶ imasmim rājasadisāṃ. “Sīhoti kho Tathāgatassetāṃ adhivacanaṃ”ti² imasmim pana sutte sīhasadisameva katvā attānaṃ kathento evamāha.

Tatrāyaṃ sadisatā—sīhasa kañcanaguhādīsu vasanakālo viya hi Tathāgatassa Dīpaṅkarapādamūle katābhinihārassa aparimitakālaṃ pāramiyo pūretvā pacchimabhava paṭisandhiggahaṇena ceva mātukucchito nikkhamaṇena ca dasasahasilokadhātuṃ kampetvā vuddhimanvāya dibbasampattisadisāṃ sampattiṃ anubhavamānāssa tīsu pāsādesu nivāsakālo daṭṭhabbo. Sīhasa kañcanaguhādīto nikkhantakālo viya Tathāgatassa ekūnatimse⁷ samvacchare vivaṇena dvārena Kaṇḍakam⁸ āruya Channasahāyassa nikkhamitvā tīṇi rajjāni atikkamitvā Anomānadītīre brahmunā dinnāni

1. Vasantā (Syā)

3. Ma 3. 47 piṭṭhe.

5. Sam 2. 89 piṭṭhe.

7. Ekūnatimsatime (Sī)

2. Am 2. 107; Am 3. 282 piṭṭhesu.

4. Am 3. 153 piṭṭhe.

6. Khu 1. 368 piṭṭhe.

8. Kanthakam (Sī), Kaṇṭhakam (Syā)

kāsāvāni¹ paridahitvā pabbajitassa satteme divase Rājagahaṃ gantvā tattha piṇḍāya caritvā Paṇḍavagiripabbhāre katabhattakiccassa sammāsambodhiṃ patvā paṭhamameva Magadharaṭṭhaṃ āgamanatthāya yāva rañño² paṭiññādānakālo.

Sīhassa vijambhanakālo viya Tathāgatassa dinnapaṭiññassa Āḷārakālāma-upasaṅkamaṇaṃ ādiṃ katvā yāva Sujātāya dinnapāyāsassa ekūnapaṇṇāsāya piṇḍehi paribhuttakālo veditabbo. Sīhassa kesaravidhunaṇaṃ viya sāyanhasamaye Sottiyena³ dinnā aṭṭha tiṇamuttṭhiyo gahetvā dasasahassacakkavāḷadevatāhi thomiyamānassa gandhādīhi pūjīyamānassa tikkhattuṃ bodhiṃ padakkhiṇaṃ katvā Bodhimaṇḍaṃ āruya cuddasahatthubbedhe ṭhāne tiṇasantharaṃ santharivā caturāṅgavīriyaṃ adhiṭṭhāya nisinnassa taṃkhaṇaṃyeva mārabalaṃ vidhamitvā tīsu yāmesu tisso vijjā visodhetvā anulomapaṭilomaṃ paṭiccasamuppādamahāsamuddaṃ yamakañṇamanthanena manthentassa sabbaññutaññāṇe paṭividdhe tadanubhāvena dasasahassilokadhātukampanaṃ veditabbaṃ.

Sīhassa catuddisāvīlokaṇaṃ viya paṭividdhasabbaññutaññāṇassa sattasattāhaṃ Bodhimaṇḍe viharitvā paribhuttamadhupiṇḍikāhārassa ajapālanigrodhamūle mahābrahmuno dhammadesanāyācanaṃ paṭiggahetvā tattha viharantassa ekādasame divase “sve āsāḷhipuṇṇamā bhavissati”ti paccūsasamaye “kassa nu kho ahaṃ paṭhamaṃ dhammaṃ deseyyan”ti Āḷārudakānaṃ kālaṅkatabhāvaṃ ñatvā dhammadesanatthāya pañcavaggiyānaṃ olokaṇaṃ daṭṭhabbaṃ. Sīhassa gocaratthāya tiyojanaṃ gamanakālo viya attano pattacīvaramādāya “Pañcavaggiyānaṃ dhammacakkaṃ pavattessāmi”ti pacchābhatte Ajapālanigrodhato vuṭṭhitassa aṭṭhārasayojanamaggaṃ gamanakālo.

Sīhanādakālo viya Tathāgatassa aṭṭhārasayojanamaggaṃ gantvā pañcavaggiye saññāpetvā acalapallaṅke nisinnassa dasahi cakkavāḷasahasseehi sannipatitena devagaṇena parivutassa “dveme bhikkhave antā pabbajitena na sevitabbā”ti-ādinā⁴ nayena Dhammacakkappavattanakālo veditabbo. Imasmiṅca pana pade desiyamāne Tathāgatasīhassa dhammaghoso heṭṭhā Avīciṃ upari Bhavaggaṃ gahetvā

1. Kāsāvāni (Syā, Ka)

3. Sotthiyena (sabbattha)

2. Magadharañño (Ka)

4. Saṃ 3. 368; Vi 3. 14 piṭṭhesu.

dasasahasilokadhātum paṭicchādesi. Sīhassa saddena khuddakapāṇānaṃ santāsaṃ āpajjanakālo viya Tathāgatassa tīṇi lakkhaṇāni dīpetvā cattāri saccāni soḷasahākārehi saṭṭhiyā ca¹ nayasahasseehi vibhajitvā dhammaṃ kathentassa dīghāyukadevatānaṃ nāṇasantāsassa uppattikālo veditabbo.

Yadāti yasmim kāle. **Tathāgatoti** aṭṭhahi kāraṇehi Bhagavā Tathāgato— tathā āgatoti Tathāgato, tathā gatoti Tathāgato, tathalakkhaṇaṃ āgatoti Tathāgato, tathadhamme yāthāvato abhisambuddhoti Tathāgato, tathadassitāya Tathāgato, tathāvāditāya Tathāgato, tathākāritāya Tathāgato. Abhibhavanaṭṭhena Tathāgatoti. Tesam vitthāro brahmajālavaṇṇanāyampi² mūlapariyāyavaṇṇanāyampi³ vuttoyeva. **Loketi** sattaloke. **Uppajjati** abhinīhārato paṭṭhāya yāva Bodhipallaṅkā vā arahattamaggañāṇā vā uppajjati nāma, arahattaphale pana patte uppanno nāma. **Arahaṃ Sammāsambuddhoti**—ādīni Visuddhimagge Buddhānussatiniddese vitthāritāni.

Iti rūpanti idaṃ rūpaṃ ettakaṃ rūpaṃ, na ito bhiyyo rūpaṃ atthīti. Ettāvataṃ sabhāvato sarasato pariyantato paricchedata paricchindanato⁴ yāvataṃ cattāro ca mahābhūtā catunnaṅca mahābhūtānaṃ upādāyarūpaṃ, taṃ sabbaṃ dassitaṃ hoti. **Iti rūpassa samudayoti** ayaṃ rūpassa samudayo nāma. Ettāvataṃ hi “āhārasamudayā rūpasamudayo”ti—ādī sabbaṃ dassitaṃ hoti. **Iti rūpassa atthaṅgamoti** ayaṃ rūpassa atthaṅgamo. Imināpi “āhāranirodhā rūpanirodho”ti—ādī sabbaṃ dassitaṃ hoti. **Iti vedanāti**—ādīsipi eseva nayo.

Vaṇṇavantoti sarīravaṇṇena vaṇṇavanto. **Dhammadesanaṃ sutvāti** imaṃ pañcasu khandhesu paṇṇāsalaṅkhaṇapaṭimaṇḍitaṃ Tathāgatassa dhammadesanaṃ sutvā. **Yebhuyyenāti** idha loke ṭhapeti? Ariyasāvake deve. Tesaṃhi khīṇāsavattā cittutrāsabhayampi na uppajjati, saṃviggassa yoniso padhānena

1. Saddhim yāva (Syā)

3. Ma-Ṭṭha 1. 47 piṭṭhe.

2. Dī-Ṭṭha 1. 59 piṭṭhe.

4. Parivaṭumato (Sī)

pattabbaṃ pattatāya nāṇasaṃvegopi. Itaresaṃ pana devānaṃ “tāso heso bhikkhū”ti aniccatāṃ manasikarontānaṃ cittutrāsabhayaṃpi, balavavipassanākāle¹ nāṇabhayaṃpi uppajjati. **Bhoti** dhammālanamattametaṃ. **Sakkāyapariyāpannāti** pañcakkhandhapariyāpannā. Iti tesaṃ Sammāsambuddhe vaṭṭadosaṃ dassetvā tilakkhaṇāhataṃ katvā dhammaṃ desente nāṇabhayaṃ nāma okkamati.

Abhiññāyāti jānitvā. **Dhammacakkanti** paṭivedhañāṇaṃpi desanāṇaṃpi. **Paṭivedhañāṇaṃ** nāma yena nāṇena Bodhipallaṅke nisinna cattāri saccāni soḷasaḥākārehi saṭṭhiyā ca nayasahashehi paṭivijjhi. **Desanāñāṇaṃ** nāma yena nāṇena tiparivaṭṭaṃ dvādasākāraṃ dhammacakkaṃ pavattesi. Ubhayaṃpi taṃ Dasabalassa ure jātañāṇameva. Tesu idha desanāñāṇaṃ gahetabbaṃ. Taṃ panesa yāva aṭṭhārasahi brahmakoṭṭhi saddhim Aññāsikoṇḍaññattherassa sotāpattiphalaṃ uppajjati, tāva pavatteti nāma. Tasmim uppanne pavattitaṃ nāma hotīti veditabbaṃ. **Appaṭipuggaloti** sadisapuggalarahito. **Yasassinoti** parivārasampannā. **Tādinoti** lābhālābhādīhi ekasadisassa. . Chaṭṭhaṃ.

7. Khajjanīyasuttavaṇṇanā

79. Sattame **pubbenivāsanti** na idaṃ abhiññāvasena anussaraṇaṃ sandhāya vuttaṃ, vipassanāvasena pana pubbenivāsaṃ anussarante samaṇabrāhmaṇe sandhāyetaṃ vuttaṃ. Tenevāha “sabbete pañcupādānakkhandhe anussaranti, etesaṃ vā aññataren”ti abhiññāvasena hi samanussarantassa khandhāpi upādānakkhandhāpi khandhapaṭibaddhāpi paṇṇattipi ārammaṇaṃ hotiyeva. **Rūpaṃyeva anussaratīti** evaṃ hi anussaranto na aññaṃ kiñci sattaṃ vā puggalaṃ vā anussarati, atīte pana niruddhaṃ rūpakkhandhameva anussarati. Vedanādīsupi eseva nayoti. . Suññatāpabbaṃ niṭṭhitaṃ.

Idāni suññatāya lakkhaṇaṃ dassetuṃ **kiñca bhikkhave rūpaṃvadethāti-** ādimāha. Yathā hi natṭhaṃ goṇaṃ pariyesamāno puriso gogaṇe caramāne rattaṃ vā² kāḷaṃ balibaddhaṃ disvāpi na ettakeneva “ayaṃ mayhaṃ goṇo”ti

1. Balavavipassanākārena (Ka)

2. Setaṃ vā rattaṃ vā (Ka)

sanniṭṭhānaṃ kātuṃ sakkoti. Kasmā? Aññesampi tādisānaṃ atthitāya. Sarīrapadese panassa sattisūlādilakkhaṇaṃ disvā “ayaṃ mayhaṃ santako”ti sanniṭṭhānaṃ hoti, evameva suññatāya kathitāyapi yāva suññatālakkhaṇaṃ na kathiyati, tāva sā akathitāva hoti, lakkhaṇe pana kathite kathitā nāma hoti. Goṇo viya hi suññatā, goṇalakkhaṇaṃ viya suññatālakkhaṇaṃ. Yathā goṇalakkhaṇe asallakkhite goṇo na suṭṭhu sallakkhito hoti, tasmim̐ pana sallakkhite so sallakkhito nāma hoti, evameva suññatālakkhaṇe akathite suññatā akathitāva hoti, tasmim̐ pana kathite sā kathitā nāma hotīti suññatālakkhaṇaṃ dassetuṃ **kiñca bhikkhave rūpaṃ vadethāti**-ādimāha.

Tattha **kiñcāti** kāraṇapucchā, kena kāraṇena rūpaṃ vadetha, kena kāraṇenetam̐ rūpaṃ nāmāti attho. **Ruppatīti khoti** ettha **itīti** kāraṇuddeso, yasmā ruppati, tasmā rūpanti vuccatīti attho. **Ruppatīti** kuppati ghaṭṭiyati pīliyati, bhijjatīti attho. **Sītenapi ruppatīti**-ādīsu sītena tāva ruppanam̐ Lokantarikaniraye pākaṭam̐. Tiṇṇam̐ tiṇṇañhi cakkavāḷānaṃ antare ekeko Lokantarikanirayo nāma hoti aṭṭhajojanasahassappamāṇo. Yassa neva heṭṭhā pathavī atthi, na upari candimasūriyadīpamaṇi-āloko, niccandhakāro. Tattha nibbattasattānaṃ tigāvuto attabhāvo hoti, te vagguliyo viya pabbatapāde dīghaputhulehi nakhehi laggitvā avamsirā olambanti. Yadā samsappantā aññamaññassa hatthapāsāgatā honti, atha “bhakkho no laddho”ti maññamānā tattha byāvaṭā viparivattitvā lokasandhārake udaye patanti, vāte paharantepi madhukaphalāni viya chijjitvā udaye patanti, patitamattāva accantakhāre udaye tattatele patitapiṭṭhapiṇḍi viya paṭapaṭāyamaṇā vilīyanti. Evaṃ sītena ruppanam̐ Lokantarikaniraye pākaṭam̐. Mahimsakaraṭṭhādīsupi himapātasītalesu padasesu etam̐ pākaṭameva. Tattha hi sattā sītena bhinnasarīrā jīvitakkhayampi pāpuṇanti.

Uḥhena ruppanam̐ Avīcimahāniraye pākaṭam̐ hoti. Jighacchāya ruppanam̐ pettivisaye ceva dubbhikkhakāle ca pākaṭam̐. Pipāsāya ruppanam̐ Kālakañjikādīsu pākaṭam̐. Eko kira Kālakañjika-asuro pipāsam̐ adhivāsetuṃ

asakkonto yojanagambhīravittthāraṃ Mahāgaṅgaṃ otari, tassa gatagataṭṭhāne udakaṃ chijjati, dhūmo uggacchati, tatte piṭṭhipāsāṇe caṅkamanakālo viya hoti. Tassa udakasaddaṃ sutvā ito cito ca vicarantasseva ratti vibhāyi. Atha naṃ pātova bhikkhācāraṃ gacchāntā tiṃsamattā piṇḍacārikabhikkhū disvā “ko nāma tvaṃ sappurisā”ti pucchimsu. Petohamasmī bhenteti. Kim pariyesasīti. pāṇiyāṃ bhanteti. Ayam gaṅgā paripuṇṇā, kim tvaṃ na passasīti. Na upakappati bhanteti. Tena hi Gaṅgāpiṭṭhe nipajja, mukhe te pāṇiyāṃ āsiṅcissāmāti. So vālikāpuṇḍine¹ uttāno nipajji. Bhikkhū tiṃsamatte patte nīharitvā udakaṃ āharitvā tassa mukhe āsiṅcimsu. Tesāṃ tathā karontānaṃyeva velā upakaṭṭhā jātā. Tato “bhikkhācārakālo amhākaṃ sappurisa, kacci te assādamattā laddhā”ti āhaṃsu. Peto “sace me bhante tiṃsamattānaṃ ayyānaṃ tiṃsapattehi āsitta-udakato aḍḍhapasatamattampi paragalaṃ gatāṃ, petattabhāvato mokkho mā hotū”ti āha. Evaṃ pipāsāya ruppanaṃ pettivisaye pākaṭaṃ.

Ḍaṃsādīhi ruppanaṃ ḍaṃsamakkhikādibahulesu padesesu pākaṭaṃ. Ettha ca **ḍaṃsāti** piṅgalamakkhikā. **Makasāti** makasāva. **Vātāti** kucchivātapipiṭṭhivātādivasena veditabbā. Sarīrasmiṃ hi vātarogo uppajjitvā hatthapādapiṭṭhi-ādīni bhindati, kāṇaṃ karoti, khujjaṃ karoti, piṭṭhasappim karoti. **Ātapoti** sūriyātapo. Tena ruppanaṃ marukantārādīsu pākaṭaṃ. Ekā kira itthī marukantāre rattiṃ satthato ohīnā divā sūriye uggacchante vālikāya tappamānāya pāde ṭhapetuṃ asakkontī sīsato pacchīm otāretvā akkami. Kamena pacchiyā uṇhābhitattāya ṭhātuṃ asakkontī tassā upari sātakaṃ ṭhapetvā akkami. Tasmimpi santatte attano aṅkena gahitaputtakaṃ adhomukhaṃ nipajjāpetvā kandantaṃyeva akkamitvā saddhiṃ tena tasmīnyeva ṭhāne uṇhābhitattā kālamakāsi.

Sarīsapāti ye keci dīghajātikā sarantā gacchanti. Tesāṃ samphassena ruppanaṃ āsīvisadaṭṭhakādīnaṃ vasena veditabbaṃ. Iti Bhagavatā yāni imāni sāmāññapaccattavasena dhammānaṃ dve lakkhaṇāni, tesu rūpakkhandhassa tāva paccattalakkhaṇaṃ dassitaṃ. Rūpakkhandhasseva hi etaṃ, na vedanādīnaṃ, tasmā

1. Vālikāpiṭṭhe (Sī)

paccattalakkhaṇanti vuccati. Aniccadukkhānattalakkhaṇaṃ pana vedanādinampi hoti, tasmā taṃ sāmāññalakkhaṇanti vuccati.

Kiñca bhikkhave vedanaṃ vadethāti—ādīsu purimasadisam vuttanayeneva veditabbaṃ. Yaṃ pana purimena asadisam, tassāyaṃ vibhāvanā—**sukhampi vedayatīti** sukhaṃ ārammaṇaṃ vedeti anubhavati. Parato padadvayepi eseva nayo. Kathaṃ panetaṃ ārammaṇaṃ sukhaṃ dukkhaṃ adukkhamasukhaṃ nāma jātanti? Sukhādīnaṃ paccayato. Svāyamattho “yasmā ca kho Mahāli rūpaṃ sukhaṃ sukhānupatitāṃ sukhāvakkantaṃ”ti imasmiṃ Mahālisutte¹ āgatoyeva. **Vedayatīti** ettha ca vedanāva vedayati, na añño satto vā puggalo vā. Vedanā hi vedayitalakkhaṇā, tasmā vatthārammaṇaṃ paṭicca vedanāva vedayatīti. Evamidha Bhagavā vedanāyapi paccattalakkhaṇameva bhājetvā dassesi.

Nīlampi sañjānātīti nīlapupphe vā vatthe vā parikammaṃ katvā upacāraṃ vā appanaṃ vā pāpento sañjānāti. Ayaṃ hi saññā nāma parikammasaññāpi upacārasaññāpi appanāsaññāpi vaṭṭati, nīlaṃ nīlanti uppajjanasaññāpi vaṭṭatiyeva. **Pītakādisupi** eseva nayo. Idhāpi Bhagavā sañjānanalakkhaṇāya saññāya paccattalakkhaṇameva bhājetvā dassesi.

Rūpaṃ rūpattāya² **saṅkhatamabhisaṅkharontīti** yathā yāgumeva yāguttāya,³ pūvameva pūvattāya pacati nāma, evaṃ paccayehi samāgantvā katabhāvena saṅkhatanti laddhanāmaṃ rūpameva rūpattāya yathā abhisaṅkhatāṃ rūpaṃ nāma hoti, tathattāya⁴ rūpabhāvāya abhisaṅkharoti āyūhati sampiṇḍeti, nipphādetīti attho. **Vedanādisupi** eseva nayo. Ayaṃ panettha saṅkhepo—attanā saha jāyamānaṃ rūpaṃ sampayutte ca vedanādayo dhamme abhisaṅkharoti nibbattetīti. Idhāpi Bhagavā cetayitalakkhaṇassa saṅkhārassa paccattalakkhaṇameva bhājetvā dassesi.

Ambilampi vijānātīti amba-ambāṭakamātuluṅgādi-ambilaṃ “ambilaṃ”ti vijānāti. Eseva nayo sabbapadesu. Api cettha **tittakanti** nimbapaṭolādīnānappakāraṃ. **Kaṭukanti** pippalimaricādīnānappakāraṃ. **Madhuranti**

1. Sam 2. 57 piṭṭhe.

2. Rūpatthāya (Sī)

3. Yāgutthāya (Sī)

4. Tathā tadatthāya (Sī), tathā tāya (Syā)

sappiphāṇitādinā nappakāraṃ. **Khārikanti** vātiṅgaṇanālikera¹
 caturassavallivettaṅkurādinānappakāraṃ. **Akhārikanti** yaṃ vā taṃ vā
 phalajātaṃ kārapaṇṇādīmissakapaṇṇaṃ. **Loṇikanti**
 loṇayāguloṇamacchalōṇabhattādinānappakāraṃ. **Alōṇikanti** alōṇayāgu-
 alōṇamaccha-alōṇabhattādinānappakāraṃ. **Tasmā viññāṇanti vuccatīti**
 yasmā imaṃ ambilādibhedāṃ aññamaññaviṣiṭṭhena ambilādibhāvena jānāti,
 tasmā viññāṇanti vuccatīti. Evamidhāpi Bhagavā vijānanalakkhaṇassa
 viññāṇassa paccattalakkhaṇameva bhājetvā dassesi.

Yasmā pana ārammaṇassa ākārasaṅghānagahaṇavasena saññā pākāṭā
 hoti, tasmā sā cakkhuvāre vibhattā. Yasmā vināpi ākārasaṅghānā
 ārammaṇassa paccattabhedagahaṇavasena viññāṇaṃ pākāṭaṃ hoti, tasmā
 taṃ jivhādvāre vibhattaṃ. Imesaṃ pana saññāviññāṇapaññānaṃ²
 asammohato sabhāvasallakkhaṇatthaṃ **sañjānāti, vijānāti, pajānātīti** ettha
 viśesā veditabbā. Tattha upasaggamattameva viśeso, jānātīti padaṃ pana
 aviseso. Tassapi³ jānanaṅghena viśeso veditabbo. Saññā hi nīlādivasena
 ārammaṇasañjānanamattameva, aniccaṃ dukkhamanattāti
 lakkhaṇapaṭivedhaṃ pāpetuṃ na sakkoti. Viññāṇaṃ nīlādivasena
 ārammaṇaṅceva jānāti, aniccādivasena lakkhaṇapaṭivedhaṅca pāpeti,
 ussakkivā pana maggapātubhāvaṃ pāpetuṃ na sakkoti. Paññā nīlādivasena
 ārammaṇampi jānāti, aniccādivasena lakkhaṇapaṭivedhampi pāpeti,
 ussakkivā maggapātubhāvampi pāpeti.

Yathā hi heraññīkaphalake kahāpaṇarāsīmhi kate ajātabuddhidārako
 gāmikapuriso mahāheraññīkoti tīsu janesu oloketvā ṭhitesu
 ajātabuddhidārako kahāpaṇānaṃ cittavicittacaturassamaṅḍalādibhāvameva⁴
 jānāti, “idaṃ manussānaṃ upabhogaparibhogaṃ ratanasammataṃ”ti na
 jānāti. Gāmikapuriso cittādibhāvaṅca jānāti, manussānaṃ
 upabhogaparibhogaratanasammatabhāvaṅca, “ayaṃ kūṭo, ayaṃ cheko, ayaṃ
 karaṭo, ayaṃ saṅho”ti na jānāti. Mahāheraññīko cittādibhāvampi
 ratanasammatabhāvampi kūṭādibhāvampi jānāti. Jānanto ca

1. Vātiṅgaṇanālikaramadda (Sī), vātiṅgatālaketakīkaḷīranālikera (Syā)

2. Saññāviññāṇānaṃ (Ka)

3. Tassa (Sī)

4. ...maṅḍalādi-ākārameva (Sī)

pana rūpaṃ disvāpi saddaṃ sutvāpi gandhaṃ ghāyitvāpi rasaṃ sāyitvāpi hatthena garulahubhāvaṃ upadhāretvāpi “asukagāme kato”tipi jānāti, “asukanigame asukanagare asukapabbatacchāyāya asukanadīre kato”tipi, “asukācariyena kato”tipi jānāti. Evameva saññā ajātabuddhidārakassa kahāpaṇadassanaṃ viya nilādivasena ārammaṇamattameva jānāti. Viññāṇaṃ gāmikapurisassa kahāpaṇadassanaṃ viya nilādivasena ārammaṇampi jānāti, aniccādivasena lakkhaṇapaṭivedhampi pāpeti. Paññā mahāheraññikassa kahāpaṇadassanaṃ viya nilādivasena ārammaṇampi jānāti, aniccādivasena lakkhaṇapaṭivedhampi pāpeti, ussakkivā maggapātubhāvampi pāpeti.

So pana nesaṃ viseso duppaṭivijjho. Tenāha āyasmā Nāgaseno—

“Dukkhaṃ mahārāja Bhagavatā katanti. Kim bhante Nāgasena Bhagavatā dukkhaṃ katanti. Dukkhaṃ mahārāja Bhagavatā kataṃ, imesaṃ arūpīnaṃ cittacetasikānaṃ dhammānaṃ ekārammaṇe vattamānānaṃ vavatthānaṃ akkhātaṃ ‘ayaṃ phasso, ayaṃ vedanā, ayaṃ saññā, ayaṃ cetanā, idaṃ cittaṃ’ti”¹.

Yathā hi tilatelaṃ sāsapatelaṃ madhukatelaṃ eraṇḍakatelaṃ vasātelanti imāni pañca telāni ekacāṭiyam² pakkhipitvā divasaṃ yamakamanthehi manthetvā tato “idaṃ tilatelaṃ, idaṃ sāsapatelan”ti ekekassa pāṭiyekkaṃ uddharaṇaṃ nāma dukkhaṃ, idaṃ tato dukkarataraṃ. Bhagavā pana sabbaññutaññāṇassa suppaṭividdhattā dhammissaro dhammarājā imesaṃ arūpīnaṃ dhammānaṃ ekārammaṇe vattamānānaṃ vavatthānaṃ akāsi. Pañcannaṃ mahānadīnaṃ samuddaṃ pavitṭhaṭṭhāne “idaṃ Gaṅgāya udakaṃ, idaṃ Yamunāyā”ti evaṃ pāṭiyekkaṃ udakuddharaṇeṇāpi ayamatto veditabbo.

Iti paṭhamapabbena suññataṃ, dutiyena suññatālakkhānti dvīhi pabbehi anattalakkhaṇaṃ kathetvā idāni dukkhalakkhaṇaṃ dassetuṃ **tatra bhikkhavi**ti-ādimāha. Tattha **khajjāmī**ti na rūpaṃ sunakho viya maṃsaṃ luñcitvā luñcitvā khādati, yathā pana kiliṭṭhavatthanivattho tatonidānaṃ pīlaṃ sandhāya “khādati

1. Khu 11. 94 piṭṭhe Milindapañhe.

2. Ekapāṭiyam (Sī)

maṃ vatthan”ti bhaṇati, evamidampi pīlaṃ uppādentam khādati nāmāti veditabbaṃ. **Paṭipanno hotīti** silaṃ ādim katvā yāva arahattamaggā paṭipanno hoti. Yo panettha balavañño tikkhabuddhi ñāṇuttaro yogāvacaro¹ padhānabhūmiyaṃ vāyamanto khāṇunā vā kaṇṭakena vā viddho āvudhena vā pahaṭo byagghādīhi vā gahetvā khajjamāno taṃ vedanaṃ abbohārikaṃ katvā mūlakammaṭṭhānaṃ sammāsanto arahattameva gaṇhāti, ayaṃ vedanāya nibbidāya virāgāya nirodhāya paṭipanno nāma vuccati Pītamallatthero² viya Kuṭumbiyaputtamahātissatthero viya vattani-aṭaviyaṃ tiṃsamattānaṃ bhikkhūnaṃ aññataro byagghamukhe nipannabhikkhu viya kaṇṭakena viddhatthero viya ca.

Dvādasasu kira bhikkhūsu ghaṇṭim³ paharivā araññe padhānamanuyuñjantesu eko sūriye atthaṅgamattēyeva ghaṇṭim paharivā caṅkamaṃ oruyha caṅkamanto tiriyaṃ nimmathento tiṇapaṭicchannaṃ kaṇṭakaṃ akkamaṃ. Kaṇṭako piṭṭhipādena nikkhanto. Tattaphālena vinividdhakālo viya vedanā vattati. Thero cintesi “kiṃ imaṃ kaṇṭakaṃ uddharāmi, udāhu pakatiyā vijjhivā ṭhitakaṇṭakan”ti. Tassa evamahosi “iminā kaṇṭakena viddhattā nirayādīsu bhayaṃ⁴ nāma natthi, pakatiyā vijjhivā ṭhitakaṇṭakamyevā”ti. So taṃ vedanaṃ vedanaṃ abbohārikaṃ katvā sabbarattim caṅkamitvā vibhātāya rattiyā aññassa saññaṃ adāsi. So āgantvā “kiṃ bhante”ti pucchi. Kaṇṭakenamhi āviso viddhoti. Kāya velāya bhanteti. Sāyameva āvusoti. Kasmā na amhe pakkositha, kaṇṭakaṃ uddharitvā tattha telampi siñceyyāmāti. Pakatiyā vijjhivā ṭhitakaṇṭakameva uddharitum vāyamimhā āvusoti. Sakkuṇittha bhante uddharitunti. Ekadesamattena me āvuso uddhaṭoti. Sesavatthūni Dīghamajjhimaṭṭhakathāsu⁵ Satipaṭṭhānasuttaniddese vittharītāneva.

Taṃ kiṃ maññaṭha bhikkhaveti kasmā āraddhaṃ? Imasmim pabbe dukkhalakkhaṇameva kathitaṃ, na aniccalakkhaṇaṃ, taṃ dassetuṃ idamāradhāṃ. Tīṇi lakkhaṇāni samodhānetvā dassetumpi āradhameva. **Apacināti no ācinātīti** vaṭṭaṃ vināseti, neva cināti. **Pajahati na upādiyātīti** tadeva vissajjeti,

1. Yogāvacarova (Sī), yogāvacaro ca (Ka)

3. Gaṇḍim (Sī, Syā, Ka)

5. Dī-Ṭṭha 2. 339; Ma-Ṭṭha 1. 238 piṭṭhesu.

2. Pītamallatthero (Sī)

4. Vāso (Sī)

na gaṇhāti. **Visineti na ussinetīti** vikirati na sampiṇḍeti. **Vidhūpeti na sandhūpetīti** nibbāpeti na jālāpeti.

Evam passam bhikkhavi idam kasmā āradham? Vaṭṭam vināsetvā ṭhitam mahākhīṇāsavam dassessāmīti āradham. Ettakena vā ṭhānena vipassanā kathitā, idāni saha vipassanāya cattāro magge dassetuṃ idam āradham. Atha vā ettakena ṭhānena paṭhamamaggo kathito, idāni saha vipassanāya tayo magge dassetuṃ idamāradham. Ettakena vā ṭhānena tīṇi maggāni kathitāni, idāni saha vipassanāya arahattamaggaṃ dassetumpi idamāradhameva.

Sapajāpatikāti saddhim pajāpatinā devarājena. **Ārakāva namassantīti** dūratova namassanti, dūrepi ṭhitam namassantiyeva āyasmantaṃ nītattheraṃ¹ viya.

Thero kira pupphacchaḍḍakakulato nikkhamma pabbajito, khuraggeyeva arahattam patvā cintesi “aham ajeva pabbajito ajeva me pabbajitakiccaṃ matthakaṃ pattam, catupaccayasantosabhāvanārāmamaṇḍitam mahā-ariyavaṃsapaṭipadam pūressāmī”ti. So paṃsukūlatthāya sāvattim pavisitvā coḷakam pariyesanto vicari. Atheke mahābrahmā samāpattito vuṭṭhāya manussapatham olokento theram disvā “ajeve pabbajitvā ajeve khuragge arahattam patvā mahā-ariyavaṃsapaṭipadam pūretuṃ coḷakam pariyesatī”ti añjalim paggayha namassamāno aṭṭhāsi. Tamañño mahābrahmā disvā “kam namassasī”ti pucchi. Nītattheram namassāmīti. Kim kāraṇāti. Ajeve pabbajitvā ajeve khuragge arahattam patvā mahā-ariyavaṃsapaṭipadam pūretuṃ coḷakam pariyesatīti. Sopi nam namassamāno aṭṭhāsi. Athañño, athaññoti sattasatā mahābrahmāno namassamānā aṭṭhamasu. Tena vuttam—

“Tā devatā sattasatā uḷārā,
Brāhmā vimānā abhinikkhamitvā.
Nītam namassanti pasannacittā,
‘Khīṇāsavo gaṇhati paṃsukūlam’.

1. Nītattheram (Sī)

Tā devatā sattasatā uḷārā,
 Brahmā vimānā abhinikkhamitvā.
 Nītaṃ namassanti pasannacittā,
 ‘Khīṇāsavo kayirati paṃsukūlaṃ’.
 ‘Khīṇāsavo dhovati paṃsukūlaṃ’,
 ‘Khīṇāsavo rajati paṃsukūlaṃ’,
 ‘Khīṇāsavo pārupati paṃsukūlan’ti”.

Iti Bhagavā imasmiṃ sutte desanaṃ tīhi bhavehi vinivattetvā arahattassa kūṭaṃ gaṇhi. Desanāpariyosāne pañcasatā bhikkhū arahatte patiṭṭhahiṃsu. . Sattamaṃ.

8. Piṇḍolyasuttavaṇṇanā

80. Aṭṭhame **kismiṅcideva pakaraṇeti** kismiṅcideva kāraṇe.
Paṇāmetvāti nīharitvā. Kismiṃ pana kāraṇe ete Bhagavatā paṇāmitāti?
 Ekasmiṃ hi antovasse Bhagavā Sāvatthiyaṃ vasitvā vutthavasso pavāretvā mahābhikkhusaṅghaparivāro Sāvattthito nikkhamitvā janapadacārikam caranto Kapilavatthum patvā Nigrodhārāmaṃ pāvīsi. Sakyarājāno “Satthā āgato”ti sutvā pacchābhatte kappiyāni telamadhuphāṇitādīni ceva pānakāni ca kājasatehi¹ gāhāpetvā vihāraṃ gantvā saṅghassa niyyātetvā Satthāraṃ vanditvā paṭisanthāraṃ karontā ekamante nisīdiṃsu. Satthā tesam madhuradhammakathaṃ kathento nisīdi. Tasmim̄ khaṇe ekacce bhikkhū senāsaṇaṃ paṭijagganti, ekacce mañcapīṭhādīni paññāpentī, sāmaṇerā appaharitaṃ karontī. Bhājanīyaṭṭhāne² sampattabhikkhūpi atthi, asampattabhikkhūpi atthi. Sampattā asampattānaṃ lābhaṃ gaṇhantā “amhākaṃ detha, amhākaṃ ācariyassa detha, upajjhāyassa detha”ti kathentā mahāsaddamakāṃsu. Satthā sutvā theram̄ pucchi “ke pana te Ānanda uccāsaddā mahāsaddā kevaṭṭā maññe macchavilope”ti. Thero etamattam̄ ārocesi. Satthā sutvā “āmisahetu Ānanda bhikkhū mahāsaddam̄ karontī”ti āha. Āma bhanteti. Ananucchavikaṃ Ānanda appatirūpaṃ.

1. Kājakasatehi (Sī)

2. Bhājanīyaṭṭhānaṃ (Sī)

Na hi mayā kappasatasahassādhikāni cattāri asaṅkhyeyyāni cīvarādihetu pāramiyo pūritā, nāpi ime bhikkhū cīvarādihetu agāasmā anagāriyam pabbajitā, arahattahetu pabbajitvā anattam atthasadisam asāram sārasadisam karonti, gacchānanda te bhikkhū paṇāmeḥīti.

Pubbaṅhasamayanti dutiyadvase¹ pubbaṅhasamayam. **Beluvalaṭṭhikāya mūleti** taruṇabeluvarukkhamūle. **Pabāḷhoti** pabāhito. Pavāḷhotipi pāṭho, pavāhitoti² attho. Ubhayampi nīṭaḥabhāvameva dīpeti. **Siyā aññathattanti** pasādaññathattam vā bhāvaññathattam vā bhavyeḥya. Katham? “Sammāsambuddhena mayam lahuke kāraṇe paṇāmīti”ti pasādam mandam karontānam pasādaññathattam nāma hoti. Saliṅgeneva titthāyatanaṃ pakkamantānam bhāvaññathattam nāma. **Siyā vipariṇāmoti** ettha pana “mayam Satthu ajjhāsayaṃ gaṇhitum sakkhissāmāti pabbajitā, nam gahetum asakkontānam kiṃ amhākaṃ pabbajjāyā”ti sikkham paccakkhāya hīnāyāvattanaṃ vipariṇāmoti veditabbo. **Vacchassāti** khīrūpakavacchāssa³. **Aññathattanti** milāyana-aññathattam. Khīrūpako hi vaccho mātu adassanena khīram alabhanto milāyati kampati pavedhati. **Vipariṇāmoti** maraṇam. So hi khīram alabhamāno khīrapipāsāya sussanto patitvā marati.

Bījānam taruṇānanti udakena anuggahetabbānam virūḷhabījānam. **Aññathattanti** milāyanaññathattameva. Tāni hi udakam alabhantāni milāyanti. **Vipariṇāmoti** vināso. Tāni hi udakam alabhantāni sukkhitvā vinassanti, palālameva honti. **Anuggahitoti** āmisānuggahena ceva dhammānuggahena ca anuggahito. **Anuggaṇheyyanti** dvīhipi etehi anuggahehi anuggaṇheyyam. Acirapabbajitā hi sāmaṇerā ceva daharabhikkhū ca cīvarādipaccayavekalle vā sati gelaññe vā Satthārā vā ācariyupajjhāyehi vā āmisānuggahena ananuggahitā kilamantā na sakkonti sajjhāyam vā manasikāram vā kātum, dhammānuggahena ananuggahitā uddesena ceva ovādānusāsaniyā ca parihāyamānā na sakkonti akusalam parivajjetvā kusalam bhāvetum. Imehi pana dvīhi anuggahehi anuggahitā kāyena akilamantā sajjhāyamanasikāre pavattitvā yathānusiṭṭham

1. Punadvase (Syā)

2. Pagāḷhotipi pāṭho, pagāhitoti (Ka)

3. Khīrapakavacchassa (Sī, Syā)

paṭipajjamānā aparabhāge haṃ anuggahaṃ alabhantāpi teneva purimānuggahena laddhabalā sāsane paṭiṭṭhahanti, tasmā Bhagavato evaṃ parivitaṅko udapādi.

Bhagavato purato pāturaḥosīti Satthu cittaṃnātvā “ime bhikkhū Bhagavatā paṇāmitā, idāni nesaṃ anuggahaṃ kātukāmo evaṃ cintesi, kāraṇaṃ Bhagavā cintesi, ahamettha ussāhaṃ janessāmi”ti purato pākaṭo ahoṣi. **Santettha bhikkhūti** idaṃ so mahābrahmā yathā nāma byatto sūdo yadeva ambilaggādīsu¹ rasajātaṃ rañño rucati, taṃ abhisāṅkhārena sādutaraṃ katvā punadivase upanāmeti, evameva attano byattatāya Bhagavatā āhaṭa-upamaṃyeva **evametaṃ Bhagavāti**-ādivacanehi abhisāṅkharitvā Bhagavantaṃ yācanto bhikkhusaṃghassa anuggahakaraṇatthaṃ vadati. Tatha **abhinandatūti** “mama santikaṃ bhikkhusaṃgho āgacchatū”ti evamassa āgamaṇaṃ sampiyāyamāno abhinandatu. **Abhivadatūti** āgatassa ca ovādānusāsaniṃ dadanto abhivadatu.

Paṭisallānāti ekībhāvā. **Iddhābhisāṅkhāraṃ abhisāṅkhāsīti** iddhiṃ akāsi. **Ekadvīhikāyāti** ekeko ceva dve dve ca hutvā. **Sārajjamānarūpāti** ottappamānasabhāvā bhāyamānā. Kasmā pana Bhagavā tesaṃ tathā upasaṅkamaṇāya iddhimakāsīti? Hitapatthanāya. Yadi hi te vaggavaggā hutvā āgaccheyyūṃ, “Bhagavā bhikkhusaṃghaṃ paṇāmetvā araṇṇaṃ pavīṭṭho, ekadivasampi tatha vasitūṃ nāsakkhi, vegeneva² āgato”ti keḷimpi kareyyūṃ. Atha nesaṃ neva Buddhagāraṇaṃ paccupaṭṭhaheyya, na dhammadesanaṃ sampaṭicchitūṃ samatthā bhavēyyūṃ. Sabhayānaṃ pana sasārajjānaṃ ekadvīhikāya āgacchantānaṃ Buddhagāraṇaṃ paccupaṭṭhitaṃ bhavissati, dhammadesanaṃ sampaṭicchitūṃ sakkhissantīti cintetvā³ tesaṃ hitapatthanāya tathārūpaṃ iddhiṃ akāsi.

Nisīdimṣūti tesu hi sārajjamānarūpesu āgacchantesu eko bhikkhu “mamaṃyeva Satthā oloketi, maṃyeva maññe niggaṇhitukāmo”ti saṅikaṃ āgantvā vanditvā nisīdi, athañño, athaññoti evaṃ pañcabhikkhusatāni nisīdimṣu. Evaṃ nisinnaṃ pana bhikkhusaṃghaṃ sīdantare sannisinnaṃ mahāsamuddaṃ viya nivāte padīpaṃ viya ca niccalaṃ disvā Satthā cintesi

1. Ambilādīsu (Syā)

2. Bhikkhugavesaneneva (Syā)

3. Veditvā (Syā)

“imesaṃ bhikkhūnaṃ kīdisī dhammadesanā vaṭṭati”ti. Athassa etadahosi “ime āhārahetu paṇāmitā, piṇḍiyālopadhammadesanāva nesaṃ sappāyā, taṃ dassetvā matthake tiparivaṭṭadesanaṃ desessāmi, desanāpariyosāne sabbe arahattaṃ pāpuṇissanti”ti. Atha nesaṃ taṃ dhammadesanaṃ desento **antamidaṃ bhikkhavi**ti-ādimāha.

Tattha **antanti** pacchimaṃ lāmakam. **Yadidaṃ piṇḍolyanti** yaṃ evaṃ piṇḍapariyesanena jīvikam kappentassa jīvitam. Ayaṃ panettha padattho— piṇḍāya ulatīti piṇḍolo, piṇḍolassa kammaṃ **piṇḍolyam**, piṇḍapariyesanena nipphāditajīvitanti attho. **Abhisāpoti** akkoso. Kupitā¹ hi manussā attano paccatthikam “cīvaraṃ nivāsetvā kapālam gahetvā piṇḍam pariyesamāno carissati”ti² akkosanti. Atha vā pana “kim tuyham akātabbam atthi, yo tvam evaṃ balavā vīriyasampannopi hirottappam pahāya kapaṇo viya piṇḍolo vicarasi pattapāṇi”ti evampi akkosantiyeva. **Taṅca kho etanti** evaṃ taṃ abhisāpaṃ samānampi piṇḍolyam. **Kulaputtā upenti atthavasikā**ti mama sāsane jātikulaputtā ca ācarakulaputtā ca atthavasikā kāraṇavasikā hutvā kāraṇavasam paṭicca upenti.

Rājābhinītiti-ādīsu ye rañño santakam khāditvā raññā bandhanāgāre bandhāpitā palāyitvā³ pabbajanti, te rājābhinīti nāma. Te hi raññā bandhanaṃ abhinītattā **rājābhinīti** nāma. Ye pana corehi aṭaviyam gahetvā ekaccesu māriyamānesu⁴ ekacce “mayam sāmi tumhehi vissaṭṭhā geham anajjhāvasitvā pabbajissāma, tattha yaṃ yaṃ Buddhapūjādipuññaṃ⁵ karissāma, tato tumhākam pattim dassamā”ti tehi vissaṭṭhā⁶ pabbajanti, te **corābhinīti** nāma. Tepi hi corehi māretabbatam abhinītāti corābhinīti nāma. Ye pana iṇam gahetvā paṭidātum asakkontā palāyitvā pabbajanti, te **iṇaṭṭā** nāma, iṇapīlītāti attho. Iṇaṭṭhātipi pāṭho, iṇe ṭhitāti attho. Ye rājacorachātakarogabhayānam aññatarena abhibhūtā upaddutā pabbajanti, te **bhayaṭṭā** nāma, bhayapīlītāti attho. Bhayaṭṭhātipi pāṭho,

1. Akkositukāmā (Sī)

2. Vicarasīti (Syā)

3. Palāyitvā palāyitvā (Syā)

4. Hariyamānesu (Syā)

5. Pupphagandhapūjādipuññaṃ (Sī)

6. Tehi te vissaṭṭhā (Syā)

bhaye thitāti attho. **Ājīvikāpakatāti** ājīvikāya upaddutā abhibhūtā, puttadāraṃ posetuṃ asakkontāti attho. **Otiṇṇāmhāti** anto anupaviṭṭhā.

So ca hoti abhijjhālūti idaṃ so kulaputto “dukkhassa antaṃ karissāmi”ti-ādivasena cittaṃ uppādetvā pabbajito, aparabhāge taṃ pabbajjaṃ tathārūpaṃ kātuṃ na sakkoti, taṃ dassetuṃ vuttaṃ. Tattha **abhijjhālūti** parabhaṇḍānaṃ abhijjhāyitā. **Tibbasārāgoti** bahalarāgo. **Byāpannacittoti** pūtibhāvena vipannacitto. **Paduṭṭhamanasaṅkappoti** tikhiṇasiṅgo viya goṇo duṭṭhacitto. **Muṭṭhassatīti** bhattanikkhittakāko viya naṭṭhassati, idha kataṃ ettha nassati. **Asampajānoti** nippañño. Khandhādiparicchedarahito. **Asamāhitoti** caṇḍasote baddhanāvā viya upacārappanābhāvena asaṅghito. **Vibbhantacittoti** bandhāruḷhamago¹ viya bhantamano. **Pākatindriyoti** yathā gihī puttadhītaro olokeno asaṃvutindriyo hoti, evaṃ asaṃvutindriyo.

Chavālātanti chavānaṃ daḍḍhaṭṭhāne alātaṃ. **Ubhatopadittaṃ majjhe gūthagatanti** pamāṇena aṭṭhaṅgulamattaṃ dvīsu ṭhānesu ādittaṃ majjhe gūthamakkhitaṃ. **Neva gāmeti** sace hi taṃ yuganaṅgalagopānasipakkhapāsakādīnaṃ atthāya upanetuṃ sakkā assa, gāme kaṭṭhatthaṃ phareyya. Sace khettakuṭiyāṃ kaṭṭhatthamañcakādīnaṃ atthāya upanetuṃ sakkā, araṇṇe kaṭṭhatthaṃ phareyya. Yasmā pana ubhayathāpi na sakkā, tasmā evaṃ vuttaṃ. **Gihibhogā ca parihīnoti** yo agāre vasantehi gihīhi dāyajje bhājiyamāne bhogo² laddhabbo assa, tato ca parihīno. **Sāmaññatthañcāti** ācariyupajjhāyānaṃ ovāde ṭhatvā pariyattipaṭivedhavasena pattabbaṃ sāmaññatthañca. Imañca pana upamaṃ Satthā na dussīlassa vasena āhari, parisuddhasīlassa pana alasassa abhijjhādīhi dosehi upahatassa puggalassa imaṃ upamaṃ āhari.

Tayome bhikkhaveti kasmā āraddhaṃ? Imassa puggalassa chavālātasadisabhāvo neva mātāpitūhi kato, na ācariyupajjhāyehi, imehi pana pāpavitakkehi katoti dassanattaṃ āraddhaṃ. **Animittaṃ vā**

1. Paṅṭhāruddhāmitto (Syā)

2. Bhāgo (Sī)

samādhinti vipassanāsamādhim. So hi niccanimittādīnaṃ samugghātanena animittoti vuccati. Ettha ca cattāro satipaṭṭhānā missakā, animittasamādhi pubbabhāgo. Animittasamādhi vā missako, satipaṭṭhānā pubbabhāgāti veditabbā.

Dvemā bhikkhave diṭṭhiyoti idam pana na kevalam animittasamādhibhāvanā imesaṃyeva tiṇṇaṃ mahāvitakkānaṃ pahānāya samvattati, sassatucchadadiṭṭhīnampi pana samugghātaṃ karotīti dassanattaṃ vuttaṃ. **Na vajjavā assanti** niddoso bhaveyyaṃ. Sesamettha uttānameva, Iti Bhagavā imasmimpi sutte desanaṃ tīhi bhavehi vinivattetvā arahattena kūṭaṃ gaṇhi. Desanāvasāne pañcasatā bhikkhū saha paṭisambhidāhi arahattaṃ pāpuṇimsūti. . Aṭṭhamaṃ.

9. Pālīeyyasuttavaṇṇanā

81. Navame **cārikaṃ pakkāmīti** Kosambikānaṃ bhikkhūnaṃ kalahakāle Satthā ekadivasam Dīghītissa Kosalarañño vatthum āharitvā “na hi verena verāni, sammantīdha kudācanan”¹ti-ādīhi¹ gāthāhi ovadati. Taṃdivasaṃ tesam kalaham karontānaṃyeva ratti vibhātā. Dutiya divasepi Bhagavā tameva vatthum kathesi. Taṃdivasampi tesam kalaham karontānaṃyeva ratti vibhātā. Tatiya divasepi Bhagavā tameva vatthum kathesi. Atha nam aññataro bhikkhu evamāha “appossukko bhante Bhagavā diṭṭhadhammasukhavihāraṃ anuyutto viharatu, mayametena bhaṇḍanena kalahena viggahena vivādena paññāyissāmā”²ti. Satthā “pariyādiṇṇarūpacittā kho ime moghapurisā, na ime sakkā saññāpetun”³ti cintetvā “kiṃ mayham imehi, ekacāravāsaṃ vasissāmī”⁴ti so pātova sarīrapaṭijagganaṃ katvā Kosambiyam piṇḍāya caritvā kañcipi anāmantetvā ekova adutiyo cārikaṃ pakkāmi.

Yasmim āvuso samayeti idam thero yasmāssa ajja Bhagavā ekena bhikkhunā saddhim pakkamissati, ajja dvīhi, ajja satena, ajja sahasena, ajja ekakovāti sabbo Bhagavato cāro vidito pākaṭo paccakkho, tasmā āha.

1. Khu 1. 14 piṭṭhe.

Anupubbenāti gāmanigamapaṭipāṭiyā piṇḍāya caramāno ekacāravāsāṃ tava vasamānaṃ bhikkhuṃ passitukāmo hutvā Bālakaloṇakāragāmaṃ agamāsi. Tattha Bhaguttherassa sakalapacchābhattañceva tiyāmarattiṇca ekacāravāse ānisaṃsaṃ kathetvā punadivase tena pacchāsamaṇena piṇḍāya caritvā taṃ tattheva nivattetvā “samaggavāsāṃ vasamāne tayo kulaputte passissāmī”ti pācīnavamsamigadāyaṃ agamāsi. Tesampi sakalapacchābhattañceva tiyāmarattiṇca ekacāravāse ānisaṃsaṃ kathetvā te tattheva nivattetvā ekakova Pālileyya¹nagarābhimukho pakkamitvā anupubbena Pālileyyanagaraṃ sampatto. Tena vuttaṃ “anupubbena cārikaṃ caramāno yena pālileyyakāṃ, tadavasari”ti.

Bhaddasālamūleti Pālileyjavāsino Bhagavato dānaṃ datvā Pālileyyato avidūre rakkhitavanasaṇḍo nāma atthi, tattha Bhagavato paṇṇasālaṃ katvā “ettha vasathā”ti paṭiññaṃ kāretvā vāsayaṃsu. Bhaddasālo pana² tattheke manāpo laddhako³ sālārukkho. Bhagavā taṃ nagaraṃ upanissāya tasmīṃ vanasaṇḍe paṇṇasālasamīpe tasmīṃ rukkhamūle viharati. Tena vuttaṃ “bhaddasālamūle”ti.

Evam viharante panettha Tathāgate aññataro hatthināgo hatthinīhi hatthipotakādīhi gocarabhūmititthogāhanādīsu ubbālho yūthe ukkaṇṭhito “kiṃ me imehi hatthīhi”ti yūthaṃ pahāya manussapathaṃ gacchanto Pālileyyakavanasāṇḍe Bhagavantaṃ disvā ghaṭasahassena nibbāpitasantāpo viya nibbuto hutvā Satthu santike aṭṭhāsi. So tato paṭṭhāya Satthu vattapaṭivattaṃ karonto mukhadhovanāṃ deti, nhānodakāṃ āharati, dantakaṭṭhaṃ deti, pariveṇaṃ sammajjati, araññato madhurāni phalāphalāni āharitvā Satthuno deti. Satthā paribhogaṃ karoti.

Ekadivasāṃ Satthā rattibhāgasamanantare caṅkamitvā pāsānaphalake nisīdi. Hatthīpi avidūre ṭhāne aṭṭhāsi. Satthā pacchato oloketvā na kiñci addasa, evaṃ purato ca ubhayapassesu ca. Athassa “sukhaṃ vatāhaṃ aññatra tehi bhaṇḍanakārahehi vasāmī”ti cittaṃ uppajji. Hatthinopi “mayā nāmitasākhaṃ aññe khādantā natthī”ti-ādīni cintetvā “sukhaṃ vata

1. Pālileyya (Sī)

2. Nāma (Sī)

3. Tattheva koci nāgo bhaddako (Syā)

ekakova vasāmi, Satthu vattaṃ kātuṃ labhāmi”ti cittaṃ uppajji. Satthā attano cittaṃ oloketvā “mama tāva īdisaṃ cittaṃ, kīdisaṃ nu kho hatthissā”ti tassāpi tādisameva disvā “sameti no cittaṃ”ti imaraṃ udānaṃ udānesi—

“Etaṃ nāgassa nāgena, īsādantassa hatthino.

Sameti cittaṃ cittena, yadeko ramatī vane”ti¹.

Atha kho sambahulā bhikkhūti atha evaṃ Tathāgate tattha viharante pañcasatā disāsu vassaṃvutthā bhikkhū. **Yenā yasmā Ānandoti** “Satthā kira bhikkhusaṅghaṃ paṇāmetvā araṇṇaṃ pavitṭho”ti attano dhammatāya Satthu santikaṃ gantuṃ asakkontā yenāyasmā Ānando, tenupasaṅkamimsu.

Anantarā āsavānaṃ khayoti maggānantaraṃ arahattaphalaṃ.

Vicayasoti vicayena, tesam tesam dhammānaṃ sabhāvavicinanasamatthena nāṇena paricchindi tvāti attho. **Dhammoti** sāsanaḍḍhammo. Cattāro satipaṭṭhānāti-ādi ye ye koṭṭhāse paricchinditvā dhammo desito, tesam pakāsanatthāya vuttaṃ. **Samanupassanāti** diṭṭhisamanupassanā. **Saṅkhāro soti** diṭṭhisāṅkhāro so. **Tatojo so saṅkhāro**ti tato taṇhāto so saṅkhāro jāto. Taṇhāsampayuttesu cittesu catūsu cittesu esa jāyati. **Sāpi taṇhāti** sā diṭṭhisāṅkhārassa paccayabhūtā taṇhā. **Sāpi vedanāti** sā taṇhāya paccayabhūtā vedanā. **Sopi phassoti** so vedanāya paccayo avijjāsamphasso. **Sāpi avijjāti** sā phassasampayuttā avijjā.

No cassaṃ, no ca me siyāti sace ahaṃ na bhavēyyaṃ, mama pariikkhāropi na bhavēyya. **Nābhavissaṃ, na me bhavissatī**ti sace pana āyatimpī ahaṃ na bhavissāmi, evaṃ mama pariikkhāropi na bhavissati. Etake ṭhāne Bhagavā tena bhikkhunā gahitagahitadiṭṭhiṃ² vissajjāpento āgato puggalajjhāsayenapi desanāvilāsenapi. **Tatojo so saṅkhāro**ti taṇhāsampayuttacitte vicikicchāva natthi, kathaṃ vicikicchāsāṅkhāro taṇhāto jāyatīti? Appahīnattā. Yassa³ hi taṇhāya appahīnāya

1. Vi 3. 500 piṭṭhe.

2. Gahitaṃ diṭṭhiṃ (Ka)

3. Yassā (Syā)

so uppajjati, taṃ sandhāyetaṃ vuttaṃ. Diṭṭhiyāpi eśeva nayo labbhatiyeva. Catūsu hi cittuppādesu sampayuttadiṭṭhi nāma natthi. Yasmā pana taṇhāya appahīnattā sā uppajjati, tasmā taṃ sandhāya tatrāpi ayamatto yujjati. Iti imasmiṃ sutte tevīsatiyā ṭhānesu arahattaṃ pāpetvā vipassanā kathitā. . Navamaṃ.

10. Puṇṇamasuttavaṇṇanā

82. Dasame **tadahuposatheti**-ādi Pavāraṇasutte vitthāritameva.

Kiñcideva desanti kiñci kāraṇaṃ. **Sake āsane nisīditvā puccha** **yadākaṅkhasīti** kasmā evamāha? So kira bhikkhu pañcasatabhikkhuparivāro. Ācariye pana ṭhitake pucchante sace te bhikkhū nisīdanti, Satthari gāraṇaṃ kataṃ hoti, ācariye agāraṇaṃ. Sace uṭṭhahanti, ācariye gāraṇaṃ kataṃ hoti, Satthari agāraṇaṃ. Iti nesam cittaṃ anekaggaṃ bhavissati, desanaṃ sampaṭicchituṃ na sakkhissanti. Tasmim pana nisīditvā pucchante tesam cittaṃ ekaggaṃ bhavissati, desanaṃ sampaṭicchituṃ sakkhissantīti ṇātvā Bhagavā evamāha. **Ime nu kho bhanteti** ayam thero pañcannaṃ bhikkhusatānaṃ ācariyo, pañcakkhandhamattampi nappajānātīti na vattabbo. Pañhaṃ pucchantena pana “ime pañcupādānakkhandhā, na aññe”ti evaṃ jānantena viya hutvā pucchituṃ na vaṭṭati, tasmā ajānanto viya pucchati. Tepi cassa antevāsikā “amhākaṃ ācariyo ‘ahaṃ jānāmī’ti na katheti, sabbaññutaññāṇena pana saddhiṃ saṃsanditvāva kathetī”ti sotabbaṃ saddhātappaṃ maññissantītipi ajānanto viya pucchati.

Chandamūlakāti taṇhāchandamūlakā. **Na kho bhikkhu taññeva upādānaṃ te pañcupādānakkhandhāti** yasmā chandarāgamattaṃ pañcakkhandhā na hoti, tasmā idaṃ vuttaṃ. Yasmā pana sahaṃjātato vā ārammaṇato vā khandhe muñcitvā upādānaṃ natthi, tasmā **nāpi aññatra pañcahi upādānakkhandhehi upādānanti** vuttaṃ. Taṇhāsampayuttasmiṃ hi citte vattamāne taṃcittasamuṭṭhānarūpaṃ rūpakkhandho, ṭhapetvā taṃ taṇhaṃ sesā arūpadhammā cattāro khandhāti sahaṃjātato vā khandhe muñcitvā upādānaṃ natthi. Upādānassa pana rūpādīsu aññataraṃ ārammaṇaṃ katvā uppajjanato ārammaṇatopi pañcakkhandhe muñcitvā upādānaṃ natthi. **Chandarāgavemattatāti** chandarāganānattaṃ. **Evaṃ kho bhikkhūti** evaṃ rūpārammaṇassa

chandarāgassa vedanādisu aññatarāṃ ārammaṇaṃ akaraṇato siya chandarāgavemattatā. **Khandhādhivacananti** khandhāti¹ ayaṃ paññatti. Ayaṃ pana anusandhi na ghaṭṭiyati, kiñcāpi na ghaṭṭiyati, sānusandhikāva pucchā, sānusandhikaṃ vissajjanaṃ. Ayaṃ hi thero tesāṃ tesāṃ bhikkhūnaṃ ajjhāsayena pucchati, Satthāpi tesāṃ tesāṃ ajjhāsayeneva vissajjeti. Sesāṃ sabbattha uttānameva. . Dasamaṃ.

Imassa ca pana vaggassa ekekasmim sutte pañcasatā pañcasatā bhikkhū arahattaṃ pattāti.

Khajjanīyavaggo tatiyo.

(9) 4. Theravagga

1. Ānandasuttavaṇṇanā

83. Theravaggassa paṭhame **Mantāniputtoti**² Mantāṇiyā nāma brāhmaṇiyā putto. **Upādāyāti** āgama ārabha sandhāya paṭicca. **Asmīti hoti**ti asmīti evaṃ pavattaṃ taṇhāmānadiṭṭhipapañcattayaṃ hoti. **Daharoti** taruṇo. **Yuvāti** yobbanena samannāgato. **Maṇḍanakajātikoti** maṇḍanakasabhāvo maṇḍanakasīlo. **Mukhanimittanti** mukhapaṭibimbaṃ. Taṃ hi parisuddhaṃ ādāsamaṇḍalaṃ paṭicca paññāyati. Kim pana taṃ olokayato sakamukhaṃ paññāyati, paramukhanti? Yadi sakaṃ bhaveyya, parammukhaṃ hutvā paññāyeyya. Atha parassa bhaveyya, vaṇṇādīhi asadisāṃ hutvā paññāyeyya. Tasmā na taṃ attano, na parassa, ādāsāṃ pana nissāya nibhāsarūpaṃ nāma taṃ paññāyatīti vadanti. Atha yaṃ udake paññāyati, taṃ kena kāraṇenāti? Mahābhūtānaṃ visuddhatāya. **Dhammo me abhisamitoti**³ mayā nāṇena catusaccadhammo abhisamāgato⁴, sotāpannosmi jātoti kathesi. . Paṭhamaṃ.

1. Khandhānaṃ (Sī)

3. Abhisametoti (Sī, Syā)

2. Mantāniputtoti (Syā)

4. Abhisammato (Ka)

2. Tissasuttavaṇṇanā

84. Dutiye **madhurakajāto viyāti** sañjātagarubhāvo viya akammañño. **Disāpi meti** ayam puratthimā ayam dakkhiṇāti evaṃ disāpi mayham na pakkhāyanti, na pākaṭā hontīti vadati. **Dhammāpi maṃ na paṭibhantīti** pariyaṭṭidhammāpi mayham na upaṭṭhahanti, uggahitaṃ sajjhāyitaṃ na dissatīti vadati. **Vicikicchāti** no mahāvicikicchā. Na hi tassa “sāsanam niyyānikaṃ nu kho, na nu kho”ti vimati uppajjati. Evaṃ panassa hoti “sakkhissāmi nu kho samaṇadhammaṃ kātuṃ, udāhu pattacīvaradhāraṇamattameva karissāmi”ti.

Kāmānametaṃ adhivacananti yathā hi ninnam pallalam olokentassa dassanarāmaṇeyyakamattaṃ atthi¹, yo panettha otarati, taṃ caṇḍamīnākulatāya ākaḍḍhitvā anayabyasanaṃ pāpeti, evamevaṃ pañcasu kāmaguṇesu cakkhudvārādīnaṃ ārammaṇe rāmaṇeyyakamattaṃ atthi¹, yo panettha gedham āpajjati, taṃ ākaḍḍhitvā nirayādīsu eva pakkhipanti. Appassādā hi kāmā bahudukkhā bahupāyāsā, ādīnavo ettha bhiiyoti imaṃ atthavaṣaṃ paṭicca “kāmānametaṃ adhivacanan”ti vuttaṃ.

Ahamanuggahenāti aham dhammāmisānuggahehi anuggaṇhāmi.

Abhinandīti sampaṭicca. Na kevalaṅca abhinandi, imaṃ pana Satthu santikā assāsaṃ labhitvā ghaṭento vāyamanto katipāhena arahatte paṭiṭṭhāsi. .

Dutiyaṃ.

3. Yamakasuttavaṇṇanā

85. Tatiye **diṭṭhigatanti** sace hissa evaṃ bhaveyya “saṅkhārā uppajjanti ceva nurujjhanti ca, saṅkhārappavattameva appavattaṃ hoti”ti, diṭṭhigataṃ nāma na bhaveyya, sāsanāvacarikaṃ ñāṇaṃ bhaveyya. Yasmā panassa “satto ucchijjati vinassati”ti ahosi, tasmā diṭṭhigataṃ nāma jātaṃ. **Thāmasā parāmāsāti** diṭṭhithāmena ceva diṭṭhiparāmāsena ca.

Yenāyasmā Sāriputtoti yathā nāma paccante kupite taṃ vūpasametaṃ asakkontā rājapurisā senāpatissa vā rañño vā santikaṃ gacchanti, evaṃ diṭṭhigatavasena tasmim there kupite taṃ vūpasametaṃ asakkontā te bhikkhū yena Dhammarājassa Dhammasenāpati āyasmā

1. Natthi (Sī)

Sāriputto, tenupasaṅkamimsu. **Evambyākhoti** tesaṃ bhikkhūnaṃ santike viya therassa sammukhā paggayha vattuṃ asakkonto olambantena hadayena “evambyākho”ti āha. **Taṃ kiṃ maññasi āvusoti** idaṃ thero tassa vacanaṃ sutvā “nāyaṃ attano laddhiyaṃ dosaṃ passati, dhammadesanāya assa taṃ pākaṭaṃ karissāmi”ti cintetvā tiparivaṭṭaṃ desanaṃ desetum ārabhi.

Taṃ kiṃ maññasi āvuso yamaka, rūpaṃ Tathāgatoti idaṃ kasmā āraddhaṃ? Anuyogavattaṃ dāpanatthaṃ¹. Tiparivaṭṭadesanāvasānasmim hi thero sotāpanno jāto. Atha naṃ anuyogavattaṃ dāpetum² “taṃ kiṃ maññasi”ti-ādimāha. **Tathāgatoti** satto. Rūpaṃ vedanā saññā saṅkhārā viññāṇanti ime pañcakkhandhe sampiṇḍetvā “Tathāgato”ti samanupassasīti pucchati. **Ettha ca te āvusoti** idaṃ therassa anuyoge bhummaṃ. Idaṃ vuttaṃ hoti—ettha ca te ettake ṭhāne diṭṭheva dhamme saccato thirato satte anupalabbhiyamāneti. **Sace taṃ āvusoti** idametam aññaṃ byākarāpetukāmo pucchati. **Yaṃ dukkhaṃ taṃ niruddhanti** yaṃ dukkhaṃ, tadeva niruddhaṃ, añño satto nirujjhanako nāma natthi, evaṃ byākareyyanti attho.

Etasseva atthassāti etassa paṭhamamaggassa. **Bhiyyoso mattāya ñāṇāyāti** atirekappamaṇassa ñāṇassa atthāya, sahavipassanakānaṃ upari ca tiṇṇaṃ maggānaṃ āvibhāvattāyāti attho. **Ārakkhasampannoti** anto-ārakkhena ceva bahi-ārakkhena ca samannāgato. **Ayogakkhemakāmoti** catūhi yogehi khemabhāvaṃ anicchanto. **Pasayhāti** pasayhitvā abhibhavivā. **Anupakhajjāti** anupavisitvā.

Pubbuṭṭhāyīti-ādīsu dūratova āgacchantam disvā āsanato paṭhamataram vūṭṭhātīti **pubbuṭṭhāyī**. Tassa āsanaṃ datvā tasmim nisinne pacchā nipatati nisīdatīti **pacchānipātī**. Pātova vūṭṭhāya “ettakā kasitum gacchatha, ettakā vapitun”ti vā sabbapaṭhamam vūṭṭhātīti **pubbuṭṭhāyī**. Sāyaṃ sabbesu attano attano vasanaṭṭhānaṃ gatesu gehassa samantato ārakkhaṃ samvidhāya dvārāni thaketvā sabbapacchā nipajjanatopi **pacchānipātī**. “Kiṃ

1. Anuyogavattapāpanatthaṃ (Syā)

2. Pāpetum (Syā)

karomi ayyaputta, kiṃ karomi ayyaputtā”ti mukhaṃ olokento kiṃkāraṃ paṭisāvetīti **kiṃkārapaṭissāvī**. Manāpaṃ caratīti **manāpacārī**. Piyam vadatīti **piyavādī**. **Mittatopi nam saddaheyyāti** mitto me ayanti saddaheyya. **Vissāsam āpajjeyyāti** ekato pānabhojanādiṃ karonto vissāsiko bhaveyya. **Saṃvissatthoti** suṭṭhu vissattho.

Evameva khoti ettha idaṃ opammasaṃsandanaṃ—bālagahapatiputto viya hi vaṭṭasannissitakāle assutavā puthujjano, vadhakapaccāmitto viya abaladubbala pañcakkhandhā, vadhakapaccāmittassa “bālagahapatiputtaṃ upaṭṭhahissāmī”ti upagatakālo viya paṭisandhikkhaṇe upagatā pañcakkhandhā, tassa hi “na me ayaṃ saḥāyo, vadhakapaccatthiko ayan”ti ajānanakālo viya vaṭṭanissitaputhujjanassa pañcakkhandhe “na ime mayhan”ti agahetvā “mama rūpaṃ, mama vedanā, mama saññā, mama saṅkhārā, mama viññānaṃ”ti gahitakālo, vadhakapaccatthikassa “mitto me ayan”ti gahetvā sakkārakaraṇakālo viya “mama ime”ti gahetvā pañcannaṃ khandhānaṃ nhāpanabhojanādīhi¹ sakkārakaraṇakālo, “ativissattho² me ayan”ti ñatvā sakkāraṃ karontasseva asinā sīsacchindanaṃ viya vissatthassa bālaputhujjanassa tikhiṇehi bhijjamānehi khandhehi jīvitapariyādānaṃ veditabbaṃ.

Upetīti upagacchati. **Upādiyatīti** gaṇhāti. **Adhiṭṭhātīti** adhiṭṭhāti. **Attā meti** ayaṃ me attāti. **Sutavā ca kho āvuso ariyasāvako**ti yathā pana paṇḍito gahapatiputto evaṃ upagataṃ paccatthikaṃ “paccatthiko me ayan”ti ñatvā appamatto tāni tāni kammāni kāretvā anattaṃ pariharati, atthaṃ pāpuṇāti, evaṃ sutavā ariyasāvakopi “na rūpaṃ attato samanupassatī”ti-ādinā nayena pañcakkhandhe ahanti vā mamanti vā agahetvā “paccatthikā me ete”ti ñatvā rūpasattaka-arūpasattakādivasena vipassanāya yojetvāva tatonidānaṃ dukkhaṃ parivajjetvā aggaphalaṃ arahattaṃ pāpuṇāti. Sesamettha uttānameva. . Tatiyaṃ.

4. Anurādhasuttavaṇṇanā

86. Catutthe **araññakuṭikāyanti** tasseva vihārassa paccante paṇṇasālāyaṃ. **Taṃ Tathāgatoti** tumhākaṃ Satthā Tathāgato taṃ

1. Pānabhojanadīhi (Sī)

2. Ativiya saṃvissattho (Syā)

sattaṃ Tathāgataṃ. **Aññatra imehīti** tassa kira evaṃ ahosi “ime sāsanaṃ paṭipakkhā paṭivilomā, yathā ime bhaṇanti, na evaṃ Satthā paññāpessati, aññathā paññāpessati”ti. Tasmā evamāha. **Evam vutte te aññatitthiyāti** evaṃ therena attano ca paresaṅca samayaṃ ajānitvā vutte ekedesena sāsanasamayaṃ jānantā therassa vāde dosaṃ dātukāma te aññatitthiyā paribbājakā āyasmantaṃ Anurādhaṃ etadavocum.

Taṃ kiṃ maññasi anurādhāti Satthā tassa katham sutvā cintesi “ayaṃ bhikkhu attano laddhiyaṃ dosaṃ na jānāti, kāraṇaṃ panesa yuttayogo, dhammadesanāya eva naṃ jānāpessamī”ti tiparivaṭṭam desanaṃ desetukāmo “taṃ kiṃ maññasi Anurādhā”ti-ādimāha. Athassa tāya desanāya arahattappattassa anuyogavattam āropento **taṃ kiṃ maññasi Anurādha, rūpaṃ Tathāgatoti-ādimāha. Dukkhañceva paññapemi, dukkhassa ca nirodhanti** vaṭṭadukkhañceva vaṭṭadukkhassa ca nirodham nibbānaṃ paññapemi. Dukkham vā vacanena dukkhasaccaṃ gahitaṃ. Tasmim gahite samudayasaccaṃ gahitameva hoti tassa mūlattā. Nirodhanti vacanena nirodhasaccaṃ gahitaṃ. Tasmim gahite maggasaccaṃ gahitameva hoti tassa upāyattā. Iti pubbe cāham Anurādha etarahi ca catusaccameva paññapemīti dasseti. Evam imasmim sutte vaṭṭavivaṭṭameva kathitaṃ. . Catuttham.

5. Vakkalisuttavaṇṇanā

87. Pañcame **kumbhākāranivesaneti** kumbhākārasālāyaṃ. Thero kira vutthavasso pavāretvā Bhagavantaṃ dassanāya āgacchati. Tassa nagaramajjhe mahā-ābādhō uppajji, pādā na vahanti. Atha naṃ mañcakasivikāya kumbhākārasālāṃ āharimsu. Sā ca sālā tesam kammaṣālā, na nivasanasālā. Taṃ sandhāya vuttam “kumbhākāranivesane viharatī”ti. **Bāḷhagilānoti** adhimattagilāno. **Samadhosi**ti samantato adhosi, calanākārena apacim dassesi. Vattam¹ kiretam bāḷhagilānenapi vuḍḍhataram disvā uṭṭhānākārena apaciti dassetabbā. Tena pana “mā cali mā cali”ti vattabbo. **Santimāni āsanānīti** Buddhakālasmiñhi ekassapi

1. Yuttam (Sī), vuttam (Ka)

bhikkhuno vasanaṭṭhāne “sace Satthā āgacchissati, idha nisīdissati”ti āsanam paññattameva hoti antamaso phalakamattampi paṇṇasanthāramattampi. **Khamanīyaṃ yāpanīyanti** kaccidukkham khamitum iriyāpatham vā yāpetum sakkāti pucchati. **Paṭikkamantīti** nivattanti. **Abhikkamantīti** adhigacchanti. **Paṭikkamosānanti** paṭikkamo etāsam. **Sīlato na upavadatīti** sīlam ārabha sīlabhāvena na upavadati. **Cirapaṭikāhanti** cirarpaṭiko aham, cirato paṭṭhāya ahanti attho. **Pūtikāyenāti** attano suvaṇṇavaṇṇampi kāyaṃ Bhagavā dhuvapaggharaṇaṭṭhena evamāha. **Yo kho Vakkali dhammanti** idha Bhagavā “dhammakāyo kho mahārāja Tathāgato”ti vuttam dhammakāyatham dasseti. Navavidho hi lokuttaradhammo Tathāgatassa kāyo nāma.

Idāni therassa tiparivaṭṭadhammadesanam ārabhanto **taṃ kim maññasīti**–ādimāha. **Kāḷasilāti** Kāḷasilāvihāro. **Vimokkhāyāti** maggavimokkhatthāya. **Suvimutto vimuccissatīti** arahattaphalavimuttiyā vimutto hutvā vimuccissati. Tā kira devatā “yena nīharena iminā vipassanā āraddhā, anantarāyena arahattam pāpuṇissati”ti ñatvā evamāhamso. **Apāpakanti** alāmakam. **Sattham āhasesīti** thero kira adhimāniko ahosi. So samādhivipassanāhi vikkhambhitānam kilesānam samudācāram apassanto “khīṇāsavomhī”ti saññī hutvā “kim me iminā dukkhena jīvitena, sattham āharitvā marissāmī”ti tikhiṇena satthena kaṇṭhanālam chindi. Athassa dukkhā vedanā uppajji. So tasmim khaṇe attano puthujanabhāvam ñatvā avissaṭṭhakammaṭṭhānattā sīgham mūlakammaṭṭhānam ādāya sammasantō arahattam pāpuṇitvāva kālamakāsi. Paccavekkhaṇā panassa ca katham ahosīti? Khīṇāsavassa ekūnavīsati paccavekkhaṇā na sabbāva avassam laddhabbā, tikhiṇenāpi pana asinā sīse chijjante ekaṃ dve ñāṇāni avassam uppajjanti.

Vivattakkhandhanti parivattakkhandham. **Semānanti** sayamānam. Thero kira uttānako nipanno sattham āhari. Tassa sarīram yathāṭṭhitameva ahosi. Sīsam pana dakkhiṇapassena parivattitvā aṭṭhāsi. Ariyasāvakaḥ hi yebhuyyena dakkhiṇapasseneva kalam karonti. Tenassa sarīram yathāṭṭhitameva ahosi. Sīsam pana dakkhiṇapassena parivattitvā ṭhitam. Tam sandhāya vivattakkhandho nāma jātotipi vadanti. **Dhūmayitattanti**

dhūmāyanabhāvaṃ. **Timirāyitattanti** timirāyanabhāvaṃ, dhūmavalāhakaṃ viya timiravalāhakaṃ viya cāti attho. . Pañcamaṃ.

6. Assajisuttavaṇṇanā

88. Chaṭṭhe **Kassapakārāmeti** Kassapaseṭṭhinā kārīte ārāme. **Kāyasaṅkhāreti** assāsapassāse. So hi te catutthajjhānena passambhitvā passambhitvā vihāsi. **Evam hotīti** idāni taṃ samādhiṃ appaṭilabhantassa evaṃ hoti. **No cassāhaṃ parihāyāmīti** kacci nu kho ahaṃ sāsanaṃ na parihāyāmi. Tassa kira ābādhadosena appitappitā samāpatti parihāyi, tasmā evaṃ cintesi. **Samādhisārakā samādhisāmaññāti** samādhiṃyeva sārañca sāmaññañca maññanti. Mayhaṃ pana sāsane na etaṃ sāraṃ, vipassanāmaggaṭṭhalāni sāraṃ. So tvaṃ samādhitō parihāyanto kasmā cintesi “sāsanaṃ parihāyāmī”ti evaṃ therāṃ assāsetvā idāniṃ tiparivaṭṭaṃ dhammadesanaṃ ārabhanto **taṃ kiṃ maññasīti**-ādimāha. Athassa tiparivaṭṭadesanāvasāne arahattaṃ pattassa satatavihāraṃ dassento **so sukhaṃ ce vedanaṃ vedayatīti**-ādimāha. Tattha **anabhinanditāti pajānātīti** sukhavedanāya tāva abhinandanā hotu, dukkhavedanāya kathāṃ hotīti? Dukkhaṃ patvā sukhaṃ pattheti, yadaggena sukhaṃ pattheti, tadaggena dukkhaṃ patthetiyeva. Sukhavipariṇāmena hi dukkhaṃ āgatameva hotīti evaṃ dukkha abhinandanā veditabbā. Sesāṃ pubbe vuttanayamevāti. . Chaṭṭhaṃ.

7. Khemakasuttavaṇṇanā

89. Sattame **attaniyanti** attano parikkhārajātaṃ. **Asmīti adhigatanti** asmīti evaṃ pavattā taṇhāmānā adhigatā. **Sandhāvanikāyāti** punappunaṃ gamaṇāgamaṇena. **Upasaṅkamīti** Badarikārāmato gāvutamattaṃ Ghositārāmaṃ agamāsi. Dāsakatthero pana catukkhattuṃ gamaṇāgamaṇena taṃdivasaṃ dviyojanaṃ addhānaṃ āhiṇḍi. Kasmā pana taṃ therā pahīṇiṃsu? Vissutassa dhammakathikassa santikā dhammaṃ suṇissāmāti. Sayāṃ kasmā na gatāti? Therassa vasanaṭṭhānaṃ araññaṃ sambādhaṃ, tattha saṭṭhimattānaṃ therānaṃ ṭhātuṃ vā nisīdituṃ vā okāso natthīti na gatā. “Idhāgantvā amhākaṃ dhammaṃ

kathetū”tipi kasmā pana na paṇiṃsūti? Therassa ābādhikattā. Atha kasmā punappunam paṇiṃsūti? Sayameva ñatvā amhākaṃ kathetuṃ āgamissatīti. Theropi tesam ajjhāsayaṃ ñatvāva agamāsīti.

Na khvāhaṃ āvuso rūpanti yo hi rūpameva asmīti vadati, tena itare cattāro khandhā paccakkhātā honti. Yo aññatra rūpā vadati, tena rūpam paccakkhātāṃ hoti. Vedanādīsupi eseva nayo. Therassa pana samūhato pañcasupi khandhesu asmīti adhigato, tasmā evamāha. **Hotevāti** hotiyeva. **Anusahagatoti** sukhumo. **Ūseti** chārikākhāre. **Khāreti** ūsakhāre. **Sammadditvāti** temetvā khādetvā¹.

Evameva khoti ettha idaṃ opammasamsandanam—kiliṭṭhavattham viya hi puthujjanassa cittācāro, tayo khārā viya tisso anupassanā, tīhi khārehi dhotavattham viya desanāya madditvā ṭhito anāgāmino cittācāro, anusahagato ūsādigandho viya arahattamaggavajjhā kilesā, gandhakarāṇḍako viya arahattamaggañāṇam, gandhakarāṇḍakaṃ āgamma anusahagatānam ūsagandhādīnam samugghāto viya arahattamaggena sabbakilesakkhayo, gandhaparibhāvitavattam nivāsetvā chaṇadivase antaravīthiyam sugandhagandhino vicaraṇam viya khīṇāsavassa silagandhādīhi dasa disā upavāyantassa yathākāmacāro.

Ācikkhitunti kathetuṃ. **Desetunti** pakāsetuṃ. **Paññāpetunti** jānāpetuṃ. **Paṭṭhapetunti** patitṭhāpetuṃ. **Vivaritunti** vivaṭam kātuṃ. **Vibhajitunti** suvibhattam kātuṃ. **Uttānikātunti** uttānakaṃ kātuṃ. **Saṭṭhimattānam therānanti** te kira therena kathitakathitaṭṭhāne vipassanam paṭṭhapetvā uparūpari sammasantā desanāpariyosāne arahattam pāpuṇimsu. Theropi aññena nīhārena akathetvā vipassanāsahagatacitteneva kathesi. Tasmā sopi arahattam pāpuṇi. Tena vuttam “saṭṭhimattānam therānam bhikkhūnam anupādāya āsavehi cittāni vumuccimsu āyasmato Khemakassa cā”ti. . Sattamaṃ.

1. Khāretvā (Sī), kilenētvā (Syā)

8. Channasuttavaṇṇanā

90. Aṭṭhame āyasmā Channoti Tathāgatena saddhim ekadivase jāto mahābhinnikkhamanadivase saddhim nikkhamitvā puna aparabhāge Satthu santike pabbajitvā “amhākaṃ Buddho amhākaṃ dhammo”ti evaṃ makkhī ceva paḷāsī ca hutvā sabrahmacārīnaṃ pharusavācāya saṃghaṭṭanaṃ karonto thero. **Avāpuraṇaṃ ādāyāti** kuñcikaṃ gahetvā. **Vihārena vihāraṃ upasaṅkamitvāti** ekaṃ vihāraṃ pavisitvā tato aññaṃ, tato aññanti evaṃ tena tena vihārena taṃ taṃ vihāraṃ upasaṅkamitvā. **Etadavoca ovadantu manti** kasmā evaṃ mahantena ussāhena tattha tattha gantvā etaṃ avocāti? Uppannasaṃvegatāya. Tassa hi parinibbute Satthari dhammasaṅgāhakattherehi pesito āyasmā Ānando Kosambim gantvā brahmadaṇḍaṃ adāsi. So dinne brahmadaṇḍe sañjātapariḷāho visaññībhūto patitvā puna saññaṃ labhitvā vuṭṭhāya ekassa bhikkhuno santikaṃ gato, so tena saddhim kiñci na kathesi. Aññaṃsa santikaṃ agamāsi, sopi na kathesīti evaṃ sakalavihāraṃ vicaritvā nibbinno pattacīvaraṃ ādāya Bārāṇasim gantvā uppannasaṃvego tattha tattha gantvā evaṃ avoca.

Sabbe saṅkhārā aniccāti sabbe tebhūmakasaṅkhārā aniccā. **Sabbe dhammā anattāti** sabbe catubhūmakadhammā anattā. Iti sabbepi te bhikkhū therāṃ ovadantā aniccalakkhaṇaṃ anattalakkhaṇanti dveva lakkhaṇāni kathetvā dukkhalakkhaṇaṃ na kathayimsu. Kasmā? Evaṃ kira nesāṃ ahosi “ayaṃ bhikkhu vādī dukkhalakkhaṇe paññāpiyamāne rūpaṃ dukkhaṃ -pa-viññāṇaṃ dukkhaṃ, maggo dukkho, phalaṃ dukkhanti ‘tumhe dukkhappattā bhikkhū nāmā’ti gahaṇaṃ gaṇheyya, yathā gahaṇaṃ gahetuṃ na sakkoti, evaṃ niddosamevassa katvā kathessāmā”ti dveva lakkhaṇāni kathayimsu.

Paritassanā upādānaṃ uppajjatiti paritassanā ca upādānaṃca uppajjati. **Paccudāvattati mānaṃ, atha ko carahi me attāti** yadi rūpādīsu ekopi anattā, atha ko nāma¹ me attāti evaṃ paṭinivattati “mayhaṃ mānaṃ”ti. Ayaṃ kira thero paccaye apariggahetvā vipassanaṃ paṭṭhapesi, sāssa² dubbalavipassanā attagāhaṃ pariyādātuṃ asakkuṇantī saṅkhāresu

1. Ko nukho (Sī)

2. Sāyaṃ (Sī, Ka)

suññato upaṭṭhahantesu “ucchijjissāmi vinassissāmi”ti ucchedadiṭṭhiyā ceva paritassanāya ca¹ paccayo ahosi. So ca attānaṃ papāte papatantaṃ viya disvā “paritassanā upādānaṃ uppajjati, paccudāvattati mānaṃ, atha ko carahi me attā”ti āha. **Na kho panevaṃ dhammaṃ passato hotīti** catusaccadhammaṃ passantassa evaṃ na hoti. **Tāvaticā vissatṭhīti**² tattako vissāso. **Sammukhā metanti** thero tassa vacanaṃ sutvā “kīdisā nu kho imassa dhammadesanā sappāyā”ti cinto Tepiṭakaṃ Buddhavacanaṃ vicinitvā Kaccānasuttaṃ³ addasa “idaṃ āditova diṭṭhiviniveṭhanaṃ katvā majjhe Buddhabalaṃ dīpetvā saṃhasukhumapaccayākāraṃ pakāsayamānaṃ gataṃ⁴, idamassa desessāmi”ti taṃ dassento “sammukhā metan”ti-ādimāha. . Aṭṭhamaṃ.

9-10. Rāhulasuttādivaṇṇanā

91-92. Navamadasamāni Rāhulasamyutte⁵ vuttatthāneva. Kevalaṃ hetāni ayaṃ theravaggoṭi katvā idhāgatānīti⁶. . Navamadasamāni.

Theravaggo catuttho.

(10) 5. Pupphavagga

1. Nadīsuttavaṇṇanā

93. Pupphavaggassa paṭhame **pabbateyyāti** pabbate pavattā. **Ohārinīti** sote patitapatitāni tiṇapaṇṇakaṭṭhādīni heṭṭhāhārinī. **Dūraṅgamāti** nikkhantaṭṭhānato paṭṭhāya catupañcayojanasatagāminī. **Sīghasotāti** caṇḍasotā. **Kāsāti**-ādīni sabbāni tiṇajātāni. **Rukkhāti** eraṇḍādayo dubbalarukkhā. **Te naṃ ajjholambeyyunti** te tīre jātāpi onamitvā aggehi udakaṃ phusantehi adhi-olambeyyūṃ, upari lambeyyunti attho. **Palujjeyyunti** samūlamattikāya saddhiṃ sīse pateyyūṃ. So tehi ajjhotthaṭṭho vālukamattikodakehi mukhaṃ pavisantehi mahāvināsaṃ pāpuṇeyya.

1. Paritāsassa ca (Ka)

4. Vuttaṃ (Syā)

2. Vissatṭhīti (Ṭikā)

5. Saṃ 1. 439 piṭṭhe.

3. Saṃ 1. 257 piṭṭhe.

6. Idhānītānīti (Sī)

Evameva khoti ettha sote patitapuriso viya vaṭṭasannissito¹ bālaputhujjano daṭṭhabbo, ubhatotīre kāsādayo viya dubbalapañcakkhandhā, “ime gahitāpi maṃ tāretum² na sakkhissanti”ti tassa purisassa ajānitvā gahaṇaṃ viya ime khandhā “na mayhaṃ sahāyā”ti bālaputhujanassa ajānitvā catūhi gāhehi gahaṇaṃ, gahitagahitānaṃ palujjanattā³ purisassa byasanappatti viya catūhi gāhehi gahitānaṃ khandhānaṃ vipariṇāme bālaputhujanassa sokādibyanappatti veditabbā. . Paṭhamam.

2. Pupphasuttavaṇṇanā

94. Dutiye **vivadati** “aniccaṃ dukkhaṃ anattā asubhan”ti yathāsabhāvena vadantena saddhiṃ “niccaṃ sukhaṃ attā subhan”ti vadanto vivadati. **Lokadhammoti** khandhapañcakaṃ. Tam hi lujjanasabhāvattā lokadhammoti vuccati. **Kinti karomīti** kathaṃ karomi. Mayhaṃ hi paṭipattikathanameva bhāro, paṭipattipūraṇaṃ pana kulaputtānaṃ bhāroti dasseti. Imasmim sutte tayo lokā kathithā. “Nāhaṃ bhikkhave lokenā”ti ettha hi sattaloko kathito, “atthi bhikkhave loke lokadhammo”ti ettha saṅkhāraloko, “Tathāgato loke jāto loke saṃvaḍḍho”ti ettha okāsaloko kathito. . Dutiyaṃ.

3. Pheṇapiṇḍūpamasuttavaṇṇanā

95. Tatiye **Gaṅgāya nadiyā tīreti** ayujjhapuravāsino aparimāṇabhikkhuparivāraṃ cārikaṃ caramānaṃ Tathāgataṃ attano nagaraṃ sampattaṃ disvā ekasmim Gaṅgāya nivattanaṭṭhāne mahāvanasaṇḍamaṇḍitappadese Satthu vihāraṃ katvā adaṃsu. Bhagavā tattha viharati. Tam sandhāya vuttaṃ “Gaṅgāya nadiyā tīre”ti. **Tatra kho Bhagavā bhikkhū āmantesīti** tasmim vihāre vasanto Bhagavā sāyanhasamayaṃ Gandhakuṭṭito nikkhamitvā Gaṅgātīre paññattavarabuddhāsane nisinno Gaṅgāya nadiyā āgacchantaṃ mahantaṃ pheṇapiṇḍaṃ disvā “mama sāsane pañcakkhandhanissitaṃ⁴ ekaṃ dhammaṃ kathessāmi”ti cintetvā parivāretvā nisinne bhikkhū āmantesi.

1. Vaṭṭajalasannissito (Ka)

2. Patāretum (Si, Ka)

3. Palujjanatāya (Si), paluttattā (Syā)

4. Paccakkhanissitaṃ (Ka)

Mahantaṃ pheṇapiṇḍanti uṭṭhānuṭṭhāne badarapakkappamāṇato¹ paṭṭhāya anusotāgamanena² anupubbena pavaḍḍhitvā pabbatakūṭamattaṃ jātaṃ, yattha udakasappādayo anekapāṇayo nivasanti, evarūpaṃ mahantaṃ pheṇapiṇḍaṃ. **Āvaheyyāti** āhareyya. So panāyaṃ pheṇapiṇḍo uṭṭhitaṭṭhānepi bhijjati, thokaṃ gantvāpi, ekadvijojanādivasena dūraṃ gantvāpi, antarā pana abhijjantopi mahāsamuddaṃ patvā avassameva bhijjati. **Nijjhāyeyyāti** olokeyya. **Yoniso upaparikkheyyāti** kāraṇena upaparikkheyya. **Kiṃ hi siyā bhikkhave pheṇapiṇḍe sāroti** bhikkhave pheṇapiṇḍamhisāro nāma kiṃ bhaveyya, vilīyitvā viddhamseyyeva.

Evameva khoti yathā pheṇapiṇḍā nissāro, evaṃ rūpampi niccasārādhavasāra-attasāravirahena nissārameva. Yathā ca so “iminā pattāṃ vā thālakaṃ vā karissāmī”ti gahetuṃ na sakkā, gahitopi tamatthaṃ na sādheti, bhijjati eva, evaṃ rūpampi niccanti vā dhuvanti vā ahanti vā mamanti vā gahetuṃ na sakkā, gahitampi na tathā tiṭṭhati, aniccaṃ dukkhaṃ anattā asubhaññaeva hotīti evaṃ pheṇapiṇḍasadisameva hoti. Yathā vā pana pheṇapiṇḍo chiddāvachiddo anekasandhighaṭṭito bahūnaṃ udakasappādīnaṃ pāṇānaṃ āvāso, evaṃ rūpampi chiddāvachiddaṃ anekasandhighaṭṭitaṃ, kulavasenevettha asīti kimikulāni vasanti, tadeva tesāṃ sūtiḡharampi vaccaḡṭīpi gilānasālāpi susānampi, na te aññattha gantvā gabbhavuṭṭhānādīni karonti, evampi pheṇapiṇḍasadisāṃ.

Yathā ca pheṇapiṇḍo ādito badarapakkamatto hutvā anupubbena pabbatakūṭamattopi hoti, evaṃ rūpampi ādito kalalamattaṃ hutvā anupubbena byāmamattampi gomahiṃsahatthi-ādīnaṃ vasena pabbatakūṭādimattaṃ hoti macchakacchapādīnaṃ vasena anekayojanasatapamāṇampi, evampi pheṇapiṇḍasadisāṃ. Yathā ca pheṇapiṇḍo uṭṭhitamattopi bhijjati, thokaṃ gantvāpi, dūraṃ gantvāpi, samuddaṃ patvā pana avassameva bhijjati, evamevaṃ rūpampi kalalabhāvepi bhijjati abbudādibhāvepi, antarā pana abhijjamānampi vassatāyukānaṃ vassasataṃ patvā avassameva bhijjati, maraṇamukhe cuṇṇavicuṇṇaṃ hoti, evampi pheṇapiṇḍasadisāṃ.

1. Badaraṭṭhipamāṇato (Sī), badaracakkapamāṇato (Syā) 2. Anusotāgamane (Syā)

Kim hi siyā bhikkhave vedanāya sāroti-ādīsu vedanādīnam pubbuḷādīhi¹ evaṃ sadisatā veditabbā. Yathā hi pubbuḷo asāro, evaṃ vedanāpi. Yathā ca so abalo agayhūpago, na sakkā taṃ gahetvā phalakaṃ vā āsanāṃ vā kātum, gahitopi bhijjateva, evaṃ vedanāpi abalā agayhūpagā, na sakkā niccāti vā dhuvāti vā gahetum, gahitāpi na tathā tiṭṭhati, evaṃ agayhūpagatāyapi vedanā pubbuḷasadisā. Yathā pana tasmim tasmim udakabindumhi pubbuḷo uppajjati ceva bhijjati ca, na ciraṭṭhitiko hoti, evaṃ vedanāpi uppajjati ceva bhijjati ca, na ciraṭṭhitikā hoti, ekaccharakkhaṇe koṭisatasahassasaṅkhā uppajjitvā nirujjhati. Yathā ca pubbuḷo udakatalaṃ, udakabindum, udakajallaṃ², saṅkaḍḍhitvā puṭaṃ katvā gahaṇavātañcāti cattāri kāraṇāni paṭicca uppajjati, evaṃ vedanāpi vatthum ārammaṇaṃ kilesajallaṃ phassasaṃghaṭṭanañcāti cattāri kāraṇāni paṭicca uppajjati. Evampi vedanā pubbuḷasadisā.

Saññāpi asāraḷṭṭhena marīcisadisā, tathā agayhūpagaṭṭhena. Na hi sakkā taṃ gahetvā pīvitum vā nhāyitum vā bhājanam vā pūretum. Apica yathā marīci vipphandati, sañjātūmivegā viya khāyati, evaṃ nīlasaññādibhedā saññāpi nīlādi-anubhavanatthāya phandati vipphandati. Yathā ca marīci mahājanam vippalambheti, “puṇṇavāpi viya puṇṇanadī viya dissati”ti vadāpeti, evaṃ saññāpi vippalambheti, “idaṃ nīlakaṃ subhaṃ sukhaṃ niccaṃ”ti vadāpeti. Pītakādīsipi eseva nayo. Evaṃ saññā vippalambhanenāpi marīcisadisā.

Akukkukajātanti³ anto asañjātaghanadaṇḍakaṃ. Saṅkhārāpi asāraḷṭṭhena kadalikkhandhasadisā, tathā agayhūpagaṭṭhena. Yatheva hi kadalikkhandhato kiñci gahetvā na sakkā gopānasi-ādīnam atthāya upanetum, upanītampi na tathā hoti, evaṃ saṅkhārāpi na sakkā niccādivasena gahetum, gahitāpi na tathā honti. Yathā ca kadalikkhandho bahupattavaṭṭisamodhāno hoti, evaṃ saṅkhārakkhandho bahudhammasamodhāno. Yathā ca kadalikkhandho nānālakkhano. Añño yeva hi bāhirāya pattavaṭṭiyā vaṇṇo, añño tato abbhantara-abbhantarānam, evameva

1. Bubbuḷādīhi (Sī)

2. Udakajālakam (Syā), udakajallakam (Ka)

3. Akusajātanti (Sī), akukkujakajātanti (Syā)

saṅkhārakkhandhepi aññadeva phassassa lakkhaṇaṃ, aññā cetanādīnaṃ, samodhānetvā pana saṅkhārakkhandhova vuccatīti evampi saṅkhārakkhandho kadalikkhandhasadiso.

Cakkhumā purisoti maṃsacakkhunā ceva paññācakkhunā cāti dvīhi cakkhūhi cakkhumā. Maṃsacakkhumpi hissa parisuddhaṃ vaṭṭati apagatapaṭalapiḷakam, paññācakkhumpi asārabhāvadassanasamatthaṃ. Viññāṇampi asārakaṭṭhena māyāsadisam, tathā agayhūpagatṭhena. Yathā ca māyā ittarā lahupaccupaṭṭhānā, evaṃ viññāṇam. Tañhi tatopi ittaratarañceva lahupaccupaṭṭhānatarañca. Teneva¹ hi cittaena puriso āgato viya gato viya ṭhito viya nisinnō viya hoti. Aññadeva ca āgamanakāle cittaṃ, aññaṃ gamanakālādīsu. Evampi viññāṇam māyāsadisam. Māyā ca mahājanam vañceti, yaṃkiñcideva “idaṃ suvaṇṇam rajatam muttā”ti gāhāpeti, viññāṇampi mahājanam vañceti. Teneva hi cittaena āgacchantam viya gacchantam viya ṭhitam viya nisinnam viya katvā gāhāpeti, aññadeva ca āgamane cittaṃ, aññaṃ gamanādīsu. Evampi viññāṇam māyāsadisam.

Bhūripaññenāti saṅhapaññena ceva vipulavitthatapaññena ca. **Āyūti** jīvitindriyam. **Usmāti** kammajatejodhātu. **Parabhattanti** nānāvīdhānam kimigaṇādīnam bhattam hutvā. **Etādisāyam santānoti** etādisī ayam pavēṇimatakassa yāva susānā ghaṭṭiyatīti. **Māyāyam bālalāpinīti** yvāyam viññāṇakkhandho nāma, ayam bālamahājanalapāpanikamāyā nāma. **Vadhakoti** dvīhi kāraṇehi ayam khandhasaṅkhāto vadhako aññaṃaññaghātanenapi, khandhesu sati vadho paññāyatītipi. Ekā hi pathavīdhātu bhijjamānā sesadhātuyo gahetvāva bhijjati, tathā āpodhātu-ādāyo. Rūpakkhandho ca bhijjamāno arūpakkhandhe gahetvāva bhijjati, tathā arūpakkhandhesu vedanādāyo saññādike. Cattāropi cete vatthurūpanti evaṃ aññaṃaññavadhanenettha vadhakatā veditabbā. Khandhesu pana sati vadhabandhanacchedādīni sambhavanti, evaṃ etesu sati vadhabhāvotopi vadhakatā veditabbā. **Sabbasaṃyoganti** sabbam dasavidhampi saṃyojanam. **Accutam padanti** nibbānam. . Tatiyam.

4-6. Gomayapiṇḍasuttādivaṇṇanā

96-98. Catutthe **sassatisamanti** Sinerumahāpathavīcandimasūriyādīhi sassasīhi samam. **Parittam gomayapiṇḍanti** appamattakam madhukapupphappamāṇam gomayakhaṇḍam. Kuto panānenetaṃ laddhanti. Paribhaṇḍakaraṇatthāya ābhatato gahitanti eke. Atthassa pana viññāpanattham iddhiyā abhisankharitvā hatthāruḷham katanti veditabbanti. **Attabhāvapaṭilābhoti** paṭiladdha-attabhāvo. **Na yidaṃ brahmacariyavāso paññāyethā**ti ayaṃ maggabrahmacariyavāso nāma na paññāyeyya. Maggo hi tebhūmakasaṅkhāre vivaṭṭento uppajjati. Yadi ca ettako attabhāvo nicco bhaveyya, maggo uppajjitvāpi saṅkhāravatṭam vivaṭṭetuṃ na sakkuṇeyyāti brahmacariyavāso na paññāyetha.

Idāni sace koci saṅkhāro nicco bhaveyya, mayā Mahāsudassanarājakāle anubhūtā sampatti niccā bhaveyya, sāpi ca aniccāti taṃ dassetuṃ **bhūtapubbāham bhikkhu rājā** ahosinti-ādimāha. Tattha **Kusāvātīrājadhānippamukhānī**ti Kusāvātīrājadhānī tesam nagarānam pamukhā, sabbasetṭhāti attho. **Sāramayānī**ti rattacandanasāramayāni. Upadhānam pana sabbesam suttamayameva. **Gonakatthatānī**¹ caturaṅgulādhikalomena kālakojavena atthatāni, yaṃ mahāpiṭṭhiyakojavoti vadanti. **Paṭikatthatānī**ti ubhatolomena uṇṇāmayena setakambalena atthatāni. **Paṭalikatthakānī**ti ghanapupphena uṇṇāmaya-attharaṇena atthatāni. **Kadalimigapavarapaccattharaṇānī**ti kadalimigacammamayena uttamapaccattharaṇena atthatāni. Taṃ kira paccattharaṇam setavatthassa upari kadalimigacammam attharivā sibbetvā karonti. **Sa-uttaracchadānī**ti saha uttaracchadena, upari baddhena rattavitānena saddhinti attho. **Ubhatolohitakūpadhānī**ti sīsūpadhāñca pādūpadhāñcāti pallānkānam ubhatolohitakūpadhānāni. **Vejayantarathappamukhānī**ti ettha Vejayanto nāma tassa rañño ratho, yassa cakkānam indanīlamanimayā nābhi, sattaratanamayā arā, pavālamayā nemi, rajatamayo akkho, indanīlamanimayam upakkharam, rajatamayam kubbaram. So tesam rathānam pamukho aggo. **Dukūlasandānānī**ti dukūlasantharāni. **Kamsūpadhāraṇānī**ti rajatamayadohabhājanāni. **Vatthakoṭṭisahasānī**ti

1. Gonakatthatānīti (Syā)

yathārucitaṃ paribhuñjissatīti nhatvā ʒhitakāle upanītavatthāneva sandhāyetaṃ vuttaṃ. **Bhattābhīhāro**ti abhiharitabbabhattaṃ.

Yamaḥaṃ tena samayena ajjhāvasāmiti yattha vasāmi, taṃ ekaññeva nagaraṃ hoti, avasesesu puttadhītādayo ceva dāsamanussā ca vasiṃsu. Pāsādakūṭāgārādīsupi eseva nayo. Pallaṅkādisu ekaṃyeva sayāṃ paribhuñjati, sesā puttādīnaṃ paribhogā honti. Itthīsu ekāva paccupaṭṭhāti, sesā parivāramattā honti. **Velāmikā**ti khattiyassa vā brāhmaṇiyā, brāhmaṇassa vā khattiyāniyā kucchismiṃ jātā. **Paridahāmi**ti ekaṃyeva dussayugaṃ nivāsemi, sesāni parivāretvā vicarantānaṃ asītisahassādhikānaṃ soḷasannaṃ purisasatasahassānaṃ hontīti dasseti. **Bhuñjāmi**ti paramappamaṇena nāḷikodanamattaṃ bhuñjāmi, sesāni parivāretvā vicarantānaṃ cattālīsahassādhikānaṃ aṭṭhannaṃ purisasatasahassānaṃ hotīti dasseti. Ekathālipāko hi dasannaṃ janānaṃ pahoti.

Iti imaṃ Mahāsudassanakāle sampattim dassetvā idāni tassā aniccatāṃ dassento **iti kho bhikkhū**ti-ādimāha. Tattha **vipariṇatā**ti pakatijahanena nibbutapadīpo viya apanṇattikabhāvaṃ gatā. **Evam aniccā kho bhikkhu saṅkhārā**ti evaṃ hutvā-abhāvaṭṭhena aniccā. Ettāvatā Bhagavā yathā nāma puriso satahatthubbedhe campakarukha nisseṇim bandhitvā abhiruhitvā campakapupphaṃ ādāya nisseṇim muñcanto otareyya, evamevaṃ nisseṇim bandhanto viya anekavassakoṭisatasahassubbedhaṃ Mahāsudassanasampattim āruyha sampattimatthake ʒhitaṃ aniccalakkhaṇaṃ ādāya nisseṇim muñcanto viya otiṇṇo. **Evam addhuvā**ti evaṃ udakapubbuḷādayo viya dhuvabhāvarahitā. **Evam anassāsikā**ti evaṃ supinake pītapānīyaṃ viya anulittacandanaṃ viya ca assāsavirahitā. Iti imasmim sutte aniccalakkhaṇaṃ kathitaṃ. Pañcame sabbaṃ vuttanayameva. Chaṭṭhaṃ tathā bujjanakassa ajjhāsayena vuttaṃ. . Catutthādīni.

7. Gaddulabaddhasuttavaṇṇanā

99. Sattame **yaṃ mahāsamuddo**ti yasmim samaye pañcame sūriye uṭṭhite mahāsamuddo ussussati. **Dukkassa antakiriya**nti cattāri saccāni appaṭivijjhivā avijjāya nivutānaṃyeva satāṃ vaṭṭadukkassa antakiriyaṃ

paricchedam na vadāmi. **Sā gaddulabaddhoti**¹ gaddulena baddhasunakho. **Khīleti** pathaviyam ākoṭṭite mahākhīle. **Thambheti** nikhaṇṭivā ṭhapite thambhe. **Evameva khoti** ettha sunakho viya vaṭṭanissito bālo, gaddulo viya diṭṭhi, thambho viya sakkāyo, gaddularajjuyā thambhe upanibaddhasunakhassa thambhānuparivattanam viya diṭṭhitaṇhāya sakkāye baddhassa puthujjanassa sakkāyānuparivattanam veditabbam. . Sattamam.

8. Dutiyagaddulabaddhasuttavaṇṇanā

100. Aṭṭhame **tasmāti** yasmā diṭṭhigaddulanissitāya taṇhārajjuyā sakkāyathambhe upanibaddho vaṭṭanissito bālaputhujjano sabbiriyāpathesu khandhapañcakam nissāyeva pavattati, yasmā vā dīgharattamidam cittam saṅkiliṭṭham rāgena dosena mohena, tasmā. **Cittasaṅkilesāti** sunhātāpi hi sattā cittasaṅkileseneva saṅkilissanti, malaggahitasarīrāpi cittassa vodānattā visujjhanti. Tenāhu porāṇā—

“Rūpamhi saṅkiliṭṭhamhi, saṅkilissanti māṇavā.

Rūpe suddhe visujjhanti, anakkhātam mahesinā.

Cittamhi saṅkiliṭṭhamhi, saṅkilissanti māṇavā.

Citte suddhe visujjhanti, iti vuttam mahesinā”ti.

Caranam nāma cittanti vicaraṇacittam. Saṅkhā nāma brāhmaṇapāsaṇḍikā honti, te paṭakoṭṭhakam katvā tattha nānappakārā sugatiduggativasena sampattivipattiyo lekhāpetvā “imam kammam katvā idam paṭilabhati, idam katvā idam”ti dassentā tam cittam gahetvā vicaranti. **Citteneva cittanti** cittakārena cintetvā katattā cittena cintitam nāma. **Cittaññeva cittataranti** tassa cittassa upāyapariyesanacittam tatopi cittataram. **Tiracchānagatā pāṇā citteneva cittitā**² kammacitteneva cittitā³. Tam pana kammacittam ime vaṭṭakati ttirādayo “evam cittā bhavissāmā”ti āyūhantā nāma natthi. Kammam pana yonim upaneti, yonimūlako tesam cittabhāvo. Yoni-upagatā hi sattā taṃtaṃyonikehi sadisacittāva honti. Iti yonisiddho cittabhāvo, kammāsiddhā yonīti veditabbā.

1. Gaddūlabandhoti (Syā)

2. Cintitāti (Syā)

3. Cintitā (Syā), cittikatā (Ka)

apica cittaṃ nāmetaṃ sahaajātaṃ sahaajātadhammacittatāya bhūmicittatāya vatthucittatāya dvāracittatāya ārammaṇacittatāya kammanānattamūlakānaṃ¹ liṅganānattasaññānānattavohāranānattādīnaṃ anekavidhānaṃ cittaṇaṃ nipphādanatāyapi tiracchānagatacittato cittatameva² veditabbaṃ.

Rajakoti vatthesu raṅgena rūpasamuṭṭhāpanako. So pana acheke amanāpaṃ rūpaṃ karoti, cheke manāpaṃ dassanīyaṃ, evameva puthujjano akusalacittena vā ñāṇavippayuttakusalena vā cakkhusampadādivirahitaṃ virūpaṃ samuṭṭhāpeti, ñāṇasampayuttakusalena cakkhusampadādisampannaṃ abhirūpaṃ. . Aṭṭhamaṃ.

9. Vāsijaṭasuttavaṇṇanā

101. Navame **seyyathāpi bhikkhave kukkuṭiyā aṇḍānīti** imā kaṇhapakkhasukkapakkhavasena dve upamā vuttā. Tāsu kaṇhapakkha-upamā atthassa asādhikā, itarā sādhikāti. Sukkapakkha-upamāya evaṃ attho veditabbo—**seyyathāti** opammatthe nipāto, **apīti** sambhāvanatthe. Ubhayenāpi seyyathā³ nāma bhikkhaveti dasseti. **Kukkuṭiyā aṇḍāni aṭṭha vā dasa vā dvādasa vāti** ettha pana kiñcāpi kukkuṭiyā vuttappakāro unādhikānīpi aṇḍāni honti, vacanasiliṭṭhatāya pana evaṃ vuttam. Evañhi loke siliṭṭhavacanaṃ hoti. **Tānassūti** tāni assu, tāni bhaveyyunti attho. **Kukkuṭiyā sammā adhisayitānīti** tāya ca janettiyā kukkuṭiyā pakkhe pasāretvā tesam upari sayantiyā sammā adhisayitāni. **Sammā pariseditānīti** kālena kālaṃ utum gaṇhāpentiyā suṭṭhu samantato seditāni usmīkatāni. **Sammā paribhāvitānīti** kālena kālaṃ suṭṭhu samantato bhāvitāni, kukkuṭagandham gāhāpitānīti attho. **Kiñcāpi tassā kukkuṭiyāti** tassā kukkuṭiyā iminā tividhakiriyākaraṇena appamādaṃ katvā kiñcāpi na evaṃ icchā uppajjeyya. **Atha kho bhābbāva teti** atha kho te kukkuṭapotakā vuttanayena sotthinā abhinibbhijjituṃ bhābbāva. Te hi yasmā tāya kukkuṭiyā evaṃ tihākārehi tāni aṇḍāni paripāliyamānāni na

1. Kammanānattaṃ, kammanānattatāya kammanānattamūlakānaṃ (Sī)

2. Cittaṃ cittatameva (Sī)

3. Seyyathāpi (Sī, Syā)

pūtīni honti, yo nesam allasineho, sopi pariyādānam gacchati, kapālam tanukam hoti, pādanakhasikhā ca mukhatuṇḍakañca kharam hoti, sayampi pariṇāmam gacchanti, kapālassa tanuttā bahi āloko anto paññāyati, tasmā “ciram vata mayam saṅkuṭītahatthapādā sambādhe sayimhā, ayañca bahi āloko dissati, ettha dāni no sukhavihāro bhavissati”ti nikkhamitukāmā hutvā kapālam pādena paharanti, gīvam pasārenti, tato tam kapālam dvedhā bhijjati. Atha te pakkhe vidhunantā tamkhaṇānurūpaṃ viravantā nikkhamantiyeva, nikkhamitvā ca gāmakkhetaṃ upasobhayamāna vicaranti.

Evameva khoti idam opammasampañipādanam. Tam evam atthena samsanditvā veditabbam—tassā kukkuṭiyā aṇḍesu tividhakiriyākaraṇam viya hi imassa bhikkhuno bhāvanānuyogam anuyuttakālo, kukkuṭiyā tividhakiriyāsampādanena aṇḍānam apūtibhāvo viya bhāvanānuyogamanuyuttassa bhikkhuno tividhānupassanāsampādanena vipassanāñāṇassa aparihāni, tassā tividhakiriyākaraṇena allasinehpariyādānam viya tassa bhikkhuno tividhānupassanāsampādanena bhavattayānugatanikantisinehpariyādānam, aṇḍakapālānam tanubhāvo viya tassa bhikkhuno avijjaṇḍakosassa tanubhāvo, kukkuṭapotakānam pādanakhasikhāmukhatuṇḍakānam thaddhakharabhāvo viya bhikkhuno vipassanāñāṇassa tikkhakaravippasanna¹ sūrabhāvo, kukkuṭapotakānam pariṇāmakālo viya bhikkhuno vipassanāñāṇassa pariṇāmakālo vaḍḍhitakālo gabbhaggahaṇakālo, kukkuṭapotakānam pādanakhasikhāya vā mukhatuṇḍakena vā aṇḍakosam padāletvā pakkhe papphoṭetvā sotthinā abhinibbhidākālo viya tassa bhikkhuno vipassanāñāṇagabbham² gaṇhāpetvā vicarantassa tajjātikam utusappāyam vā bhojanasappāyam vā puggalasappāyam vā dhammassavanasappāyam vā labhitvā ekāsane nisinnasseva vipassanam vaḍḍhentassa anupubbādhigatena arahattamaggena avijjaṇḍakosam padāletvā abhiññāpakkhe papphoṭetvā sotthinā arahattapattakālo veditabbo. Yathā pana kukkuṭapotakānam pariṇatabhāvam ñatvā mātāpi aṇḍakosam bhindati, evam tathārūpassa bhikkhuno ñāṇaparipākam ñatvā Satthāpi—

1. Tikkhavisada (Sī)

2. Vipassanāñāṇam gabbham (Sī, Syā)

“Ucchinda sinehamattano, kumudaṃ sārādikaṃva pāṇinā.
Santimaggameva brūhaya, nibbānaṃ Sugatena desitaṃ”¹—

ādinā nayena obhāsaṃ pharivā gāthāya² avijjaṇḍakosaṃ paharati. So gāthāpariyosāne avijjaṇḍakosaṃ bhinditvā arahattaṃ pāpuṇāti. Tato paṭṭhāya yathā te kukkuṭapotakā gāmakkhettaṃ upasobhayamānā tattha vicaranti, evaṃ ayampi mahākhīṇāsavo nibbānārammaṇaṃ phalasaṃpattim appetvā saṃghārāmaṃ upasobhayamāno vicarati.

Palagaṇḍassāti vaḍḍhakissa. So hi olambakasaṅkhātaṃ palaṃ dhāretvā³ dārūnaṃ gaṇḍaṃ haratīti palagaṇḍoti vuccati. **Vāsijaṭeti** vāsidaṇḍakassa gahaṇaṭṭhāne. **Ettakaṃ vata me ajja āsavānaṃ khīṇanti** pabbajitassa hi pabbajjāsāṅkhepena uddesena paripucchāya yoniso manasikārena vattaṭṭipattiyā ca niccakālaṃ āsavā khīyanti. Evaṃ⁴ khīyamānānaṃ pana tesāṃ “ettakaṃ ajja khīṇaṃ, ettakaṃ hiyyo”^{ti} evamassa ñāṇaṃ na hotīti attho. Imāya upamāya vipassanāyānisamso dīpito. **Hemantikenāti** hemantasamayena. **Paṭippassambhantīti** thirabhāvena parihāyanti.

Evameva khoti ettha mahāsamuddo viya sāsanaṃ daṭṭhabbaṃ, nāvā viya yogāvacarō, nāvāya mahāsamudde pariyādānaṃ viya imassa bhikkhuno ūnapañcavassakāle ācariyupajjhāyānaṃ santike vicaraṇaṃ, nāvāya mahāsamuddodakena khajjamānānaṃ bandhanānaṃ tanubhāvo viya bhikkhuno pabbajjāsāṅkhepena uddesaparipucchādīhi ceva saṃyojanānaṃ tanubhāvo, nāvāya thale ukkhittakālo viya bhikkhuno nissayamuccakassa kammaṭṭhānaṃ gahetvā araṇṇe vasanakālo, divā vātātapena saṃsussanaṃ viya vipassanāñāṇena taṇhāsnehasaṃsussanaṃ, rattim himodakena temaṇaṃ viya kammaṭṭhānaṃ nissāya uppanna pītipāmojjena cittatemaṇaṃ, rattindivaṃ vātātapena ceva himodakena ca parisukkhaparitintānaṃ bandhanānaṃ dubbalabhāvo viya ekadivasaṃ utusappāyādīni laddhā vipassanāñāṇapītipāmojjehi saṃyojanānaṃ bhīyoso mattāya dubbalabhāvo, pāvussakamegho viya arahattamaggañāṇaṃ, meghavutṭhi-udakena nāvāya bandhe pūtibhāvo viya

1. Khu 1. 54 piṭṭhe Dhammapade.

3. Tīretvā (Sī)

2. Pharamānagāthāya (Sī)

4. Ettha (Sī, Ka)

āraddhavipassakassa rūpasattakādivasena vipassanaṃ vaḍḍhentassa okkhāyamāne pakkhāyamāne kammaṭṭhāne¹ ekadivasam utusappāyādīni laddhā ekapallaṅkena nisinnassa arahattaphalādhigamo, pūtibandhanāvāya kañci kālam ṭhānaṃ viya khīṇasaṃyojanassa arahato mahājanaṃ anuggaṇhantassa yāvatāyukaṃ ṭhānaṃ, pūtibandhanāvāya anupubbena bhijjitvā apanṇattikabhāvūpagamo viya khīṇāsavassa upādiṇṇakkhandhabhedena anupādisesāya nibbānadhātuyā parinibbutassa apanṇattikabhāvūpagamoti imāya upamāya saṃyojanānaṃ dubbalatā dīpitā. . Navamaṃ.

10. Aniccasaññāsuttavaṇṇanā

102. Dasame **aniccasaññāti** aniccaṃ aniccanti bhāventassa uppannasaññā. **Pariyādiyatīti** khepayati. **Sabbaṃ asmimānanti** navavidhaṃ asmimānaṃ. **Mūlasantānakānīti** santānetvā ṭhitamūlāni. Mahānaṅgalaṃ viya hi aniccasaññā, khuddānukhuddakāni mūlasantānakāni viya kilesā, yathā kassako kasanto naṅgalena tāni padāletī, evaṃ yogī aniccasaññaṃ bhāvento aniccasaññāñāṇena kilese padāletīti idamettha opammasaṃsandanaṃ.

Odhunātīti heṭṭhā dhunāti. **Niddhunātīti** papphoṭeti. **Nicchoṭetīti**² papphoṭetvā cheḍḍeti. Idhāpi pabbajāni viya kilesā, lāyanaṃ nicchoṭanaṃ³ viya aniccasaññāñāṇanti iminā atthena upamā saṃsandetabbā.

Vaṇṭacchinnāyāti tiṇhena khurappena vaṇṭacchinnāya. **Tadanvayāni bhavantīti** taṃ ambapiṇḍim anugacchantī, tassā patamānāya ambāni bhūmiyaṃ patanti. idhāpi ambapiṇḍi viya kilesā, tiṇhakhurappo viya aniccasaññā, yathā khurappena chinnāya ambapiṇḍiyā sabbāni ambāni bhūmiyaṃ patanti, evaṃ aniccasaññāñāṇena kilesānaṃ mūlabhūtāya avijjāya chinnāya sabbakilesā samugghātaṃ gacchantīti idaṃ opammasaṃsandanaṃ.

Kūṭaṅgamāti kūṭaṃ gacchanti. **Kūṭaninnāti** kūṭaṃ pavisanabhāvena kūṭe ninnā. **Kūṭasamosaraṇāti** kūṭe⁴ samosarivā ṭhitā. Idhāpi kūṭaṃ viya aniccasaññā, gopānasiyo viya catubhūmakakusaladhammā, yathā

1. Vipassanākammaṭṭhāne (Sī)

2. Nicchedetīti (Sī), nipphoṭetīti (Syā)

3. Nicchedanaṃ (Sī)

4. Kūṭaṃ (Sī)

sabbagopānasīnaṃ kūṭaṃ aggaṃ, evaṃ kusaladhammānaṃ aniccasaññā aggā. Nanu ca aniccasaññā lokiyā, sā lokiyakusalānaṃ tāva aggaṃ hotu, lokuttarānaṃ kathaṃ agganti? Tesampi paṭilābhakaraṇatthena agganti veditabbā. Iminā upāyena sabbāsu upamāsu opammaśānsandaṇaṃ veditabbā. Purimāhi panettha tīhi aniccasaññāya kiccaṃ, pacchimāhi balanti¹. . Dasamaṃ.

Pupphavaggo pañcamaṃ.

Majjhimaṇṇāsako samatto.

(11) 1. Antavagga

1. Antasuttavaṇṇanā

103. Antavaggassa paṭhame **antāti** koṭṭhāsā. Idaṃ suttaṃ catusaccavasena pañcakkhandhe yojetvā **antoti** vacanena bujjanakānaṃ ajjhāsayavasena vuttaṃ. . Paṭhamam.

2-3. Dukkhasuttādivaṇṇanā

104-105. Dutiyampi pañcakkhandhe catusaccavasena yojetvā **dukkhanti** bujjanakānaṃ ajjhāsayena kathitaṃ. Tatiyampi tatheva **sakkāyoti** bujjanakānaṃ ajjhāsayena kathitaṃ. . Dutiyatatiyāni.

4. Pariññeyyasuttavaṇṇanā

106. Catutthe **pariññeyyeti** pariṇānitabbe samatikkamitabbe. **Pariññanti** samatikkamaṃ. **Pariññātāvinti** tāya pariññāya pariṇānitvā samatikkamitvā ṭhitaṃ. **Rāgakkhayoti**-ādihi nibbānaṃ dassitaṃ. . Catuttham.

5-10. Samaṇasuttādivaṇṇanā

107-112. Pañcamādīsu catūsu cattāri saccāni kathitāni. Navamadasamesu kilesappahānanti. . Pañcamādīni.

Antavaggo paṭhamo.

(12) 2. Dhammakathikavagga

1-2. Avijjāsuttādivaṇṇanā

113-114. Dhammakathikavaggaṭṭhame **ettāvata ca avijjāgato hotīti** yāvata imāya catūsu saccesu aññāṇabhūtāya avijjāya samannāgato, ettāvata avijjāgato hotīti attho. Dutiyepe eseva nayo. . Paṭhamadutiyaṇi.

3. Dhammakathikasuttavaṇṇanā

115. Tatiye paṭhamena dhammakathiko, dutiyena sekhabhūmi, tatiyena asekkhabhūmiti evaṃ dhammakathikaṃ pucchitena visesetvā dve bhūmiyo kathitā. . Tatiyaṃ.

4. Dutiyaḍhammakathikasuttavaṇṇanā

116. Catutthe tissannampi pucchānaṃ tīṇi vissajjanāni kathitāni. . Catuttham.

5-9. Bandhanasuttādivaṇṇanā

117-121. Pañcame **atīradassīti** tīraṃ vuccati vaṭṭaṃ, taṃ na passati. **Apāradassīti** pāraṃ vuccati nibbānaṃ, taṃ na passati. **Baddhoti** kilesabandhanena baddho hutvā jīyati ca¹ mīyati ca asmā lokā paraṃ lokāṃ gacchatīti. Imasmim sutte vaṭṭadukkhaṃ kathitanti. Chaṭṭhādīni uttānatthāneva. . Pañcamādīni.

10. Sīlavantasuttavaṇṇanā

122. Dasame **aniccatoti**-ādīsu hutvā abhāvākārena **aniccato**, paṭipīḷanākārena **dukkhato**, ābādhaṭṭhena **rogato**, antodosatṭhena **gaṇḍato**, tesam tesam gaṇḍānaṃ paccayabhāvena vā khaṇanaṭṭhena vā **sallato**, dukkhaṭṭhena **aghato**, visabhāgamahābhūtasamuṭṭhāna-ābādhapaccayaṭṭhena **ābādhatto**, asakaṭṭhena **parato**, palujjanatṭhena

1. Jāyati ca jīyati ca (Sī, Syā)

palokato, sattasuññataṭṭhena **suññato**, attābhāvena **anattato**. Evamettha “aniccato palokato”ti dvīhi padehi aniccamanasikāro, “suññato anattato”ti dvīhi anattamanasikāro, sesehi dukkhamanasikāro vuttoti veditabbo. Sesamettha uttānameva. . Dasamaṃ.

11. Sutavantasuttavaṇṇanā

123. Tathā ekādasame. Dasasmim̃ hi “sīlavatā”ti catupārisuddhisīlam̃ vuttam̃, idha **sutavatāti** kammaṭṭhānasutam̃. Idameva nānākaraṇam̃. . Ekādasamaṃ.

12-13. Kappasuttādivaṇṇanā

124-125. Dvādasamaterasamāni Rāhulovādasadisānevāti. . Dvādasamaterasamāni.

Dhammakathikavaggo dutiyo.

(13) 3. Avijjāvagga

1-10. Samudayadhammasuttādivaṇṇanā

126-135. Avijjāvaggo uttānatthova. Imasmim̃ hi vagge sabbasuttesu catusaccameva kathitam̃.

Avijjāvaggo tatiyo.

(14) 4. Kukkuḷavagga

1-14. Kukkuḷasuttādivaṇṇanā

136-149. Kukkuḷavaggassa paṭhame **kukkuḷanti** santattam̃ ādittam̃ chārikarāsīm̃ viya mahāpariḷāham̃. Imasmim̃ sutte dukkhalakkhaṇam̃ kathitam̃, sesesu aniccalakkhaṇādīni. Sabbāni cetāni pāṭiyekkam̃ puggalajjhāsayena kathitānīti.

Kukkuḷavaggo catuttho.

(15) 5. **Diṭṭhivagga**1-9. **Ajjhattasuttādivaṇṇanā**

150-158. Diṭṭhivaggaṭṭhassa paṭhame **kiṃ upādāyāti** kiṃ paṭicca. Dutiye **kiṃ abhinivissāti** kiṃ abhinivisitvā, paccayaṃ katvāti attho. Tatiyādisu **diṭṭhīti-ādīni** puggalajjhāsayena vuttāni. . Paṭhamādīni.

10. **Ānandasuttavaṇṇanā**

159. Dasame¹ **upasaṅkamīti** aññe bhikkhū pañcakkhandhakammaṭṭhānaṃ kathāpetvā yuñjivā ghaṭetvā arahattaṃ patvā Satthu santike aññaṃ byākaronte disvā “ahampi pañcakkhandhakammaṭṭhānaṃ kathāpetvā yuñjanto ghaṭento arahattaṃ patvā aññaṃ byākarissāmi”ti cintetvā upasaṅkami. Satthā pana attano dharamānakāle therassa uparimaggattayavajjhānaṃ kilesānaṃ pahānaṃ apassantopi “imassa cittaṃ gaṇhissāmi”ti kathesi. Tassapi ekaṃ dve vāre manasi katvāva Buddhupaṭṭhānavelā jātāti gantabbaṃ hoti. Itissa cittaṃ sampahaṃsamāno vimuttiparipācanīyadhammova so kammaṭṭhānānuyogo jātoti. . Dasamaṃ.

Diṭṭhivaggo pañcamaṃ.

Uparipaṇṇāsako² samatto.

Khandhasaṃyuttavaṇṇanā niṭṭhitā.

1. Ānandasutte (Ka)

2. Cūlapaṇṇāsako (Sī, Ke)

2. Rādhasamyutta

1. Paṭhamavagga

1. Mārasuttavaṇṇanā

160. Rādhasamyuttassa paṭhame **māro vā assāti** maraṇaṃ vā bhaveyya. **Māretā vāti** māretabbo vā. **Yo vā pana miyatīti** yo vā pana marati. **Nibbidatthanti** nibbidāñāṇatthaṃ. **Nibbānatthāti** phalavimutti nāmesā anupādānibbānatthāti attho. **Accayāsīti**¹ atikkantosi. **Nibbānogadhanti** nibbāne patiṭṭhitaṃ. Idaṃ maggabrahmacariyaṃ nāma nibbānabbhantare vussati, na nibbānaṃ atikkamitvāti attho. **Nibbānapariyosānanti** nibbānaṃ assa pariyosānaṃ, nipphatti niṭṭhāti attho. . Paṭhamamā.

2-10. Sattasuttādivaṇṇanā

161-169. Dutiye **satto sattoti** laggapucchā². **Tatra satto tatra visattoti** tatra laggo tatra vilaggo. **Paṃsvāgārakehīti** paṃsugharakehi. **Keḷāyantīti** kīḷanti. **Dhanāyantīti** dhanam viya maññanti. **Mamāyantīti** “mama idaṃ, mama idan”ti mamattaṃ karonti, aññassa phusitumpi na denti. **Vikīḷaniyam karontīti** “niṭṭhitā kīḷā”ti te bhindamānā kīḷāvigamaṃ karonti. Tatiye **bhavanettīti** bhavarajju. Catutthaṃ uttānameva. Pañcamādīsu catūsu cattāri saccāni kathitāni, dvīsu kilesappahānanti. . Dutiyaḍḍhīni.

Paṭhamo vaggo.

2. Dutiyaavagga

1-12. Mārasuttādivaṇṇanā

170-181. Dutiyaavaggaṃ paṭhame **māro māroti** maraṇaṃ pucchati. **Yasmā pana rūpādivinimuttaṃ maraṇaṃ nāma natthi**, tenassa Bhagavā **rūpaṃ kho Rādha**

1. Accasarāti (Sī)

2. Puggalapucchā (Syā)

māroti-ādimāha. Dutiye **māradham**moti maraṇadhammo. Etenupāyena sabbattha attho veditabboti.

Dutiyo vaggo.

3-4. Āyācanavaggādi

1-11. Mārādisutta-ekādasakavaṇṇanā

182-205. Tato paraṃ uttānatthameva. Ayaṃ hi Rādhatthero Paṭibhāniyatthero nāma. Tathāgatassa imaṃ therāṃ disvā sukhumanā kāraṇaṃ upaṭṭhāti. Tenassa Bhagavā nānāyehi dhammaṃ deseti. Evaṃ imasmim Rādhasaṃyutte ādito dve vaggā pucchāvasena desitā, tatiyo āyācanena, catuttho upanisinnakathāvasena. Sakalampi panetaṃ Rādhasaṃyuttaṃ therassa vimutti-paripācanīyadhammaseneva gahitanti¹ veditabbari.

Rādhasaṃyuttavaṇṇanā niṭṭhitā.

1. Gatanti (Sī), katanti (Syā)

3. Diṭṭhisamyutta

1. Sotāpattivagga

1. Vātasuttavaṇṇanā

206. Diṭṭhisamyutte **na vātā vāyantīti**-ādīsu evaṃ kira tesam diṭṭhi—
“yepi ete rukkhāsākhādīni bhañjantā vātā vāyanti, na ete vātā, vātaleso
nāmeso, vāto pana esikatthambho viya pabbatakūṭam viya ca ṭhito. Tathā
yāpi etā tiṇakaṭṭhādīni vahantiyo nadiyo sandanti, na ettha udakam sandati,
udakaleso nāmesa, udakam pana esikatthambho viya pabbatakūṭam viya ca
ṭhitam. Yāpimā gabbhiniyo vijāyantīti ca vuccanti, kiñcāpi tā milātudarā
honti, gabbho pana na nikkhamati, gabbhaleso nāmeso, gabbho pana
esikatthambho viya pabbatakūṭam viya ca ṭhito. Yepi ete candimasūriyā
udenti vā apenti vā, neva te uudenti na apenti, candimasūriyaleso nāmesa,
candimasūriyā pana esikatthambho viya pabbatakūṭam viya ca ṭhitā”ti.

2-4. Etaṃmamasuttādivaṇṇanā

207-209. **Diṭṭhanti**-ādīsu **diṭṭham** rūpāyatanam. **Sutam** saddāyatanam.
Mutam gandhāyatanam rasāyatanam phoṭṭhabbāyatanam. Tam hi patvā
gahetabbato mutanti ca vuttam. Avasesāni sattāyatanāni **viññātam** nāma.
Pattanti pariyesitvā vā apariyesitvā vā pattam. **Pariyesitanti** pattam vā
apattam vā pariyesitam. **Anuvaritarā manasā**ti cittena anusañcaritam.
Lokasmim hi pariyesitvā pattampi atthi, pariyesitvā nopattampi, apariyesitvā
pattampi, apariyesitvā nopattampi. Tattha pariyesitvā pattam pattam nāma,
pariyesitvā nopattam pariyesitam nāma. Apariyesitvā pattañca apariyesitvā
nopattañca manasānuvaritarā nāma. Atha vā pariyesitvā pattampi
apariyesitvā pattampi pattaṭṭhena pattam nāma, pariyesitvā nopattameva
pariyesitam nāma, apariyesitvā nopattam manasānuvaritarā nāma. Sabbam
vā etam manasā anuvaritameva.

5. Natthidinnasuttavaṇṇanā

210. **Natthi dinnanti**-ādīsu **natthi dinnanti** dinnassa phalābhāvaṃ sandhāya vadanti. **Yiṭṭham** vuccati mahāyāgo. **Hutanti** paheṇakasakkāro¹ adhippeto. Tampi ubhayaṃ phalābhāvameva sandhāya paṭikkhipanti. **Sukatadukkaṭṭānanti** sukatadukkātānaṃ, kusalākusalānanti attho. **Phalam** **vipākoti** yaṃ phalanti vā vipākoti vā vuccati, taṃ natthīti vadanti. **Natthi ayam lokoti** paraloke ṭhitassa ayam loko natthi. **Natthi paro lokoti** idha loke ṭhitassapi paro loko natthi, sabbe tattha tattheva ucchiḥantīti dassenti. **Natthi mātā natthi pitāti** tesu sammāpaṭipattimicchāpaṭipattīnaṃ phalābhāvavasena vadanti. **Natthi sattā opapātikāti** cavitvā uppajjanakasattā nāma natthīti vadanti. **Natthi loke samaṇabrāhmaṇāti** loke sammāpaṭipannā samaṇabrāhmaṇā nāma natthīti vadanti.

Catumahābhūtikoti catumahābhūtamayo. **Pathavī pathavīkāyanti** ajjhattikā pathavīdhātu bāhiraṃ pathavīdhātum. **Anupetīti** anuyāti. **Anupagacchatīti** tasseva vevacanaṃ, anugacchatīti attho. Ubhayenāpi upeti upagacchatīti dassenti. **Āpādisupi** eseva nayo. **Indriyānīti** manacchaṭṭhāni indriyāni. **Saṅkamantīti** ākāsaṃ pakkhandanti. **Āsandipaṇcamāti** nipannamañcena pañcamā, mañco ceva, cattāro mañcapāde gahetvā ṭhitā cattāro purisā cāti attho. **Yāva alāhanāti** yāva susānā. **Padānīti** “ayam evaṃ silavā ahoṣi, evaṃ dussilo”ti-ādinā nayena pavattāni guṇāguṇapadāni. Sarīrameva vā ettha padānīti adhippetam. **Kāpotakānīti** kapotakavaṇṇāni, pārāvatapakkhavaṇṇānīti attho. **Bhassantāti** bhasmantā. Ayameva vā Pāli. **Āhutiyoṭi** yaṃ paheṇakasakkārādibhedam dinnadānaṃ, sabbam taṃ chārikāvasānameva hoti, na tato param phaladāyakaṃ hutvā gacchatīti attho. **Dattupaññattanti** dattūhi bālamanussehi paññattam. Idam vuttam hoti—bālehi abuddhīhi paññattamidam dānam, na paṇḍitehi. Bālā denti, paṇḍitā gaṇhantīti dassenti.

1. Mahālābhasakkāro (Syā), pahonakasakkāro (Ka)

6. Karotosuttavaṇṇanā

211. **Karototi** sahatthā karontassa. **Kārayatoti** āṇattiyā kārentassa. **Chindatoti** paresaṃ hatthādīni chindantassa. **Chedāpayatoti** parehi chedāpentassa. **Pacatototi** daṇḍena piḷentassa. **Pacāpayatoti** parehi daṇḍādīnā piḷāpentassa. **Socato socāpayatoti** parassa bhaṇḍaharaṇādīhi sokaṃ sayam karontassāpi parehi kārentassāpi. **Kilamato kilamāpayatoti** āhārupacchedabandhanāgārapavesanādīhi sayam kilamentassāpi parehi kilamāpentassāpi. **Phandato phandāpayatoti** param phandantaṃ phandanakāle¹ sayampi phandato parampi phandāpayato. **Pāṇamatipātayatoti** pāṇaṃ hanantassāpi hanāpentassāpi. Evaṃ sabbattha karaṇakārāpanavaseneva attho veditabbo.

Sandhinti gharasandhim. **Nillopanti** mahāvilopaṃ. **Ekāgārikanti** ekameva gharaṃ parivāretvā vilumpanaṃ. **Paripante tiṭṭhatoti** āgatāgatānaṃ² acchindanatthaṃ magge tiṭṭhato. **Karoto na karīyati pāpanti** yaṃkiñci pāpaṃ karomīti saññāya karotopi pāpaṃ na karīyati, natthi pāpaṃ. Sattā pana karomāti evaṃsaññino hontīti dīpenti. **Khurapariyantena**ti khuraneminā, khuradhārasadisapariyanta vā. **Ekamaṃsakhalaṃti** ekamaṃsarāsīm. **Puñjanti** tasseva vevacanaṃ. **Tatonidānaṃti** ekamaṃsakhalakaraṇanidānaṃ.

Dakkhinaṃti dakkhiṇatīre manussā kakkhaḷā dāruṇā, te sandhāya **hanantoti**-ādi vuttaṃ. **Uttaranti** uttaratīre saddhā honti pasannā Buddhamāmakā dhammāmakā saṅghamāmakā, te sandhāya **dadantoti**-ādi vuttaṃ. Tattha **yajantoti** mahāyāgaṃ karonto. **Damenāti** indriyadameṇa uposathakammena³. **Saṃyamena**ti silasaṃyamena. **Saccavajjena**ti saccavacanena. **Āgamoti** āgamaṇaṃ, pavattīti attho. Sabbathāpi pāpapuññānaṃ kiriyameva paṭikkhipanti.

1. Bandhanakāle (Sī)

2. Āgatāgataṃ (Sī, Syā)

3. Uposathakammena vā (Dī-Ṭṭha 1. 145 piṭṭhe) Ṭṭkāpi passitabbā.

7. Hetusuttavaṇṇanā

212. **Natthi hetu natthi paccayoti** ettha **paccayoti** hetuvevacanameva. Ubhayenāpi vijjamānameva kāyaduccaritādīnaṃ saṃkilesapaccayaṃ, kāyasucaritādīnaṃca visuddhipaccayaṃ paṭikkhipanti. **Natthi balanti** yamhi attano bale patiṭṭhitā ime sattā devattampi mārattampi brahmattampi sāvaka bodhimpī paccekabodhimpī sabbaññutampi pāpuṇanti, taṃ balaṃ paṭikkhipanti. **Natthi vīriyanti**-ādīni sabbāni aññamaññavevacanāneva. “Idaṃ no¹ vīriyena, idaṃ purisathāmena, idaṃ purisaparakkamena pattan”²ti² evaṃ pavattavacanapaṭikkhepakaraṇavasena panetāni visum ādiyanti.

Sabbe sattāti oṭṭhagoṇagadrabhādayo anavasese pariggaṇhanti. **Sabbe pāṇā**ti ekindriyo pāṇo, dvindriyo pāṇoti-ādivasena vadanti. **Sabbe bhūtā**ti aṇḍakosavatthikesesu bhūte sandhāya vadanti. **Sabbe jīvā**ti sāliyavagodhumādayo sandhāya vadanti. Tesu hi te viruhanabhāvena jīvasaññino. **Avasā abalā avīriyā**ti tesaṃ attano vaso vā balaṃ vā vīriyaṃ vā natthi. **Niyatisaṅgatibhāvaparīṇatā**ti ettha **niyatī**ti niyatatā. **Saṅgatī**ti channaṃ abhijātīnaṃ tattha tattha gamaṇaṃ. **Bhāvoti** sabhāvoyeva. Evaṃ niyatiyā ca saṅgatiyā ca bhāvena ca parīṇatā nānappakārataṃ pattā. Yena hi yathā bhavitabbaṃ, so tatheva bhavati. Yena na bhavitabbaṃ, so na bhavatīti dassenti. **Chasvevābhijātīsūti** chasu eva abhijātīsu ṭhatvā sukhaṃca dukkhaṃca paṭisaṃvedenti, aññā sukhadukkhabhūmi natthīti dassenti.

8-10. Mahādīṭṭhisuttādivaṇṇanā

213-215. **Akaṭā**ti akatā. **Akaṭavidhā**ti akatavidhānā, “evaṃ karohī”¹ti kenaci kāritāpi na hontīti attho. **Animmitā**ti iddhiyāpi na nimmitā. **Animmātā**ti animmāpitā. “Animmitabbā”²tipi pāṭho, na nimmitabbāti attho. **Vañjhā**ti vañjhapasuvañcyatālādayo viya aphaḷā kassaci ajanakā. Pabbatakūṭaṃ viya ṭhitāti **kūṭaṭṭhā**. Esikaṭṭhāyino viya hutvā ṭhitāti **esikaṭṭhāyīṭṭhitā**, yathā sunikhāto esikatthambho niccalo tiṭṭhati, evaṃ ṭhitāti attho. **Na iñjantī**ti esikatthambho viya

1. Tena (Syā)

2. Pattabbanti (Syā, Ka)

ṭhitattā na calanti. **Na vipariṇamantīti** pakatiṃ na vijahanti. **Na aññamaññaṃ byābādhentīti** aññamaññaṃ na upahananti. **Nālanti** na samatthā. **Pathavīkāyoti**-ādīsu pathavīyeva¹ pathavīkāyo, pathavīsamūho vā. **Sattannaṃtveva kāyānanti** yathā muggarāsi-ādīsu pahaṭaṃ satthaṃ muggarāsi-ādīnaṃ antareneva pavisati, evaṃ sattannaṃ kāyānaṃ antarena chiddena vivarena satthaṃ pavisati. Tattha “ahaṃ imaṃ jīvitā voropemī”ti kevalaṃ saññāmatameva hotīti dassenti.

Yonipamukhasatasahassanīti pamukhayonīnaṃ uttamayonīnaṃ cuddasasatasahassāni aññāni ca saṭṭhisatāni aññāni ca chasatāni. **Pañca ca kammuno satānīti** pañcakammasatāni cāti kevalaṃ takkamattakena niraṭṭhakadiṭṭhiṃ dīpentī. **Pañca ca kammāni tīṇi ca kammānīti**-ādīsūpi eseva nayo. Keci panāhu “pañca kammānīti pañcendriyavasena gaṇhanti, tīṇīti kāyakammādivasenā”ti. **Kamme ca aḍḍhakamme cāti** ettha panassa kāyakammavacīkammāni kammanti laddhi, manokammaṃ upaḍḍhakammanti. **Dvīṭṭhipaṭipadāti** dvāsaṭṭhipaṭipadāti vadanti. **Dvaṭṭhantarakappāti** ekasmiṃ kappe catusaṭṭhi antarakappā nāma honti, ayaṃ pana aññe dve ajānanto evamāha.

Chalābhijātiyoti kaṇhābhijāti nīlābhijāti lohotaḅbhijāti haliddābhijāti sukkābhijāti paramasukkābhijāti imā cha abhijātiyo vadanti. Tattha orabbhikā sūkarikā sākuṇikā māgavikā luddā macchaghātakā corā coraghātakā bandhanāgārikā, ye vā panaññepi keci kurūrakammantā, ayaṃ kaṇhābhijāti vadanti. Bhikkhū nīlābhijāti vadanti. Te kira catūsu paccayesu kaṇṭake pakkhipitvā khādanti, “bhikkhū ca kaṇṭakavuttikā”ti² ayaṃ hissa Pāḷi eva. Atha vā kaṇṭakavuttikā eva nāma eke³ pabbajitāti vadanti. Lohitābhijāti nāma nigaṇṭhā ekasāṭakāti vadanti. Ime kira purimehi dvīhi paṇḍaratarā. Gihī odātavasanā acelakasāvakā haliddābhijāti vadanti. Evaṃ attano paccayadāyake nigaṇṭhehipi jeṭṭhakatare karonti. Ājīvākā ājīvinīyo ayaṃ sukkābhijāti vadanti. Te kira purimehi catūhi

1. Paṭhavīdhātuyeva (Si)

2. Am 2. 337 piṭṭhe.

3. Evaṃnāmikā (Syā, Ka)

paṇḍaratarā. Nando vaccho, Kiso saṅkicco¹, Makkhali gosālo paramasukkābhijātīti vadanti. Te kira sabbehi paṇḍaratarā.

Aṭṭha purisabhūmiyoti mandabhūmi khiddābhūmi vīmaṃsakabhūmi ujugatabhūmi sekhabhūmi samaṇabhūmi jānanabhūmi pannabhūmīti imā aṭṭha purisabhūmiyoti vadanti. Tattha jāta-divasato paṭṭhāya satta divase sambādhaṭṭhānato nikkhantattā sattā mandā honti momūhā, ayaṃ mandabhūmīti vadanti. Ye pana duggatito āgatā honti, te abhiṇhaṃ rodanti ceva viravanti ca², sugatito āgatā taṃ anussarivā anussarivā hasanti, ayaṃ khiddābhūmi nāma. Mātāpitūnaṃ hatthaṃ vā pādaṃ vā mañcaṃ vā piṭhaṃ vā gahetvā bhūmiyaṃ padanikkhipanaṃ vīmaṃsakabhūmi nāma. Padasā gantuṃ samatthakālo ujugatabhūmi nāma. Sippāni sikkhanakālo sekhabhūmi nāma. Gharā nikkhamma pabbajanakālo samaṇabhūmi nāma. Ācariyaṃ sevivā³ jānanakālo jānanabhūmi nāma. “Bhikkhu ca pannaḥ jino⁴ na kiñci āhā”ti evaṃ alābhīṃ samaṇaṃ pannabhūmīti vadanti.

Ekūnapaññāsa ājīvakaṣateti ekūnapaññāsa ājīvavuttisatāni. **Paribbājakasateti** paribbājakapabbajjāsātāni. **Nāgavāsasateti** nāgamaṇḍalāsātāni. **Vīse indriyasateti** vīsa indriyasātāni. **Tim se nirayasateti** timsa nirayasātāni. **Rajodhātuyoti** raja-okiraṇaṭṭhānāni. Hatthapiṭṭhipādapīṭṭhādīni sandhāya vadati. **Satta saññīgabbhāti** oṭṭhagoṇagadrabha-ajapasumigamaḥiṃ se sandhāya vadati. **Satta asaññīgabbhāti** sāliyavagodhumamuggakaṅguvarakakudrūsake sandhāya vadati. **Nigaṇṭhīgabbhāti** gaṇṭhimhi jātagabbhā, ucchuveḷunaḷādayo sandhāya vadati. **Satta devāti** bahū devā, so pana sattāti vadati. Manussāpi anantā, so sattāti vadati. **Satta pesācāti** pisācā mahantamahantā⁵, sattāti vadati. **Sarāti** mahāsarā. Kaṇṇamuṇḍarathakāra-anotattasīhappapātachaddantamucalinda⁶kuṇāladahe gahetvā vadati.

Pavuṭāti gaṇṭhikā. **Papātāti** mahāpapātā. **Papātasātānīti** khuddakapapātasātāni. **Supināti** mahāsupinā. **Supinasātānīti** khuddakasupinasātāni. **Mahākappinoti** mahākappānaṃ. Ettha ekamhā mahāsarā

1. Saṅkiccho (Ka)

2. Paridevanti ca (Ka)

3. Sevivā sevivā (Sī, Syā)

4. Jinno (Sī)

5. Mahantā (Ma-Ṭṭha 3. 161 piṭṭhe)

6. ...kuḷīramucalinda (Ma-Ṭṭha 3. 161 piṭṭhe), chaddantamandākinī (Syā, Dī-Ṭṭha 1. 148. piṭṭhe ca.)

vassasate vassasate kusaggena ekaṃ udakabinduṃ nīharitvā sattakkhattuṃ tamhi sare nirudake kate eko mahākappoti vadati. Evarūpānaṃ mahākappānaṃ caturāsītisatasahassāni khpetvā bāle ca paṇḍite ca¹ dukkhassantaṃ karontīti ayamassa laddhi. Paṇḍitopi kira antarāvisujjhitaṃ na sakkoti, bālopi tato uddham na gacchati.

Sīlena vāti acelakasīlena vā aññena vā yena kenaci. **Vatenā**ti tādiseneva vatena. **Tapenā**ti tapokammena. **Aparipakkaṃ paripāceti** nāma yo “ahaṃ paṇḍito”ti antarā visujjhati. **Paripakkaṃ phussa phussa byantikaroti** nāma yo “ahaṃ bālo”ti vuttaparimāṇakālaṃ atikkamitvā yāti. **Hevaṃ natthī**ti evaṃ natthi. Taṃ hi ubhayampi na sakkā kātunti dīpeti. **Doṇamiteti** doṇena mitaṃ viya. **Sukhadukkheti** sukhadukkhaṃ. **Pariyantakateti** vuttaparimāṇena kālena katapariyanto. **Natthi hāyanavaḍḍhaneti** natthi hāyanavaḍḍhanāni, na saṃsāro paṇḍitassa hāyati, na bālassa vaḍḍhatīti attho. **Ukkaṃsāvakaṃseti** ukkaṃsāvakaṃsā. Hāyanavaḍḍhanānamevetaṃ vevacanaṃ. Idāni tamatthaṃ upamāya sādento² **seyyathāpi nāmāti**-ādimāha. Tattha **suttaḡuḷeti** veṭṭetvā³ katasuttaḡuḷe. **Nibbeṭhiyamānameva paletīti** pabbate vā rukkhagge vā ṭhatvā khittaṃ suttappamāṇena nibbeṭhiyamānameva gacchati, sutte khīṇe tattheva tiṭṭhati, na gacchati, evameva bālā ca paṇḍitā ca kālavasena nibbeṭhiyamānā sukhadukkhaṃ palenti, yathāvuttena kālena atikkamantīti dasseti.

11-18. Antavāsuttādivaṇṇanā

216-223. **Antavā lokoti** ekato vaḍḍhitanimittaṃ lokoti gāhena vā takkena vā uppannadiṭṭhi. **Anantavā**ti sabbato vaḍḍhitaṃ appamāṇanimittaṃ lokoti gāhena vā takkena vā uppannadiṭṭhi. **Taṃ jīvaṃ taṃ sarīranti** jīvaṃca sarīraṃca ekamevāti uppannadiṭṭhi. Sesā sabbattha uttānamevāti. Imāni tāva sotāpattimaggasena aṭṭhārasa veyyākaraṇāni ekaṃ gamaṇaṃ.

1. Bālo ca paṇḍito ca (Syā)

2. Dassento (Sī)

3. Vaṭṭetvā (Syā)

2. Dutiyagamanādivaggaṇṇā

224-301. Dutiyam gamanam dukkhavasena vuttam. Tatrāpi aṭṭhāraseva veyyākaraṇāni, tato parāni “rūpī attā hotī”ti-ādīni aṭṭha veyyākaraṇāni, tehi saddhim tam dutiyapeyyāloti vutto.

Tattha rūpīti ārammaṇameva “attā”ti gahitadiṭṭhi. **Arūpī**ti jhānam “attā”ti gahitadiṭṭhi. **Rūpī ca arūpī cāti** ārammaṇaṅca jhānaṅca “attā”ti gahitadiṭṭhi. **Neva rūpī nārūpī**ti takkamattena gahitadiṭṭhi. **Ekantasukhī**ti lābhītakki-jātissarānam uppannadiṭṭhi. Jhānalābhīnopi hi atīte ekantasukham attabhāvam manasikaroto evam diṭṭhi uppajjati. Takkinopi “yathā etarahi aham ekantasukhī, evam samparāyepi bhavissāmī”ti uppajjati. Jātissarassapi sattaṭṭhabhave sukhītabhāvam passantassa¹ evam uppajjati, **ekantadukkhī**-ādīsopi eseva nayo.

Tatiyapeyyālo aniccadukkhavasena tehiyeva chabbāsatiyā suttehi vutto, catutthapeyyālo tiparivaṭṭavasenāti.

Diṭṭhisamyuttavaṇṇanā niṭṭhitā.

4. Okkantasaṃyutta

1-10. Cakkhusuttādivaṇṇanā

302-311. Okkantasaṃyutte **adhimuccatī**ti saddhādhimokkham paṭilabhati. **Okkanto sammattaniyā**manti pavīṭṭho ariyamaggaṃ. **Abhabbo ca² tāva kālam kātunti** iminā uppanne magge phalassa anantarāyatam dīpeti. Uppannasmim hi magge phalassa antarāyakaraṇam nāma natthi. Tenevāha “ayaṅca puggalo sotāpattiphalasacchikiriyāya paṭipanno assa, kappassa ca uḍḍayhanavelā assa, neva tāva kappo uḍḍayheyya, yāvāyam puggalo na sotāpattiphalam sacchikaroti, ayam vuccati puggalo ṭhitakappī”ti³. **Mattaso nijjhānam khamantī**ti pamāṇato olokanam khamanti. Sesam sabbattha uttānamevāti.

Okkantasaṃyuttavaṇṇanā niṭṭhitā.

1. Sarantassa (Syā)

2. Abhabbova (Sī, Syā)

3. Abhi 3. 116 piṭṭhe.

5. Uppādasasāmyuttavaṇṇanā

312-321. Uppādasasāmyutte sabbaṃ pākaṭameva.

Uppādasasāmyuttavaṇṇanā niṭṭhitā.

6. Kilesasāmyuttavaṇṇanā

322-331. Kilesasāmyutte **cittasesso upakkilesoti** kataracittassa? Catubhūmakacittassa. Tebhūmakacittassa tāva hotu, lokuttarassa kathaṃ upakkileso hotīti? Uppattinivāraṇato. So hi tassa uppajjitum appadānena upakkilesoti veditabbo. **Nekkhammaninnanti** navalokuttaradhammaninnaṃ. **Cittanti** samathavipassanācittaṃ. **Abhiññāsacchikaraṇīyesu dhammesūti** paccavekkhaṇaṇāṇena abhijānitvā sacchikātabbesu chaḷabhiññādhammesu, ekam dhammaṃ vā gaṇhantena¹ nekkhammanti gahetabbaṃ. Sesam sabbattha uttānamevāti.

Kilesasāmyuttavaṇṇanā niṭṭhitā.

7. Sāriputtasāmyutta

1-9. Vivekajasuttādivaṇṇanā

332-340. Sāriputtasāmyuttassa paṭhame **na evaṃ hotīti** ahaṅkāramamaṅkāraṇaṃ pahīnattā evaṃ na hoti. Dutiyādisupi eseva nayo. . Paṭhamādīni.

10. Sucimukhīsuttavaṇṇanā

341. Dasame **sucimukhīti** evaṃnāmikā. **Upasaṅkamīti** theram abhirūpaṃ dassanīyaṃ suvaṇṇavaṇṇaṃ samantapāsādikam disvā “iminā saddhim parihāsam karissāmī”ti upasaṅkami. Atha therena tasmim vacane paṭikkhitte

1. Gaṇhantena nibbānameva (Syā)

“idānissa vādaṃ āropessāmi”ti maññamānā **tena hi samaṇa ubbhamukho**¹ **bhuñjasīti** āha. **Disāmukhoti** catuddisāmukho, catasso disā oloketoti attho. **Vidisāmukhoti** catasso vidisā oloketto.

Vatthuvijjātiracchānavijjāyāti vatthuvijjāsaṅkhātāya tiracchānavijjāya. Vatthuvijjā nāma lābuvatthukumbhaṇḍavatthumūlakavatthu-ādīnaṃ vatthūnaṃ phalasampattikāraṇakālaajānanupāyo. **Micchājīvena jīvikam kappentīti** teneva vatthuvijjātiracchānavijjāsaṅkhātēna micchājīvena jīvikam kappenti, tesam vatthunaṃ sampādanena pasannehi manussehi dinne paccaye paribhuñjantā jīvantīti attho. **Adhomukhāti** vatthum oloketvā bhuñjamānavasena adhomukhā bhuñjanti nāma. Evaṃ sabbattha yojanā kātabbā. Api cettha **nakkhattavijjāti** “ajja imaṃ nakkhattaṃ iminā nakkhattena gantabbaṃ, iminā idañcidañca kātabban”ti evaṃ jānanavijjā. **Dūteyyanti** dūtakammaṃ, tesam tesam sāsanaṃ gahetvā tattha tattha gamanaṃ. **Pahiṇagamananti** ekagāmasmiṃ yeva ekakulassa sāsanaṃ aññakulaṃ upasaṅkamaṇaṃ. **Āṅgavijjāti** itthilakkhaṇapurisalakkaṇavasena āṅgasampattiṃ ñatvā “tāya āṅgasampattiyā idaṃ nāma labbhatī”ti evaṃ jānanavijjā. **Vidisāmukhāti** āṅgavijjā hi taṃ taṃ sarīrakoṭṭhāsaṃ ārabba pavattattā vidisāya pavattā nāma, tasmā tāya vijjāya jīvikam kappetvā bhuñjantā vidisāmukhā bhuñjanti nāma. **Evamārocesīti** “dhammikaṃ samaṇā”ti-ādīni vadamānā sāsanaṃ niyyānikaṃ guṇaṃ kathesi. Tañca paribbājjikāya kathaṃ² sutvā pañcamattāni kulasaṭāni sāsane otarīmsūti.

Sāriputtasamyuttavaṇṇanā niṭṭhitā.

8. Nāgasamyutta

1. Suddhikasuttavaṇṇanā

342. Nāgasamyutte **aṇḍajāti** aṇḍe jātā. **Jalābujāti** vatthikose jātā. **Samsedajāti** samsede jātā. **Opapātikāti**

1. Uddharimukho (Sī)

2. Pariyāyakathaṃ (Sī)

upapatitvā viya jātā. Idañca pana suttaṃ aṭṭhuppattiyā vuttaṃ. Bhikkhūnaṃ hi “kati nu kho nāgayoniyo”ti kathā udapādi. Atha Bhagavā puggalānaṃ nāgayonīhi uddharaṇatthaṃ¹ nāgayoniyo āvikaronto imaṃ suttaṃāha.

2-50. Paṇītatarasuttādivaṇṇanā

343-391. Dutiyādīsu **vossatṭhakāyā**ti ahituṇḍikaparibuddhaṃ² agaṇetvā vissatṭhakāyā. **Dvayakārinoti** duvidhakārino, kusalākusalakārinoti attho. **Sacajja mayanti** sace ajja mayaṃ. **Sahabyataṃ upapajjatī**ti sahabhāvaṃ āpajjati. Tatrassa akusalaṃ upapattiyā paccayo hoti, kusalaṃ upapannānaṃ sampattiyā. **Annanti** khādanīyabhojanīyaṃ. **Pānanti** yaṃkiñci pānakaṃ. **Vatthanti** nivāsanapārupanaṃ. **Yānanti** chattupāhanaṃ ādim katvā yaṃkiñci gamanapaccayaṃ. **Mālanti** yaṃkiñci sumanamālādipupphaṃ. **Gandhanti** yaṃkiñci candanādīgandhaṃ. **Vilepananti** yaṃkiñci chavirāgakaraṇaṃ. **Seyyāvasathapadīpeyyanti** mañcapīṭhādiseyyaṃ ekabhūmikādi-āvasathaṃ vaṭṭitelādipadīpūpakaraṇaṃca detīti attho. Tesaṃ hi dīghāyukatāya ca³ vaṇṇavantatāya ca sukhabahulatāya ca patthanaṃ katvā imaṃ dasavimaṃ dānavatthum datvā taṃ sampattiṃ anubhavitum tattha nibbattanti. Sesam sabbattha uttānamevāti.

Nāgasamīyuttavaṇṇanā niṭṭhitā.

9. Supaṇṇasamīyuttavaṇṇanā

392-437. Supaṇṇasamīyutte pattānaṃ vaṇṇavantatāya garuḷā **supaṇṇā**ti vuttā. Idhāpi paṭhamasuttaṃ purimanayeneva aṭṭhuppattiyaṃ vuttaṃ. **Harantī**ti uddharanti. Uddharamānā ca pana te attanā hīne vā same vā uddharitum sakkonti, na attanā paṇītatare. Sattavidhā hi anuddharaṇīyanāgā nāma paṇītatarā kambalassatarā dhataratṭhā sattasīdantaravāsino pathaviṭṭhakā pabbataṭṭhakā vimānaṭṭhakāti. ()⁴ tatra⁵ aṇḍajādīnaṃ jalābujādayo

1. Ukkaṇṭhanatthaṃ (Sī, Syā)

2. ...parivutthaṃ (Sa), ...paripanthaṃ (Syā)

3. Dīghāyukabhāve ca (Syā, Ka)

4. (Tatra paṇītatarā nāma yonito ukkaṭṭatarā)(Sī)

5. Tathā hi (Sī)

pañītatārā, te tehi anuddharaṇīyā. Kambalassatarā pana nāgasenāpatino, te yattha katthaci disvā yo koci supaṇṇo uddharitum na sakkoti. Dhataratṭhā pana nāgarājāno, tepi koci uddharitum na sakkoti. Ye pana sattasīdantare mahāsamudde vasanti, te yasmā katthaci vikampanam kātum na sakkā, tasmā koci uddharitum na sakkoti. Pathaviṭṭhakādīnam nilīyanokāso atthi, tasmā tepi uddharitum na sakkoti. Ye pana mahāsamudde ūmipiṭṭhe vasanti, te yo koci samo vā pañītataro vā supaṇṇo uddharitum sakkoti. Sesam Nāgasamīyutte vuttanayamevāti.

Supaṇṇasamīyuttavaṇṇanā niṭṭhitā.

10. Gandhabbakāyasamīyuttavaṇṇanā

438-549. Gandhabbakāyasamīyutte **mūlagandhe adhivatthā**ti yassa rukkassa mūle gandho atthi, tam nissāya nibbattā. So hi sakalopi rukkho tesam upakappati. Sesapadesupi eseva nayo. **Gandhagandheti** mūlādīgandhānam gandhe. Yassa hi rukkassa sabbesampi mūlādīnam gandho atthi, so idha gandho nāma. Tassa gandhassa gandhe, tasmim adhivatthā. Idha mūlādīni sabbāni tesamīyeva upakappanti. **So dātā hoti mūlagandhānanti** so kāḷānusārīkādīnam mūlagandhānam dātā hoti. Evaṃ sabbapadesu attho veditabbo. Evaṃ hi sarikkhadānampi datvā patthanam ṭhapenti, asarikkhadānampi. Tam dassetum **so annam detī**ti-ādi dasavidham dānavatthu vuttam. Sesam sabbattha uttānamevāti.

Gandhabbakāyasamīyuttavaṇṇanā niṭṭhitā.

11. Valāhakasamīyuttavaṇṇanā

550-606. Valāhakasamīyutte **valāhakakāyīkā**ti valāhakanāmake devakāye uppannā ākāsacārikadevā. **Sīta**valāhakāti sītakaraṇavalāhakā. Sesapadesupi eseva nayo. **Cetopaṇidhimanvāyā**ti cittaṭṭhapanam āgamma. **Sītam hotī**ti yam vassāne vā

hemante vā sītaṃ hoti, taṃ utusamuṭṭhānameva. Yaṃ pana sītepi atisītaṃ, gimhe ca uppannaṃ sītaṃ, taṃ devatānubhāvena nibbattaṃ sītaṃ nāma. **Uṇhaṃ hotīti** yaṃ gimhāne uṇhaṃ, taṃ utusamuṭṭhānikaṃ pākatikameva. Yaṃ pana uṇhepi ati-uṇhaṃ, sītakāle ca uppannaṃ uṇhaṃ, taṃ devatānubhāvena nibbattaṃ uṇhaṃ nāma. **Abbhaṃ hotīti** abbhamaṇḍapo¹ hoti. Idhāpi yaṃ vassāne ca sisire ca abbhaṃ uppajjati, taṃ utusamuṭṭhānikaṃ pākatikameva. Yaṃ pana abbheyeva ati-abbhaṃ, sattasattāhampi candasūriye chādetvā ekandhakāraṃ karoti, yañca cittavesākhamāsesu abbhaṃ, taṃ devatānubhāvena uppannaṃ abbhaṃ nāma. **Vāto hotīti** yo tasmim tasmim utumhi uttaradakkhiṇāḍipakatīvāto hoti, ayaṃ utusamuṭṭhānova. Yopi pana rukkhakkhandhādipadālano ativāto nāma atthi, ayañceva, yo ca aññopi akālāvāto, ayaṃ devatānubhāvanibbatta nāma. **Devo vassatīti** yaṃ vassike cattāro māse vassaṃ, taṃ utusamuṭṭhānameva. Yaṃ pana vasseyeva ativassaṃ, yañca cittavesākhamāsesu vassaṃ, taṃ devatānubhāvanibbattaṃ nāma.

Tatridaṃ vatthu—eko kira vassavalāhakadevaputto Talakūṭakavāsī²khīṇāsavattherassa santikaṃ gantvā vanditvā aṭṭhāsī. Thero “kosi tvan”ti pucchi. Ahaṃ bhante vassavalāhakadevaputtoti. Tumhākaṃ kira cittena devo vassatīti. Āma bhanteti. Passitukāmā mayanti. Temissatha bhanteti. Meghasīsaṃ vā gajjitaṃ vā na paññāyati, kathaṃ temissāmāti. Bhante amhākaṃ cittena devo vassati, tumhe paṇṇasālaṃ pavisathāti. Sādhu devaputtāti so pāde dhovivā paṇṇasālaṃ pāvisi. Devaputto tasmim pavisanteyeveva ekaṃ gītaṃ gāyivā hatthaṃ ukkhipi. Samantā tiyojanaṭṭhānaṃ ekameghaṃ ahosi. Thero addhatinto paṇṇasālaṃ pavitṭhoti. Apica devo nāmesa aṭṭhahi kāraṇehi vassati nāgānubhāvena supaṇṇānubhāvena devatānubhāvena saccakiriyaṃ utusamuṭṭhānena mārāvāṭṭanena iddhibalena vināsameghenāti.

Valāhakaṃyuttavaṇṇanā niṭṭhitā.

1. Abbhamaṇḍalo (Sī)

2. Himālayakūṭavāsī (Sī), Tagarakuṭivāsī (Syā)

12. Vacchagottasaṃyuttavaṇṇanā

607-661. Vacchagottasaṃyutte **aññāṇā**ti aññāṇena. Evaṃ sabbapadesu karaṇavaseneva attho veditabbo. Sabbāni cetāni aññamaññavevacanānevāti. Imasmiṅca pana saṃyutte ekādasa suttāni pañcapaññāsa veyyākaraṇānīti veditabbāni.

Vacchagottasaṃyuttavaṇṇanā niṭṭhitā.

13. Jhānasaṃyutta

1. Samādhimūlakasaṃpattisuttavaṇṇanā

662. Jhānasaṃyuttassa paṭhame **samādhikusaloti** paṭhamañ jhānaṃ pañcaṅgikaṃ dutiyaṃ tivaṅgikanti evañ aṅgavavatthānakusalō. **Na samādhismiṃ samāpattikusaloti** cittaṃ hāsetvā kallaṃ katvā jhānaṃ samāpajjitum na sakkoti. Iminā nayena sesapadānīpi veditabbāni.

2-55. Samādhimūlakaṭṭhitisuttādivaṇṇanā

663-716. Dutiyādīsu **na samādhismiṃ ṭṭitikusaloti** jhānaṃ ṭṭapetum akusalō, sattaṭṭha-accharāmatṭaṃ jhānaṃ ṭṭapetum na sakkoti. **Na samādhismiṃ vuṭṭhānakusaloti** jhānato vuṭṭhātum akusalō, yathāparicchedena vuṭṭhātum na sakkoti. **Na samādhismiṃ kallitakusaloti** cittaṃ hāsetvā kallaṃ kātum akusalō. **Na samādhismiṃ ārammaṇakusaloti** kaṣiṇārammaṇesu akusalō. **Na samādhismiṃ gocarakusaloti** kammaṭṭhānagocare ceva bhikkhācāragocare ca akusalō. **Na samādhismiṃ abhinīhāarakusaloti** kammaṭṭhānaṃ abhinīharitum akusalō. **Na samādhismiṃ sakkaccakārīti** jhānaṃ appetum sakkaccakārī na hoti. **Na samādhismiṃ sātaccakārīti** jhānappanāya satatakārī na hoti, kadācīdeva karoti. **Na samādhismiṃ sappāyakārīti** samādhissa sappāye upakāradhamme pūretum na sakkāti. Tato paraṃ samāpatti-ādīhi

padehi yojetvā catukkā vuttā. Tesāṃ attho vuttanayeneva veditabbo.
Sakalaṃ panettha jhānasāmyuttaṃ lokiyajjhānavaseneva kathitanti.

Jhānasāmyuttavaṇṇanā niṭṭhitā.

Iti Sāratthappakāsiniyā Saṃyuttanikāyaṭṭhakathāya

Khandhavaggavaṇṇanā niṭṭhitā.

Saṃyuttanikāyaṭṭhakathāya dutiyo bhāgo.

Nidānavaggakhandhavaggasaṃyuttaṭṭhakathāya

Saṃvaṇṇitapadānaṃ anukkamaṇikā

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Akaṭavidhā	313	Ajātaṃ	257
Akaṭā	313	Ajānaññaeva	182
Akasiralābhī	216	Ajitapañhe	56
Akālikena	62	Ajjhattaṃ kathaṃkathī	40
Akicchalābhī	216	Ajjhattaṃ vimokkhā	59
Akukkukajātaṃ	295	Ajjhosāya	241
Akuppā me vimutti	143	Ajjhositaṃ	91
Akhaṇḍāni	251	Añjasaṃ	107
Agadhito	152	Añjetvā	219
Agamaṇīyaṭṭhānaṃ	134	Aññataro	70
Agāravā	189	Aññatra phassā	53
Agāriyaṃ	167	Aññatreva	113
Aggaṃ	149	Aññātucchena	219
Aggabījaṃ	251	Aññā byākata	57, 116
Aṅgavijjā	319	Aññaṃ āṇiṃ	211
Aṅgārakāsu	103	Aññaṃ jīvaṃ	64
Aghato	305	Aññaṃ sarīraṃ	64
Aghaṃ	244	Aññaṃ satthāraṃ	166
Acariṃ	143	Atṭhaṭṭhānaṃ	
Acelo Kassapo	33	kāyapāgabbhiyaṃ	155
Accantaniṭṭhā	241	Atṭhikaṅkalo	147
Accayāsi	308	Atṭhiṃ katvā	183
Accāvadante	161	Atṭhikasaṅkhalikaṃ	200
Accutaṃ padaṃ	296	Atṭhuppattiko	4
Acchariyaṃ abbhutaṃ	53	Aṇḍajā	319
Acchaṃ pattam	219	Aṇḍabhūto	230
		Atippago	52

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Atimaññeyya	191	Adhomukhā	319
Ativelam̃	212	Anajjhāpanno	152
Atītaṃ	257	Anajjhositā	73
Atīradassī	305	Anaññathatā	39
Aturitacārikā	164	Anaññasaraṇā	247
Atītaṃ	257	Anattato	306
Atthaṅgamo	69	Anattaniyam̃	258
Attajjhāsayo	3	Ananubodhā	88
Attatthaṃ	48	Anantarā	254, 281
Attato upagaccheyya	91	Anantavā	316
Attadīpā	247	Anabhāvaṃkatāni	64
Attaniyam̃	289	Anabhinanditā	289
Attani vā rūpaṃ	235	Anabhisankhacca vimuttaṃ	250
Attamano	157	Anamataggo	145
Attavadhāya gabbhaṃgaṇhāti	195	Anayam̃ āpanno	190
Attavādupādānaṃ	14	Anāgataṃ	222
Attasaraṇā	247	Anātāpī	153
Attānañca nāvajānāmi	60	Anāsavaṃ	162
Atthasam̃hito	70	Aniccaṃ	39, 196
Atthitaṃ	31	Aniccato	305
Adiṭṭhajotanāpucchā	7	Aniccadassāvī	230
Adinnādānaṃ	134	Aniccasaññā	303
Adinnādāyino	133	Aniccā	58, 141
Addhagato	229	Animmātā	313
Addhānamaggappaṭipanno	167	Animmitā	313
Adhigamasaddhammappaṭi-		Anissitāya	219
rūpakam̃	186	Anukampaṃ	158
Adhiccasaṃmuppannaṃ	33	Anuggahāya	22
Adhiṭṭhāti	286	Anuggāhako	236
Adhimuccati	317	Anuṭṭhitā	206
Adhimuccatha	75		

Padānukkamo	Piṭṭhaṅko
[A]	
Anuttarassa yogakkhemassa	153
Anuttaraṁ sammāsambodhiṁ	142
Anudayaṁ	158
Anudhammacārī	71
Anudhammabhūtaṁ	32
Anupaṭṭhitāya	192
Anupatitvā anupatitvā	200
Anupalittā	259
Anupādā	32
Anupādā-aparitassanaṁ	241
Anupādāya āsavehi	248
Anupādāvimutto	57
Anupādiyaṁ na paritassati	72
Anupāyāso	238
Anupeti	311
Anumatipucchā	8
Anuvaranti	260
Anuvaritaṁ manasā	310
Anuviloketi	262
Anusahagato	290
Anusāsatu	230
Anuseti	65, 245
Anussareyyuṁ	147
Anekaṭṭhānaṁ	
manopāgabbhiyaṁ	156
Anekavihitam	116
Anejaṁ	259
Anelaḡaḡāya	219
Anesanaṁ	152
Anottappī	153
Antaragharaṁ	33

Padānukkamo	Piṭṭhaṅko
[A]	
Antarāyiko	190
Antavā loko	316
Antimā	143
Antimoyaṁ samussayo	260
Antaṁ	277, 304
Annaṁ	320
Apakasseva kāyaṁ	154, 156
Apakassa cittaṁ	154
Apacayo	90
Apacito	115
Apayanto	114
Aparantaṁ	39
Aparappaccayā	32
Apalokito	236
Apaloketha	236
Apācīnaṁ	260
Apātubhūtaṁ	257
Apāpakaṁ	280
Apāyo	89
Apāradassī	305
Apuññaṁ ce saṅkhāraṁ	72
Apurakkharāno	240
Apūtikāni	251
Apekkhavā	242
Appaṁ vā bhiiyo	149
Appagabbhā	155
Appaṭikuṭṭhā	257
Appaṭipuggalo	266
Appaṭivānī	118
Appaṭivedhā	88

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Appaṭisaṅkhā	166	Abhisametāvino	119
Appatissā	189	Abhisameti	38
Appattamānasam	191	Abhisambujjhati	38
Appadakkhiṇaggāhino	161	Abhisāpo	277
Appamattā	206, 211	Abhisitto	231
Appamatto	196	Amatadvāram	55
Appamādena sampādetum	48	Amucchito	152
Appamādo	118	Ayaṃ āpodhātuyā	141
Appossukko	216	Ayaṃ tejodhātuyā	142
Abbuyha	243	Ayaṃ dutiyo	32
Abbuhetvā	212	Ayaṃ pathavīdhātuyā	141
Abbhaññaṃsu	62	Ayaṃ vāyodhātuyā	142
Abbhaññāsīm	142	Ayameko anto	32
Abyāpādadhātum	127	Ayogakkhemakāmo	285
Abhikkhaṇātaṅko	230	Arakkhiteneva kāyena	192
Abhijānam	244	Arañṇakuṭīkāyaṃ	286
Abhijjhā	137	Arahato	19
Abhijjhāluno	133	Ariyakantehi	68
Abhiññāya	266	Ariyadhammassa akovido	232
Abhinandum	9	Ariyasāvaka	40
Abhinandati	241	Ariyā	231
Abhinandamāno	258	Ariyo	55, 67
Abhinibbatti	13	Arūpī	317
Abhinivesānusayaṃ	32	Alaṃ vacanāya	32
Abhipatthanā	162	Aladdhā	152
Abhirūpo	216	Alameva	46, 145
Abhivadati	241	Avantīsu	238
Abhisāṅkhatam	65	Avasā	313
Abhisāṅkharoti	72	Avasissanti	74
Abhisāṅcetaṃ	65		

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Avasisseyyumaṃ	75	Ahaṅkāramamaṅkāra-	
Avātātapahatāni	251	mānānusayā	197
Avāpuraṇaṃ ādāya	291	Ahu paññāya abhisamayo	20
Avighāto	238	[Ā]	
Avijjā	72	Ākāsanissitā	103
Avijjā upayanti	114	Ākāse paṇim cālesi	157
Avijjāgato	71	Ākiṇṇamanussaṃ	108
Avijjādhātu	249	Ākoṭitapaccākoṭitāni	219
Avijjānīvaraṇassa	36	Āgatigati	67
Avijjāsamugghatā	206	Āgamo	312
Avijjāsamphassajena	249	Āgucāriṃ	104
Avitathatā	38	Ācayo	90
Avinipātadhammo	68	Ācārakulaputto	46
Avihimsādhātum	127	Ācikkhati	38
Aveccappasādena	68	Ācikkhatu	34
Asaṃkiṇṇapubbā	257	Āṇisaṅghāṭova	211
Asaṃkiṇṇā	257	Ātappaṃ	118
Asaṃsaggena chijjati	131	Ātāpino	211
Asakkārena cūbhayaṃ	192	Ātāpī	196
Assatarī	195	Āturakāyo	229
Assādānupassino	75	Āturo hāyaṃ	230
Asanivicakkaṃ	191	Ādānaṃ	90
Asammāsambuddhesu	128	Ādikena	188
Assāsamattha	57	Ādittam	257
Assutavā	90	Ādibrahmacariyako	70
Asekhaññaṃ	260	Ādīnavadassāvī	152
Asmimāno samucchinno	259	Ānako	209
Assasi	219	Ānando	79
Assosi	70, 116		

Padānukkamo	Piṭṭhaṅko	Padānukkamo	Piṭṭhaṅko
[Ā]		[Ā]	
Āneñjūpagam	72	Āhutiyo	311
Āneñjam ce saṅkhāram	72	Āḷahanā	311
Āpānīyakamso	111	[I]	
Āpodhātu	141	Iñjanti	313
Ābādhato	305	Iṇaṭṭā	277
Ābhādhātu	124	Iṇaparibhogo	183
Ābhicetasikānam	216	Itarītarena	150
Āmantesi	1, 110	Iti rūpaṃ	44, 265
Āmisakiñcikkahetu	193	Iti hidaṃ	20
Āmisagataṃ	190	Idappaccayatā	38
Āmisacakkhu	190	Idha	52
Āyasmā	79	Iddham	108
Āyu	296	Iddhividham	116
Āyusaṅkhārā	209	Indriyāni	230, 311
Ārakāvassa	104	Iriyaṃ	56
Ārakkhasampanno	285	[U]	
Āraddhacittā	35	Ukkalā	257
Āraddhavīriyo	47, 215	Ukkaṇṭakena	192
Ārammaṇato	137, 140	Ukkaṃsāvakaṃse	316
Ārammaṇaṃ	212	Uggaṇhāhi	70
Ārādhesi	110	Ugghaṭṭitaññū	4
Āloko	20	Uṭṭhāyāsanā vihāraṃ pāvīsi	60
Āvaheyya	294	Uttamapuriso	255
Āvibhāvaṃ tirobhāvaṃ	116	Uttaro Giḷḷhakūṭassa	147
Āsandipaṇcamā	311	Uttānīkaroti	38
Āsabhaṃ ṭhānaṃ	43	Uttāno	45
Āsayā	261	Uttāsavā	242
Āsavānaṃ khayā	49, 162	Udakanissitā	103
Āsavā nānussavanti	60	Udakaphusitāni	119
Āhārā	21		

Padānukkamo	Piṭṭhaṅko	Padānukkamo	Piṭṭhaṅko
[U]		[U]	
Udakavārako	114	Ummujjanimmujjaṃ	117
Udapāno	114	Usmā	94, 296
Udānaṃ udānesi	251	Ussolhī	118
Uddhāpavantam	107	[Ū]	
Uddham	260	Ūse	290
Uddham ojaṃ	77	[E]	
Upakkilesa	318	Ekattaṃ	70
Upadhiniḍānaṃ	110	Ekantaparipuṇṇaṃ	167
Upanikkhipeyya	120	Ekantaparissuddhaṃ	167
Upapajjati	320	Ekantadukkhaṃ	144, 256
Upayanto	114	Ekantasukhī	317
Upayā	31	Ekamantaṃ nisīdi	79
Upayāpeti	114	Ekapariññā	101
Upayo	250	Ekaputtako	96
Upayupādānā	239	Ekamaṃsakhalaṃ	312
Upasaṅkami	289	Ekavihāre	215
Upassuti	69	Ekāgārikaṃ	312
Upādānaṃ	13	Ekūnapaññāsa ājīvakaṣate	315
Upādānakkhayārāmaṃ	192	Eko	196
Upādāparitassanaṃ	241	Ekodibhāvaṃ	214
Upādāniyesu	75	Etaṃ mama	91, 196
Upādāya	16, 283	Etadahosi	61
Upādiyati	32	Ettāvatā ca avijjāgato	305
Upādiyamāno	258	Eḷagalāgumbe	237
Upāsanasmim	211	Evamgotto	243
Upeti	286	Evamṇāmo	243
Uppakkaṃ	204	Evambyākho	285
Ubbedhena	119		
Ubhatolohitakūpadhānāni	297		

Padānukkamo	Piṭṭhaṅko	Padānukkamo	Piṭṭhaṅko
[E]		[Ka]	
Esikaṭṭhāyitṭhitā	313	Kaṭṭham	245
Esevanto dukkhassa	75	Kataññutā	213
Eso me attā	91, 196	Kataveditā	213
Esohamasmi	91, 196	Katahatthā	207
Ehi tvam	115	Katūpāsana	207
[O]		Katham vimokkhā	59
Okāsaṃ	33	Kathetukamyatāpucchā	8
Okiliniṃ	204	Kadalimigapavara-	
Okiriniṃ	204	paccattharaṇāni	297
Okoṭimako	323	Kantāram	95
Okoṭimakam	217	Kantāramaggaṃ	95
Okkanti	13	Kandantānaṃ	146
Okkanto sammattaniyāmaṃ	317	Kandaram	51
Okkamanīyā	189	Kappaṃ	215
Okkhāsataṃ	206	Kabaḷikāro	22
Otāraṃ	212	Kammāsadhammaṃ	79
Odahiṃsu	211	Karoto	312
Odhunāti	303	Kaliṅgarūpadhānā	211
Opapātikā	319	Kallaṃ	196
Opilavati	188	Kavikatā	211
Oraso	185	Kapallāni	74
Olujjati	166	Kassapakārāme	289
Ohārinī	292	Kākapeyyā	119
Ohitasoto	183	Kāpotakāni	311
Oḷārikena	215	Kaḷārakhattiyo	57
Oḷāriko	22	Kāmataṇhā	14, 243
[Ka]		Kāmabhavo	13
Kaṭasi	145	Kāmupādānaṃ	13
Kaṭuko	190	Kāmesu	134, 240
		Kāmesu anapekkhinaṃ	219
		Kāmesumicchācāro	134

Padānukkamo	Piṭṭhaṅko	Padānukkamo	Piṭṭhaṅko
[Ka]		[Ka]	
Kāyapariyantikaṃ	73	Kunnadiyo	51
Kāyasaṅkhāre	289	Kumārakavādā	166
Kāyasaṅkhāro	16	Kumbhakāranivesane	287
Kāyasañcetanāhetu	53	Kumbhakārapākā	74
Kāyassa bheda	74	Kumbhatthenakehi	206
Kāyūpago	38	Kuraraghare	238
Kāraṇiko	202	Kurūsu viharati	79
Kārayato	312	Kulaputtana	46
Kālakiriyā	12	Kulāgaṇṭhikajātā	89
Kāsikena	147	Kulānuddayatāya	165
Kāsu	103	Kulūpako	158
Kāḷasilā	288	Kulūpaghātāṃ	166
Kāḷasīho	261	Kusalamūlaṃ	194
Kāḷāvakaṃ	41	Kusalūpasamhitāṃ	183
Kiccakaraṇīyesu	240	Kusobbhā	51
Kicchāṃ	20	Kūṭaṅgamā	206, 303
Kiñcideva desaṃ	33	Kūṭāgāraṃ	106
Kimjātikā	26	Kūṭaṭṭhā	313
Kimnidānā	26	Kūṭaninnā	303
Kim nu kho	39, 70, 112	Kūṭasamugghātā	206
Kimṃpabhavā	26	Kūṭasamosaraṇā	206, 303
Kimṃpahotikā	247	Kūṭāgārasālā	106
Kimvādī	52, 238	Kevalassa	9
Kimśamudayā	26	Kevalino	255
Kukkuḷaṃ	306	Kesarasīho	261
Kuṭṭanissitā	103	Keḷāyanti	308
Kuṭṭāṃ	103	Ko adhippayāso	37, 256
Kudāssu	20	Koṭṭhāsato	137, 139
Kuddālapaṭṭakāṃ	78	Kolatṭhimattiyo	120

Padānukkamo	Piṭṭhaṅko	Padānukkamo	Piṭṭhaṅko
[Pa]		[Ga]	
Khajjāmi	271	Gāmakūṭako	203
Khaṇḍākhaṇḍikam	78	Gijjhāpi kākāpi	200
Khaṇḍiccam	11	Giñjakāvasathe	69
Khattiyapaṇḍitā	238	Gilabaḷiso	190
Khantisamvaro	233	Guḷikā	120
Khandhabijam	250	Gūthapūrā	191
Khandhānam	13	Gūtho gūthena	131
Khamanīyam yāpanīyam	288	Goghātako	201
Khayadhammam	39, 63	Goṇakatthatāni	297
Khayasmim khayeññam	50	Gocarāya pakkamati	262
Khādeyyum	103	[Gha]	
Khārikam	270	Ghammapareto	111
Khāre	290	Ghammābhitatto	111
Khīṇanirayo	68	[Ca]	
Khīle	299	Cakkhumā puriso	296
Khurapariyantena	312	Cakkhubhūtā	200
[Ga]		Cakkhuviññānam	16
Gaṅgāya nadiyā tīre	293	Cakkhusamphassajā vedanā	15
Gaṇamajjhe	155	Cakkhusamphasso	15
Gadduhanamattam	207	Catuṭṭhānam vacīpāgabbhiyam	156
Gaddulabaddho	299	Catuparivaṭṭam	254
Gandham	320	Catūhi ca vesārajjehi	42
Gambhīratthā	211	Catūsu mahāsamuddesu	146
Gambhīrāvabhāso	80	Catūhena ārohanti	149
Garukato	114	Cattāro	16
Garukāni	158	Candūpamā	154
Gahapatāni	158	Cavati	20
Gahapatipaṇḍitā	238	Cavittha	164
Gādhandi	255	Cātumahābhūtikasmim	90

Padānukkamo	Piṭṭhaṅko	Padānukkamo	Piṭṭhaṅko
[Ca]		[Ja]	
Cātumahābhūṭiko	311	Jāṇussoṇi	70
Cittam	91, 242	Jātarūpappatirūpakam	186
Cittasaṃkilesā	299	Jāti	13, 50
Cittakkharā	211	Jātikulaputto	46
Cittaññeva cittataram	299	Jāyampatikā	95
Cittasaṅkhāro	16	Jiṇṇo	158, 229
Cittasesso	318	Jīvitapariyantikam	73
Cirapaṭikāham	288	Jīvitahetu	193
Cutūpapāto	67	Jeṭṭhametaṃ	70
Cetanā phasso	16	[Jha]	
Cetaso adhiṭṭhānam	32, 239	Jhāyī tapati brāhmaṇo	226
Ceteti	65, 66	Jhāyeyya	77
Cetovimuttim	162	[Ña]	
[Cha]		Ñāṇam	20
Chattimsāya vatthūhi	113	Ñāṇavatthūni	62
Chandamūlakā	282	Ñāṇasaṃvaro	233
Chandarāgavinayo	141	Ñātike	69
Chandarāgappahānam	141	Ñātibyasanam	146
Chandarāgavemattatā	282	Ñāyo	67
Chando	118, 238	[Tha]	
Chasvevābhijātīsu	313	Ṭhitattā santussitam	248
Chaḷābhijātiyo	314	Ṭhitiyā	22
Chindato	312	[Da]	
Chinnapilotiko	45	Ḍamsā	268
[Ja]		[Ta]	
Janapadakalyāṇiyā	193	Tajjam	94
Janetasmim	226	Taññevettha paṭibhātu	53
Jarudapānam	156	Taṇhakkhaye vimuttam	223
Jalābuja	319		

Padānukkamo	Piṭṭhaṅko	Padānukkamo	Piṭṭhaṅko
[Ta]		[Ta]	
Taṇhā	196	Tiṇṇaṃ saṅgati phasso	69
Taṇhāsāṅkhayavimuttā	241	Titthavāso	87
Tatojo	281	Tibbaṃ	145, 183
Tatonidānaṃ	312	Timirāyitattaṃ	289
Taṃ jīvaṃ taṃ sarīraṃ	63, 316	Tiriyāṃ	260
Tatra tatrābhinandinī	243	Tirokuṭṭaṃ	116
Tathatā	38	Tīhena ārohanti	149
Tathattāya paṭipajjeyyūṃ	158	Turitacārikā	164
Tathāgato	185, 265	Tejodhātu	141
Tathāgatassa	239	[Tha]	
Tadaṅganibbuto	247	Thambhe	299
Tadaṅgappahānaṃ	234	Thullatissā	163
Tadappatiṭṭhitaṃ	66, 250	Thullaphusitake	51
Tadāhāranirodhā	57	Theyyaparibhogo	183
Tadāhāro	75	[Da]	
Tadupādānaṃ	241	Dakāsaya	263
Tadupādāno	75	Dakkhiṇaṃ	312
Tantākulakajātā	88	Dakkhiṇāgirisimim	164
Tapati	226	Dattupaññattaṃ	311
Tapena	316	Dadhimaṇḍakena	112
Taruṇavipassanā	50	Dantabhūmim	260
Taruṇo	79	Dandhāyitattaṃ	61
Tādino	266	Damena	312
Tālapattikāya	164	Dasabalasamannāgato	41
Tālāvatthukatāni	64	Dasahaṅgehi sampannā	260
Tāvaticā viṣaṭṭhi	292	Dasārahānaṃ	209
Tikabhojanaṃ paññattaṃ	165	Dassanasampanno	55
Tiṇaṃ	244	Dassaniyo	216
Tiṇadāye	126	Daharo	283
Tiṇasiho	261		

Padānukkamo	Piṭṭhaṅko
[Da]	
Daḷhadhammā dhanuggahā	207
Daḷhehi	263
Dāyajjaparibhogo	183
Dāruṇo	190
Diṭṭham	310
Diṭṭhasaṁsandanāpucchā	8
Diṭṭhadhammanibbānappatto	32
Diṭṭhadhammasukhavihārā	194
Diṭṭhadhammasukhavihāraṁ	159
Diṭṭhisampanno	55
Diṭṭhupādānaṁ	14
Diṭṭhena	62
Diddhagatena	191
Disāmukhā	319
Dīgharattaṁ	214
Dukūlasandānāni	297
Dukkham	34, 50, 196
Dukkakkhandhassa	9
Dukkakkhayāya	38, 71
Dukkhato	305
Dukkhanirodhagāminī	
samanupassanā	248
Dukkhasamudayagāminī	247
Dukkhānupatitā	144
Dukkhāvakkantā	144
Dukkhe aññāṇaṁ	17
Duggataṁ	148
Duggati	89
Dubbacā	161
Dummano	220

Padānukkamo	Piṭṭhaṅko
[Da]	
Dummaṅkūnaṁ puggalānaṁ	
niggahāya	165
Durūpetam	148
Dussilā	132, 217
Dūraṅgamā	292
Devadahaṁ	236
Desanāññaṇaṁ	266
Desanāmaṇḍo	48
Desessāmi	6, 69
Doṇamite	316
Dovacassakaraṇehi	161
Dvaṭṭhantarakappā	314
Dvaṭṭhipaṭipadā	314
Dvayanissito	31
Dvinnam katṭhānaṁ	94
[Dha]	
Dhanāyanti	308
Dhammaṁ bhāsitaḥḥam	
maññati	163
Dhammacakkaṁ	266
Dhammajo	185
Dhammaṭṭhitatā	38
Dhammaṭṭhitiññaṇaṁ	63, 117
Dhammato	137, 139
Dhammadāyādo	185
Dhammanimitto	185
Dhammaniyamatā	38
Dhammapariyāyaṁ	69
Dhammā	249
Dhammānudhammappaṭi-	
pannassa	246
Dhammasotaṁ samāpanno	55

Padānukkamo	Piṭṭhaṅko	Padānukkamo	Piṭṭhaṅko
[Dha]		[Na]	
Dhamme agāravo	189	Nāmaṃ	16
Dhamme ñāṇaṃ	62	Nāmarūpaṃ	105
Dhammena dāraṃ posenti	322	Nālaṃ	91
Dhātunānattaṃ	121	Nāsāya pittaṃ bhindeyyuṃ	195
Dhūmāyitattaṃ	288	Nikāmalābhī	216
[Na]		Nikkhipeyya	145
Nakhasikhāyaṃ	119	Nikkhepanaṃ	90
Nakkhattavijjā	319	Niccato addakkhuṃ	111
Nati	67	Niccanavakā	154
Na tumhākaṃ	65	Niccammā	103
Natthi ayaṃ loko	311	Nicchāto	243
Natthi taṃ	31	Nicchoṭeti	303
Natthi dāni punabbhavo	143	Nijjhāyeyya	294
Natthi balaṃ	313	Nibbidāya	32
Natthi mātā	311	Nibbindeyya	90
Natthi vīriyaṃ	313	Nibbedhikapañño	55
Natthi sattā opapātikā	311	Nimantanāni	158
Natthi hāyanavaḍḍhane	316	Niyati	313
Natthi hetu natthi paccayo	313	Niyato	68
Nadīviduggaṃ	156	Nirujjhamānā	153
Nandīrāgasahagatā	243	Niruttipathā	257
Nandī	241	Niruddhaṃ	257
Na paritassati	247	Nirodhadhammaṃ	39, 63
Na saṃkīyanti	257	Nirodhasamāpatti	125
Naḷakalāpiyo	113	Nirodhāya	32
Nāgavāsasate	315	Nillopaṃ	312
Nānāverajjagataṃ	237	Nivāsaṃ	236
Nābhinandati	241	Nivisati	110
Nābhivadati	241	Nissaraṇaṃ	20
		Nissaraṇappahānaṃ	234

Padānukkamo	Piṭṭhaṅko	Padānukkamo	Piṭṭhaṅko
[Na]		[Pa]	
Nekkhammadhātum	127	Paṭileṇeti	207
Nekkhammaninnaṃ	318	Paṭivedhaññaṃ	266
Neyyo	4	Paṭisaranti	37
[Pa]		Paṭisallāne	241
Pakkhī sakuṇo	117	Paṭisisseyya	74
Pacato	312	Paṭṭhapeti	38
Paccattaññaeva	72	Paṇāmetvā	274
Paccassosum	3, 237	Paṇidhi	128
Paccudāvattati	107	Paṇḍito	236
Pacchānipātī	285	Paṇḍusīho	261
Pacchābhūmagamikā	236	Paṭiṭṭhā viññāṇassa	65, 250
Pañcakāmaguṇiko	101	Pattaṃ	310
Paññā	20, 162	Pattena	62
Paññāvimuttim	162	Pathaviyā	193
Paṭapilotikānaṃ	167	Pathavī	251
Paṭalikatthatāni	297	Pathavī pathavikāyaṃ	311
Paṭikatthatāni	297	Pathavīdhātu	141, 188
Paṭikkamosānaṃ	288	Padaparamo	4
Paṭiggahamaṇḍo	48	Padaraṃ	51
Paṭicca	69	Padāni	311
Paṭiccasamuppannaṃ	39	Padhānasmim	212
Paṭiccasamuppādaṃ	3, 6	Papātā	315
Paṭipajjim	184	Pabāḷho	275
Paṭipanno	32, 56	Pabbajeyyaṃ	167
Paṭippassaddhippahānaṃ	234	Pabbatavisamaṃ	156
Paṭipiseyyum	96	Pabbateyyā	292
Paṭibhātu	37, 53	Pabhaṅguṃ	244
Paṭilābho	13	Parajjhāsayo	3
Paṭivaṭṭeti	207	Paratthaṃ	48

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Parabhattam	296	Parihāpeti	47
Paramatā	119	Pariḷāho	238
Parābhavāya	195	Palimajjeyya	79
Parāmaṭṭham	91	Palujjeyyum	292
Paricitā	206	Paleti	316
Pariññam	244	Pallaṅkena	117
Pariññātāvim	304	Pavane	92
Pariññāte	101, 104	Pavivitto	47
Pariññāya	259	Pavuḷā	315
Pariññeyye	244, 304	Pasayha	285
Pariṇatā	313	Passaddhi	50
Paritassati	242	Passannaṃ	146
Parittam gomayapiṇḍam	297	Pahānavinayo	233
Parittam sambalam	95	Pahitatto	196
Paridahāmi	298	Pahinagamanam	319
Paripanthē	312	Pākaṭindriyo	278
Paribbājakasate	315	Pāṇātipātappaccayā	68
Paribbājakānam āramo	52	Pāṇātipātino	133
Paribhūtarūpam	217	Pātubhāvo	13
Pariyattisaddhammapati- rūpakam	186	Pānam	320
Pariyādānam	145	Pānīyena	112
Pariyādiyati	303	Pāpabhikkhu	205
Pariyāpannāya	219	Pāmojjam	50
Pariyuṭṭhaṭṭhāyī	235	Pāradārikā	148
Pariyogaḷhena	62	Pāripanthakā	148
Pariyodāto	231	Pāliccam	11
Pariyonaddho	230	Pāvisi	52
Parivīmaṃsamāno	71	Pāveyyakā	148
Parisāsu	43	Piṇḍolyam	277
Parisuddho	230	Pipāsā	238

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pha]	
Piyarūpaṃ sātarūpaṃ	110	Phalubījaṃ	251
Pisuṇavācā	133	Phassaṃ	93
Pīti	50	Phassanānattaṃ	121
Puggalavemattakā	35	Phītaṃ	108, 110
Pucchāvasiko	4	[Ba]	
Puññaṃ ce saṅkhāraṃ	72	Baddho	305
Puthu	56	Baddho māraṣṣa	258
Puthujjano	90	Balavavipassanā	50
Puthuttaṃ	70	Bahukaraṇīyo	163
Pubbaṅhasamayaṃ	275	Bahukicco	163
Pubbantānudiṭṭhiyo	248	Bahulīkatā	206
Pubbe ananussutesu	20	Bāhirakā	211
Pubbā koṭi na paññāyati	145	Bāhujaññaṃ	108, 110
Pubbuṭṭhāyī	285	Bāḷisiko	190
Pubbenivāsaṃ	266	Bāḷhagilāno	287
Pubbeva sambodhā	20	Bilāsayā	263
Purakkharāno	240	Bījajātāni	250
Purāṇaṃ maggaṃ	109	Bījabījaṃ	251
Pūjito	114	Bījānaṃ taruṇānaṃ	275
Pūtikāyena	288	Buddhā	260
Pesalānaṃ	165	Buddho tapati	226
Pokkharāṇī	119	Beluvalaṭṭhikāya mūle	275
Ponobhavikā	243	Bodhi	20, 142
Poriyā vācāya	219	Bodhisatto	20
Paṃsum dadeyya	79	Byasanaṃ	145
[Pha]		Byāpannacittā	133
Phandāpayato	312	Byāpādadhātum	126
Pharusavācā	133	Byāpādo	137
Pharuso	190	Byābādhenti	314

Padānukkamo	Piṭṭhaṅko
[Ba]	
Brahmacakkaṃ pavatteti	44
Brahmacariyaṃ	38, 109
Brahmacariyaṃaṇḍo	48
Brahmacariyavāso	38, 63
Brahmacārupaddavena	162
Brahmabhūtā	259
Brāhmaṇapaṇḍitā	238
[Bha]	
Bhagavaṃnettikā	37
Bhagavaṃpaṭisaṇā	37
Bhagavaṃmūlakā	37
Bhagavato	3, 19
Bhagavato bhāsitaṃ	9
Bhagavantaṃyeva paṭibhātu	37
Bhagavā	1
Bhaggesu	229
Bhaṭṭhaloṇikāya	112
Bhattābhīhāro	195, 298
Bhadante	2
Bhaddayugaṃ	149
Bhaddasālamūle	280
Bhayaṃ veraṃ	68
Bhavataṇhā	14
Bhavanirodho nibbānaṃ	113
Bhavanetti	308
Bhavo	51
Bhārādānaṃ	243
Bhāsissāmi	7
Bhīṅkacchāpā	212

Padānukkamo	Piṭṭhaṅko
[Bha]	
Bhikkhavo	2
Bhikkhu	1
Bhisamuḷālaṃ	212
Bhuñjāmi	298
Bhūtaṃ	56
Bhūtapubbaṃ	149
Bhūtamidaṃ	56
Bhūtā	21
Bhūmijo	53
Bhūripaṇṇena	296
Bheravaṃ	260
Bhesakaḷāvane	229
Bho	266
Bhogabyasaṇaṃ	146
[Ma]	
Makasā	268
Magadhānaṃ giribbaje	147
Maṅguliṃ	204
Maññamāno	258
Maṇḍanakajātiko	283
Maṇḍapeyyaṃ	48
Madhurakajāto	284
Manasikatvā	183
Manussesu paccājāyanti	206
Mano	91, 196
Manobhāvanīyaṇaṃ	230
Manoviññāṇaṃ	16
Manosañcetanā	23
Manosamphasso	15

Padānukkamo	Piṭṭhaṅko	Padānukkamo	Piṭṭhaṅko
[Ma]		[Ma]	
Mantāṇiputto	283	Mūlabījaṃ	250
Mamāyanti	308	Mūlasantānakāni	303
Mamāyitaṃ	91	Moghapurisa	188
Mahatthiyo	119	Mohajālaṃ	259
Mahantaṃ pheṇapiṇḍaṃ	294	Moliyaphagguno	28
Mahallako	229	[Ya]	
Mahākappino	223	Yajanto	312
Mahākummaḷaṃ	190	Yatra	200
Mahānadiyo	51, 114	Yathābhirantaṃ	165
Mahānāgā	260	Yathābhūtañāṇadassanaṃ	50
Mahāpathaviyā	120	Yadākaṅkhasi	33
Mahābhiññaṃ	214	Yadidaṃ arahanto	259
Mahābhūtā	16	Yasassino	266
Mātuthaṇṇaṃ	146	Yānaṃ	320
Mānito	114	Yānikatā	206
Migarājā	261	Yāva ālāhanā	311
Micchāñāṇino	140	Yāva gambhīro	80
Micchāpaṭipadaṃ	18	Yāvata	143
Micchāvimuttino	140	Yiṭṭhaṃ	311
Mīḷhakā	191	Yuvā	283
Mukhanimittaṃ	283	Yogo	118
Muñjapabbajabhūtā	89	Yoni	247
Muṭṭhassati	278	Yonipamukhasatasahassāni	314
Mutaṃ	310	Yoniso upaparikkheyya	294
Mudumūsiṃ	213	Yoniso manasikārā	20
Muddhāpi tassa vipateyya	182	[Ra]	
Musāvādino	133	Rajako	300
Musā	135	Rajanīyasaṅghitaṃ	259
Mūlato	138, 140	Rajāpatho	166
Mūlapariññā	102		

Padānukkamo	Piṭṭhaṅko	Padānukkamo	Piṭṭhaṅko
[Ra]		[La]	
Rajodhātuyo	315	Lābhasakkārasiloko	190
Ratṭhapiṇḍam	183	Lokadhammo	293
Ramaṇīyaṃ	107	Lokanirodham	31
Rāgakkhayo	244, 304	Lokasamudayaṃ	31
Rāgo	105, 238	Lokāyatam	70
Rājābhiniṭā	277	Lokāyatiko	70
Rukkhanissitā	103	Lokuttarā	211
Rukkhā	292	Loṇaghaṭāya	215
Ruppati	267	Loṇasovīrakena	112
Rūpaṃ	16	[Va]	
Rūpaṃ attato samanupassati	235	Vacīsaṅkhāro	16
Rūpaṃ abbhāññasiṃ	254	Vacchassa	275
Rūpacchando	122	Vañjhā	313
Rūpataṇhā	14	Vaṇṭacchinnāya	303
Rūpadhātu	122, 238	Vaṇṇapokkharatāya	216
Rūpadhāturāgavinibaddham	238	Vaṇṇavanto	265
Rūpanimittaniketavisāra- vinibandhā	239	Vaṇṇavādī	152, 222
Rūpapariyesanā	122	Vatena	316
Rūpapariḷāho	122	Vattham	320
Rūpalābho	123	Vatthakoṭisahassāni	297
Rūpavantam	235	Vatthukatā	206
Rūpasaṅkappo	122	Vatthuvijjātiracchānavijjāya	319
Rūpasaññā	122	Vanatho jāto	131
Rūpasamphasso	123	Vanāsaya	263
Rūpasmim vā attānam	235	Vayadhammam	39, 63
Rūpassa vibhavā	254	Vayo-anuppatto	229
Rūpī	317	Varattehi	263
Rogato	305	Valittacatā	11
Rogabyasanam	146	Vallūraṅca	96

Padānukkamo	Piṭṭhaṅko	Padānukkamo	Piṭṭhaṅko
[Va]		[Va]	
Vassabhaññā	257	Vipariṇāmānuparivattijā	241
Vācāsannitodakena	221	Vipassī	19
Vādānuvādo	238	Vipphanditaṃ	64
Vādo	135	Vibhajati	38
Vāyodhātu	141	Vibhavataṇhā	14
Vāsijaṭṭe	302	Vimaticchedanāpucchā	8
Vāḷarajjuyā	194	Vimariyādikatena	144
Vikīḷaniyaṃ	308	Vimutti	50
Vikkhambhanappahānaṃ	234	Virajjeyya	90
Vijambhati	261	Virajjaṃ	237
Vijitasāṅgāma	321	Virāgadhammaṃ	39, 63
Vijitāvino	260	Virāgāya	32
Vijjā	20, 72	Virāgā vimuccati	93, 196
Vijjācaraṇasampanno	226	Virūḷhe	65
Viññāṇaṃ	23, 91	Vilepanaṃ	320
Viññāṇaṃ paññāyetha	75	Vivaṭo	45
Viññāṇaṃ sāhāraṃ	251	Vivadati	293
Viññāṇassa ṭhitiyā	65	Vivarati	38
Viññāṇāhāro	29	Visallena	191
Viññāṇupayaṃ	250	Visineti na ussineti	273
Vitakkasahagatā	214	Visevitaṃ	64
Vitthārikaṃ	110	Vissaṭṭhāya	219
Vidhā samatikkantaṃ	197	Visūkāyikaṃ	64
Vidhāsu na vikampanti	260	Vihimsādhātum	126
Vinipāto	89	Vītaccikānaṃ	104
Vinetum	112	Vīmaṃsakā	238
Vipaṅcitaññū	4	Vīriyaṃvaro	233
Vipariṇataṃ	257	Vuddhivepullappattaṃ	108
Vipariṇatā	298	Vuddho	229
Vipariṇamanti	314	Vuddhiṃ	79

Padānukkamo	Piṭṭhaṅko	Padānukkamo	Piṭṭhaṅko
[Va]		[Sa]	
Vusitavā	255	Saññā	16
Vūpakaṭṭho	196	Saññāmanasikārā	214
Vedanā	16, 123	Saññāsamāpatti	125
Vedanākāyā	15	Satimaṃ kalam	119
Vedanāto	138, 140	Satisaṃvaro	233
Vedaniyaṃ	65	Sattakkhattuṃ	119
Vedhamunino	163	Sattaṭṭhānakusalo	255
Veyyāvaccam	216	Sattadevā	315
Verambhavātā	192	Sattannaṃtveva kāyānaṃ	314
Velāmikā	298	Sattaratanam	164
Vo	6	Sattaratanasampannā	260
Vokiṇṇo	47	Sattasaññīgabbhā	315
Vocchijjatārammaṇam	250	Sattasattari	63
Vossatṭhakāyā	320	Sattasaddhammagocarā	259
[Sa]		Satto satto	308
Sa-uttaracchadāni	297	Satthā	118
Sa-udrayā	48	Sadattham	47
Sa-upanisam	50	Saddhammappatirūpakam	186
Sakkapañhe	241	Saddhammassa antaradhānam	186
Sakkāyapariyāpannā	266	Saddhā	50, 162, 193
Sakkāro	190	Saddhāpabbajitena	46
Saṅkasāyati	216	Sanidānam	125
Saṅkhāro	16	Santaṃ suvimuttam	197
Saṅkhataṃ	39	Santuṭṭhāyaṃ	150
Saṅkhātadhammāse	56	Sandassesi	163
Saṅkhalikhitaṃ	167	Sandiyati	158
Saṅgati	313	Sandhāvanikāya	289
Saccavajjena	312	Sandhi	213, 312
Sañjambharimakamsu	221	Sapajāpatikā	273
		Sappurisānam	231

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Saphalā	48	Samenti	119, 129
Sabbañjaham	223	Sampajaññaṁ	118
Sabbapariññā	102	Sampajānamusā bhāsantaṁ	193
Sabbavidum	223	Sampattavirati	138
Sabbābhibhum	223	Sampahaṁsesi	163
Sabbupādānakkhayā	60	Samphappalāpino	133
Sabbe āraññikā	148	Sambādho gharāvāso	166
Sabbe jīvā	313	Sambodhāya	153
Sabbe dhammā anattā	291	Sambodhiparāyano	68
Sabbe pāṇā	313	Sambhavesino	21
Sabbe bhūtā	313	Sammadditvā	290
Sabbe saṅkhārā aniccā	291	Sammappaññāya	31, 39, 56, 114, 197
Sabbe sattā	313	Sammāññaṇino	140
Sabbe asaṁyojanā	148	Sammāvimuttino	140
Sabrahmacārikāmo	162	Sammāsambuddhassa	19
Samañña udapādi	149	Sammāsambuddhā	128
Samaṇapaṇḍitā	238	Saraṇo	183
Samaṇā vā brāhmaṇā vā	30	Sarā	315
Samaṇena	60	Sarīrāni	74
Samatittikā	119	Sarīsapā	268
Samadhosi	287	Sallato	305
Samādapesi	163	Sassaghātaṁ	166
Samādānavirati	139	Sassatisamaṁ	297
Samādhi	50, 192	Sahadhammiko	52, 238
Samādhisārakā	289	Sahabyataṁ	320
Samucchedappahānaṁ	234	Sahāvase	131
Samucchedavirati	139	Sahasā	166
Samuttejesi	163	Sākuṇiko	201
Samudācaranti	214	Sākhā	51, 245
Samūlaṁ taṇhaṁ	243	Sātaccam	118

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Sātaticam	192	Sudiṭṭho	67
Sādhikaporisā	104	Supinā	315
Sādhujīvī	131	Suppadhamsiyāni	206
Sādhū sādhū	53, 57	Subhadhātu	124
Sāmaññattham vā		Suvaṇṇanikkhassa	193
brahmaññattham vā	30	Suvinītā	227
Sāniparibhogo	183	Suvimutto	288
Sāramayāni	297	Susajjitam	148
Sārādāni	251	Susamāraddhā	206
Sāsavam	249	Susikkhitā	207
Sikkhā karaṇīyā	118	Susimo	115
Siṅgīnikkhassa	193	Sussūsissanti	211
Sitam pāvākāsi	199	Sūcako	202
Sithilamārabha	216	Sūto	202
Siloko	190	Sekkhena ñāṇena	55
Sīghasotā	292	Sekkhāya vijjāya	55
Sīlabbatupādānam	14	Semānam	288
Sīlasamvaro	233	Seyyāvasathapadīpeyyam	320
Sīhanādam	43, 262	So kummo	190
Sīho	261	Sotāpattiyaṅgehi	67
Sukatadukkaṭānam	311	Sotāpanno	68
Sukhavedaniyam	93	Svākkhāto	45
Sukhasayitāni	251	Samkaṭīram	213
Sukhitam	148	Samghaṭṭanasamodhānā	94
Sukhumam diṭṭhivipassakam	192	Samghe dinnam mahapphalam	321
Sukhumo	22	Sambhejja-udakam	119
Suññato	306	Samyamena	312
Sutam	310	Samvaravinayo	233
Sutavatā	360	Samsaggā	131
Supaṇṇā	320	Samsandanti	119, 129
Suttaḡe	316		

Padānukkamo	Piṭṭhaṅko	Padānukkamo	Piṭṭhaṅko
[Sa]		[Ha]	
Samsāro	89, 145	Hirottappaṃ	183
Samsedajā	319	Hīnādhimuttikā	129
[Ha]		Hīnāyāvatto	57
Ha-kāro	81	Hīnena aggassa	48
Hatthayo pasadā migā	218	Hutaṃ	311
Hāliddikāni	238	Hemantikena	302
		Hevaṃ natthi	316

Nidānavaggakhandhavaggasamyuttaṭṭhakathāya

Nānāpāṭhā

Paṭhamo mūlapāṭho, Sī = Sīhaḷapottthakaṃ, Syā = Syāmapottthakaṃ, Kaṃ = Kambojapottthakaṃ, I = Iṅgalisapottthakaṃ, Ka = kesuci Marammapottthakesu dissamānapāṭho, Ka-Sī = kesuci Sīhaḷapottthakesu dissamānapāṭho.

Nidānavaggakhandhavaggasamyuttaṭṭhakathāya

Nānāpāṭhā	Piṭṭhankā
[A]	
Akāsi = Ahosi (Syā)	217
Akukkukajātanti = Akusajātanti (Sī), Akukkujakajātanti (Syā)	295
Akkantosi, khama = Akkanto, khamatha (Sī), Akkamato khamasi (Syā)	221
Agantvā = Anāgantvā (Sī), Āgantvā (Ka)	176
Agāraḷakaraṇatthaṃ = Āvāsakaraṇatthaṃ (Syā)	109
Aguttāni = Aguttāni arakkhitāni (Sī)	47
Aggiḷālanena = Aggiḷalanena (Syā), Aggiḷiṃ jalantena (Ka)	76
Accantaṃ appavattibhāvena = Accantaṃ appavattabhāvena (Sī), Accanta-appavattibhāvena (Syā)	234
Accayāsīti = Accasarāti (Sī)	308
Ajjhattaṃ vimokkhāti = Ajjhattavimokkhāti (Sī, Syā)	59
Aññatarato manuññavatthum = Aññataramanuññavatthum (Sī), Aññataraṃ manuññavatthum (Syā)	153
Aññāsi... = Aññā... (Sī, Syā), Aññāta... (Ka)	44, 256
Añño nāma = Aññesaṃ nāma (Ka)	65
Aṭṭassa = Atthassa (Syā)	19
Aṭṭhamāse = Aḍḍhamāse (Syā)	51

Nānāpāṭhā

Piṭṭhāṅkā

[A]

Aṭṭhikasāṅkhalikāṃ = Aṭṭhisāṅkhalikāṃ (Sī, Syā, Ka)	199
Aṭṭhito maṃsaṃ = Aṭṭhimaṃsaṃ (Ka)	201
Aṭṭhisāṅghātaṃ = Aṭṭhisāṅghāṭaṃ (Sī, Syā)	200
Aṭṭhuppattiko = Aṭṭhuppattito (Ka)	94
Ativissaṭṭho = Ativiya saṃvisaṭṭho (Syā)	286
Atītānāgatepi = Atītānāgatatopi (Sī), Atītānāgatopi (Ka)	242
Attamokkhaṃ = Attano mokkhaṃ (Syā)	252
Atthānaṃ = Attānaṃ (Sī)	55
Atthi = Natthi (Sī)	284
Atthirasiṃ = Kīsarasiṃ (Syā), Atisariṃ (Ka)	96
Adhigatena = Avihatena (Sī)	60
Adhiṭṭhitā = Avaṭṭhitā (Sī)	206
Anatthassa = Aṅgassa (Sī)	233
Anantoti = Ananto anantoti (Sī)	82
Anāturacittatāmyeva = Āturacittatāmyeva (Sī)	236
Anādīnavadassāvītāya = Ādīnava-adassāvītāya (Sī)	156
Anārādhakabhikkhu = Anārādhikabhikkhu (Sī), Anācāro bhikkhu (Syā)	188
Anu-abhāvaṃ katānīti = Anabhāvakatānīti anu-abhāvakatānīti (Sī)	64
Anucchedena = Anupacchedena (Sī)	31
Anucchedaṃ = Anupacchedaṃ (Sī)	31
Anuyogavattaṃ dāpanatthaṃ = Anuyogavattapāpanatthaṃ (Syā)	285
Anulomapaṭilomaṃ = Anulomaṃ (Syā, Ka)	101
Anusotāgamanena = Anusotāgamane (Syā)	294
Anekāni paṭalāni = Anekasaṭāni (Sī), Anekapaṭāni (Syā)	158
Anotthaṭo = Anottharito (Ka)	152

Nānāpāṭhā

Piṭṭhaṅkā

[A]

Apakassitvā = Apakassitvā ākaḍḍhitvā (Syā)	154
Apaṭikkhipitvā = Apakkipitvā (Ka)	98
Apāyapūrako = Apāyūpago (Sī)	180
Apiḷandhitvā = Nhāyitvā piḷandhitvā (Sī)	210
Abbhamaṇḍapo = Abbhamaṇḍalo (Sī)	322
Abbuhetvāti = Abbhuggahetvāti (Syā)	212
Abhabbo ca = Abhabbova (Sī, Syā)	317
Abhiññābharaṇehi = Abhiññākāraṇehi (Syā)	110
Abhinnaṭṭhānaṃ = Abhindanaṭṭhānaṃ (Sī), Abhindaṭṭhānaṃ (Syā)	107
Abhinivesabhūtañca = Nivesabhūtañca (Sī)	32
Abhinipatati = Abhinibbattati (Ka)	26
Abhinibbattāyeva = Ye bhūtāyeva (Sī, Syā) Ma-Ṭṭha 1. 211 piṭṭhe ca.	21
Abhinīhari = Abhinīharitvā (Syā)	83
Abhisamāgato = Abhisammato (Ka)	283
Abhisamitoti = Abhisametoti (Sī, Syā)	283
Abhisambuddhoti = Abhisambuddho (Sī, Syā)	143
Abhisamayasaṃyuttassa = Abhisamayavaggassa (Sī, Syā)	119
Amaññīti = Maññasīti (Ka)	163
Amānusikāsavanarati = Amānusikābhirati (Sī)	159
Amitodanasakkassa = Amitodanasakyassa (Syā)	86
Ambilaggādīsu = Ambilādīsu (Syā)	276
Ayakantakosake = Ayakosake (Ṭṭkā)	190
Ayañca = Ayaṃ pana (Sī, Ka)	87
Arahattaphalasaṃyamaṃ = Arahattaphalābhisamaṃ (Sī)	114
Allaṃ palālapuñjāhaṃ = Allapalāsapuñjāhaṃ (Syā)	253
Avadhāraṇa = Avadhāraṇatthe (Sī)	1
Avigahameva = Adhigatameva (Syā)	248
Avigataṃ = Adhigataṃ (Syā)	248
Asandiddhāya = Avisaddhitāya (Syā), Asanniṭṭhāya (Ka)	219

Nānāpāṭhā

Piṭṭhāṅkā

[A]

Asambhinnapadaṃ = Abhinnakapadaṃ (Syā)	110
Asārameva sāraṃ = Assādameva sādaṃ (Ka)	95
Asaṃyato = Asaññato (Syā)	205
Ahituṇḍikaparibuddhaṃ = ...parivutthaṃ (Sī) ...paripanthaṃ (Syā)	320
Aho tapassī”ti = Aho vata tapassīti (Syā)	175
Ahaṃ patto = Abhisampatto (Sī)	143

[Ā]

Ākāradassanaṃ = Ākāranidassanaṃ (Syā)	70
Ākāso taṭataṭāyi = Ākāse vāto vāyi (Sī)	184
Āgatāgatānaṃ = Āgatāgataṃ (Sī, Syā)	312
Āgatimhi = Āgatamhi (Sī, Syā)	67
Ācariyakaṃ = Bhāṇakaṃ (Sī)	226
Ādhāyitvā = Accādhāyitvā (Sī), Ādiyitvā (Syā)	155
Ādhāraṅkaṃ = Avāraṅkaṃ (Syā)	215
Ābhataniyāmeneva = Āgatanayeneva (Ka)	172
Abhogamaṃsatāya = Agorasatāya (Syā), Agorasamaṃsatāya (Ma-Ṭṭha 1. 216 piṭṭhe)	97
Āyataṃ = Āyatanam (Syā, Ka)	70
Āma = Sādhu (Syā)	209
Āmantesi = Manteti (Sī)	53
Ārammaṇe lubbhanaṃ = Ārammaṇalabhanaṃ (Syā)	92
Āvaraṇato = Ācaraṇato (Sī), Ādhāraṇato (Syā)	64
Āvāṭānaṃ = Anto-āvāṭānaṃ (Sī, Ka)	74
Āhaṭe = Āharetam (Syā), Āharitvā (Ka)	160
Ārabhi = Āhari (Syā)	5

[I]

Idāni = Idaṃ (Sī)	114
Idhāgatānīti = Idhānītānīti (Sī)	292
Imināva = Iminā tāva (Syā, Ka)	220
Imaṃ = Idaṃ (Syā)	74

Nānāpāṭhā

Piṭṭhānkā

[U]

Ukkamsetvā = Okkametvā (Ka)	61
Ugghaṭṭitaññūpuggalānaṃ = Ugghaṭṭitaññūnaṃ puggalānaṃ (Sī)	4
Ucchinditvā = Upacchinditvā (Sī), Pacchinditvā (Syā)	165
Uttara = Antara (Sī, Ka)	139
Uttaraṇatitthassa = Uttaranadititthassa (Syā)	225
Uttānakā = Uttānako (Sī, Syā)	87
Udakacarā = Udakagatā (Syā)	188
Udakajallaṃ = Udakajālakaṃ (Syā), Udakajallakaṃ (Ka)	295
Uddharaṇattham = Ukkaṇṭhanattham (Sī, Syā)	320
Uddhāpanti = Uddāpanti (Sī)	107
Upacchedanaṃ = Uddharaṇam (Syā)	78
Upadhāritabbaṃ = Upatṭhitam (Sī), Upatiṭṭham (Syā)	70
Upanibandhāpetvā = Upanāmetvā (Syā)	171
Upayavaggassa = Upāyavaggassa (Syā)	250
Upayehi = Upāyehi (Sī, Syā)	31
Upayoti = Upāyoti (Syā)	250
Uparipaṇṇāsako = Cūlapaṇṇāsako (Sī, Ka)	307
Upassutīti = Upassutinti (Sī)	69
Upekkhāvajjanāya ceva = Upekkhāvajjane ceva (Sī), Upekkhāvaṭṭanā ceva (Syā)	186
Uposathaṅgāni = Uposathaṅgam (Syā) Uposatham (Ka)	167
Ubbhamukho = Uddhammukho (Sī)	319
Uruvallyavāsī = Uruvelāyavāsī (Sī, Syā, Ka)	123

[Ū]

Ūno = Ono (Syā)	260
-----------------	-----

[E]

Ekacāṭiyam = Ekaṇṭiyam (Sī)	271
Ekamantaṃ = Ekamante (Syā)	145
Ekābaddhāni = Ekabandhanāni (Ka)	74

Nānāpāṭhā

Piṭṭhānkā

[E]

Ekūnatimse = Ekūnatimsatime (Sī)	263
Etaṃ = Evaṃ (Sī)	18
Etaṃ rūpaṃ = Evarūpaṃ (Sī)	200
Ettako = Ettake (Ka)	107
Ettha me natthi saṃsayoti = Aho lābhā te mārisāti (Syā), Ahonubhāvo mārisāti (Ka)	253
Eva nāma eke = Evaṃnāmikā (Syā, Ka)	314
Evamime = Evamimehi (Ka)	236
Evaṃ = Ettha (Sī, Ka)	302
Eḷagalāgumbeti = Eḷakāḷagumbeti (Ṭikā)	237

[O]

Okkamantā = Okkamanti, okkamantā (Syā, Ka)	13
Ottharivā = Otarivā (Sī)	142
Oṭāretvā = Otarivā (Sī)	106
Obhatacumbaṭā = Obhatacumbitā (Syā)	135
Omānapahānaṃ = Osānapahānaṃ (Sī)	60
Osāpetvā = Osāretvā (Sī)	180
Ohitasoto = Ohitasotova (Syā)	116, 223

[Ka]

Kacchusākhā = Kacchusaṅkhā (Ka)	164
Kaṇḍappamāṇā = Kaṇṭhappamāṇā (Sī)	207
Kaṇḍakaṃ = Kanthakaṃ (Sī) Kaṇṭhakaṃ (Syā)	263
Katamallapāsāṇaparicayassa yuddhabhūmim = Katamallanepacchassa yuddhabhūmim (Sī)	81
Katayogassa = Katayoggassa (Sī)	81
Katā = Kathitā (Ka)	211
Kathiyamānaṃ = Kathiyamāne (Sī)	261
Kantāranti = Kantāraṃ hi (Sī)	95

Nānāpāṭhā

Piṭṭhānkā

[Ka]

Kappāsavaṭṭanakaraṇīyaṃ = Kappāsavaṭṭanakaḷāyaṃ (Sī), Kappāsavaṭṭanakayaṃ (Syā)	207
Kammaṭṭhāne = Vipassanākammaṭṭhāne (Sī)	303
Kammanānattamūlakānaṃ = Kammanānattaṃ, kammanānattatāya kammanānattamūlakānaṃ (Sī)	300
Kammasamudayā = Kammasamudayo (Sī, Ka)	44
Kammāsadhammaṃ = Kammāsadammaṃ (Ka)	79
Karaṇḍake = Karaṇḍāya (Syā, Ka)	235
Karoti = Pakaroti (Sī)	72
Karoti ghaṭeti = Ghaṭṭeti vāyamati (Syā)	252
Kassapasadisena = Kassapādisena (Sī, Syā)	152
Kasambuṃ apakassatha = Kasambuñcāpakassatha (Sī)	46
Kāci vaḍḍhīti = Kācipi vaḍḍhīti (Syā)	76
Kājasatehi = Kājakasatehi (Sī)	274
Kāmabhavūpagakammameva = Kāmabhavūpagatakammameva (Syā)	13
Kāyaparicchinnaṃ = Kāyantikaṃ kāyaparicchinnaṃ (Sī)	73
Kāreti = Karoti (Sī)	113
Kāsāyāni = Kāsāvāni (Syā, Ka)	264
Kimetaṃ = Kimetaṃ kimetaṃ (Syā)	19
Kilesānaṃ = Sokānaṃ (Sī)	247
Kupito = Kuppito (Syā, Ka)	83
Kupitā = Akkositukāmā (Sī)	277
Kumārakā = Kumārabhūtā (Sī, Syā)	165
Kuraraghareti = Kulaghareti (Ka)	238
Kulāgaṇṭhikajātāti = Guḷiguṇṭhikajātāti (Sī), Guḷiguṇṭhikajātāti (Syā)	89
Kusalavimuttīti = Akusalaṃ vimuttīti (Sī, Syā) Ṭīkā passitabbā.	140
Kūṭassa samugghātena = Kūṭasamugghātena (Sī)	206
Kūṭe = Kūṭaṃ (Sī)	303
Ko nāma = Ko nukho (Sī)	291

Nānāpāṭhā

Piṭṭhāṅkā

[Ga]

Giddhamānasā = Bhijjamānasā (Syā) 97

Gihibyañjanabhaṭṭhakā”ti = Gihibyañjana-atthikāti (Sī)

Gihibyañjana-atthakāti (Syā) 220

Goṇakatthātānīti = Gonakatthātānīti (Syā) 297

[Gha]

Ghaṭeti = Ghaṭṭeti vāyamati (Syā) 252

Ghaṇḍam = Ghaṇṭam (Sī), Kaṇḍam (Syā) 209

Ghaṇṭim = Gaṇḍim (Sī, Syā, Ka) 272

[Ca]

Cattāro janā = Dhanuggahā janā (Syā) 209

Cattāro = Te cattāro (Sī, Ka) 251

Catunnam parivaṭṭanavasena = Catunnam catunnam parivattānam
vasena (Sī) 254

Caranti = Khādantā (Sī) 200

Caranti = Vadanti (Syā) 136

Carimakacittappattiyā = Purimakacittappavattiyā (Syā) 75

Carissatī”ti = Vicarasīti (Syā) 277

Cārayamāno = Haramāno (Syā) 157

Cittakeḷim = Cittakīlam (Syā) 205

Cittatameva = Cittam cittatameva (Sī) 300

Cittitāti = Cintitāti (Syā) 299

Cintetvā = Veditvā (Syā) 276

[Cha]

Chavivaṇṇasundaratāya = Vaṇṇasundaratāya (Sī, Syā) 216

Chinnakaṭṭhānam = Chinnakaṭṭhānam (Syā) 156

Nānāpāṭhā

Piṭṭhāṅkā

[Ja]

Javāpetvā = Jirāpetvā (Syā)	105
Jānī ^ṛ ti = Jānātīti (Sī, Ka)	170
Jāyampatikāti = Jayampatikāti (Sī, Ṭikāyaṃ ca.)	95
Jāyampatikā = Jāyapatikā (Syā)	172
Jino = Jinno (Sī)	315
Jiyābaddho = Jiyābandho (Sī, Ka)	207
Jirakādivasagandham = Jirakādisambhāragandham (Sī, Syā)	102
Jīyati ca = Jāyati ca jīyati ca (Sī, Syā)	305

[Jha]

Jhānapāripanthike = Jhānaparipanthike (Sī), Jhānapāripantham (Syā), Jhānaparibandhike (Ka)	216
---	-----

[Ña]

Ñātaṭṭhena = Ñāṇaṭṭhena (Sī, Syā) Ñātakaraṇaṭṭhena (Dī-Ṭṭha 2. 52 piṭṭhe)	20
--	----

[Tha]

Ṭhatvā = Caritvā (Sī), Vicaritvā (Syā)	75
Ṭhatvā = Khepetvā (Sī)	149
Ṭhapetukāmo = Thometukāmo (Ka)	61
Ṭhitassa tattakāro = Vītassa suttabhāro (Sī), Vītassa tantabhāvo (Syā)	144

[Ta]

Taṇhāvicaritāni = Aṭṭhasatataṇhāvicaritāni (Syā)	15
Tatiyaṃ ṭhānaṃ = Tatiyaphalaṃ (Syā)	253
Tatuttari = Tatuttariṃ (Sī), Taduttariṃ (Syā)	139
Tathattāya = Tathā tadatthāya (Sī) Tathā tāya (Syā)	269
Taraṇaṃ vā hotu maraṇaṃ vā = Maraṇaṃ vā hotu amaraṇaṃ vā (Syā)	170

Nānāpāṭhā

Piṭṭhaṅkā

[Ta]

Tattheke manāpo laddhako = Tattheva koci nāgo bhaddako (Syā)	280
Tatra = Tathā hi (Sī)	320
Talakūṭakavāsī = Himālayakūṭavāsī (Sī), Tagarakuṭivāsī (Syā)	322
Tāretum̐ = Patāretum̐ (Sī, Ka)	293
Tālavaṇṇena = Tālapaṇṇena (Ka)	220
Tālavaṇṇam̐ = Tālapaṇṇam̐ (Sī)	141
Tikkhakaravippasanna = Tikkhavisada (Sī)	301
Tiṭṭhamānam̐ rūpam̐ nāma = Tiṭṭhamānam̐ nāma (Sī)	91
Tiṭṭhantesupi = Vattantesupi (Syā)	187
Tiṇasanthāraṅgam̐ = Tiṇasantharikaṅgam̐ (Sī, Syā)	221
Timsayojanikā = Tiyojanikā (Sī)	82
Tucchapucchameva = Tucchameva (Sī)	30
Te kira = Te kira pabbajitā (Syā)	227
Tena = Tenettha (Syā) Tena thaddham̐ (Ka)	230
Teneva = Ekeneva (Sī)	296
Tesam̐ = Te (Syā)	96
Tehi vissaṭṭhā = Tehi te vissaṭṭhā (Syā)	277
Tam̐tampahānavato = Tam̐tampahānaṅgato (Sī)	234

[Tha]

Thāmaso = Thāmasā (Sī)	248
------------------------	-----

[Da]

Dakkhiṇato vā = Dakkhiṇato vā uddham̐ vā (Syā)	262
Dadhimaṇḍanamattena = Dadhimatthūnā (Sī) Dadhimaṭṭhanā (Syā)	112
Dabbajātiko = Sippajātiko (Ka)	49
Dasabalasuttantahāraṅgo = Sakalasuttantahāraṅgo (Sī)	
Vasalasuttantahāraṅgo (Syā)	3

Nānāpāṭhā

Piṭṭhāṅkā

[Da]

Dasame = Ānandasutte (Ka)	307
Dasseti = Desayati (Syā)	38
Dāpetum = Pāpetum (Syā)	285
Diṭṭhattā = Niddiṭṭhattā (Sī)	39
Diṭṭhithāmaso ceva diṭṭhiparāmāso ca na hoti = Diṭṭhiyā thāmahāve diṭṭhiparāmāso ca na hoti (Sī)	248
Diṭṭhim = Diṭṭhi (Syā)	14
Diṭṭhim = Diṭṭhiyā (Ka)	14
Diṭṭhesu = Diṭṭhesu diṭṭhesu (Sī), Diṭṭhesu kulesu (Sī)	230
Dīgharajjukabaddho = Dīgharajjukabaddha (Sī)	190
Dīghāyukatāya ca = Dīghāyukabhāve ca (Syā, Ka)	320
Dukkhajanikā = Dukkhajīvikā (Syā, Ka)	260
Dutiyadivase = Punadivase (Syā)	275
Dussaṅghitaṃ = Dussaṅghānaṃ (Sī)	106
Devattaṃ gato = Divaṃgato (Syā)	174
Desento = Dassento (Sī)	117
Desanāruḷhaṃ = Desanāya āruḷhaṃ (Sī, Syā)	30

[Dha]

Dhātugatacandanāṃ = Bāhugatacandanāṃ (Sī)	47
Dhātusaṃyuttassa = Nānattavaggassa (Syā, Ka)	121
Dhāretvā = Tīretvā (Sī)	302
Dhutavādānaṃ = Dhutaṅgadharānaṃ (Ka) (Sī)	129, 168
Dhutavādāva = Dhutadharāva (Sī)	129
Dhumetvā = Dhūmitvā (Sī) Phusitvā (Syā) Dhametvā (Ka)	93
Dhūpaṃ datvā = Pūjaṃ katvā (Syā, Ka)	176

[Na]

Nanu ca so sayampi = Nanu sayampi (Syā) Nanu ca tesāṃ sayampi (Ka)	163
Na paṭivijjhasi = Na sacchikarosi (Ka)	88
Nappajappāmināgataṃ = Nappajappāmanāgataṃ (Sī)	99

Nānāpāṭhā

Piṭṭhaṅkā

[Na]

Navacando = Vaḍḍhanacando (Ka)	189
Na hadayaṅgamā = Na hadayasukhā vācā (Syā)	
Na hadayasukhā vā (Ma-Ṭṭha 1. 203 piṭṭhe)	136
Nānāmukhe = Ṭṭhānamukhena (Ka)	212
Nāmisagarukā = Nāmisacakkhukā (Sī, Syā)	85
Nikkhamante = Nikkhante (Sī)	86
Niggahanti = Niggaṇṇhananti (Syā)	217
Nicchoṭanaṃ = Nicchedanaṃ (Sī)	303
Nicchoṭetīti = Nicchedetīti (Sī) Nipphoṭetīti (Syā)	303
Nijjhānakkhamaṃ = Nijjhānakkhamataṃ (Sī)	3
Nippakkhacamme = Nippattacamme (Syā)	201
Nibbattiphāsukatthaṃ = Nipphattiphāsukatthaṃ (Sī)	122
Nibbatte catumahābhūtamayeti = Nibbatto catumahābhūta- mayoti (Syā, Ka)	90
Nibbānataṃ = Nibbānathalaṃ (Ka)	75
Nibbidānupassanāya = Nibbidānupassanena (Syā, Ka)	233
Nimmariyādikatena = Nimmariyādena katena (Sī, Syā)	144
Nimmaṃsakatānaṃ = Nimmaṃsīkatānaṃ (Sī) Nimmaṃsakānaṃ (Syā)	201
Nirasā puggalā = Nissārapuggalā (Syā)	131
Nivāsanapaṭiggāhikāpi = Nivāsanapaṭiggāhikāyapi (Sī)	178
Nisinnaṭṭhānato = Nisīdanaṭṭhānato (Syā)	80
Nītattheraṃ = Nīlattheraṃ (Sī)	273
Nhatvā = Vatvā (Ka)	71
Nhānatitthe = Nadītittthe (Ka)	178
Nhāpanabhojanādīhi = Pānabhojanādīhi (Sī)	286

[Pa]

Pakkhandi = Pakkhando (Sī-Ka)	172
Pakkhalantānaṃ āhiṇḍantānaṃ = Pakkhalantā āhiṇḍatha (Sī, Syā)	100

Nānāpāṭhā

Piṭṭhāṅkā

[Pa]

Pakkhavātappattharaṇokāsampi = Pakkhavātappaharaṇokāsampi (Sī)	
	Pakkhavātappasāraṇokāsampi (Syā) 82
Paccakkhañāṇena = Sapaccakkhañāṇena (Ka)	113
Paccakkhaṃ vata katvā = Paccakkhañca taṃ katvā (Syā)	199
Paccāsīsamānā = Paccāsimsamānā (Sī, Syā)	4
Pacchiyaṃ ca = Pacchiyā ca (Syā), Pacchiyeva (Ka), Pacchiyo (?)	76
Pacchinditvā = Acchinditvā (Sī)	157
Pañcakkhandhanissitaṃ = Paccakkhanissitaṃ (Ka)	293
Paññāyantesveva = Paññāyamānesveva (Ka)	31
Paṭapaṭayantā = Taṭataṭāyantā (Sī, Syā)	91
Paṭṭacīvarādīnaṃ = Pattacīvarādīnaṃ (Syā, Ka)	150
Paṭṭisseyyāti = Pativiseyyāti (Sī), Patiṭṭhapeyyāti (Syā)	74
Paṭipajjeyyaṃ = Paṭivajjeyyaṃ (Ka)	167
Paṭisallāṇeti = Paṭisallāṇeti (Sī, Syā)	241
Paṭhamam hi tena = Paṭhamam hīnena (Syā)	91
Pattabhāvena = Santuṭṭhabhāvena (Ka)	248
Pattasampattim = Laddhasampattim (Sī), Pattasampattim attano (Syā)	240
Pattan'ti = Pattabbanti (Syā, Ka)	313
Patto = Abhisampatto (Sī)	143
Patitaṃ = Ṭhitaṃ (Sī, Syā)	122
Patitṭhite = Tesu patitṭhitesu (Ka)	256
Pathavīyeva = Paṭhavīdhātuyeva (Sī)	314
Padavāre = Ovāde (Sī)	253
Padīpassa jalato = Padīpassujjalato (Sī)	91
Panthaghātacorā = Sandhighātacorā (Syā)	148
Panassa = Parassa (Syā)	135
Pabbajitvā = Pabbajito (Sī)	87
Pabbajatiṇaṃ = Babbajatiṇaṃ (Sī)	89
Pamāṇanti = Parimāṇanti (Sī)	119
Payogo = Vacīpayogo (Syā)	136

Nānāpāṭhā

Piṭṭhaṅkā

[Pa]

Paramappamāṇaṃ = Parimāṇaṃ (Syā)	116
Paricitā = Parīcitā (Sī, Syā)	186
Paricchindanato = Parivaṭumato (Sī)	265
Paritassanāya ca = Paritāsassa ca (Ka)	292
Parittakaṃ = Parittataraṃ (Syā)	92
Paripācanadhātu = Paripācanīyadhātu (Sī)	141
Paripuṇṇavasena = Paripuṇṇāparipuṇṇavasena (Sī, Syā)	37
Paribbājikāya kathaṃ = Pariyāyakathaṃ (Sī)	319
Parimaṭṭhe = Parimaṭṭhena (Syā), Parimajje (Ka)	147
Pariyuṭṭhānākārena = Pariyuṭṭhaṭṭhena (Sī), Pariyuṭṭhānena (Syā)	235
Parihāyitvā = Parihāyamānaṃ (Syā)	149
Palālaṃ = Palāsaṃ (Syā)	252
Palālayamānasseva = Upalālayamānasseva (Sī)	19
Palimajjeyyāti = Palisattheyyāti (Sī), Palisajjeyyāti (Syā)	79
Palujjanattā = Palujjanakāya (Sī) Paluttattā (Syā)	293
Pavattati = Na saṃvattati (Syā)	17
Pavaneti = Brahāvaneti (Syā)	92
Pavāritapavāraṇā = Parisuddhapavāraṇā (Syā)	116
Pavāhitoti = Pagāḷhotipi pāṭho, pagāhitoti (Ka)	275
Pavedite = Paveditamhi (Syā)	227
Passati = Passantassa (Sī)	197
Passantassa = Sarantassa (Syā)	317
Passanti = Dassanti (Syā)	181
Passannanti sanditaṃ pavattaṃ = Passandanti sanditaṃ pavattaṃ (Sī), Pasandanti sandantaṃ pavattaṃ (Syā)	146
Pahaṭaḡhaṇḍi = Pahaṭaḡaṇḍi (Sī, Syā)	212
Pahaṭavaṇamūlakaṃ = Pahaṭavaṇamukhamūlaṃ (Syā)	105
Paheṇakasakkāro = Mahālābhasakkāro (Syā), Pahonakasakkāro (Ka)	311

Nānāpāṭhā

Piṭṭhāṅkā

[Pa]

Pāti-ādīsu = Cāṭi-ādīsu (Syā)	80
Pātheyyaṃ niṭṭhāsi, te = Pātheyye niṭṭhāpīte (Syā)	96
Pāmaṅgasuttaṃ = Pāmaṅgasuttakaṃ (Syā)	110
Pālīeyya = Pārīeyya (Sī)	280
Pippalimāṇavo = Pippalimāṇavo (Sī, Syā)	177
Pīṭhamaddano = Sivamaddano (Sī)	47
Pītamallatthero = Pītimallatthero (Sī)	272
Pīto = Pivato (Ka)	23
Pucchitā = Pucchitvā (Sī)	18
Puṇṇacandasassirikāṃ = Puṇṇacandasarikkhakāṃ (Sī)	225
Pupphitaṃ = Vaḍḍhitaṃ (Syā)	108
Pubbuḷādīhi = Bubbuḷādīhi (Sī)	295
Purimaṃ atītanti = Purimaṃ antaṃ atītanti (Sī) Ṭikāpi passitabbā.	39
Pesento = Pājento (Sī)	217
Potaṃ = Potakaṃ (Sī)	195
Potthalikādayo = Potalikādayo (Sī), Potalakādayo (Syā)	40
Pamsupisācakā vidhamsayanti = Pamsupisācakāpi dhamsayanti (Sī)	206

[Pha]

Phandanakāle = Bandhanakāle (Sī)	312
Pharivā gāthāya = Pharamānagāthāya (Sī)	302
Phātim = Ṭhitim (Sī, Ka)	241
Phātim gamissatīti = Phāti bhavissatīti (Sī, Ka)	241
Phuṇanti = Thunanti (Syā), Punanti (Ka)	104
Phussarathaṃ = Pussarathaṃ (Syā)	174
Phenapiṇḍo = Kheḷapiṇḍo (Sī), Phenupiṇḍo (Syā)	142

Nānāpāṭhā

Piṭṭhaṅkā

[Ba]

Badarapakḥappamāṇato = Badaraṭṭhipamāṇato (Sī), Padaracakkapamāṇato (Syā)	294
Bandhāruḥhamago = Paṅṭhāruddhāmitto (Syā)	278
Bandhitvā = Madditvā (Syā)	76
Balanti = Phalanti (Sī)	304
Balavavipassanākāle = Balavavipassanākārena (Ka)	266
Bahu-aṭṭhikālaṅca = Atibahu-aṭṭhikālaṅca (Syā)	147
Bindūnissā = Sedabindūnissā (Sī), Bindubindūnihissā (Vi-Ṭṭha 2. 100 piṭṭhe)	204
Bījayamāno = Vījayamāno (Sī), Vījyamāno (Syā)	58
Bujjhitvā = Paṭivijjhitvā (Sī), Vibujjhitvā (Syā)	9
Buddhapūjādipuññaṃ = Puppahagandhapūjādipuññaṃ (Sī)	277
Bodhimā = Bodhiyā (Sī)	20

[Bha]

Bhagavati = Bhagavanti (Sī, Ka)	182
Bhaddasālo pana = Bhaddasālo nāma (Sī)	280
Bhayaṃ = Vāso (Sī)	272
Bhante = Sādhu bhante (Sī)	252
Bhamitabbo = Gamitabbo (Sī, Syā)	192
Bharitā = Pūritā (Syā)	191
Bhāveyyāsi = Manasikareyyāsi (Sī)	5
Bhāvaṃ diṭṭhigataṃ = Sāsavaṃ diṭṭhigataṃ (Sī), Chavadiṭṭhigataṃ (Syā)	70
Bhinnagharānaṃ sandhi = Dvinnāṃ gharānaṃ sandhi (Sī)	213
Bhedatthaṅgamoti = Rodhatthaṅgamoti (Sī)	69
Bhedanadukkhaṃ = Todanadukkhaṃ (Sī)	203
Bho = Hambho (Sī, Syā)	76
Bhogo = Bhāgo (Sī)	278

Nānāpāṭhā

Piṭṭhāṅkā

[Ma]

Maṇibhāsaṃ = Maṇigaṅgāya (Syā)	80
Maṇḍalādibhāvameva = Maṇḍalādi-ākārameva (Sī)	
Dī-Ṭṭha 2. 76 piṭṭhe	270
Maddamānaṃ = Patamānaṃ (Ka)	191
Maddaraṭṭhaṃ = Tattha (Sī)	177
Madditvā = Cajetvā (Syā)	170
Madhuradhammadesanāyeva = Madhuradhammasavanaṃyeva (Sī)	231
Madhurapaṃsum = ... cuṇṇamayamadhurapaṃsum (Ka)	79
Madhurarasadaṃ = Madhurassaraṃ (Sī, Syā)	111
Manasikārāyattā = Manasikārayuttā (Syā)	2
Mantāṇiputtoti = Mantāniputtoti (Syā)	283
Mamattena = Pamattā (Sī), Mamattā (Ka)	110
Masikaraṇaṃ = Maṃsikāro (Ka)	78
Mahallakittiyo ca = Kāṇakuṭṭhino ca (Syā)	217
Mahāsamudde ca = Mahāsamudde ca satta mahāmacchā honti (Sī)	81
Mā bhaṇīti = Mā bhaṇāti (Syā)	81
Māriyamānesu = Hariyamānesu (Syā)	277
Māsapuṇṇaghaṭo = Sampuṇṇaghaṭo (Sī)	141
Migagaṇassa = Migānaṃ (Sī)	229
Migaṃ = Migavaṃ (Ka)	160
Micchāpaccavekkhaṇena = Micchāviññāṇā	
micchāpaccavekkhaṇena (Sī)	140
Mittānamaddubbho = Mittānamadrubbho (Syā, Ka)	6
Milakattherassa = Milakkhattherassa (Sī)	251
Mūlaphalasantānādīni = Mūlapalisatthanādīni (Sī)	79
Mūlaṃ = Kammapaṭhaṃ (Syā, Ka)	139

[Ya]

Yathā pana kathite = Yathā kathaṅci pana (Syā)	95
Yassa = Yassā (Syā)	281
Yassa taṃ vācaṃ = Parassa vācaṃ (Sī, Syā, Ka)	135

Nānāpāṭhā

Piṭṭhaṅkā

[Ya]

Yatheva = Yathā vā (Sī)	190
Yāguttāya = Yāgutthāya (Sī)	269
Yāthāvato dassanaṃ = Yathāvasarasadassanaṃ (Syā)	103
Yāvakappaṭṭhānaṃ = Yāvatakaṃ ṭṭhānaṃ (Sī)	78
Yuttā = Vuttā (Sī)	13
Yogāvacarō = Yegāvacarova (Sī), Yogāvacarō ca (Ka)	272
Yojanappamāṇāpi = Tiyojanapamāṇāpi (Syā)	200
Yojanasatamatte = Tiyojanasatamatte (Syā) Dī-Ṭṭha 2. 77 piṭṭhe ca.	82
Yojanasatikakantāraṃ = Yojanasataṃ kantāraṃ (Sī, Ka)	96
Yonena = Yena (Sī, Ka)	35

[Ra]

Rakkhaṇabhāvaṃ = Rakkhamānabhāvaṃ (Sī)	158
Raṇṇo = Magadharaṇṇo (Ka)	264
Rattaṃ vā = Settaṃ vā rattaṃ vā (Ka)	266
Ratanacaṅkoṭavarena = Suvaṇṇacaṅkoṭavarena (Sī, Syā)	28
Rattakambalavitānamajjhaṃ = Rattuppalavitānamajjhaṃ (Sī), Rattuppalamālāvitānamajjhaṃ (Dī-Ṭṭha 2. 75 piṭṭhe)	79
Rūpattāya = Rūpatthāya (Sī)	269

[La]

Laggapucchā = Puggalapucchā (Syā)	308
Laṇḍapūrako ca = Leḍḍupātano ca (Sī), Laṇḍasādano ca (Syā)	47

[Va]

Vacaniyattena = Vacaniyatthena (Syā, Ka), Vañcaniyatthena (Ma-Ṭṭha 1. 228 piṭṭhe)	17
Vaṭṭasannissito = Vaṭṭajalasannissito (Ka)	293

Nānāpāṭhā

Piṭṭhāṅkā

[Va]

Vatṭitvā = Cavitvā (Sī), Dhamsitvā (Vi-Ṭṭha 2. 100 piṭṭhe)	
Vattitvā (Ka)	203
Vattapaṭivattaṃ = Vattapaṭipattim (Ka)	232
Vattaṃ = Yuttaṃ (Sī), Vuttaṃ (Ka)	287
Vassasatṭhikattherā = Vassasatikattherā (Sī)	225
Vasālanagaragāmato = Vasolanagaragāmato (Syā)	155
Vātakkhittā = Vātukkhittā (Syā)	90
Vātiṅgaṇanāḷikera = Vātiṅgaṇanāḷikaramadda (Sī),	
Vātiṅgaṇatālaketakīkaḷīranāḷikera (Syā)	270
Vāyupatthambhakaṃ = Dhātupatthambhakaṃ (Sī, Syā)	156
Vālikāpuḷine = Vālikāpiṭṭhe (Sī)	268
Vāhasataṃ = Vāhasatānaṃ (Sī, Syā, Ka)	92
Vi-asanaṃ = Viyasaṃ (Ka)	146
Vitthambhanadhātu = Upatthambhanadhātu (Syā)	141
Viddhakummo = Biḷakummo (Sī) Baḷisakummo (Ka)	191
Vipassakaṃ = Sukhumadiṭṭhivipassanaṃ (Syā)	192
Vipassanāvīññāṇaṃ = Vipassanāññāṇaṃ (Sī)	107
Vipphandantiyo = Vippharantiyo (Syā)	181
Vibhūtāya = Vibhūtātāya (Sī), Vibhūtattāya	
(Khu 8. 50 piṭṭhe Cūḷaniddese.)	8
Viyasati = Viyassati (Sī) Byasati (Vi Ṭṭha 1. 193 piṭṭhe)	146
Viravan”ti ca = Paridevanti ca (Ka)	315
Virājento = Virajjento (Sī)	50
Vivaṭṭento = Vivajjento (Ka)	30
Visadañño = Visāradañño (Syā)	81
Vissatṭhīti = Vissatthīti (Ṭīkā)	292
Vuccamāne = Vuccamāno (Ka)	242
Vegeneva = Bhikkhugavesaneneva (Syā)	276
Veṭhetvā = Vaṭṭetvā (Syā)	316
Vedallapiṭakanti = Vedallapiṭakādi (Ka)	186

Nānāpāṭhā

Piṭṭhaṅkā

[Sa]

Saṅkuṭito = Saṅkucito (Sī)	41
Saggamaggaphalānaṃ = Maggaphalānaṃ (Sī)	50
Saṅghāta = Saṅkhātaṃ (Sī, Syā)	41
Saññā = Rūpasaññā (Syā)	122
Saññāviññāṇapaññānaṃ = Saññāviññāṇānaṃ (Ka)	270
Saṭṭhiyā ca = Saddhimyāva (Syā)	263
Satasahassagghanike = Sahassagghanake (Sī)	63
Sattāhavaddalikāya = Sattāhavaddhalikāya (Syā)	142
Sati vāto = Parilāho mahāvāto (Syā)	104
Satti pahaṭavaṇamūlakaṃ dukkhaṃ = Sattihi pahaṭavaṇamukha- mūladukkhaṃ (Syā) Sattipahaṭavaṇamūlaṃ khedaṃdukkhaṃ (Ka)	105
Saddamakāsīti = Vissaramakāsi (Syā)	200
Sannirujjhaṇaṃ = Sannirumbhaṇaṃ (Sī)	91
Sabbamāgatameva = Samāgatameva (Syā, Ka)	26
Sabbameva = Khippameva (Sī)	86
Sabbhāvato = Sambhavato (Sī)	12
Samaṭṭhikālova = Appaṭṭhikālova (Sī)	147
Samaṇakapabbajjaṃ = Samaṇapabbajjaṃ (Sī, Syā)	176
Samannāgatattā nipako = Samannāgato nipako (Syā), Samannāgataṃ tathāgataṃ nipato (Ka)	56
Sammasanti = Sammasananti (Sī)	110
Sammasanacārosati = Sammasanaṃ karoti (Ka)	107
Sametikāti = Samāhitāti (Sī), Samenikāti (Syā)	227
Sayantā = Vasantā (Syā)	263
Sarikkhakattena = Sarikkhakatṭhena (Sī, Syā)	37
Sarena = Saddena (Syā)	212
Sallasuttasadisā = Sallekhasuttasadisā (Sī)	211
Sādhento = Dassento (Sī)	316
Sāraṇīyadhamme = Sāraṇīyadhamme (Sī, Syā)	99
Sā sabbāpi = So sabbopi (Sī)	87

Nānāpāṭhā

Piṭṭhāṅkā

[Sa]

Sāssa = Sāyaṃ (Sī, Ka)	291
Sītānudahanamattampi = Sītātamattampi (Sī)	142
Sīsēnādāya = Sīrenādāya (Syā), Sīre katvāna (Ka)	253
Sukkhābhattamanda- byañjanādīni = Sukkhābhattābaddhabyañjanādīni (Sī), Sukkhābhattāthaddhabyañjanādīni (Syā)	98
Suṭṭhutarāṃ = Suṭṭhu (Sī)	168
Suvaṇṇatale = Suvaṇṇaphalakānaṃ (Syā), Suvaṇṇaphalake (Ka)	261
Suvaṇṇabhiṅgāraṃ = Suvaṇṇabhiṅkāraṃ (Sī)	175
Suvaṇṇarasavidhānaṃ = Suvaṇṇarasavidhānaṃ (Sī), Suvaṇṇakārassa viddhīnaṃ (Syā)	186
Sūriyārasmisamphuṭṭhāni paripākagatāni padumāni viya = Sūriyārasmisamphuṭṭhāni viya paripākagatāni padumāni (Sī)	9
Sūlamāṃsañcāti = Thūlamāṃsañcāti (Syā, Ka)	96
Sekhehipi = Sekhehipi asekhehipi (Syā)	113
Sedatintaṃ vatthaṃ = Sede sati taṃ vatthampi (Syā)	141
Sottiyena = Sotthiyena (sabbattha)	264
So Buddhānaṃ = Pubbabuddhānaṃ (Syā), Sutabuddhānaṃ (Ka)	51
Saṅkicco = Saṅkiccho (Ka)	315
Samgharivā = Samharivā (Sī)	170
Sambhaggapalibhaggatāya = Sambhaggavibhaggatāya (Sī)	11
Samśaranti = Saṅkamanti (Sī)	145
Samśayapakkhando = Samśayapakkhanto (Sī)	8

[Ha]

Hatthīnaṃ = Pakatihatthīnaṃ (Ka)	41
Hetuto = Hetuṃ (Ka)	39